



3 pieces bound together



Smithsonian  
Institution  
Libraries

Gift of

DR. FREDERICK M. BAYER



CONRADI GESNERI

# DE RERVM

FOSSILIVM, LAPIDVM ET GEMMARVM

maximè, figuris & similitudinibus Liber: non solum Medicis, sed omnibus rerum Naturæ ac Philologiæ studiosis, utilis & iucundus futurus.



Cum Gratia & Privilegio S. Cæs. Maiestatis ad annos V II.

TIGVRI M. D. LXV.



QE  
25  
G396  
1345  
58VH03

NOBILI VIRO  
D. ANDREAE SCHADCO-  
uio, Salinarum Cracouiensium No-  
tario, patriæ decori, Conradus  
Gesnerus Heluetius  
S. D.



*ARAE & singulares tuae  
virtutes, vir nobilissime & pa-  
trone observande, maximè ve-  
rò pietatis sincerioris feruens  
studium, & doctrina inter tui ordinis viros  
excellens, ut iampridem te suspiciendum co-  
lendumq; mihi deligerem, facile induxerunt.  
Postquam verò te quoq; amore ac beneuolen-  
tia me dignari hominem tibi de facie ignotū,  
lucubrationibus fortè meis qualibuscunq; de-  
lectatum, ex Antonij Snebergeri (cuius ac di-  
scipuli quondam mei charissimi, nunc in cla-  
rissima Regni vestri vrbe Cracouia doctissi-  
mi celeberrimiq; medici,) literis intellexi: &  
beneficentiae insuper tuae fructum aliquē per-  
cepi: quo pacto animum observantissimum si-  
mul amantissimumq; tui, non ingratum tibi*

## E P I S T O L A

meum declararem (quod facere, ut par erat, cupiebam,) dubitavi aliquandiu. Nunc verò tandem edituro mihi hunc de lapidibus ac gemmis libellum, dum pro more patronum ei quaero, tu omnium primus in mentem mihi venisti, tum prædictas ob causas: tum quòd inter alias virtutes, quibus patriam ornas, summa vitæ modestia & benigna erga omnes probos ac literarum studiosos præsertim, humanitas perpetuò in te elucescunt. His verò mihi quoq; ad hanc lucubrationem opus est, utpote rudiorum & imperfectiorum quàm cupiebam multò. Perficiendi autem ocium non in præsentia solum deerat, sed neq; intra vnum alterumq; annum, si vita modò supersit, integrum mihi id futurum videbam. Itaque malui tibi optimo & humanissimo patrono, quod hoc tempore poteram præstare, quàm differre diutius. Quantum ad libri ordinem: nolui alphabeticum sequi, utpote nimis vulgatum & triuialem: neque ad suas classes secundum substantiæ cuiusq; rationem singula referre. hoc enim in secundo libro (in quo lapidum ac metallorum omne genus vim naturamq; & philo-



## DEDICATORIA.

philologiam quoque copi se explicabo) si quādo illum huic adijcere, aut seorsim adere dabitur, observare statui. Hoc verò in libro, (qui rerum fossilium, hoc est, metallorum & lapidum in primis, figuras exhibet) similitudinū & imaginum, quas ipsa genitrix Natura in rebus tam varijs veluti pingendo expressit, consideratione oblectatus, ipsos etiam Naturæ gradus ac ordines, sequi volui: hoc est, à simplicibus dimensionum ac figurarum principijs, & lineamentis primis Opus auspiciari: inde verò ad ipsa corpora simplicia primū, ut cælum ac elementa, ab hisce rursus ad cōposita ex eis, Meteora, Plantas, Animalia transire: & in singulis quæ ab eis denominantur, aut aliquam eorum similitudinē habent, fossilia enumerare: atque à cœlo & coelestibus paulatim ad terram & quæ in ipsa aluntur viuuntq; aut vigent corpora descendere: id quod physicorum est, dum ratione & sensu interiore omni scrutantur Naturam: Theologorum verò, imò piorum hominum quorumvis, intelligentia melior, quam mentem & spiritum appellamus, ne in hoc descensu anima

## E P I S T O L A

*immoretur nimium, meliore & altiore quam  
 Natura est, principio relicto, efficit. Itaq; vi  
 ce versa ab hoc veluti infimo mundi centro  
 ascendit, nosq; ipsos, ut ceteras res naturales  
 omnes, veluti resolvēs cogitādo in partes sim  
 pliciores, ad simplicissima vsq; pergit, sed ad  
 huc corpora, imò unius corporis, quod Mun  
 dum appellamus, membra: ex quorum vigore  
 harmonia, motu, ordine, & pulchritudine, o  
 mnibus admirandis & in suo genere optimis  
 maximisq;, non posse tantum hoc corpus sine  
 mente meliore & perfectiore, quam quæ no  
 stro corpori inest, suam vitam vivere, regi,  
 moveri, conservari & durare, facile cogitat:  
 inq; hoc ipso summo principio optimo maxi  
 moq; acquiescit, & relictis inferioribus Na  
 turæ gradibus, cum summo hoc bono coniun  
 gi perpetuò, ineffabili desiderio auct: sed infir  
 mitatis suæ ac indignitatis sibi conscia quod  
 amat & cupit, eo se potiri posse non sperat: fo  
 retq; in hac desperatione & repulsa planè  
 vel ipsis belluis infelicior & miserior longè:  
 nisi vocem & verbum vocantis nos ad se Fi  
 lij Dei, (is ipse enim Dei verbum est) audiret:  
 & consolantis Spiritus sancti vim incredibi*

## DEDICATORIA.

li amore summi boni exardescens sentiret:  
 Hoc ipso autē veluti igne viuentis fidei, quæ  
 Deo & veritati credit propter gratiā & mi-  
 sericordiam eius in filio mirificè declaratā,  
 ab omni indignitate sua expiata lustrataq;,  
 in vini & veri Dei conspectum, vt eo eter-  
 nū fruatur, venire iam audet: vbi Gēmas  
 illas supercœlestes, quæ non terrenas modò no-  
 stras, sed ipsas etiam cœli stellas, & Solis Lu-  
 næq; iubar, puritate, lucē & pulchritudine  
 longè excedūt, perpetua & ineffabili dulcedi-  
 ne cōtēplatur. Talibus enim smaragdis, chry-  
 solithis, beryllis, hyacinthis, alijsq; huiusmodi,  
 portæ, mœnia, fundamenta totaq; structura  
 æternæ illius, spiritualis & cœlestis Hierusa-  
 lem constat: in cuius meditatione & spe, om-  
 nis nostra felicitas vt hic incipit: ita perficie-  
 tur breui per illum optimum, maximū, ineffa-  
 bilem rerū omnium opificē, motorem, paren-  
 tem: qui idcirco ardentissimum hoc desiderii  
 sui animis nostris inseruit, vt amare ipsum  
 non desinentes immortalem aliquando huius  
 amoris & desiderij fructum caperemus. Sed  
 longius mihi abripior: & nimio cœlestium

## EPISTOLA

Gemmarum fulgore captus animus terrenas propemodum obliuiscitur. Ad eas igitur & institutum à nobis earum qualemcunq; picturam redeo. Pictura certè ars homini propria & liberalis, admiratione simul & oblectatione plerunq; spectantes afficere solet: A natura verò rebus impressæ imagines ac figuræ, ceu reuera quædam hieroglyphicæ notæ, veriùs quidem quàm illæ Aegyptiorum sacrificis celebratæ, maiestatis etiam aliquid præ se ferunt: præsertim quæ nõ fortuitæ fuerint, sed planè naturales & (vt ita dicam) specificæ, ac generi alicui semper ceu propriæ inherere videtur, vt in Stirpium genere ac Fossilium. Nam de alio illo terribilium & rarò contingentium imaginum genere, quæ vel in aëre sublimi, vel monstrosis partibus, alijs uè ostentis contingunt, nunc mihi sermo non est. Ergo admirationis huius causa, & vt ad cognitionem rerum quarundam, quæ verbis describi non ita clarè possunt, faciliùs perueniant harum rerum studiosi, figuras quotquot ferè hoc tempore habere potui, adijcere visum est.

Accipe igitur, clarissime Schadconi, hoc  
quic-



## DEDICATORIA.

quicquid est, & boni consule: donec forsan aliquando absoluta Stirpium historia, in quam nunc totus incumbo, idem hoc argumentum altero libro, quem polliceor, addito, si diuina fauerint, amplius excolam: In quo de Sale etiam, pluribus agam: quod tibi eò iucundius futurum spero: quoniam Craconiensium Salinarum, per omnem Europam celeberrimarum, serenissimus Rex, ut eximiae virtutes tuae, probitas & fides in primis merebantur, Notarium te constituit. Vale, vir amplissime, bonorum doctorumque omnium, & piorum in primis, patrone optime: & viue quam foelicissime diutissimeque incolumis Ecclesiae Christi, toti que patriae, & amicis, ac tuis omnibus.

Tiguri Heluetiorum, M. D. LXV.

quinto Kal. Augusti.

CONRADI GES-  
NERI IN LIBRVM DE  
*Lapidum, Gemmarum ac Metallorum figu-  
ris, Prefatio: quæ ordinis rationē red-  
dit, & Capitem XV. argumen-  
ta enumerat.*



DE Lapidibus & Gemmis  
alij aliter suos ediderunt  
libros: mihi hūc ordinem  
sequi visum est, quem (ut  
spero) lectores non improbabunt, ab  
ipsa ferè natura deductum. Primo e-  
nim loco lapides illos, in quibus li-  
neæ duntaxat & puncta, & ad figurā  
pertinētia magis quàm ad corpus cō-  
siderantur, numero. Secundo, eos  
qui vel simile aliquid corporibus sim-  
plicibus, ut cœlestibus & elementis  
habent: vel saltem ab eis denominan-  
tur aut cognominātur. Tertio, qui  
meteoris aliqua similitudine compa-  
rantur. Quarto, qui rebus terrestri-  
bus inanimatis. Quinto, qui rebus  
artifi-

## *P R A E F A T I O.*

artificiosis natura similes sunt. Sexto, ijsdem nō naturā quidem, sed arte similes. Septimo, herbis. Octavo, fruticibus. Nono, arboribus.

Decimo, de Corallio, tanquā planta marina agitur. Undecimo, de alijs quibusdam marinis aut maritimis plantis lapideis, aut ad lapidum naturam accedentibus. XII. De ijs qui animalibus quadrupedibus similes sunt, siue figura tantum, siue substantia & corpore: & qui ex eis promuntur, vel quomodocunq; ab eis denominantur. XIII. De ijs qui ab auiibus sumuntur aut nominantur. Decimo quarto, ab aquatilibus animalibus. Decimo quinto, à serpentibus & insectis.

De his autem potissimū hoc libro agere volui, quòd eorum fortè omnium figuræ exprimi ac depingi possint: quæ ad rerum cognitionem adipsiscendam plurimū iuuant. Cognosci autem res prius, quàm de ipsarū na-

## P R A E F A T I O

tura, viribus ac facultatibus sermonē institui, operæ precium est. Posui autē figuras non omnium, sed quotquot hoc tempore habere potui, plerasque ex illis quos domi ipse seruo lapidibus rectè & graphicè depictos: aliquas verò ab amicis missas, Iohanne Kentmano præsertim, non medico solum doctrina præstanti, sed omnium naturalium rerum consultissimo optimoq; viro: cui maximam huius cognitionis partem acceptā refero. Ab eo enim & res ipsas quàm plurimas, & descriptiones figurasq; multas accepi: quod vt virum ingenuū decet, tam liberè fateor, quàm libenter, cum illum & maximi faciā, & summo inter summos amicos loco habeam.

Scripsi autem primum hunc librū extemporanea quadam festinatione, historiæ stirpium nostræ iam dudum inchoatæ, hoc tēpus veluti ad lusum & recreationem suffuratus, vt homines harum rerū studiosos in diuersis



## P R A E F A T I O


regionibus ad alia quibus adhuc ca-  
reo ex illorū qui rectè pingi possunt,  
& memoria digni sunt, genere lapidū,  
mihi comunicāda, excitare. Quòd  
si fecerint viri boni naturęq; studiosi,  
ac insuper sicubi fortè emendandum  
aliquid in hoc libro videatur admo-  
nuerint, vt aliās (Historia stirpiū prius  
absoluta, Deo iuuante) hunc rursus  
emendatiorem auctioremq; edam, &  
secundum etiam librum (in quo co-  
piosè de lapidum, gemmarum, metal-  
lorum ac fossilium omnium nomen-  
claturis in diuersis linguis, & viribus  
eorum facultatibusq; tum medicis  
tum reliquis, & vniuersa eorum natu-  
ra, agere decreui,) huic primo vt addā  
me promouebunt. Quantum verò  
ad delineatas figuras attinet, cum ego  
primus lapides pictos volumine ijs di-  
cato exhibere tentauerim, boni con-  
sulent lectores qualem cunq; diligen-  
tiam hanc nostram: & si fortè aliquas  
non facilè dignoscent, non nobis, sed

P R A E F A T I O.

rei difficultati imputent. perdifficile enim est lapides aliquos ita pingēdo repræsentare vt facilè suis lineamentis suaq; figura cognoscantur, præsertim sine coloribus, cū ne aues quidem & pisces pleriq; sine ijs facilè agnoscantur. Quamobrem Typographum hortatus sum, vt in eorum gratiam, qui fortè desiderarint, exemplaribus aliquot colores addendos curaret. Sunt quæ per se pingi nō queāt, sed aliquo addito, vt Magnes massa informis adpicto acu quem ad se trahat, aut scobe ferri quæ lima apposita intelligatur. Iris verò, si ad parietē arcus cœlestis ei adpingatur: & vnio in sua concha. Sed huiusmodi p accidēs picturas, vt ita dicam, nullas ego exhibui, pter Magnetē speciminis gratia. Sunt etiā quæ suo colore, quē ipsa de se reddūt, pingi & repræsentari queant quorū tabellā sub finē libri, interual. lis aliquot, quorum suo quodq; colore rei fossilis diuersæ pingitur, aut pingi potest, distinctam subieciimus.

## CAPVT I

*De lapidibus illis in quibus lineæ potissimum  
considerantur, aut puncta, & figura in su-  
perficie magis, quàm corpus solidum aut  
eius forma.*

 Philosophus quartâ Qua-  
litas speciem facit figu-  
ram, & suâ cuiusq; rei for-  
mam, externam scilicet &  
in superficie apparentē. Huic & cur-  
uitatem & rectitudinem, & si quid hu-  
iusmodi (inquit) est, adnumerat. Fi-  
guram eruditi definiunt, qualitatem  
seu differentiam quandam superficiei  
secundum angulos, quos vel habet,  
vel eis caret. Figuræ autem differen-  
tiæ videtur propriæ, rotundum & an-  
gulosum. angulosi verò, triangulum,  
quadratum, pentagonon, hexagonū,  
&c. Hæc rursus aut in superficie tan-  
tū, aut in solidis corporibus spectā-  
tur. Videtur autem figurę nomen sim

plicius aliquid significare, vt quæ vel ex vna linea constare possit, vt circulus: vel superficie vna, vt sphæra: vel paucis certè lineis, tribus, aut quatuor. Quod si lineæ duæ sint, angulus & curuitas accedūt in superficie mathematica: in solida autem, tribus minimum opus est. Forma verò è multis varijsq; lineis, angulis, & superficiebus cōstat, nec vno nomine communi appellari solet, vt figura: quæ nullā materiam sibi propriam habet, vt mathematicæ figuræ omnes. quare cogitatione etiam abstrahi à materia, & sine illa definiri ac considerari possunt. Forma verò sua cuiq; est, vt interior & essentialis, quæ ratione sola cognoscitur: sic etiam externa, quæ è pluribus figuris (vt totum è partibus) earumq; differentijs constat: & certo partium singularum ordine, situ, ac proportioneseu inter se mutuò comparatione constat: quæ si probè se habeant, formosa, pulchra, aut bene formata & modè-



moderata, (Græcè *δύμορφα*, *ὀύτακτα*,  
 & *σύμμετρα* dicimus:) sin contrà, de-  
 formia, informia. Figura verò abfolu-  
 tè dici solet. Eadem vt simplicior est,  
 ita suum nomen habet, & à quouis fa-  
 cilè pingitur. Forma nomen non ha-  
 bet, neq; interna, nisi fingamus, vt *πα-  
 ρὰ τὸ ἀνθρώπου, ἀνθρώπουτης; παρὰ τὸ ἵππου,  
 ἵππουτης*, sicut Platonici fingeant: ne-  
 que externa, nisi circumloquamur, vt  
 forma bouis, forma equi: quam & fi-  
 guram aliqui nominant, siue impro-  
 priè, siue generis nomē pro specie po-  
 nentes, vt fieri solet. Figuram verò pri-  
 mò proprièq; dictā, nemo formæ no-  
 mine vocitat in superficie præsertim  
 vna solaq;: cum formam rotundam,  
 teretem, triangulam aut similiter dice-  
 re non sit vsitatum. Errant, Simplicitas  
 teste, qui formā animalibus propriā  
 faciunt: figuram inanimatis. Sunt qui  
 formam rebus naturalibus omnibus  
 attribuant: figuram mathematicis so-  
 lūm. Nos in hisce figuram primò dici

*De figuris lapidum, &c.*

putamus, nō tamen solis: vt formam non naturalibus tantū, et si id magis propriè, sed artificiosis quoq; tribuimus: vt cum statua hominis, eiusdem forma dicitur. Ergo quæ figurata & formata sunt, pingi possunt: quæ figura formaq; carent, non possunt, vt elementa & similia seu simplicia (τὰ ὁμοιομερῆ) corpora tum mundi huius, tum singulorum etiam mixtorū: quorū sua cuiq; proxima propriaq; sunt elementa: vt homini sanguis, pituita & vtraq; bilis.

Nos toto hoc in libro figuras formasq; lapidum & rerum fossilium ac similiarum, aliquot pictas dabimus: alias quidem in alijs capitibus, prout alię alijs rebus similes sunt, aut ex alijs atq; alijs rebus forma differentibus sumuntur. In præsentī verò capite de lineis primū, ceu figurarum initijs agemus: postea etiam de angulis, qui ex lineis duabus, aut duarum superficierum coeuntibus fiunt. Quod si quæ

si quæ occurrerent, figuræ aut formæ rei naturali alteri nulli similes, etiam huc referri possent. Sed vix ullas huiusmodi reperiri puto. Obscuriores enim plerunque hæ similitudines sunt: nec certum & constans aliquid in his habemus. Quare liberum esto vel huc vel aliò talia referre. Ante lineas puncta locum haberet: solet autem vel potest punctorum & macularum discursus ac varietas, serpentium corporibus cõparari.

Onychipuncta iaspis à Plinio cognominatur lasponyx gemma: qui & aliam laspidis speciem celebrat, rutilis stellatam punctis. Idem de Sandastro: Commendatio eius summa, inquit, quòd velut in translucido stellantibus intus fulgent aureæ guttæ. In Sideropœcilo variant guttæ, Plinius.

Puncta quidem in superficie variè sparsa, stellarum nomine quandoque eleganter vocantur, ut apparebit etiã Capite 2. inter lapides à stellis deno-



*De figuris lapidum, &c.*

minatos. Acopis gēma aureis guttis stellata est Plinio: & Prasij alterum genus sanguineis punctis abhorret.

Ophites quidam cinerei coloris & punctis varius est, *κατὰ σιγὴν*, Dioscoridi. Epiphanius Sapphiri specie *κατὰ σιγὴν* facit, hoc est, punctis aspersam aureis. Punctis maiores sunt bullæ & verrucæ. Ostracitin Plinij cœruleæ interdum bullæ cingunt, Myrmeciam verrucæ exasperant.

In lapidum genere, saxis, rupibus, scopulis, marmoribus, nulla certa figura est, quanquam enim indiuiduis omnibus inter solida corpora, figura aut forma aliqua sit, propria tamē eis & vniuersalis non est. Gemmarum verò & minorum lapidum, quorum aliqua vis & admiratio est, plurimi certam figuram aut formā habent: quod perfectior magisq; definita earum natura sit, & à materię conditione remotior. A formæ similitudine lapidum multi denominantur, idq; iustius, qui  
vide-

videlicet rei alicui naturali similes sūt:  
vt glossopetra, lithodendrum, hiera-  
cites, enorchis: alij à figura, aut figurę  
principijs, vt lineis, quod probari nō  
debet, vt mesoleucus, polygrammos,  
&c. quæ nomina adiectiua cum sint,  
& figuræ propria, malè tribuuntur ijs  
ceu propria, cum alijs etiam conue-  
nire possint, si figura eadem, eadē  
ve lineæ in eis reperiantur. sic & à co-  
lore & alijs accidentibus facta nomi-  
na, non sunt laudanda. Increscenti-  
bus quidem variè in gemmis, macu-  
lis, atq; verrucis linearum, quæ mul-  
tiplici ductu & colore gemmam affi-  
ciunt, sepe numero in eadē materia,  
nomina variari, Erasmus Stella tradit,  
vir diligens & eruditus, qui primus  
nostro seculo gemmarum historiam  
literis illustravit. Hier. Cardanus li-  
bro 7. De subtilitate, in quo de lapidi-  
bus scribit, genus illud figurarum &  
imaginū in lapidibus miratur, quod  
in eisdem semper apparet, velut à na-

tura proueniens, quæ non secus, inquit, ac in plantis foliorum & fructuum numerum seruat & rationem. Et hoc ipsum vim aliquam peculiarem habere, & aliquid significare existimat. Et paulò post: Earum (imaginū) quas proponit natura, quædam sunt velut figuræ substantiæ ac formæ: alię quasi picturæ. Quæcunq; verò formæ loco sunt, casu etiam fiunt, sed non in omnibus. Illæ ergo quæ non semper in eisdem lapidibus inueniuntur, sed rarò, fortuitò nō secus ac in nubibus generant, nulliusq; virtutis sunt: quales in Alabandico lapide Simiæ, inuēto Fribergi: & qui ex eodem genere scutulum habuit rubrum, quod quatuor lineæ circumambiebant, quarū prima tertiāq; albæ, secunda & quarta rubrę. Et Annæbergi Alabandicus alius formam habuit crucis: sed hæc potius fuit forma quàm imago. Hæc ille, ex Ge. Agricolæ libris nimirum mutuatus.



Nunc ad particularia descendamus.



Punctis etiam maculæ sunt maiores: Ophiten legimus marmore esse viride, maculis totum plerumq; albis, tum verò alterius coloris distinctū: porphyriten verò rubris ac quasi candidis maculis varium, seu potius rubrum cum maculis internitentibus, &cætera.

Lineam Plinius videtur etiam limitem appellare in lapidibus: item filū, virgulam, zonam, venam, vt in ligno ferè pectinem, Græci γραμμή, quidā δὲ ἀφύσιν.

Sed lineæ aliæ coloris tantum ratione conspicuæ sunt: in solidis verò χιςὰ vocantur, id est, scissilia, quorū corpus totum veluti ex lineis contiguous compositum videtur, vt in aluminis & hæmatitæ generibus, & amianto, stibio, sale Ammoniaco, alijsq; nō nullis. Hæmatitæ quidem species vna ab hoc ipso χιςὸς per excellentiā no-

*De figuris lapidum, &c.*

minatur. Amianti veri è Cypro quem Franciscus Calceolarius, pharmacopola Veronensis vt artis suæ peritissimus, ita omnium simplicium medicamentorum indagator acerrimus, ad me misit, frustulum delineatū hîc exhibeo: quod fila molliuscula neri textiq; apta remittit, & ab alumine scissili tum vero & aluminis vim saporemq; referente, tum falso & insipido, quod alumen plumę hactenus vocare soliti sunt Medici, non parum differt.



1 *Amiantus è Cypro.*

2 *Smaragdus Bresilicus, cy lindri specie.*

3 *Hammites*

*vel Ammonites, minor, minimis piscium ovis vel araneorum similis, velutiq; ex arenulis coagmentatus.*

Hîc & alijs aliquot in locis, optime Lector, non vnâ solûm, vel plures, sed instituto ordini conuenien-




uenientes figuras posuimus: sed alias interdū ordinis diuersi. quoniam à principio cum sculperetur, non eosdem quos nunc sequimur, Ordines proposueramus. interim te vbiq̃ue opus est ad iconem alibi positam remittimus, vt facilius sit venia.

Omnia tamen hæc genera antequā in filamenta sua resoluātur, scissilem compagem præ se ferunt: Sicut & Entalium à quibusdam pharmacopolis dictus lapis in Sabaudia Amentū dulce: Amenti nomine nimirum corrupto ab Amianto: non quod verus Amiantus hic sit, sed similis ei lapis, eboris instar candidus, splendens & friabilis, inq̃ fila solubilis, sed fragiliora. videtur autem res gypso cognata. In eo, certo quodam modo præparato, facies & imagines exprimi possunt, quæ cum ebore aut ipsa niue candore certēt: quales Petrus Coldebergus Antuerpiensis pharmacopœus doctissimus celeberrimusq̃ mihi donauit. Amiantum Agricola Germanicè interpretatur Alumen plumæ vul-

gò dictum, *Federwyß / Pliant / Salas-*  
*manderhar:* & Amentum amarum à q-  
busdam recentioribus dictum addit.  
Eūdem verò lapidem *Asheston*: linū  
asbestinum viuum, aut *Carystium*: i-  
tem *Poliam*, *Spartopoliam*, *Corsoi-*  
*dem*, *Bostrychitem*, & à *Quadrigario*  
*Alumen* vocari censet. *Encelius* *A-*  
*mianti* speciem *Rasensilber*, interpre-  
tatur: quod vocabulum *Magnetidi*  
& *Micæ* meliùs tribuit *Agricola*. Idē  
refert in *Hildeshemio* tractu lapidem  
inueniri fusci coloris, planū, *Am-*  
*moni*aci salis instar scissum: qui tubercu-  
la superiùs habeat clauorum capiti-  
bus similia. & ad *Hasdam* pagum, aliū  
huic non dissimilem, candidum ta-  
men, & sine tuberculis. A scissili-  
bus differunt fissilia, quæ non in fila  
fibrasve, sed laminas quasdā seu cru-  
stas, vt ligna in scandulas & tabellas  
facilè findunt: sicut lapis fissilis *Schi-*  
*fer* vulgò dictus. In *Asso* *Troadis*  
*Sarcophagus* lapis fissili vena scindi-  
tur,

cur, Plinius.

Circulus figurarum solus ex vnica linea in sese reflexa constat, & angulis caret. Horminodes Plinio ex argumento viriditatis, in candida gemma vel nigra, & aliquando pallida, ambiente circulo aurei coloris appellat.

Totus oriens pro amuletis dicitur gestare eam, quæ ex ijs (iaspidum generibus) smaragdo similis est: & per transfuersum linea alba præcingitur, & Grāmatias vocatur: quæ pluribus, polygrammos, Plinius. Mesoleucos est mediam gemmam candida distinguente linea: Mesomelas, nigra vena quemlibet colorem secante per medium: Nasamonites est sanguinea nigris venis, Idem. Sunt ei & Leucochrysi inter Chrysolithos, interueniente candida vena. Veientana Italica gemma est, Veijs reperta, nigram materiam distinguente limite albo, Idem.  Ophicardelon barbari vocant, nigrum colorem binis lineis al-

bis includentibus, Plinius. Ophites  
tertius Dioscoridi lineas habet albas.

Prasij genus tertium virgulis tribus  
distinctum, est candidum, Plinius.

¶ Perileucos dicitur filo ab ore gē-  
mæ ad radicem vsq; candido descen-  
dente, Plinius. Inter iaspidis species  
vna *ἡ ἀφύσει ἔχει ἡ γαλδύκος καὶ ἀρσιλβό-  
σας* apud Dioscoridem. Polyzonos,  
nigra, multis zonis candicat, Plinius.

Iaspis polygrammos iam dicta est.  
Res fossiles quædam lineis diuersi co-  
loris ornatae sunt, sed quæ effigies re-  
rum non exprimunt, Agricola. Saxa  
prædura & lineis cinericeis conuolu-  
ta effodiuntur prope Suarcebergum  
oppidum inter Snebergum & vallem  
diui Ioachimi.

Fluor (id est lapis in magno igne li-  
quescent) in candido subrutilus, An-  
nebergi in metallo argentario reper-  
tus est, crucis figura: cuius recta pars  
longa fuit sesquipalium, transuersa  
palium vnum, &c. Agricola. Cru-  
cem



cem autem lineæ duæ late se decussantes efficiunt.

Ad lineæ rectæ rationem pertinet striæ ac striges dictæ, quibus voces Germanicæ *strimen* & *strich* accedunt: ita autem differunt ut in agro sulci & porcæ hæ prominent, illi fossi cauique sunt. In columna striata, ut Vitruvius tradit, pars eminula dicitur striæ: pars caua, strix. Videntur autem striges à strigilum similitudine dictæ, quod similiter sulcatæ & canaliculatæ sint, seu carinatæ. Strigiles verò quod eis corpora stringantur seu destringantur. Strix à similitudine striæ, à qua paritum situ solo differt. Columnarum striges (inquit alibi Vitruvius) faciendæ sunt xxiiij. ita excavatæ, ut norma in cauo strigis quum fuerit coniecta, circumacta, ita anconibus striarum dextra ac sinistra angulos tangat. Et alibi: Columnas autem striari viginti strijs oportet. Plinius striam rimosam dixit: & alibi folia striata, scapum moly

*De figuris lapidum, &c.*

herbæ striatum, conchas striatas. Ita Dorica columna sui generis striaturæ habebit perfectionem, Vitruuius.

Strias Græci *ῥιζοχὰς* dicunt: striges verò *ῑσοχὰς*, Germani *hofsälén*, quod caua quædam, ceu canaliculi, & sulcatim facta sint. Lineæ quidem propriè dictæ latitudine carent, striæ strigesq; aliquam, per exiguam tamen sæpe habēt. Res fossiles partim planæ sunt, vt lapis specularis & magnetis: partim conuexæ, vt aëtites, Agricola.

Curuitas & rectitudo, differentia figuræ propria est. Lapidēs quidam inter Osteocollos à nobis dictos, curui natura inueniuntur, vt & inter Belemnitas siue natura siue iniuria nos latente. Curuo & recto etiam aliqui adscribunt, τὰ ἐλινθεῖς ἢ καὶ κωνοεῖς ἢ καὶ φαροεῖς ἢ τῶν χημάτων: καὶ τὰ πρῶτα ἀπὸ ἀκτινῶν ἔχει τὴν φύσιν δὲ διθείως καὶ ποδιφεγῆς, ὥς καὶ οἱ γεωμέτραι φασί, Simplicio teste. Tales autem figuræ tum in alijs quibusdam lapidibus, tum conchis  
&

& in summa testaceis dictis, lapideis præcipuè, inueniuntur. *Κανθαρίδης* est Belemnites: Strombus lapideus, *ἐλιγιδίης*. *Φανθαρίδης* verò sunt Musculi còchæ, & Tellinæ, aliæq; huiusmodi.

Rara, *μικρά*, vt idem Simplicius docet, dicuntur corpora, quorum partes adeò inuicem distant, vt aliud quodpià corpus (*εἰσπορευέτης* ὤ) illabi aut inferi (*πρὸς ἐμπίπτειν*) queat: sicuti Spongia, Pumex: & alia eiusmodi quæ foraminulenta, & poris seu meatibus conspicuis plena sunt. Densa verò, *πυκνά*, his contraria sunt: vt aurum, ferrum. Quare duò hæc non tam ad figuram, quàm ad partium situm, & mutuam earum distantiam pertinent: vt figure discrimin ab his non propriè, sed per accidens petatur: quemadmodum etiam ab aspero & læui. Læuis enim dicitur superficies, propriè ac primò, cuius partes æqualiter & recta linea dispositæ sunt, vt in polito marmore. Sic læuitas, qualitas aut positio parti-

*De figuris lapidum, &c.*

um fuerit, media inter *εσοχλὺ* & *δσοχλὺ*. Asperum verò, *τραχὺ*, dicitur, cuius in superficie partes, inæqualiter sitæ sunt, cum aliæ promineant, aliæ deficient. Porro crassum, *παχὺ*, (quod indocti multi cum denso confundunt,) non ad partium situm, sed corporis profunditatem refertur: cui aduersatur tenue, *λεπτόν*. Cavi etiam, de quibus iam dicetur, rotundi ferè sunt.

Cavi intus

Ad figuram etiam cavitās pertinet. Cavi autē sunt lapides nonnulli, præsertim qui ceu foetu grauidi, corpus aliud in se continent, vt aëtites, geodes, & enhydros. Cuius rei causa est, docente Ge. Agricola, & materiæ varietas: & quòd eadem magna ex parte ad figurā globosam aut quàm proximam accedat. Sunt & Smaragdi quidam concaui, eodem teste.

Rotundi.

In Cuba insula orbis alterius lapides exactè sphaerici naturæ solius beneficio abundant, Cardanus. Tales etiam



etiã pictos tres Io. Kentmanus ad me misit, aptos, qui pro plumbeis pilis ad bombardas siue bellica tormenta in usum recipiantur, coloris fusci, punctis referti partim albis, partim nigris: eorum maximo dimetiens est trium digitorum, minimo pollicaris. Reperiuntur autem in ditione Comitum Mansfeldensium, duriores & grauiiores quàm vulgares lapides. Iconẽ ponemus paulò post.

Rotundissimi sunt † Alectoriæ, & alij fabæ comparati, de quibus infra. Icon est capite 6.

Aëtitiæ etiã ab aquilis dicti, quòd in eorum nidis reperiri credantur, rotundi plerique sunt: magnitudine, colore & substantia, differentes: quorum hîc differẽtias tres ex meis, quos domi habeo, expressas, exhibeo. Aëtitiæ.

De figuris lapidum, &c.

.3.



.1.



.2.



1. Maior, rotundus ferè, oui magnitudine, sed rotundior, cum ansa quadam ceu vmbilico: è qua enatus, eademq; saxo alicui adnatus fuisse videri potest. 2. Alius rotundus, minor multò, & ipse vmbilicatus. 3. Latus & planus: superficie nigra, aspera,

.2.



.1.



& veluti arenis quibusdam, quarum aliqua splendet, obseffa. Appositas icones duas à Christophoro Encelio mutatus sum: qui de prima scribit: se hanc

hanc Aëtitaë speciē inuenisse aliquando solam (nudam) extra matricem, pilei ferè forma. De altera verò: Aëtitaë species sexta (inquit) inuenta à me ad Albim, prægnans est candido silice: cuius matricem cum aperirem, inueni silicem tali forma; candidū, subrotundum in longum, durissimum, quasi ad caput alicuius animalis adhæsisset: erantq; in eius superficie cellulæ, quasi apum in fauis. Geodes hic lapis propriè dicitur, cum terram continet: Aëtites, cum lapidem aut arenam: etsi hoc nominum discrimen non semper seruatur. Aquam si contineat, Enhydros vocabitur. Reperitur in aliquot Germaniæ locis, & in Gargano Apuliæ monte: vnde etiam allatas species eius tres Valer. Cordus in Sylua Variarum obseruationū, (quā cū reliquis eius operibus edidimus,) describit. Qui insunt lapilli si fortè adhærescant, non sonant; sed soluti duntaxat. soluuntur autem ætatis p-


*De figuris lapidum, &c.*

gressu, vbi interiora magis siccata fuerint, & lapides veluti maturuerint.

Adulterantur interdum & finguntur arte, nos lapidem fictitium, cui epistola inclusa erat ab eo qui finxerat, vidimus. Lapis (inquit Agricola) quem Taphiusius Aëtites in se continet, vocatur Callimus: nec quicquā, inquit Plinius, tenerius. Nec verò Pæantides, Gemonides etiam vocatæ, nec Cissites, nec Gasidane, alij sunt lapides quàm Aëtitæ candidi, &c. Plura apud Agricola leges libro quinto de natura fossilium. Callimus in Geode inuentus, tres ferè facies humanas referens, ponetur infrà capite vndecimo, inclusus annulo.

1. *Globus naturalis, pro bombardis, de quo superius scripsimus.*
  2. *Geodes resonans, subrotundus.*
  3. *Alius non sonans, terra crocea plenus.*
  4. *Quartus cum ferramento igniario adiuncto, silex igniarius, siue pyrites sterilis est.*
- Geodes





Gæodes Misnensis oblongus, continens harenam indurata: inuentus est in Ludo illustri Misnensi, cum effoderetur vinaria. Impositus aquæ stridorem varium emisit. Huius quidem picturam Kentmanus ad me dedit, digitos quatuor latam, longā verò sex: colore rubiginis quæ radi cœperit, &c. Enhydros est rotunditatis absolutæ, in candore levis: sed ad motū fluctuat intus in ea veluti in ouis liquor, Plinius. Vidi ego lapides pla-


*De figuris lapidum, &c.*

nè rotundos, magnitudine & figura a-  
uiū quarundā ouis p̄similes, maculo-  
sos (nī labat memoria) vt Coturnicū  
oua: quos qui habebat, ad facilē red-  
dendum partum conducere persua-  
sus erat.

Est & Iudaicus vulgò dictus lapis,  
oliuæ penè speciei subrotundus: de  
quo vide infrā capite IX. Item Be-  
zar vel Bezoar lapis, è capite aut ven-  
triculo Indiei cuiusdem animalis, vt  
putant: & Lachryma cerui credita, de  
quibus etiam suo loco agemus inter  
lapides eos, qui ex Quadrupedibus  
animantium petuntur. ¶ Enorchis  
quoque rotundus est, Agricola Ho-  
denstein (quod nomen etiam pyritē ro-  
tundo aliqui tribuunt,) interpreta-  
tur. Videtur autem lapis maior & in-  
formis, qui alium rotundum ac testi-  
similem in se contineat, Enorchis po-  
tiùs appellandus: orchis autem, qui  
continetur. Sic Entrochus etiam &  
Trochites distinguuntur.


Lapi-

Lapidē cuius  
hæc figura est, Io  
annes Kentma-  
nus misit, durū,  
splendidum, pal-  
lidum, læuē, gra-  
uem. Enorchis  
Agricolæ candi-  
dus est, & fragmentis testium similis:  
(hoc est, fragmentis suis in quæ fran-  
gitur vel diuiditur, testium speciem  
præ se ferens:) sed nec fulget, nec pul-  
chro colore nitet. ¶ Non procul  
Rotuilla oppido Heluetijs finitimo  
& confœderato, lapis rotundus, & pa-  
ni cibario rusticōve maximo similli-  
mus reperitur, ambitu ferè, si bene me-  
mini, dodrantum quinque, in medio  
protuberans parte superiore, *Zettis-*  
*felsleib*, hoc est, Dæmonis panem nun-  
cupant incolæ agrestes: & si equus de  
hoc lapide impositum falem lingat,  
lumbricos pelli credunt. ¶ Pyrites  
æneo colore. ¶ Pyrites ænei colo-



*De figuris lapidum, &c.*

ris, alius informis est, alius rotundus, & ipse à testium similitudine *Hodenstein* quibusdam dictus: alius quadra-



tus, isq; vel cubicus, vel altera parte longior, &c. vt in iconibus adiunctis apparet.

Quartus ex eis incertæ est fi-

guræ, veluti mixtus ex figuris diuersis inuicem confertis. Primi & rotundi superficies inæquabilis est, angulis multis prominentibus. Pyriten recentiores *Marchasitam* vocât, nostri corrupto nomine *Martistein*. Ad Pyritas fortè referri potest *Othonna* dictus quibusdam lapis in *Aegypto*, exigua magnitudine, æreo colore, &c.

Quin & *Thyites* mortarijs aptus ab *Agricola* rotundus esse scribitur.

Rotundi quodammodo vel subrotundi sunt etiam silices multi, (mul-  
tis



tis enim nulla certa figura est,) præci-  
 puè qui in fluuijs & ripis inueniuntur.  
 qui etiam ex aquæ volutatione angu-  
 lis amissis rotunditatem acquirere vi-  
 dentur. Scio filicis nomen latius patê-  
 re, & simpliciter pro saxo & marmo-  
 re quandoq; poni. Ego hîc de vero fi-  
 lice loquor, quem *Risel* vel *Rißling*  
 nostri vocant, transpositis literis: alij  
*Hornstein*, id est, corneum lapidem,  
 siue à duritie, siue à colore cornu. Is  
 plerunq; durior est marmore, vt do-  
 cet Ge. Agricola, & non rarò eius in-  
 star splendet. sed, quia ferro tractatus  
 dissilit, ad sculpturas aptari non po-  
 test. quoniâ verò durus est, ex eo ictu  
 ferri facilè ignis elicitor. Tam in venis  
 metallicis quàm proprijs nascitur. E-  
 ius species coloribus distinguuntur.  
 est enim vel cornei coloris, vel candi-  
 dus, vel cinereus, vel fuscus, vel ater,  
 vel rutilus, vel iecoris colore, vel cœ-  
 ruleus. qualis Langouicij vtrinq; iaspi-  
 dis venam complectitur. Omnis autē

filex igne liquefcit, fed in ardentiffimis fornacibus, (*quare & fluor potiùs, quàm lapis simpliciter fuerit,*) aliter ignem patitur: fed & pluuias, & hyemes. quo circa fi ferro facile tractari poffet, vtiliffimus efflet structuræ, in sternendis verò vijs & igne vsum præbet. Hæc ille. Videtur autem vno filicum nomine appellare, tum illos quorum frequentior ad ignem elidendum vſus nobis eſt, *Fettſtein*, (qui propriè filices dicantur:) tum alios quibus viæ ſternuntur, *Rißling/ Bſeßſtein*. quos Ence lius etiam vno Silicis communi nomine comprehendit: ſpecies verò duas facit, libro 3. operis de re metallica, capite 77. Calculus, inquit, ſeu ſcrupulus, [*ſed ita fortè minutiores tantum huius generis lapides vocari debet,*] qui verè filex eſt, reperitur ad flumina & inter arenas ad torrentes, interdum coloris candidi: cuius vſus etiam eſt ad alia quàm ad ignem excitandum. interdum coloris flauī, impuri, non-

nun-

nunquam crocei. interdum coloris nigri, nonnunquã lineis candidis pulcherrimè insignitus. Ab hoc differt saxum cornutum Germanis dictum, Hornstein: aut Fetrstein, quia illo potissimùm ignis excutitur: cuius partes interdum sunt continuatæ, ut vnã ab altera visus discernere nequeat: interdum partes eius sunt cõspiciuæ aliqua interfectione. Reperitur in fodinis: itẽ ad flumina, ut ad Albim, in agris in Saxonia, in cuniculis calculorũ. Est verò variarũ specierum: coloris cãdidi, nigri, cœrulei, ruffi, purpurei, cornu coloris, flauï, crocei, liuidi: foris candidi, intus nigri: variarum proportionum: sunt enim longi, lati, magni, parui, ramosi in modum coralliorũ: reperiuntur & in modum cornu, [*ramosi nimirum.*]

Silices quibus vici sternuntur per oppida, cum pluuiã abluti sunt, fufci, nigri, virides, rubri, & alijs coloribus † Plura de pulchrè distincti apparent. Viuum his lapidib.



b<sup>2</sup> leges in-  
frà, sub fi-  
nem huius  
Capitis, v-  
bi de Fluo-  
rib<sup>2</sup> dictis  
agitur.

lapidem (Silicem nimirū) aliqui col-  
lis Quadrupedum annectunt, pro a-  
muleto aduersus rabiem, vt Gratius  
poëta testatur. Pyritæ vulgares ste-  
riles, quorum præcipuus ad ignem e-  
lidendum apud nos vsus est, colore  
in ruffo pallescente, ad duas aut tres  
libras medicas magnitudine ferè ac-  
cedunt, aliqui certa figura subrotun-  
da aliâve, sunt: aliquibus aliquid pro-  
minet, alijs nihil, aut minimum. De-  
bet autem crusta eorum exterior mal-  
leo alitèrve decuti. interior em̃ pars  
aptior est igni excutiendo. Calculi  
albi in ripis fluuiorum & torrentiū,  
in pollinē triti, pila magna vt figulo-  
rum, aut in molis, optimum dentifri-  
cium præbent. Iidem poliri possunt,  
& perforari, ad globulos precibus nu-  
merandis destinatos. ¶ Orites spe-  
cie globosa est, Plinio: ego glebosam,  
id est, glebæ similem legerim. ¶ Re-  
rum fossilium (inquit Agricola) aliæ  
sunt rotundæ globi instar, sed modò  
abso-



absoluti, vt Thyites, qui inter Syenen & Philas inuenitur: modò comprefsi: nunc verò aliquid habētis eminēs, aliquid lacunofum. quales lapillos è venis ereptos aquarū vis ad ripas deferre folet. alijs dimidiati globi figura est, vt Callai & Astroita. quædam in metæ figuram, quædam in turbinis formata. illam exprimunt lapides & succi cōcreti ftirijs fimiles, qui ftant in spelūcis: hanc qui ex earum cameris pendent. Hæcille. Sunt & Chelonia ceu globuli dimidiati, vel lenticulæ hemisphæricæ: & his multò maiores Chelonitides Ombriæq̃, Bufonum lapides vulgò dicti: hisq̃ rursus maiores Echinitæ, & Ouum anguinum Plinij, si rectè nomino. Iudaici verò lapidis species quædā ad glandis formam accedunt: vide infrà capite 9. Lapis Iudaicus probatur metæ striatæ forma, tener & friabilis, Syluius. Belemnita & Lyncis lapidi quorundam, & Ceraunio apud quosdam

*De figuris lapidum, &c.*

dicto seu Astrapiæ, pyramidis figura  
Strombi. est. Strombi Concharum generis lapidei, infra non omittentur.

Cylindri. Cylindri modo teretes sunt Berylli & Syenites, Agricola. Sunt qui Beryllos sexangulos faciant: sed ea figura artis & sculpturæ videtur. In Sippho monte nascitur lapis similis cylindro: quem filij pij in delubro Matris deûm si reposuerint, suam erga parentes pietatem, & in cognatos benignitatem perpetuò retinent, Plutarchus de fluuijs. Smaragdus Bresiliacus, cylindri specie, striatus, vitro similis, porracei coloris, perspicuus, exhibitus est supra cum Amianto Cyprio.

Trianguli. Gemmæ quædã triangula nascuntur figura, Agricola.

Quadrati. Saxum durum, magnas rupes faciens, est circa Thermas Caroli quarti, & prope Elnbogen oppidum, candidis veluti tessellis immixtis varium, Val. Cordus. Sal gemmeus plerunque

que tesseras aut cubos refert. Quadrati etiam alijq̃ angulosi seu angulati lapides reperiuntur: in quibus figura simpliciter similitudo potius intelligitur, quàm rei alicuius naturalis aut artificiosæ: etsi quadratos lapides tessellis quidam comparant, cum nō solæ tessellæ tales sint. Amphitane alio nomine appellatur Chryso colla, in Indiæ parte, vbi formicæ eruunt aurum, in qua inuenitur auro similis gēma quadrata figura, &c. Plinius. Pyritæ quoq̃ quadrati inueniuntur in fluuijs & riuis, aut lapidibus quibusdam inclusi. Androdamas quadrata est, & semp̃ tessellis similis Plinio. Quadrangulam verò figuram oblongam, quam Græci *εἰσρομήκη* vocant, nō meminisse, cui propria & natiua dici posset: nisi quòd Cotes quasdam hac figura reperiri, alias è maioribus saxis excisas in eandem redigi Agricola scribit.

Pentago-  
nus.

In Hildeshemio tractu, &c. in lapidicinis marmorū inuenitur lapis pentagonus, à quinque angulis quos habet appellatus. Similiter hexagonus, cui sex sunt anguli. vterque verò est candidus: plerumque latus fescunciam, planus, sed in medio habens alueolum: cuius margo, vt in tabula lusoria, vndique est altior. At in medio alueolo est punctum: à quo radij ad extimam partem, sicut in trochitis procedunt, Agricola libro 5. de natura fossilium.

Hexago-  
nos.

Pentexoches seu Mespilæus apud me est (inquit Cardanus in libro de Gemmis) colore fusco: durus, magnitudine mespili, dicas mespilum in lapidē transisse. Vbi striæ è vertice descendūt, lapis buxæo est colore, quòd partes illæ attritæ sint. De Morio sexangulo, dicemus inferiùs inter Fluores hoc in capite.

Morion.

CrySTALLI.

Mira præcipuè sua crySTALLIS figura est. Interdum vni crySTALLO (inquit Georg. Agricola) magnæ & perfectæ,  
agna-



agnascuntur plures parvæ & imperfectæ ac quasi dimidiatæ, quibus triângula latera videntur esse, cum alioqui crytallis sexangula sint, sed maxima ex parte inæqualia. etenim ex eis sæpius bina tantùm lata sunt, quaterna stricta: rariùs quaterna lata, bina stricta. quodq; verò latus strictum est è regione stricto, quodq; latum lato. Omnis insuper crytalli mucro, similiter ac reliquum corpus est sexangulus: sed in hoc differt quod latus strictum, non semper est aduersum stricto: sed interdum latum est contrariù stricto. Ac mucro plerunq; exiguam partem habet crytalli: magnam, reliquum corpus angulatum. Veruntamen quibusdam crytallis, quæ Blochebergi inveniuntur rupibus adhærentes, contrà magnus est mucro, corpus exiguum. Lateribus præterea tam mucronis quàm reliqui corporis, nisi scabricie infestantur, fermè tantus est læuor, vt vix arte possit æquari. Hæc

ille. Ex tribus iconibus hîc adiectis,

.1.



.3.



.2.



prima & maxima, simpliciter Crystalli est, cui figura omnino sua nativâque est: tertia Pangonij cognomi-

ne, cui artificis manus angulos duodecim addidit. Tertiam & minimam Guilielmus Gratarolus Bergomensis, philosophus & medicus clarissimus mihi donavit. est autem tantilla, quanta hîc pingitur, utrinq; ex æquo mucronata, siue natura, siue arte: de quo dubito. cæteræ enim crystalli omnes, ni fallor, ab vna solùm parte in mucronẽ exeunt: basis crassior & informior est, qua ceu radice saxis & rupibus montium siue enasci siue innasci solent. Hanc Gratarolus in Baldo monte qui prope Veronam est, reperiri monuit: & iridem potiùs sibi videri

ri quàm crystallum, etsi cognatam generi Crystallorum. Sexangulam quidem esse Iridem, vt Crystallum, constare scribit Plinius. Plura de Iride adferemus infrà Capite tertio. Crystallorum quidem fragmèta apud me sunt, ex quibus vnum superficiẽ scabram & striatam habet, Iridis fortè genus. nam Crystalli leuissimè esse solèt.

Aliud rimam intus latentem habet, ex casu aut ictu aliquo nimirum, (nostrivocant *erbelst*.) & ea parte iridem, id est arcum coelestem coloribus repræsentedat, quod & alijs puris ac pellucidis corporibus accidit. Aliud intus veluti niuem habet. Aliud colore infumato & subfusco in ruffum tendit. Plures interdù crystalli paruæ simul nascuntur choeradù seu strumarum instar, magnitudine inæquales. Angulis, & secundum eos figura Crystallus à Crystallo plurimùm differt. Radix seu basis in quibusdã albicat, non pellucida vt pars supe-

rior. Ignis ex omnibus elidi potest.

**Berylli.** Indi mirè gaudent longitudine  
Beryllorum: solosq; gemmarum esse  
prædicant, qui carere auro malint, &  
ob id perforatos elephantorum fetis  
relegant. Et alios conuenit non oportere  
perforari, quorū sit absoluta bonitas:  
ideoq; cylindros ex ijs facere malunt  
quàm gemmas. quoniam est summa  
commendatio in longitudine. Quidam &  
angulosos putant statim nasci, &  
perforatos gratiores fieri, medulla  
candoris exempta, &c. Plinius. qui etiam  
Berylli speciem quintam CrySTALLIS  
ferè similem esse tradit: & Indos cum  
alias gemmas CrySTALLO adulterare,  
tum præcipuè Beryllos.

Ex recentioribus Marbodæus Beryllum  
hexagonam facit: Franciscus Rueus  
forma sexágula eas sculpi scribit,  
quò color alioquin hebes & languidus,  
angulorum excitetur percussu. Alberto  
Magno Beryllus candida est, & transparet  
instar aquæ: qd forte



fortè de septima specie Cryſtallis ferè  
ſimili apud Plinium accipi poteſt. nã  
prima ſpecies viriditatem (γλαυκότητα  
potiùs, id eſt, glaucum vel cœruleum  
dilutum colorem) puri maris imitat.  
Secunda paulo pallidior eſt, in aureũ  
colorem exeunte fulgore: vnde Chry  
ſoberyllus dicitur. Tertia Chryſopra  
ſus, pallidior eſt. Quarta Hyacinthũ  
æmulatur. Quintã aëroidem vocant,  
[colore nimirum albicante cum par  
ciſſimo cœruleo, qui dilutior fortè  
eſt quàm glaucus.] Sextam cerinam,  
à ceræ colore vt conijcio. Sic omnis  
Beryllus vel pallidi, id eſt, lutei colo  
ris fuerit, vel cœrulei, plus minùs ve,  
ultima excepta. ¶ Quibuſdam etiã  
mucro ſexangulus eſt, vt plerunque  
cryſtallo, interdũ Adamãti, Agricola.

DE BASALTE LAPIDE, QVI  
angulis conſtat, minimũ quatu  
or, plurimũ ſeptem.


*Lapides anguloſi plures coagmentati, Ba-*

De figuris lapidum, &c.

*salten representant: cuius hanc figuram Ioannes Kentmanus mihi communicauit. E subiectis verò duobus paruis, minor Adamantis Cyprii nomine ex Italia ad me missus est. est autem vilis lapillus, aut fluor potius, Adamanti vel Crystallo persimilis, albus, pellucidus, purus. Maioris mētio fiet infra mox post finitam de Basalte tractationem.*

Plinius lib. 36. cap. 7. inter marmora: Inuenit (inquit) Aegyptus in Aethiopia quem vocant Basalten, ferrei coloris atq; duritiæ. vnde & nomē ei dedit. Nunquam hic maior repertus est, quàm in templo Pacis, ab imperatore Vespasiano Augusto dicatus: argumento Nili xvj. liberis circà ludentibus, per quos totidem cubiti summi incremēti augentis se annis eius intelliguntur. Non absimilis illi narrat in Thebis delubro Serapis, vt putant Memnonis statua dicatus: quem quotidiano Solis ortu contactū Solis radijs crepare dicunt. Hæc ille.

Quinq;





Quinq; angulis constat etiam Basaltes Misenus, [alijs Stolpensem, aut Annebergium cognominant,] sed is variat numero angulorum: minimùm enim quatuor, summùm septem habet, Agricola. Idem ab initio libri 6. de nat. fossilium, (vbi paruos quosdã lapides, & gemmis ferè adnumeratos, à magnis quibusdam sola magnitudine differre scribit,) Sideriten (de quo nos plura inferiùs capite 4.) eundem Basaltæ facit. Et alibi, Basalten vix vulnerari: vt Adamantem omnino non.

EXEPISTOLA IOANNIS  
Kentmani ad me.

Hic Basaltes est, qui Stolpæ [*Stolpa est arx Electoris Saxonie Augusti in finibus Bohemie, tribus miliaribus à Dresda distās*] crescit, forma & crassitudine tigni mediocris, singularis quidem, sed copiosus, atq; ita iunctus coaptatusq;, veluti ab arculario arte commissus esset.

Septem



Septem, sex, quinque nonnunquam, sed rarius quatuor angulorum, omnino figura trabis erecte, foris levis & tactu minimè asper, ferrugineus, ponderosus, duritie velut Adamantis. His lapidibus sic coagmentatis è terra vlnas decem & septem extantibus, arx Stolpa cum adiunctis ædificijs insistit, aëri vndique liberè exposita. Inde frustra decutiuntur magna vi, quibus fabri ferrarij, bractearij, (qui aurum cudunt, ad eius extenuationem,) & librorum colligatores, ad artificia sua incudis vice vtuntur. Verùm ea prius sic ad vsum aptari necesse est. Postquam decussa sunt, refecantur ferra non dentata, sed hebeti & obtusa. inter ferrandum arena continuè interferitur, liquore desuper stillante, nec disseccari hoc modo octiduo citius possunt, nec minori quàm trium aureorū nostratum precio. Porro quanto spacio intra terram condantur, nemini adhuc est exploratum. Quod ad no-

men, vir quidam eruditus Bisalten  
hunc lapidem nominandum conij-  
cit, (non Basalten,) à Bisaltia regione  
Thraciæ aut Macedoniæ: cuius Pli-  
nius, Suidas & Stephanus Grammati-  
cus meminerunt: ita ut Lydius à Lydia  
& alij ab alijs regionibus nomen ha-  
bent. Sed obstat, quòd veterum nul-  
lus, hoc aut aliud marmoris genus in  
hac regione inueniri tradiderit, cū le-  
pores in ea gemino iecinore capi non  
tacuerint, ne Bisalten quidem lapidē,  
qui magno olim in precio fuit præte-  
rituri, si illic extaret. Verum est quidē  
hanc Macedoniæ partem metallis cla-  
ruisse: At non ijsdem in locis metallo-  
rum & marmorum copia esse solet.  
Ego verò existimo nostrum Stolpen-  
sem lapidem, multum referre ipsum  
Lydium lapidē coloris ferrei: habeo  
enim de isto lapide particulam quan-  
dam politam, (de qua & tibi non nihil  
transmitto,) quem politum ex prior  
omnia metalla, non minus ac nostrū  
lapi-

lapidem Indicem, ut vocant recipere: in quo simul gradus & discrimina metallorum quantum alterum alteri prestat, æquè ac in peregrino Basano, perspicuè cognosci possunt. His omnibus consideratis, non immeritò Miscnus *Βάσανος* vel Basaltes Miscnus dici potest, ein Meißnischer probierstein/ oder ein Meißnischer harter essentfarbner Marmor. Non dubium est autè quin vocabulū ipsum Basaltes sit corruptum nomen Aegyptiacum, idq; cōiicio ex verbis Plinij, vbi dicit: Què Aegyptij vocant Basaltem, ferrei coloris atq; duriciei, vnde & nomen ei dederunt. & sine dubio illud nomen à *Βάσανος* sumpserunt, quod est lapis Lydius, qui est coloris & duriciei ferreæ, in quo aurum & argentum artifices explorāt, à verbo *Βασανίζω*, quod explorare significat: nisi contrà potius verbum hoc à lapide factum sit.

Marmoribus adnumerat.

Hæc Kentmanus adme: qui huius lapidis etiam fragmenta misit, & po-

litam ex eo coticulam, in qua ducti in  
eo auri, argenti, & aliorum metallo-  
rum indicia tam clarè apparent, vt a-  
lio quàm Coticulæ Basaniue nomine  
hunc lapidem nominare indignū vi-  
deatur: præsertim cum nomen aliud  
eius nullum, vlla in lingua cultiore,  
quod sciam, extet. Nam apud Græ-  
cos nemo prorsus eius meminit, ni  
fallor: inter Latinos verò solus Plini-  
us semel, non Latino, sed Aegyptio  
aut Aethiopico potius Basaltæ nomi-  
ne vsus. Et ne Germani quidem illi,  
apud quos nascitur, peculiari aliquo  
nomine indigetant. Eoq; amplius do-  
ctissimi Kentmani industriæ debem⁹,  
qui lapidis huius naturam, & alia a-  
lijs in linguis nomina, quibus vocari  
meritò potest ac debet, nobis omniū  
primus ostendit. Cuius equidem cō-  
iecturæ tātō facilius subscribō, quòd  
Aethiopicam linguam Hebraicæ fini-  
timam esse nōrim. Barsel autem He-  
bræis ferrum significat: Barseli, ferre-  
us:



us: vnde & Basaltæ & Basani lapidum nomina detorta suspicor: & Basano minori lapidi arte factō politoq̃, (nō Sideritæ vt Agricola putabat,) eundē esse Basalten. Etsi verò Siderites Plinij, Adamanti cognatus, non sit, nisi ego fallor: eodem tamen nomine vocari poterit, quod ferrum colore ac duritie æmuletur: & Germanicè etiā ein Eysenstein. nam Goldstein & Probststein, tum demum rectē appellabitur, cum iam ad aurū argentumq̃ probanda in coticulam formatus & politus fuerit. Videtur autem rectē à Plinio marmoribus adnumerari, & marmor potiùs quàm saxū esse. Marmor enim (quod in omni ferè lingua suam appellationem retinet,) omne durum esse debet, & poliri aptum ad splendorem: vnde ei nomē apud Græcos, μαρμαρὸν ἢ μαρμαίρειν. Hebræi Schaisch vocāt, nomine ad saxum accedente. Cæteris tamen marmoribus nulla certa figura est, qualis est Basal-

*De figuris lapidum, &c.*

tæ: vt eo nomine, si quis lapidis genus peculiare hunc facere, aut communiori nomine petrā potius quam marmor saxumve appellare velit, litigare nolim. Galenus quidem libro 9. de simplicibus medicamentis, πέτρα nomen in genere duris minusq̃ duris lapidib⁹ tribuit, quod veteres πέτραν ἁσίαν dixerint, & è petra vīta calcem fieri: Tarantinum verò & alios quosdam reprehendit, qui petræ nomē ad vnā solūm lapidis durissimi, & è qua sola calx fiat, speciem astringunt.

Syenitæ lapides.

His scriptis incidi in Agricolaë locum libro 7. de nat. fossilium, quē hīc adscribēdum censui: Natura, inquit, pilas gignit, modò teretes, cuiusmodi sunt Syenitæ lapidis in Thebaide inter Syenen & Philas: modo angulatas, cuiusmodi in Misena Basaltæ. Vtræq̃ autem sunt arctiùs inter se iunctæ. in Thebaide tamen interdum solitaria quædam. Vtrobiquē alteræ in alteras videntur esse impositæ, & quidē

mino-

minores in maiores. Sed ex Misenis maximæ sesquipedem crassæ sunt, altæ pedes quatuordecim: ex Thebaicis maximæ duodecim pedes crassæ: altæ interdum pedes centum, aut amplius, vt ex obeliscis, quos statuerunt reges Aegypti potest intelligi. Hæc ille, qui alibi etiam, Misenum Basaltem Aethiopico neq; colore, neq; duritie cedere ait. Coticulæ ergo, vt dixi- Coticulæ.  
mus, è Basalte fiunt aut fieri possunt: inueniuntur tamen eedem statim suc, in fluuijs: olim in Tmolo omnes: hodie in riujs Hildesheimijs & Gosclarianis, &c. Vide Agricola libro 5. de nat. fossilium.

Pyritæ octaedri & dodecaedri inueniuntur quidā. In Prouincia Gallia montem altum esse audio Marinaux nomine, in quo Crystalli aut similes eis hexagoni, vel hexaedri potius lapilli inueniantur, alij albi pellucidi, alij subuirides, &c. Talem ferè ruffi coloris, opacum, auellanz pro-

pè magnitudinis, durissimum, Petrus Coldebergus egregius pharmacopola Antuerpia ad me misit, cuius iconem paulò ante exhibito Basaltæ subieci-  
iecimus: est autem è subiectis duobus


Pangoni<sup>9</sup>. maior. ¶ Pangonius non longior digito, ne crystallus videatur, numero plurium angulorum cauetur, Plinius lib. 37. cap. 10. Agricola dodecagonū Crystallum interpretatur, Ein wölff-  
eckechter Crystall. Nos Pangonium supra, non natium, sed artificialem exhibuimus pictum. Crystalli succum natura (inquit Agricola) interdum in plures quàm sex angulos formās, efficit gemmam, quam ea de causa Græci Pangonium vocant. quæ si reperiūt, reperitur autem perrarò, in ijsdem locis in quibus Crystallus, ei simillima esse solet colore, facilitate translucida, læuore: sin in proprijs, plerunque obscura, & vndique paruis cauernis, quasi fauulis, plena. qualem Allera & Ochra fluuij deferunt, duodenis natum



tum lateribus, æquè ac Cryſtalli deſi-  
nentibus in mucronem. Eſi verò Pli-  
nius tradit eam non longiorem digi-  
to eſſe, tamen nonnunquam longior  
eſt: ſed breuior ſæpius.

*DE FLVORIBVS, QVOS*  
*Germani vulgò vocant Fluß: vnde &*  
*Latinum nomen finximus.*

De fluoribus etiam dictis hoc ca-  
pite agere vo-  
lui: quoniam  
illi figurã qui-  
dem habent,  
quæ pingi re-  
ctè poteſt, ſed  
incertam pla-  
nè & inæqualem. hoc plerisq; cõmu-  
ne, vt plures ſimul inæqualiter cohæ-  
rentes & conglomerati proueniant,  
choeradam ſeu ſtrumarum quadã ſi-  
militudine, (*ſropffsweyß* vt noſtri lo-  
quuntur:) qua forma tamen non ſoli



*De figuris lapidum, &c.*

fluores, sed & lapides quidam aut gē  
mæ, vt Cryſtalli interdum, naſcūtur:  
& alio quodam modo *Wallſtein* à fer  
ruminandis oſſibus à chirurgis Ger  
maniæ dicti lapides: in quibus vnus  
plerunq; lapis continuus inæquali  
ter protuberans & bullatus hanc ſpe  
ciem repræſentat: in Fluoribus verò  
multi inuicem iuncti, & qui ſeparari  
facile poſſe videantur, etſi qua ſe tan  
gunt fortè connati, ſtrumoſam hanc  
ſuam molé implent. Quare de vtriſq;  
hoc in loco dicam: ſed de Fluoribus  
prius.

Fluor cuius hîc figura apponitur,  
candidus eſt, tranſlucidus, ſplendida  
ad lucem ſuperficie, mollis & facile  
dentibus cedēs, ſi morſum imprimas,  
inſipidus ferè. ſubſtantiam qualem la  
pis angularis in ore mandentis relin  
quit. Ad ignem modicum aut cande  
lam ſi vras, albescit lentescitq;, calcis  
ſimilitudine, non liqueſcit. Quod ad  
compagem, portiones eius plures vi  
den.

dentur ab vno ceu centro oriri. Hic fluor è Misnia ad me missus est, vt & alij diuersi. Huic autem similis albus ad Aquas seu Thermas Heluetiorum, quæ Limago fluuiio nostro adiacent, in saxis versus flumē reperitur. qui gustu primum insipidus videtur, deinde acrimoniam quandam in ore excitat cum exiccatione, & leuis cuiusdam strangulationis sensu, vt gypsi ferè naturam ei esse conijciam, neque carere veneno: quod siue ita se habet, siue secus, valde reprehēdendi sunt ex pharmacopolis, impostores illi qui fluores diuersos pro gummis diuersis in medicamenta cōijciunt: quod ita fieri ab illis Agricola scribit, sub finem libri 5. de natura fossilium. Et ibidē, Restat (inquit) vt de his lapidibus dicam, quos nostri ab eo, quòd in ardētes fornaces coniecti fluunt, (facilè enim liquecunt igni,) nominauerunt. Eorum tria sunt genera. Vnum, gemmis simillimum translucidis diuersis,



*De figuris lapidum, &c.*

Alterum eis non multum simile. nam plerumq; non pellucet, raro partim, rarius totum. Illud ferè sparsum reperitur in argētarijs & cæteris metallis: hoc in proprijs venis sæpe copiosum. Tertium est, ex quo conficitur vitrū, [quanquā etiam ex alijs duobus potest confici,] arena potissimum, ἀμμοῦ & ὑαλίνης, &c. Hic lapis silice minus durus est: quare ex eo ignis elici non potest. non translucet, sed ipsi multi insident colores: candidus, subluteus, cinereus, fuscus, niger, viridis, cœruleus, rutilus, ruber. Reperiuntur autem montanis locis ad ripas fluminū, & in agris quibusdam passim. Rariores, intus forisq; nigri. Vt cunq; coloratos sæpenumero alterius coloris venæ interfecant, &c. Hic lapis varium usum præbet: eo, cuius tandem fuerit coloris, sternuntur viæ, [Gassenstein & Bessenstein nostri vocant:] cœruleus adijcitur ad cinerem abiegnum, cum ex ipso fit alter cinis, quo infectores  
vtun-



vtuntur. Candidus vritur, tunditur, cribro secernitur: atq; ex eo conficiuntur arenæ, ex quibus vitra conflantur, quanto candidiores, tanto vtiliores. At secundi generis lapides, tot colores vt primi non habent, & rarò suaves. etenim plerumq; in candido pallent, aut nigricant, aut sublutei sunt. hos quoniã celeriter igni liquefcunt, ad venas adiiciunt qui ex eis excoquant metalla. Primi generis propter mollitudinem poliri quidem nõ possunt: si quos tamen ex eis natura fecit læues, & quibus aptam formam dedit, in annulos & fundum includunt aurificos tanquam gemmas. Hæc ille. Germanicũ quidem nomẽ *Fluß*, primo tantũ generi & secundo attribui video. nam in Germanica interpretatione Metallicorum nominum idem Agricola sic habet: Lapidēs qui igni liquefcunt primi generis, *Schõne flüsse*: secundi, *Flüsse zum schmelzen* *Stockquerke*: tertij, *Querke oder Riesel*.

**Scin.** De tertij quidem generis lapidibus, quibus viæ sternuntur, plura attuli superius inter res fossiles rotundas. Ad Fluores ab eodem Agrico-

**Morion.** la referri videtur etiam Morion lapis, Germanicè enim inquit còmuni nomine *Fluß* appellari. Morion (inquit libro 6. de natura fossilium) sola ex nigris [gemmais] translucet. Nascitur in Misena, sub Alpibus, in Cypro, in Tyro, in Galatia, in India. Color ei aut ni-

**Pramnion** gerrimæ, quæ vocatur Pramnion: aut cum nigro mixtus est alius color: nēpe vel Carbunculi, vel Sardæ: vel Hyacinthi, qualis in Misena Valchesteini effoditur. Videtur autem Morion esse radix istarum gemmarū: ac ex crassiore succo, qui subsidit, fieri. attamē ea, quā Pramnium vocari dixi, apud nos inuenta est habens CrySTALLINAM radicem, cum ipsa esset nigerrima: similiter eius mucro, erat enim ei figura, vt Crytallo, sexangula. qualis etiā est Volchesteini repertæ, in quā Hyacin-

cinthus definit. Hæ gemmę non aliter  
quàm Cryſtallus ſcalpuntur. Alibi  
etiã Morion facilè ſcalpi dixerat.

Pramnion fortè à Pramnij vini in  
Ephesia regione colore naſcētis dictū  
fuerit. Eodē in loco Agricola paulò  
antè: Vidi, inquit, glebam è noſtris me-  
tallis erutam, quæ conſtabat ex Chry-  
ſolithis ampliùs ſexaginta, quibus o-  
mnibus erat figura quadrata. ſed ma-  
xima erat lata vnciam vnã, longa di-  
gitos duos: omnes verò ad eò molles,  
vt poliri non poſſent. Sic ipſe. Fuerint  
autem nimirum hi quoque Fluores,  
quod tum ex pluribus coniunctis, tū  
ex mollicie colligo. De Fluoribus  
plura Encelius lib. 3. cap. 1.

Post Fluores pauca dicā de lapidi-  
bus illis, qui ex aquis ortum habēt, &  
paulatim ex ijs lapideſcentibus con-  
creſcunt, ſiue ſtiriz & pyramidis ali-  
qua ſpecie, vbi defluendi locum aqua  
habet. [Lapides quidam & ſucci con-  
creti ſtirijs ſimiles in ſpeluncis ſtant,

vel in earum cameris pendent, Agricola. Et alibi: Marmor candidum, quod in Germania reperitur, aliquando in stirias concreuit.] Siue latiore quadam & crustacea forma inhærente: sicut & lebetibus, ut in balneorum vasis maximè apparet, & canalibus Thermarum, in quibus aqua calida coqui longo tempore aut seruari solet, crustæ quædam lapideæ insident. Græcè quidem lapides huiusmodi ὑδρογόνους cognominârim à recto ὑδρογόνος proparoxytono, cuius significatio passiva est, & ex aqua genitū significat. Aquas verò, quæ res sibi iniectas vel immerfas, in lapidē vertentī vim habent, λιθογόναι ὕδατα dixerim, paroxytona voce, significatione actiua, quòd lapides gignant, τὰ ἀρλιθουῦντα. De huiusmodi aquis lege Senecam Naturalium Quæstionum libro 3. cap. 17. & Strabonem lib. 13. de aqua in lapidem durescente. & Christoph. Encelium de lapidibus ac gemmis libro



bro 3. cap. 3. Sic & Thermanum Carolinarum in Boëmia guttæ in calcis gypsiue substantiam vertuntur. Chirurghi Germanorum huiusmodi lapides, stirijs præsertim similes, aut crustaceos quidem, sed bullis quibusdā eminentibus inæquales, Wallstein appellāt, quasi osteocollos dicas: quòd ijs in emplastra additis vim ossa, infantium præsertim, ferruminandi inesse existiment. Meminit eorū in sua Chirurgia Germanica Hieronymus Brunsvicensis. Horum species duas hīc delineatas subijcio.



1. *Molaris lapis.*

2. *Osteocollus crustaceus: qui & πλακώλι-  
& ficto nomine dici potest.*



1. *Stiria lapidea*: quam Germani *ein Wallstein* vocant, priuatim verò *ein Tropffstein*, id est, stillatitium lapidē. Hac figura, (pyramide mutila, & mucrone fracto,) lapidem album, grauē, durum & splendentem intus, ex mirabili quodam subterraneo Germaniæ antro, quod *Baumannshol* appellant, vir genere nobilis, doctrina & virtute nobilior, Ioannes Reiffestenius ad me misit.

2. *Silex* pertusus foraminibus aliquot, natura, vel casu aliquo nos latente. Huiusmodi autem lapides mulierculæ quædam supersticiosæ quærunt, circa torrentes & fluuios, stolidè

dè persuasæ curatum iri vaccas quæ sanguinem cum lacte reddunt, si papillis in hæc foramina immisis mulgeantur.


3. Lapilli quidam albissimi, perexigui, durissimiq; : quos Petrus Coldebergius pharmacopœus Antuerpia misit. Gypselli fictitia voce diminutiva, à gypsi colore, dici poterunt.

Huiusmodi lapides *ὄστρογόνος*, Theophrastus sentire videtur generari *ἐκ συρροῆς*, hoc est, paulatim ex aquarū & guttarum confluxu. Vidi aliquando strumarū quadam specie crassos admodum, splendidos intus & subruffos, & foetentes: quales ad Andelsingam pagum agri Tigurini inveniuntur. Sunt qui ab huiusmodi aquis tofos & lapides gignentibus, bronchocelas etiam, id est, guttuum strumas excitari putent. Lege Iul. Cæs. Scaligerum Exercit. 60. parte 2. An verò renū quoq; & vesicæ, alijs in animalibus lapides crebro earū potu coire pos-

*De figuris lapidum, &c.*

sint, considerandum. Amomum co-  
ctū cum aquis lapides generantibus,  
cas expurgare in Euporistis Dioscori-  
dis legimus, lib. 2. cap. 121.

*DE PVMICE, PO-  
ro, & Toso, &c.*



Pumex, Porus & Tosus dicti lapi-  
des, etsi ad Spongas fortè Capite de  
Aquatilibus referri poterant, quod  
eis similiter multifora (vt ita dicam,  
sicut Græci πολύτρητα, & multifores  
specus Plinius,) sint corpora, cauis e-  
xiguis creberrimis, seu cauernulis &  
foraminibus, plena: hoc tamen loco,  
in huius primi Capituli fine, eorū men-  
tio-



tionem facere malui: quod pori, id est  
 meatus, & caua, cum intrinseca etiam  
 sint, & interiora penetrent, figurę dif-  
 ferentiam potius constituere quàm  
 formę videantur. Forma enim in sup-  
 ficie externa, & externę figurę diffe-  
 rentijs magis consistit: ea inquam for-  
 ma quę vnā cum figura nominatur in  
 tertia Prædicamenti Qualitatis spe-  
 cie. In locis (inquit Agricola libro 5.  
 de nat. foss.) qui olim arserunt, aut e-  
 tiam nunc ardent, Pumex reperitur,  
 ex terra vel lapide excoctus, & ad hęc  
 figuram redactus: sicut in Campaniæ  
 monte Moderno & Vesuuiio, in Ae-  
 naria, in Aeolijs insulis, &c. Effodi-  
 tur etiam ad Confluentiam Germa-  
 niæ. Pumex autem, quoniam non ali-  
 ter ac Spongia est fistularum plenus,  
 dicitur, vt Vitruuius autor est, Spon-  
 gia. Græcis verò *κίσμεν* vocatur (ac si  
*vermiculatum lapidem dicas*,) quòd velu-  
 ti à vermiculis (quos *λίμνες* Græci vo-  
 citant,) erosus videatur. Theophra-

*De figuris lapidum, &c.*

stus etiam Alcyonium, quod ex maris spuma concreuit, Pumicem nominat. Differunt autem inter se Pumices. nam primo non omnibus vnus color: sed sunt aut nigri, aut cinerei, aut candidi. Tum alij molles sunt, manibusq; teri in arenā possunt: alij duri. Deinde omnes rari sunt & leues, ob fistulas, quæ aërem in se continent. eaq; de causa innatant in aqua: sicut etiam ceteri lapides pumicosi, quamuis magni: qualis est Tyrrhæus, & alter è Nisyæo insula: si modò hic differt à Pumice in eadem reperto, &c. Plura de Pumice & tribus eius generibus, Iulius Cæsar Scaliger De subtilitate, Exercitatione 134. Pumicis duo significatus, (inquit Hermolaus Barbarus in Dioscoridem Corollario 960.) alter notus omnibus: altero dicuntur ita & cætera saxa erosa annis, qualia Musæa, in ædificijs, vt Plinius inquit, Musæa vocant, dependentia, ad imaginē specus natiui arte reddendam, nunc in-

de

de Musaica vulgò nominantur, &c.  
 Pumices factitios quosdam esse scri-  
 bit Vitruvius, ex cocto alio genere la-  
 pidis: & in Melo Pumices quandoq;  
 in altero gigni lapide Theophrastus  
 auctor est. Agricola Pumicem inter-  
 pretatur Pims oder Kraustein. Sed &  
 lapides ex saxo arenario facti (inquit)  
 quibus affricamus pedes, vulgò ap-  
 pellantur Kraustein. ¶ Apud Diosco-  
 ridē probatur Afsius lapis colore pu-  
 micis, (λασπηώδης τὸν χροῖον,) laxus, le-  
 vis, friabilis, &c. Est & Phrygius la-  
 pis apud veteres dictus, gleba pumi-  
 cofa, &c. Acopis nitro similis est,  
 pumicofa, aureis guttis stellata, Pli-  
 nius. In Tmolo monte gignitur la-  
 pis Pumici similis, rarus inuentu: qui  
 quater die colorē mutat, Plutarchus  
 de fluuijs in Pactoli mentione. Ego  
 in monte vel colle non procul Rot-  
 uilla oppidō & Neccaro fl. saxa ma-  
 gna vidi, opere ceu Musaico spectabi-  
 lia natura. ¶ Porus, πορὺς, (per o cir Porus.



Tofus.

cunflexum: nam per o breue porus, meatum significat,) lapis idem fortè qui Tofus est: hæc dictio, Latina: illa verò, Græca est. Sarcophago (seu Afsio lapide) mitior seruandis corporibus, nec absumendis, Chernites est. ebori simillimus, (in quo Darium cõditum ferunt,) Pario & similis candore & duritia, minùs tamen ponderosus, qui Pôrus vocatur, Plinius lib. 36. cap. 17. Pori mentionē etiam Theophrastus facit: & Aristoteles in tertio de generatione animalium, vbi Gaza Tofum vertit: & ante hunc Hippocrates. Plinius in yndecimo (inquit Scalliger) videtur Tofum interpretari, cõmemorans Tofum in ventre iuuenearum inuentum. Grammatici Tophū aiunt esse genus lapidis asperi, qui facile in arenam resoluatur. Plinius libro 17. Nam Tophus scaber natura. Columella libro quarto arenosum tophum, & plus iusto ieiunum sabulo dixit. Plura de Tofo Scalliger de



ger de subtilit. Exercitatione quinquagesima septima. Agricola Germanicè reddit *Toffstein* vel *Topstein*, nostri *Tugstein* dicunt. Afsius lapis non est durus vt petræ, sed *πωροειδὴς* colore & consistentia, Galenus. *Πωροείας λίθος*, Strabo libro 17. de lapillis lentium similibus, &c.

Ad Pumicis & Tofi speciem proximè accedit etiam Salis illa spuma, quæ dum patinæ ingentes ferreæ aqua salsa plenæ, ebulliunt, defluere, & in hanc qua exhibemus hîc speciem, †sequente pumicosam, coire solet. Numerus pagella.  
primus ad salis spumâ florémve, quæ in Salinis Burgundiæ colligitur, pertinet: alter, ad eum qui in Salinis Germaniæ in valle Oeni. Nos plura de his in Corollario ad Cordi libellum de Halofantho.

1. *Salgemmeus.*
2. *Salis spuma è Burgundiâ.*
3. *Eadem ex Hala ad Oenum.*

*De figuris lapidum, &c.*



Ad finem huius Capituli primi, hæc  
etiam formu-  
lâ adijcere vo-  
lui: cuius nu-  
mer<sup>9</sup> primus  
indicat saxū,  
quod matrē  
Rubinorū vo-  
cant: quoniā



Rubini, in eo Rubini gemmæ innascuntur, in  
Valle

Valle Ioachimica, si probè memini. Id  
olim Ge. Fabricius misit. Secundus  
numerus Sapphirum denotat manu- Sapphirus  
brio plumbeo inclusam, vt ita cōmo-  
diùs manu tenentis medici hac gem-  
ma demulceantur carbunculi: quod  
& hodie quidam faciunt, quo succes-  
su nondum cognoui: & olim ab Aui-  
cenna ea vis Sapphiro adscripta est,  
& ab Epiphanio aduersus papulas &  
tubercula.

DE LAPIDIBVS ILLIS,  
*quibus cum stellis, Sole, Luna, aut ele-  
mentis aliquid commune est.*

Caput I I.

**V**T veluti ordine naturæ, à cœlo  
ad inferiora corpora, & à simpli-  
cibus ad magis magisq; composita p-  
grediamur: hoc in capite lapides il-  
los, qui cœlo, stellis ac elementis no-  
men, aut etiam rei aliquid commune  
habent, exponemus.

*De figuris lapidum, &c.*

Ponticarum ( gemmarum ) Plinio plura sunt genera. Est, inquit, stellata nunc sanguineis, nunc atris guttis, quę inter sacras habetur. Alia pro stellis eiusdem coloris lineas habet. Alia montium conualliumq; effigies, Plinius. Ego lapidum genera duo, quę hîc picta adiunxi, in his Plinij verbis intelligi aliquando putavi.

*Horum primus Germanice Sternstein à stellis dici potest: secundus ein Wasserstein, ab vndarũ similitudine*



Sunt enim in priore stellę plures conspicuę: in posteriore verò pro stellis, alij quidam linearũ ductus, vndarum ferè æmuli. Sed tertium eiusdem generis nondum vidi. Obijci potest Ponticas, esse gemmas: quos verò nos  
ex-



exhibemus, lapidum, non gemmarū  
generis esse. Ge. Agricola etiam Pon-  
ticas Plinij, quæ & Thracicæ dicantur,  
Achatī cognatas facit. Achates  
autem gemma est. Plinius libro 37.  
cap. 10. vbi alphabetico ordine gem-  
mas aliquot describit: Ponticarū, in-  
quit, plura sunt genera, est stellata nūc  
sanguineis, nunc atris guttis, quæ in-  
ter sacras habetur, &c. ut paulò antè  
recitauimus. Videtur autem nō ani-  
maduertisse, se rursus de Achate age-  
re, de quo prius etiam huius Capitis  
principio egerat in A. litera: montiū  
enim & conuallium effigiem redde-  
re, sicut & fluminum, nemorum, ali-  
asq; diuersas, Achatis proprium est.  
Et cum hīc dicat vnam Ponticæ spe-  
ciem inter sacras haberi, atris insignē  
guttis: eadem ab initio capitis, Coral-  
loachatæ tribuit, quam in Creta abū-  
dare ait, & sacrum appellari, & guttis  
aureis (sic autem in Ponticis etiam le-  
gendum videtur, non atris,) Sapphiri

modo distingui. Ergo Pontica loco  
iam citato, appellatiuum gemmæ no-  
men est, Latinis (soli quidem Plinio,  
quod sciam) vsitatum pro Achate: a-  
liàs verò adiectiuium & gentile: vt cū  
eiusdem libri capite 9. Chrysolithos  
quasdam, Ponticas cognominat. Et  
paulò pòst inter Pæderotis species:  
Mollius (inquit) radiat Pontica & A-  
siatica. Asteriæ certè nomen conue-  
nit stellatæ è duabus hîc exhibitis: re-  
centiores quidam astroiten vocant:  
quod nomen libentiùs ei tribuerim,  
quòd veluti astris, id est, syderis cœle-  
stis instar stellas in se complures ha-  
beat: vt discernatur ab asteria solido:  
(sic enim nominare nunc libet, cuius  
figuram addidi,) qui corpore toto &  
radijs eminentibus stellam vnā præ-  
se fert. Solent tamen plures eiusmodi  
inuicem connexæ nasci & inueniri  
plerunq̃.

*Aste-*

1. *Asterias separatus.*

2. *Plures coniuncti.*

Asterias vel

Sphragis asté-  
ros dici potest  
hic lapis, cui  
magnitudo fe-  
rè qua hîc exhi-  
betur. In hoc,  
(quem ab illu-

I.



2.



stri & nunquam fatis laudato baro-  
ne, totius antiquitatis incomparabili  
scrutatore Vvilhelmo Vvernhero p-  
pe Roteuillam, vbi reperiuntur in col-  
le edito ad Cimmeriam arcem, acce-  
pi,) octoni cohærebant, ita concin-  
nè iuncti & aptati, velutiq; superinna-  
ti sibi inuicem, (separabiles tamē, (vt  
nullus artifex potuisset meliús. Singu-  
lis vtrinq; stellæ figura ceu sigillo im-  
pressa vel insculpta videtur. Radij e-  
minent suis angulis quini: inq; singu-  
lis radijs cauitas media est. Margines  
strijs transuersis sulcantur. Substantia

Ff

4



corū prædura est. Sternstein dici potest Germanicé. Astroiten accepit primum à Io. Iacobo Clausero, ciue meo & discipulo olim, optimi & doctissimi viri Christophori Clauseri viri nostræ archiatri, cui ego successi, filio, pharmacopœo sanè perito & diligente: ea ferè qua hîc apparet magnitudine, orbiculatū, compressum, qui sanè à multitudine stellarū, Asterias, vel potius ἀσπέρης nomen meretur. Ge. Agricola libro 6. fossilium: Astroites, inquit, candida vel sub cinerea, stellarum, quæ radios iaciunt nigros, est plenissima: atq; ex ea re nomē inuenit. Hanc nostri à victoria appellant: quod putent eum qui illam gestauerit causam obtinere & hostes vincere. Oculi figura plerūq; extuberat, rarò est oblonga. in acetum posita semouet loco, & in orbem nō nihil torquet. Hæc ille: qui astroiten Germanicè interpretatur, ein Sigstein: asteriā verò gemmam ein Wese: sicut & Pædero-



derotem, & Opalum, & Eristalin gē-  
mas: quibus omnibus colores suos va-  
riare pro diuerso ad lucem positu &  
motu, commune est. De astroite nu-  
per amicus quidam meus medicus in  
hæc verba ad me scripsit: Habeo do-  
mi lapidem valde elegantem, non sa-  
nè preciosum vt gemmā dixeris, sed  
qui aspicientibus miram præbeat iu-  
cunditatem. is per totam suam circū-  
ferentiam à summo ad imum vsq; stel-  
lulas repræsentat adeò artificiosas, vt  
nullo artificio commodiùs depingi  
etiā à peritissimo artifice potuissent.  
Sic ille. Res autem admiratione di-  
gna est, quod non in superficie solū  
vndiq; sed intus etiam in profundo  
stellarum imagines habet: quodq; mē-  
brana quadam ceu cuticula tegitur:  
quæ aceti acrimonia eroditur, aut suc-  
ci limonum. in his enim liquoribus  
eum moueri aiunt. Trochiten quo-  
que in aceto moueri, Agricola tradit.  
Asterias seu astroitas in aceto bul-

lientes, in Cancris interdum reperiri, gemmarius quidam olim mihi persuadere conatus est. Sunt qui lapillum hunc stellis insignem, à nobis exhibitum, è capite Draconis apud Indos extrahi putent, vt Marsilius Ficinus. vide infra in Capite de serpentibus. Petrus Bellonius verò in Gallia quodã tractu, magna omnino frustra huius lapidis reperiri, & ædificijs parietibûsque adhiberi, mihi retulit: quorum an itidem certa quæpiam figura sit, & an sola magnitudine à minoribus differant, nondum rescivi. Audio & alium lapidẽ, similiter Sigstein à Germanis dictum, multas in corpore suo veluti rosas à natura pictas, ostendere. Plinius lib. 37. cap. 9. Asteriam & Astrion tanquam diuersas describit, cum gemma vna videatur, quod & Agricola probat. Candidarum dux (inquit Plinius) est Pæderos, &c. Proxima candicantium est asteria, principatũ habẽs proprietate naturæ, quod  
inclu-

inclusam lucem pupillæ modo quamdam continet, ac transfundit cum inclinatione, velut intus ambulantem ex alio atq; alio reddens: eademq; cōtraria Soli regerens candicantis radios, vnde nomē inuenit, difficilis ad celandum. Indicæ præfertur in Carmania nata. Similiter candida est quæ vocatur astrios, [*mālim asterios, ex Dionysio Afro,*] crystallo propinquans, in India nascens, & in Pallenēs littorib⁹. intus à centro ceu stella lucet, fulgore Lunæ plenæ. Quidam causam nominis reddunt, quòd astris opposita fulgorem rapiat ac regerat. Optimam in Carmania gigni, nullamq; min⁹ obnoxiam vitio. Cerauniam enim vocari quæ sit deterior: pessimam, lucernarum lumini similem. Et paulò póst: Est & inter candidas quæ Ceraunia vocatur, fulgorem siderum rapiens. Ipsa crystallina splendoris cœrulei, in Carmania nascens. Albam esse Zenothemis fatetur, sed habere intus stellā



concurfantem, [forte coruscantem.] Fieri & hebetes Ceraunias: quas nitro & aceto per aliquot dies maceratas concipere stellam eam, quæ post totidem menses relanguescat. Hucusq; Plinius. nam alia duo Cerauniæ genera, quorum mox è Sotaci scriptis meminit, gemmæ non sunt; de quibus inferrius agemus. Asteriam igitur siue Astrion gemmam esse constat ex Plinij verbis: eiusq; speciem vnam, Cerauniam. Eodẽ verò in loco: Celebrât, inquit, & Astroiten: mirasq; laudes eius in magicis Zoroastren cecinisse, quidam diligentius de ea produnt.

Quod ad Astroitæ nominis terminationem, an ea rectè & ex Græcorum consuetudine à nomine ἀστρον, quod est, sydus, formetur, viderint Grammatici: quorum tamen per pauci his in rebus sunt curiosi. Mihi melius astrites ternis syllabis quàm astroites quaternis ab astro deduci videtur: vt apud medicos nostros à nominibus ῥόδον, μῆλον,



μῆλον, μύρον, οἶνον ῥοδίτης, μηλίτης & μυρ-  
τίτης denominantur. Rhoites autem  
vinum è malis punicis factum à nomi-  
ne ῥόα formatur. Est igitur asterias  
vel astitres, vel astrios, aut asterios po-  
tius, lapis (ἀστερίας, ἢ ἀστρίτης, ἢ ἀστέριος ὁ.  
subaudi, λίθος,) preciosus: qui alibi à  
Plinio etiam Solis gemma dictus vide-  
tur Agricola: idem quæ alio nomine A-  
strobolus apud Pliniū: cuius doctissi-  
mis cōiecturis nos faciliè assentimur.  
Figuram habet, inquit, scalpta dimi-  
diati globuli. quare Sudines oculis pi-  
scium similem esse dixit Astrobolon.

Solis gemma Plinio, candida est, &  
ad speciem syderis in orbem fulgen-  
tes spargit radios. Eidem Mitrax di-  
cta, Persis accepta est, è Rubri maris  
montibus, multicolor, contra Solem  
variè refulgens. Potest autē hæc quo-  
que Solis gemma vocari: etsi à superio-  
re quæ candida est, varietate colorū  
distat. ego Mithram per, t. aspiratum  
scripserim: sic enim Persæ Solem ap-

*De figuris lapidum, &c.*

pellant. Sed cum & Asterias & Pæderos, *Wese* à Germanis vocetur: in eo distinguuntur, quòd hic ad inclinationes mutat colorem, ille rotundam lucem inclusam transfundit cum inclinatione. A Dionysio Afro non à *σπίας* prima, sed à *ἀστέρων* tertia inflexione profertur, his versibus:

Φύεται Ἀστέρων καλὸς λίθος, οἷα τις ἀστὴρ  
μαρμαίρων, Λυχνὶς τε πυρὸς φλογὶ πάμπαν ὁμοίῳ:

[*Aliàs Λύχνης legitur, paroxytonum macylinum: & mox, πυρὸς φλογὶ πάμπαν ὁμοίῳ.*] hoc est, Circa Pallenem Thraciæ montem,

*Nascitur Asterius pulcher lapis, & micat  
instar*

*Syderis: & Lychnis similis splendore lucernæ.*

Quòd si gemma vlla reperiretur noctu lucens, illa profectò præ cunctis cæteris stellæ nomen promereretur.

A superioribus fortè differt Asterites lapis, cuius meminit Suidas in vocabulo ἰχθῦς, his verbis: Aesopus qui

Mi-

Mithridati à lectionibus fuit, librum de Helena edidit: in quo tradit pâna vocari piscem cetaceum, [*cernibus fortè Panis dei pastorum instar præditum,*] in quo Asterites lapis inueniatur, qui accendatur à Sole, & ad philtrea faciat. Non est autem verisimile lapidem in pisce aut ceto repertum, Sôle accendi, vt fortè nec alium vllum lapidem: verisimilius verò fuerit eundẽ de quo Plinius scripsit, Asteriam hunc esse: neq; reuera accendi, sed Solis aut syderum radios regerendo, ardere accendiq; videri. Porrò ab Astrite differt Ostrites, de quo nos infrà Capite 4. plura adferemus, in Sideritæ mentione.

Sandaistros quam aliqui Garamantiten vocant, [*à regione scilicet: nam & carbunculi quidam Garamantici cognominantur,*] carbunculis cognata, nascitur in India loco eiusdẽ nominis. Gignitur & in Arabia ad meridiem versa. Commendatio summa, quòd velut

*De figuris lapidum, &c.*

in translucido stellantes intus fulgent  
aureæ guttæ, semper in corpore, nun-  
quam in cute. Accedit religio narra-  
ta à siderum cognatione ab inspecto-  
ribus: quoniam ferè stellarum Hyadū  
& numero & dispositione stellantur,  
ob id Chaldæis in ceremonijs habi-  
tæ, &c. Inter omnes constat, quantū  
numero stellarum accedat, tantū &  
precio accedere, Plinius. In ipso q̄-  
dem Sandastri nomine, barbaricæ vel  
Ebraicæ originis, vt videtur, primam  
syllabam coloris ardentis significati-  
onem habere conijcio, vt in Sandarā  
cha quoq; & Sandyce: ad quam & ac-  
cendere verbum apud Latinos, & a-  
pud nos *zünden* accedit. In Caribun-  
culis Carchedonijs marib⁹ aliqui tra-  
dunt stellas intus ardere: foeminas vni-  
uersum fulgorem fundere extra se, Pli-  
nius. Et alibi: Syrtitæ in littore Syr-  
tium, iam quidem & in Lucania inue-  
niuntur, melleo colore, croco reful-  
gentes, intus stellas continent langui-  
das.



das. Acopis nitro similis est, pumicosa, aureis guttis stellata: cum hac oleum subferuefactum perunctis lassitudinem (si credimus) soluit, Idē. Stellis aureis distinguitur etiam Sapphirus: & Corallachates, quæ & Pontica aliter dicitur Plinio, (vt supra monuimus,) sanguineis aut atris (aureis, lego) guttis distincta. Puncta variè disposita in superficie alicuius corporis, stellæ quandoq; nominantur apud veteres Græcos, præsertim si splendēant: vt in Iaspide quam *ἀσπερίτης* cognominant: & inter aues in Ardea atque Accipitre stellaribus: inter pisces verò in Galeo, id est, mustelo. Inter iaspidis species vna *ἀσπερίτης ἔχουσα ἀσπιδόκεντρα καὶ ἀσπιδόκεντρα*, *ἀσπερίτης* vocatur apud Dioscoridem, alia lectio habet *ἀσπερίτης*, id est, sydereæ, nec displicet. Iaspidis species rutilis punctis stellata, memoratur à Plinio.

Samia terræ duæ sunt: quæ Syropicon, [*mâlim Collyrion, ex Dioscoride,*] &  
Gg

quæ Aster appellatur: hæc globosior est, & candida, Plinius. Dioscorides asterem tradit esse πλακώδη, & cotis instar densum: de colore nihil dicit.

Priorem, Collyrium dictam puto, siue ab eo quòd misceri soleret oculorum medicamentis: siue quòd mollis ac tenera sit & facilè soluatur collyrij instar. Altera verò, Aster dicta, utrū ex eo nomē duxerit, quòd stellâ, sicuti Lemnia caprâ, signaretur: an ex eo quòd in ipsa, sicut in argilla Eislebana, multæ micæ interniterent, memoriæ proditum non est, ut scribit Agricola: mihi à micis potius, hoc est, veluti argêteis pſegmatis in ea sparsis nominatum Asterem animus inclinat. Addit Agricola, Asterem pingue esse, ex Galeno: læuem, ex Theophrasto: & crustis constare, ita nimirū τὸ πλακώδες interpretatus: ut in terra Samia τὸ δὲ χυλόν, boni succi: qualis, inquit, est dulcis in pingui: is autem succus tum sentitur, cum terra ad linguâ ad-

mota, humore eius liquefcit: Querendum verò an ὀχύλον, hoc in loco, nō boni succi interpretari conueniat, ſicut alimenta quæ bonum ſuccum & probum ſanguinē generant: ſed quod facilè liquefcit, τὸ εὖ καὶ ῥαδίως χυλιζόμενον, & in lingua facilè in ſuccū abit, propter mollem ſeu teneram & pinguem ſubſtantiam. Cæterū tria hæc, terra, Aſter, & lapis. Samia, coniecerim duritiæ ferè ſolūm differre. Terra enim leuior ac mollior eſt: aſter, denſior, gleboſior, durior, ſolidior: lapis deniq; iam lapis, hoc eſt, duriffimus præ illis, adeò vt auro etiam argētoq; læuigandis poliendisq; adhiberetur. Color etiā omnibus tribuitur albus, ſi in ſuo quæq; genere excellant. aliter enim etiam alius eis color eſſe poteſt. Sic & inter bituminis genera, gradus primus Naphthæ ſeu liquidi eſt: ſecū-  
 dus craſſioris, quo marmorati intri-  
 cæue loco uſi ſunt aliqui ad ædificia:  
 tertius Piſſaſphalti, quod digitis ſeu

*De figuris lapidum, &c.*

vnguibus adhuc cedit, non inquinat  
tamen: quartus Asphalti, id est, Bitu-  
minis simpliciter dicti: quintus deni-  
que Gagatæ aut Thracij iam lapidū.  
Sic in ovo præter album liquorem,  
membranulam testæ inhærentem, &  
testam ipsam, reperiās. E Samio lapi-  
de candido facta est gemma, quā Zo-  
roastres Exhebenum nominavit, A-  
gricola. Recentiores quidā Talkum  
etiam Barbaris dictum, Speculari lapi-  
di cognatum, Stellam terræ appellāt,  
à luce & radijs quibus splendet: sicuti  
& Magnetidem, argenteo nitore co-  
loreq; micantem. Io. Mesue lapidem  
stellatum à se dictum, duplicem facit:  
alterum Marchasitam (Pyriten argen-  
ti interpretantur,) qui nimirū & ipse  
argenti modo splendet: alterum verò  
lapidem Cyaneum, id est, Lazuli vul-  
gò dictum: in quo guttæ aureæ inter-  
dum elucent: quarum occasione insi-  
gnis quidā sculptor Ferrariæ, in hoc  
lapide Cicindelam scalpsit, miro arti-  
ficio,



tificio, ita vt cauda extrema accensa videretur, cum in guttam auream exiret. ¶ Ponemus & inter Echinitas lapidem (Capite de Aquatilibus infra,) in cuius globo dimidiato, quinque radiorum stellam natura cœlauit.

Asteria gemma contraria Soli, regerit candicantes radios, vnde nomen inuenit, Plinius. Nos plura de ea paulò ante. hic autem repetimus, ob mentionem Solis. Huic & Mithrax cognata videtur à Sole (quem ita Persæ vocant, dicta item Solis gemma, quæ eidem Plinio candida est, & ad speciem syderis in orbem fulgentes spargit radios. Item Astrobolos, quam Sudi-nes dicit radiare candido (colore) vt Solem, oculis piscium similem. Solaris est lapis, qui Solis oculus appellatur, figuram habens pupillæ, ex qua lumen emicat. item carbunculus nocte rutilans, vt scribit Marsilius Ficinus. Idem de vita cœlitus comparanda lib. 3. cap. 15. Helioselinon nomi

nat lapidem, qui Solis Lunæq; cōiunctæ Soli naturaliter imaginem habet: Et Pantauram apud Indos lapidem, qui cæteros ad se lapillos trahat, sicut Magnes ferrum, maximè Solarem esse scribit. Heliotropium etiam gemmæ nomen est, quæ ab altero Prasij genere, porracei itidē coloris, in hoc differt, quòd ipsa sanguineis venis distinguatur, illud punctis, Agricola teste. Plinius etiam lib. 37. cap. 10. Heliotropio sanguineas venas tribuit. Causa nominis, inquit, quoniam deiectæ in vas aquæ, fulgorem Solis accedentē percussu sanguineo mutat, maximè Aethiopica. Eandem aut persimilē eruditus quidā Italus pro Iaspide Indica ad me misit: quam exhibebo capite 7. inter Ornamenta. Mithrax dicta gemma contra Solem variè refulget, &c.

Tephrites nouæ Lunæ speciem habet curuatus in cornua, quamuis cinerei coloris, Plinius. De hac plura  
in-

inferiús. Selenites ex candido tráslucet, melleo fulgore, imaginem Lunę continens, redditq; eam in dies singulos crescentis minuētisq; numero nasci putatur in Arabia, Idē. Ge. Agricola lib. 5. de natura fossiliũ: Specularem lapidem (inquit (è Græcis qdam *σελῳίτω* appellant, quòd plena nocte ad incrementum Lunę soleat inueniri: vel quòd imaginem Lunę, quam, quia pellucet, noctu concipit, in dies singulos crescentis minuētisq; numero reddat. Alij *ἀφροσέλωον* vocāt, quòd multis persuasum esset, (vt absurdissima quæq; vulgo persuaderi possunt,) Lunę esse spumam. Sic ille. Lunaticus quidem morbus dicitur comitialis, quo correpti ore spumāt: — — — [*καὶ φάτα ῥοπήν πίπτοντα σελῳῆς* *ρῶαδ*], Orpheus in procemio de lapidibus,] & Plutarchus in libro de fluminibus, Selene herba in Apæfanto monte iuxta Inachum fluuium, spumam emittit. Ex iam recitatis verò



Agricolæ verbis, apparet eum Seleniten Plinij, eundem Speculari lapidi existimasse, etsi mellei fulgoris nullā fecit mentionem. Nos speculares lapides alios sine colore & pellucidos, alios verò coloris in fusco flauentis, quem melleum dixeris, habemus. Selenites lapis, inquit Dioscorides, quē aliqui aphroselenon nuncupāt, quòd per noctem inueniatur plenus ad Lunæ fulgorem: *μεινὸς γὰρ τῇ τῇ σελεύῃς πρὸς αὐξήσεις*, interpretes vertunt ad incrementa Lunæ. sed *πρὸς αὐξήσεις* videtur magis propriè decrementum significare, & ita se habere ad *αὐξήσεις*, vt ἀκμὴ ad πρὸς ἀκμὴν. Decrescente autem Luna inueniri minùs verisimile est, quàm cū plena: tum enim imaginem eius plenæ cōmodiùs & ampliore aspectu recipit, vt ita deprehendatur faciliùs. quare Græcè ita legendum coniecero, *ὅτι τὸ εὐρίσκεσθαι αὐτὸν νυκτὸς γὰρ τῇ τῇ σελεύῃς μεινὸς πρὸς αὐγὰς*. Quòd si non placeat *μεινὸς* Græcè nominare, vt plenam Latinè,

tinè,



tinè, quòd fortè authorum testimo-  
nia defint, πανσέλλωρ enim plerunq;  
legimus: etsi Dioscoridis stylus non  
adeò purus est ac proprius, ac ita de-  
fendi possit hæc lectio: licebit hoc pa-  
cto legere, ὅσα τὸ εὖρ. α. ν. σιλπνὸρ (ἢ λαμ-  
πρὸρ) γν' πῆ τῇ σελ. πρὸς αὐγάσει: hoc est, eò  
quòd noctu effulgēte Luna splendēs  
reperiatur. Plinius certè non de a-  
lio Selenite quàm Dioscorides scri-  
bens, Lunā ab eo reddi, inquit in dies  
singulos crescentis minuentisq; nu-  
mero: vt mutilus fortè Dioscoridis sit  
locus, aut Plinius aliter legerit. Ego  
Lunæ quocunque tempore lucentis  
imaginem in hoc lapide tanquā spe-  
culo reddi puto. amplissimam verò  
cum plena est, ideoq; tum faciliùs in-  
ueniri: & crescere aut decrescere in  
eo percussam Lunaris imaginis lu-  
cem, non autem ipsum met vt Marbo-  
dæus fingit his carminibus:

*Lunares motus & menstrua tempora seruat.  
Crescit enim Lunā crescente, minorq; minutā*

*De figuris lapidum, &c.*

*Efficitur, tanquam cœlestibus anxia damnis.*

Quòd si idem specularis est lapis, (vt eruditi quidā hodie existimant, & mihi quoq; videt,) *σφαῖρες*, & *σπεικλαῖον* à Græcis medicis dictus, quomodo is ad Lunam noctu splendeat, facile erit deprehendere. Vitrum quidē cum præ se ferat, eoq; ad specularia aptus sit, (nostri quòd glaciei instar tranluceat, diuæ Virginis glaciem vocant, *Unser Frauen eyß*, alij Germani *Spat* appellant,) speculi etiam instar imagines, lucidas præsertim, reddere poterit. Cornarius eundem lapidem esse non putat, quòd veteres diuersa de vtroq; scripserint, & eundem esse nullus eorum dixerit, argumentis parum firmis. Diuersa enim de eadem re scribi nihil vetat, modò ne contraria: & multa recentiores acri inuestigatione deprehendēre, quæ veterum plerosque latuerunt. Aphroseleni nomen à spuma factum conuenit, siue à remedio ad lunaticum & spumantē

mor-

morbū: siue à colore albo spumæ, in  
ramētis præsertim ad remedia deraſis.

¶ Aphroselenium in Aegypto tan-  
tummodo inuenitur, quod ita crea-  
tur: Ros cœlestis positus ad Lunæ cla-  
ritatem in specie lapidis, quem specu-  
larem vocamus, coagulatus stringi-  
tur, vnde & nomen sumpsisse vide-  
tur. Cuius eligimus quod est colore  
cœruleo & lucido. Potest autem om-  
nia vitia capitis potatum emendare:  
& cephalalgicis & epilepticis vtiliter  
prodesse, Author libri de simplicibus  
medicamentis ad Paternianum Gale-  
no adscripti. Ammonis cornu di-  
ctus lapis, inquit Georgius Agrico-  
la, videtur aurei coloris armatura ob-  
ductus esse. nā (&) in toto Hildeshei-  
mio tractu, inuenitur lapis nouę lunę  
speciem habens curuata in cornua,  
aurei coloris armatura vestitus, mo-  
dò magnus, modò parvus: mediocri-  
ter autem durus & interdum striatus.

Ammonis  
cornu.

[Cardanus in libro de gemmis Seleniten hūc



*De figuris lapidum, &c.*

*quoq; lapidem vocat, sine authore quòd sciã.*  
Sed eundem aliquando ferrei coloris armatura tegit: aut Adamanti similis, &c. Ibîdem effoditur lapis eiusdẽ figuræ, sed omni vacuus armatura, &

Tephrites. cinerei coloris: qui est Tephrites apud Plinium. Hactenus Agricola ego & tephriten, & similem illi lapidem alterum armatura intectum, Menoidem potius quàm Selenitem nominârim, discriminis gratia. Lunam enim corniculatam, siue triduanam & in cornua curuari incipientẽ, Græ-

Menoides. ci *μνωειδὴν* nominant. Nuper tamen amicus quidam meus rerum naturalium peritissimus, Menoidis lapidis nomine ad me misit argillaceũ quendam & crustaceum lapidem, cinerei coloris, planũ, nullaq; alia forma insignem, nisi quòd paulatim additis crustis multis tenuibus (vt ad latera lebetum in quibus aqua coquitur similes quidã lapides generantur,) coaluisse videtur. Hunc verò, etsi fortè videri posset



posset ita ex crustis suis paulatim au-  
 gētis, vt Luna suis luminibus augetur,  
 coiuiffe, à Luna ego non denominâ-  
 rim: multoq̃ minùs à Luna cornicu-  
 ata, cum figuram eius non referat.

¶ Circa Pallenen Thraciæ montē,  
 Dionysio Afro teste, nascitur Asterius  
 lapis, vt suprà etiam dictum est: & Ly-  
 chnis flammæ persimilis. Quo in lo-  
 co Eustathius in commentarijs suis:  
 Lychniten lapidem (inquit) alij Sele-  
 nitem vocāt, quòd occulta quadam  
 vi cum Luna communicet, sicut & e-  
 lectrum quod à Borysthene cogno-  
 minant *Βορυςθύντιον ἡλεκτρον*: & pariter  
 cum illa crescat atq̃ decrescat. Sed Se-  
 lenites ille, cum Luna crescens atque  
 decrescens, (non ipse, sed Lunæ in eo  
 imago,) vt paulò antè diximus, non  
 alius quàm specularis lapis videtur: q̃  
 fortè ne lapis quidem propriè fuerit,  
 tum aliàs, tum quia flexilis est. Lych-  
 nis verò, quæ & lychnites Agricolæ  
 dicitur, gemma est, igneo seu flammæ

*De figuris lapidum, &c.*

lucernarum colore splendens, velutiq; ardens, in scopulis Pallenēs, quæ est peninsula Thraciæ nascens, & circa Orthosiam caudem, totaq; Caria ac vicinis locis. cæteris antecellit Indica, quam quidam, vt Plinius inq̃t, remissiorem Carbunculum esse dixerunt. Agricola hæc interpretatur Germanis suis ein gilbichten Rubin, id est, Rubinum coloris pallidi vel gilui. Eadem aut cognata est, licet candido colore, Astrios vel Asterios potiùs Plinij ac Dionysij Afri, in India nascens, & in Pallenēs littoribus: cui intus ceu stella lucet, fulgore Lunæ plenæ, quæ verba sunt Plinij. In Perside aiunt gigni lapidem Seleniten, cuius interiorem candorem aiunt cum Luna crescere atque deficere, Augustinus de ciuitate Dei 21. In Ballenæo monte Phrygię gignitur lapis, Aster nomine: qui solet nocte profunda ignis instar splendere sub initium autumnii ( τοῦ

φθινο-

πλευρωγού.) cognominatur autem in-  
ligerarum nomine Ballen, Βάλλω,  
d est, rex, vt tradit Hermesianax Cy-  
prius secundo Phrygiacorum, ex Plu-  
tarchi de fluuijs libro. Robertus  
Constantinus variæ doctrinæ vir, in  
Lexico Græcolatino suo, vulgò hanc  
gemmam *Rubi balley* à Gallis nomi-  
nari scribit, solerti coniectura, ex no-  
minis vicinitate, cui res ipsa conue-  
nit. Siue autem à Pallene Thraciæ  
peninsula, siue Ballenæo Phrygiæ mō-  
te, Pallenæam aut Ballenæam hanc  
gemmam cognomines, vt à cognatis  
carbunculorum generis distingua-  
tur, parum interest. Agricola Car-  
bunculum candidum Germanicè in-  
terpretatur *Ballas*: (aliqui *schiler Ru-  
bin*,) & à pallore dictum videri scri-  
bit: Asteriam verò *Wese*, vt suprà e-  
tiam monui. Duæ autem hæ generis  
vnius species videntur. Porro cir-  
ca *Lychniten* seu *Lychnidē* gemmā,  
de qua nunc diximus, cauendū est, ne

*De figuris lapidum, &c.*

cum lychnite marmore, quod ad lucernas effodi tradidit Varro, (vnde nomen nimirum,) confundatur.

¶ Succinum etiam, quod Græci Electrum vocitant, affinitatem quandam habere cum Luna putant aliqui, quod Lunari, id est, comitali morbo aduersetur. Dionysius Afer quoque cum hoc sydere eius sympathiam indicat ubi scribit circa ostia fluuiorum Aldefci & Panticapis in mare glaciale se exonerantium nasci Electrum, his verbis:

Ηδ' υφαῖς ἡλεκτ' αἰέξεται, οἷα τις αὐγὴ  
μῶν ἀρχομένης: ex quibus aliquis conijciat, sentire eum, Electrum cum Luna crescente crescere, quod de Selebite alij prodiderunt. Ego de Electrone nostra memoria nihil tale accepi: sentire tamen ipsum vim Lunæ, sicuti Oceanum totum, & pro eius incremento ac decremento, parcius copiosiusve ad littora promoueri, credibile est.

Lac lunare ¶ Est & quod Lac lunare à nostris appellatur.



pellatur: quod in altissimorum quorundam montium Helueticorū speluncis reperitur, vt Stocchornij in ditione Bernensium, & Fracti siue Pilatini Lucernensium: De quo repetam hīc ea ferē verba quæ in Fracti montis Descriptione nostra ante annos se decim posui: mutatis nonnullis & additis: In spelunca quadam per summū montem, fornici adhærens nascitur substantia quædam fungosa, friabilis, alba, leuissima: quam Fungum petrēū dixeris, vel Agaricum saxatile: tam similis huius est facies. Incolæ *Monmilch* appellāt, id est, Lac Lunæ, à substantia alba & spumosa, ex qua cōcretus videtur hic lapis, si lapidis nomen meretur. Aquæ mixtus, albo lactis colore eam inficit. Insipidum est. Siccatur sine morfu. Nulla in eo asperitas: & totum cum saliuā mandentis liquefcit, præsertim quod melius fuerit. nam & crassius asperiusq; reperitur, immaturius nimirum & crudius: quod odo-

re etiam caret. Concoctum aut & perfectum, vt asperitatē amittit, ita albius colore, & pondere leuius, & suauiter odoratum redditur. Videtur autē naturam Holosteis dictis lapidibus, qui in terra arenosa in Palatinatu effodiuntur, proximam habere: & lapidi quem ego ab odore Cydoniten nomino. Superstitiose quidam aduersus quemcunq; morbum ægroti cuiusuis, propter quem expresso ipsius nomine è spelunca petatur, salutarē esse putant. Lucernæ in pharmacopolio vānīre solet. Pollinem eius chirurgi vlceribus desiccandis inspergunt. Sūt qui nutricibus, ad augendā lactis copiam, pollinis huius drachmam exhibeant, è iure ni fallor: [potest autē cōmodiūs ex lacte amygdalarum cui immixtus hic pollen aliquot horis fuerit, colato propinari, cum pauco saccharo & aqua fœniculi.] aiunt autem mamillas euidenter hoc auxilio turgere & repleri lacte. Præterea à docto  
quo-

dam viro, nuper proditum inuenio,  
Lac Lunæ in profluuiio sanguinis vti-  
liter dari tanquam somniferum, idq;  
sibi experimento constare. Quod ad  
nomen priscum, ego aut ipsum Mo-  
rochthum veterum esse aliquādo pu-  
taui: aut easdem certè illi facultates  
obtineret, sed amicus quidam rerum  
fossilium omniū cognitione clarus,  
Margæ friabilis genus esse mauult.

Sardam cum arbore naturali & Lu-  
na eclipsim patiente, Hier. Cardanus  
olim ad me misit.

Nunc à cœlo & syderibus ad ele-  
menta descendam: quorum supremo  
loco est ignis, Lunari sphæræ proxi-  
mus. Chrysolampis in Aethiopia na-  
scitur, pallidi coloris die, & noctu i-  
gnei, Plinius. Gemmarum ardentium  
principatum habent Carbunculi, à si-  
militudine ignium appellati, cum ipsi  
non sentiant ignes, ob id à quibusdā  
apyroti vocati, Plinius. Orites etiam,  
à quibusdā & Siderites vocatus, ignē



non sentit, Idem: de quo nos plura in  
feriùs Capite quarto. Adamãti quo-  
que ignium victrix natura, & nunquã  
incalescens tribuitur. Topaziũ aiũt  
prohibere ne ferueat aqua: & manũ  
quæ Topazium habeat, ab aqua bul-  
liente citra iacturam cripi posse. In  
Phlegontide intus ardere quædam vi-  
detur flamma, quæ non exeat, Plinius.

Albertus testatur Carbunculũ, An-  
thracem (*άνθραξ* Græcis carbo est, si-  
ue ardens, siue extinctus) dici à Græ-  
cis: eumq; lucere in tenebris tanquã  
carbonem, superfusa aqua limpida, in  
vase vitreo mundo polito. Cathari-  
nam Angliæ reginam, Henrico octa-  
uo nuptam, gemmam in tenebris lu-  
centem, in annulo habuisse audio. Ru-  
binũ fuisse putant. Carbunculi gem-  
mæ species est, Rubinus noster, in-  
quit Encelius, quem alio nomine di-  
cere possumus Lychniten. Nos de ly-  
chnite, suprà in Selenite diximus.

Lychnidem Dionysius Afer vocat,

*λυχνίς*



πυρὸς φλογὶ πάντων ὁμοίω. Est ex ardētium gemmarum genere etiam Lychnites appellata, à lucernarum accensarum gratia, Plinius. In Hydaspē fluuio gigni lapis Λύχνης dictus, (Λύχνης paroxytonū, masculino genere,) cui color oleosus, & valde politus, (Ζεσὸς, feruidus: malim ξεσὸς, id est, politus:) inuenitur autem crescente Luna, ad melodiam tiliarum: & vtuntur eo pperes, Plutarchus in libro de fluminibus. Lychnites verò marmoris genus quódnam sit, quærendum. Varro ad lucernas effodi solitum tradit: siue id verum est, vt subterranea pleraque in metallis profundioribus, lucernis adhibitis eruuntur: siue ad augendi precij causam fictum. Statuarij siue marmorum scalptores, omnes tantū candido marmore vsi sunt è Paro insula, quem lapidem coepere Lychnitem appellare: quoniam ad lucernas in cuniculis cæderetur, vt autor est Varro, multis postea candidioribus

reperitis. Nuper etiam in Lunensium lapidicinis, vt tradit Plinius. Marmoris autem albi mentio admonet me aliterius pellucidi: cuius generis tabulas duas ex Hispania aduectas, nobilem mercatorem Leonhartum Cellarium Sangalli in Heluetijs possidere audio: easq; pellucere, marmoris cãdidi specie. Ex alabaastro quidem vulgò dicto poculum candidissimum & translucidum, penes me est. Marmor verò illud transparens, Phengites Plinij fortè fuerit, ab eo dictũ quod phengos, id est, lucem transmittat. His scriptis literas ab amico accepi, cui profecturo Sangallum vt hunc lapidem inspectum mihi describeret mandaram.

Vulgò (inquit) lapidem Alabastrũ appellant, [*Fortè autem hodie dictus Alabastrus vel Alabastrites lapis, non verè est Alabastrus veterum, & marmorum generis, cum mollis sit non durus lapis: ob colorem tamen & magnitudinem Alabastrus existimatus:*] Tabulæ binæ ex eo factæ, siue

Alabastrus

cru-

crustæ, singulæ circiter pedes duos longæ sunt, sesquipedē latæ: quæ magnitudo specularibus (fenestris vulgò dictis) mediocribus ferè conuenit: in quem vsum marginibus ligneis includuntur: & lucis splendore mediocrè transmittunt ijs qui intus sunt, ita tamen vt neminem foris agnoscere possint: foris autem astantium aut prætereuntium visus omnino nō penetrat. Quare ad cubiculorum specularia, quæ ad internas ædium partes spectant, aliquibus in vfu sunt. In Hispania ferunt templorū aliquot specularia ex hoc lapide facta esse, vitri loco, & picturis quibusdam ornata. Lapis albicat, albo marmori ad subfuscum colorem vergenti, aut filici albo fluuiatili splendido, persimilis, nō sine quibusdam maculis tamen. Quibus in partibus fractus est, aluminis instar splendet. Planula (vt recentiores vocant, nostri ein hobel) attenuari & poliri potest. Vngue digiti pulsatus



vitri vel æris instar sonat. Tabula nō-  
dum expolita, pollicis: polita verò, di-  
giti crassitudine erat. Fiunt & pocu-  
la aliæq; vascula ex eodē lapide in Hi-  
spania: quæ in alias regiones expor-  
tantur: & fracta etiam, si crustæ inte-  
græ sint, ferruminari possunt. Hæc a-  
micus. Nerone principe (inquit Pli-  
nius) in Cappadocia repertus est lapis  
duritia marmoris, candidus atq; trās-  
lucens, etiam qua parte fuluæ incide-  
rant venæ, ex argumento Phengites  
appellatus. Hoc construxerat ædem  
Fortunæ, quam Seiam appellant à Ser-  
uio rege sacratam. Quare etiam fori-  
bus apertis interdum claritas ibi diur-  
na erat, haud alio quàm specularium  
modo, tanquam inclusa luce non  
transmissa.

Redeo ad Carbunculum: quem E-  
piphanius tradit inueniri noctu, emi-  
nus lucernæ aut carbonis ardentis in-  
star scintillantem, *αἰνθρίζοντα*, id est,  
scintillas emittentem. Fortè autē Spi-  
nella



nella quoq; vulgò dicta, Carbunculo  
rum generis gemma, ab huiusmodi  
scintillis, quos Græci spinthêras vo-  
cant, suum nomen inuenerit. In An-  
thracitide scintillę discurrere aliquā-  
do videntur, Plinius. Omnes carbun-  
culi rubent & fulgent, sed dissimili-  
ter, inquit Agricola. nam color eis est  
egregiè ruber, itemq; fulgor: sed ple-  
runq; parui sunt: quos appellant Spi-  
nellas. Aut color item & fulgor egre-  
giè rubēt, sed ferè maiores sunt: quos  
Itali à colore Rubinos appellant, Grę-  
ci (vt etiam Ouidius) quia valde ar-  
dent, ab ignis aspectu, Pyropos. Ego <sup>Pyropi.</sup>  
apud Græcum authorem Pyropū ap-  
pellatiuè pro gemma legisse iam non  
memini. Epiphanius adiectiuè vtitur,  
Sardium scribens πυρρον βελίδει, id  
est, colore igneum. Inter Latinos poë-  
tæ soli, puto, hac dictione pro gem-  
ma vtuntur, vt Ouid. 2. Metamor.

*Clara micante auro, flammæq; imitante  
Pyropo.*

Inducto pyropo fulgebat parma,  
Propertius lib. 4. Eleg. II. Pluma rubro  
clara Pyropo, Lucretius lib. 2. Cæte-  
rùm vt Lychnidem gemmam diximus  
*πυρρὸς φλογὶ πᾶμπαν ὁμοίω*: ita & Phlo-  
ginus quidam lapis apud Plinium à  
flamma denominatur, aurei siue flam-  
mei coloris. nam & chrysitē, inquit,  
vocant, Ostreæ (Ochræ) Atticæ assi-  
milatam, in Aegypto. ¶ Hephæsti-  
tes Solis radijs obuersus, aridam ma-  
teriam accendit, sicut & Crystallus:  
de eo autem plura cap. 5. leges. Spe-  
culum etiam concavum in Sole accē-  
dit sulfurata, stramenta, sarmenta: sic-  
ut & aqua in phiala vitrea. Pyritē di-  
cuntur è quibus ignis excutitur, va-  
riorum generum: quæ non modò co-  
loribus & figuris, sed etiam substātia  
differunt. Pyritē (inquit Hermo-  
laus in Corollario) sunt qui & Sideri-  
ten vocitēt, & Androdamanta & Bo-  
strychiten. In Cypro reperiri volunt  
vnum argenteo colore, alterū aureo.

Ali-

Hephæsti-  
tes.

Speculum  
cauū.

Aliqui tertiū genus faciunt, quod plurimū ignis habeat, ponderosissimūq; sit, quos etiam viuos appellamus. Hi exploratoribus castrorū maximè necessarij: quia clauo alteròve lapide percussis, excutiuntur scintillæ: quæ sulfure exceptæ, aut fungis aridis, aut folijs, celerrimè ignem trahunt. Pyrites & gemma est (Plinio:) nec scio an diuersa ab hac, nigra & attritu digitos adurens. Hæc ille. Cæterum vt ex Pyrite tum metallico, tum sterili (quem Silicem viuum, vel absolutè nominamus,) ignis excutitur: ita etiam ex alijs quibusdam duris ac læuibus: etsi partibus quæ ictu in eis exasperatæ fuerint, facilius eliciatur: Sic etiam è Crytallo, & Chalcedonio vulgò dicto, quo Tormentigeri (vt ita vocem illos qui tormenta bellica gerunt) vtuntur: Ceraunio cuneiformi, & alijs.

Pyrites ab Aristotele & Theophrasto, alio nomine Pyrimachus vocat, <sup>Pyrimachus.</sup> vt Agricola videtur, quòd digni repu-



*De figuris lapidum, &c.*

gnet. nam in arduentes tantum fornaces, inquit, coniectus fluit. at ubi defluerit in catinum, rursus concrefcit, & durefcit, &c. In antiballomenis, id eft, fuccedaneis medicamentis Ga-

Pyrobolus leno attributis, Pyritæ lapidi pyrobo-  
lus fubftituitur. Ego Pyrobolum, nifi  
idem Pyritæ fit, ignoro. Ponit autem  
confarcinator ille ἀντιβαλλομένων alia  
etiam quædam huiusmodi, quæ fyno-  
nyma fecundum grammaticos funt,  
non antiballomena fecundum medi-  
cos: vt, χαλκικέρεια, ἢ πῖλιν: χαμαίμηλον,  
ἀνθεμῖς. πυροβόλα quidem Plutarcho in  
Camillo, tormenta feu instrumenta  
quædam bellica funt ad ignem eiacu-  
landum comparata. Asbestos in Ar-  
cadiæ montibus nascitur, coloris fer-  
rei, Plinius lib. 37. cap. 10. Asbestos au-  
tem Græcis inextinguibilem signifi-  
cat: & hunc lapidem femel accenfum  
extingui poffe negat Marbodelus. Idẽ  
Plinius libro 36. cap. 19. Amiantus, in-  
quit, alumini (*sciffili nimirum*) fimilis,  
nihil



nihiligni deperdit. Id quod pro alu-  
nine scissili vulgares pharmacopola  
vendunt, albi non ferrei coloris est.  
Amiantus verò qui è Cypro adfertur,  
fuscus cum sit, etsi fila fortè iam ab eo  
resoluta albicent, Asbestos Plinij esse  
poterit: nam Agricola quoq; Amian-  
tum alio nomine Asbestum, & Linū  
asbestinum ab authoribus vocatum  
trahit. Apfictos Plinio septenis die *Asbestos*  
bus calorem tenet, excelsa igni, ni-  
gra ac ponderosa, distinguuntibus eā  
venis rubentibus. Putant prodesse cō-  
tra frigora. Eam ego hodie nostro in  
orbe nemini cognitam puto. ¶ Ad  
ignem fumus quoq; & cinis pertinēt,  
ceu excrementa ipsius. Iaspis qua-  
dam veluti fumo infecta est, quæ ca-  
pnias vocatur, Plinius libro 1. cap. 9.  
Idem de Chrysolithis: Sunt in hoc ge-  
nere, inquit, capniæ, eodem capite. Et  
decimo mox sequente: Capnites qui-  
busdam videtur suum genus habere,  
plurimis spiris fumida, ut suo loco di-

ximus: in Cappadocia & in Phrygia nascitur, ebori similis. Hæc Plinius. Agricola verò lib. 7. de nat. Fossiliū, Marmor album, inquit, plurimis spiris humidum esse solet: ex quo iterum fit gemma, quam Plinius Capniten appellavit. Plinius lib. 34. cap. 10. inter Cadmiæ genera: Tenuissima est, inquit, in ipso fornacum ore, qua flammæ eluctantur, appellata capnitis, exusta, & nimia leuitate similis fauillæ. Idem libro decimo septimo, capite 7. inter Argillas: Proxima est ruffa, quæ vocatur capnumargos, intermixto lapide terræ minutæ, harenosæ. Tephrites à cineris colore dictus est, de quo supra quoq;. Ophitæ marmoris genus tertium cinereum est, quod idcirco tephriam nominant, Agricola.

Tephrites.

Aëri simili.  
Ira.

Adamas colore similis est aëri, Epiphanius. Sunt inter Beryllos quos aëroides vocant, Plinius. Et alibi: lapidem Persæ ferunt aëri similem, ob id vocat aërizusa. Et paulò post: Singulis

gulis (Iaspidū differentijs) Græci nomina ex argumento dedere. Quarta apud eos vocatur borea, cœlo autumali matutino similis: & hæc erit illa quæ vocatur aërizusa.

Ab aqua nomen tulit Enhydros, de quo suprâ Capite I. Argentum vivum Græci ab aqua & argento denominât, ὕδραργυρον: huic enim fuso præfertim, colore splendoreq; similis est. aquæ autem & liquoris modo fluit: quare & ὕδραργυρον vocitant. Berryllum Itali, Aquam marinam nuncupant. nam colore imitatur fluctus maris cœruleos. Sed aliter Cardanus: Calais (inquit in lib. de Gemmis & colorib.) est gēma paulò durior Crystallo: cuius, cum (vera) sit rarissima, maxima copia est (fictitiæ.) Nā vitro adulterat. Invenit enim nitri species nō ampullosi, ac durioris: quod sub terra sepultū colorē cōtraxit subcœruleū, & aquæ maris similē fermē. nā & ipsa colorē habet huiusmodi, sed q̄ ad cœruleū poti⁹ vergat, scilicet inter modicē

Aqua marina.

Calais.



*De figuris lapidum, &c.*

viridem & cereū. Nec ob hoc ipsum  
tam vocatur Aqua marina, (id est Ca-  
lais, quæ alia est à Calaide:) quàm  
velut in aqua maris nullus certus co-  
lor discerni potest, ita nec gemma hæc  
firmum colorem habet. Ob hoc, vt  
dixi, vitro adulteratur: præterea Cry-  
stallo Scotica, & Amethysto immatu-  
ra, & Chrysolitho etiã decocto, &c.

**Augites.** Vocatur etiam Augites à Plinio: qui  
Calain tradit Sapphirum imitari, can-  
didiorē, & litoroso mari similem.  
Litorosum autem, pro eo quod est lit-  
tori vicinum, acceperim. Sic ille. Pli-  
nius, & ex eo Agricola, Callaim, ldu-  
plici scribunt: an verò à Calaide diffe-  
rat, vt Cardano videtur, quærendum.  
Aliæ quidem sunt Callainæ testæ me-  
dicis memoratæ: de quibus nos in vo-  
lumine Aquatiliū, capite de Ostreis  
diuersis scripsimus. Hyacinthi speci-  
es apud Epiphanium θαλασίτης dici-  
tur à maris colore. Iaspis παλαιός co-  
gnomine, similis est niui aut spumæ  
maris,



maris, Idē. Pæantidi species est aquæ  
glaciata, Plinius. Iaspis quædam si-  
milis est aquæ glaciei, *λευσάμας ὕδατι*,  
Epiphanius. Iaspides omnes in vitio  
cœruleæ aut crystallo similes sunt, Pli-  
nius. Græci quidem & gemmā & gla-  
ciem, crystallum vocant. Specula-  
ris quoq; lapis candidus, (nam & ni-  
ger inuenitur, & mixtus,) glaciem re-  
præsentat, vnde nomē ei Germani fe-  
cēre, *Unser Fraueneyß*. Hoc cum Iu-  
lianus Cæsar (inquit Agricola) in gla-  
cie fluuij Sequanæ animaduertisset,  
eam similem esse scribit lapidi Phry-  
gio. sic autem vocat Specularē, quod Phrygius.  
in Phrygia reperiatur. quanquam &  
in alijs multis regionibus. Sed alius  
quoq; Phrygius dictus lapis est, gleba  
pumicosa, &c. Onyches aliqui di-  
cunt *ὁ ὕδατος ἀποίνου πεπλησθαι*, Epi-  
phanius: mihi deprauatus is locus vi-  
detur. Stiria dicuntur, quæ ex aqua Stiria.  
congelata hyeme à tectis dependent.

Lapides quidam & succi concreti,

*De figuris lapidum, &c.*

stirijs similes in speluncis stant, vel in earum cameris pendēt, Agricola. Plura leges suprà cap. i. Achatae aliquando fluminum imaginum reddunt, Plinio teste.

Geodes lapis fermè rotundus est, aëtita cognatus: à terra quam continet, dictus. Ex Ponticis gemmis priuatim dictis, (quæ Achati cognatae videntur,) aliquæ montium conualliumq; effigies repræsentant. Boleniæ nimbo inueniuntur, glebæ similitudine, Plinius. Βῶλος Græcis gleba est: unde Βωλίτης potius quàm Βωλγίας rectè formari videtur.

*DE LAPIDIBVS QVI A*

*Meteoris, id est, sublimibus in aëre corporibus nomina sua mutuantur.*

*Caput III.*

**B**Rontia, Ombria & Ceraunia lapides ab Agricola nominantur, fortissimo genere: ego prima apud Græcos

cos in flexione generis masculini Brō-  
tias, Ombrias, & Ceraunias, (vt Aene-  
as,) efferre malim: est autem ea quo-  
que adiectiua ferè terminatio, (vt ab  
ὄμβρος, ὄμβριος,) & substantium ma-  
sculinum λίθος, id est, lapis, quod vtri-  
que linguæ cōuenit. Nam λίθος in foe-  
minino genere geminam ferè, non la-  
pidem significat, apud meliores au-  
thores. interim Ceraunium quoq; la-  
pidem, Ceraunium petram, & Cerau-  
nium saxum profere licebit. Sunt au-  
tem Ceraunia (saxa subaudi) vel Acro-  
ceraunia, montes Epiri in mare exten-  
si: quorum meminit Ouidius de Pon-  
to, his verbis:

*Quum poteram recto transire Ceraunia  
velo,*

*Vt fera vitarem saxa, monendus eram.*

Item Horatius:

*Infames scopulos Acroceraunia.*

Et alij quidam. Sed magis placet,  
vt dixi, terminatio primæ declinatio-  
nis in *ias*, quæ inter adiectiua & sub-

stantiua ambigere quodammodo videtur, & rerum nomenclaturis eleganter quadrat. Sic xiphia & anthia pisces dicuntur, non xiphij & anthij. In hoc etiam Grammatici Græci discrimen annotarunt: quòd in *ias* terminata nomina, habitum quendam & qualitatem permanentem significet, qualis à Dialecticis nō passio, sed passibilis qualitas dicitur: vt *εὐθρίας*, hominem natura vel consuetudine morbo verubentem *εὐθρός*, quoquo modo, siue passione aliqua, vt pudore, siue aliter. *ἰσχίας* & *ὠχρός* similiter, &c.

Habent etiam lineas eminentes & strias lapides in agris nati: ex quibus cum qui cum tonitruis, vt nunc quoque credit vulgus, cadit, Brontiam vocant Græci, capitibus testudinum similem: qui cum imbribus, Ombriam. Nostri sūt modò sublutei, modò subuirides, modò subrubri, modò subfufci: nunc verò variant colore: politi tanquam specula, imagines reddunt.

Figura-



Figura ipsis ferè dimidiati globi, rarò oblonga. Interdum oui magnitudine sunt: sed sæpiùs minores. Aliquibus binii sunt circuli, quasi quidam moduli: [*Modioli Plinio sunt mediæ partes caue & rotundæ rotarum, à quibus radij in circumferentiam extenduntur:*] à quòrum superiori, quinæ lineæ eminentes æqualibus inter se spacijs diuisæ, procedunt ad inferiorem: quarum singulæ vtrinq; striam habent. Totidem rursus lineæ eminentes à superiori circulo per media spacia descendunt ad inferiorem: è quarum singulis vtrinq; multæ lineæ transuersæ pertinent ad strias proximas. Intereas autẽ semper sunt humilia spacia quadrata. Aliqui verò tantummodo habent has postremas quinque lineas descendentes cum multis transuersis, & spacijs non admodũ longis, reliqua autem media spacia tota eminent, carentq; & lineis & strijs. Nonnulli eodem modo se habent, nisi quòd linearum loco habeant strias.

*De figuris lapidum, &c.*

& quòd spacia transuersa emineant.


Hæc Ge. Agricola libro 5. De natura fossilium. Idem Brontiam simul & Ombriam Germanicè interpretatur, *groß Krottenstein*, id est, Batrachiten (vel Bufonis lapidem) vel Chelonitidem maiore: & *Donnerstein*, id est, Tonitruilapidem: & *Wetterstein*, id est, Tempestatis lapidem. Eisdem ve-

*Ceraunias* rò tribus nominibus Cerauniã quoq; interpretatur, nisi quod à leuitate differentia addit, *groß glatt Krottenstein*, &c. cum Ombriæ Brontiaq; non laues sint, sed partibus quibusdam inæquales, alijs eminentibus, alijs humi-

*Chelonitis* lioribus. Chelonitidē verò, *ein fleinen Krottenstein*, hoc est, Batrachiten minorem. Nos plura de his omnibus, minori verò in primis, scripsimus in libro De Quadrupedibus Ouiparis, capite de Ranis rubetis G. Brontia gemma capitibus Testudinum similis est, & cum tonitruis cadit, vt putant: & fulmine tacta restinguit, si credi-

credimus, Plinius. Vnde Brontiam quoque, alio nomine Chelonitin vocari posse apparet. Ego testudinei capitis similitudinem in nullo adhuc lapide animaduerti: Batrachitæ verò dicti minores nostri, cum rotundi ferè & caui sint, globi dimidiati instar, specie sua connexa chelonium, hoc est, operimentum seu testam testudinis potiùs, quàm caput eius referunt. At si testudinis nomine structurã cameratam accipias, & in ea caput appelles medium summumq; veluti modiolum, quem Aristoteles in libro de mundo ad Alexandrum, vmbilicum appellat, pulchrè fanè videtur quadrare similitudo: etsi lineæ quinque in Ombria à medio procedât: in structura, quaternæ, &c. Græcè verò Chelonitidas, diuersos lapides, à testudinum animalium tegumenti figura sic nominabimus.

*De figuris lapidum, &c.*  
*Ombriorum species à Ioanne Kent-*  
*mano ad me missa.*



Luteus hic lapis (inquit Kentmanus) ex Ombriorum genere est vnus, nisi quòd compressiore est forma, vt notulæ in eo minùs conspicuæ sint, quàm in altioribus & maioribus.

Ceraunia quoq; (inquit Ge. Agricola, vel Ceraunias potiùs, vt paulò antè monuimus,) ex eo nomen inuenit, quòd cum fulmine vt vulgus credit, cadit. Nec tantùm in Carmania nascitur: sed etiam in nostris agris. Caret strijs & lineis: atq; in hoc differt à Brontia. Læuis verò est: & nunc rotūda,




da, nunc oblonga. Eius genera coloribus distinguuntur. nam alia partim est candida & pellucens, partim fusca: alia nigra est, alia rubet. Hæc ille. Ex quo Germanica etiam eius nomina paulò antè cum Brontia posui. Plinius lib. 37. cap. 9. post Cerauniæ gemmæ candidæ mentionem, Sotacus (inquit) & alia duo genera fecit Cerauniæ, nigras, rubentesq̃, ac similes eas esse securibus. per illas quæ nigre sunt & rotundæ, vrbes expugnari & classes, easq̃ betulos vocari: quæ verò longæ sunt, ceraunias. Faciunt & aliam, raram admodum, & Parthorum Magis quæsitam, quoniam nō aliubi inueniatur quàm in loco fulmine ictō.

Bætulus quidem, vel abadir, apud Grammaticos (Hesychium & Phauroinum) vocatur saxum, quod pro Ioue Saturnus in Libano Ilij monte deuorârit.

Lapis quem vir nobilis quidam & rerum naturæ studiosus mihi prola-

*De figuris lapidum, &c.*

pide fulminis (Germanicè em̃ **Stral-**  
**hammer** vocabat, dono dedit, cuius



hîc iconem adiun-  
xi: longus est digi-  
tos quinque, latus  
verò tres quâ latif-  
simus est, nèpe sub  
infimam partē, qua  
cunei instar vtrin-  
que attenuatur, &  
totus planè cuneū  
refert: crassitudo  
ei pollicaris, qua  
crassissimus est, cir-

ca medium scilicet: vbi caput & late-  
ra angulis clauduntur, vt quadrangu-  
la corpora: in cuneo verò anguli co-  
eunt, vt in aciem secantē exeant, cras-  
situdine infra medium paulatim atte-  
nuata. Germanico nomine **Straal-**  
**hammer**, id est, fulmineum malleū vo-  
cabat. Color in albo fuscus, circa ca-  
put plus nigredinis est. Grauiſſimus  
est durissimusq̃, silici vulgari, è quo  
ignis

ignis excutitur, similis substantia: & ex ipso quoque ignis similiter dicitur. Cultrorum & ferramentorum, quæ in eo ducunt, aciem dirigit, non etiam acuit. De hoc genere nimirum sentit Cardanus, scribens: Obscurè nitet lapis fulmineus, quæ lima non tangit. Nam meus quoque non sentit, propter summam durissimamque læuitatē, ne in angulis quidem. Cerauniæ lapides sunt (inquit Christoph. Encelius) quos Germani vocant *Donnerstein*. cadunt de nubibus cū tonitruo. Reperiuntur in \* *Græcia*: item in Hispania candenti colore ut ignis ferre. [*Hæc fortè de Ceraunia gemma potius veterum aliquis dixerit.*] Inveniuntur etiam hinc inde in Germania, præcipuè ad flumina, ut ad Albim: ubi ceraunias gemmas [*ego lapides simplicius hos dixerim,*] crystallo similes, infectos colore cœruleo inveni, diuersæ formæ. nonnunquam sicuti clauas: nonnunquam tanquam pyramidē, ut repræsentarēt caput saccha


*De figuris lapidum, &c.*

rinum, (seu è saccharo metam.) Integras tamen nunquam inuenire potui, forsitan propter vim fulminis, qua excutiuntur nubibus, & resultationem in terram. Harum vim esse prædicant (*hæc ex Marbodeo*) prouocare dulces somnos, & valere contra fulmina: itè facere ad prælia & causas vincendas. Hæc Encelius: qui certè Cerauniam gemmam, quam nos capite secundo Asteriæ nomine descripsimus, cum lapide è nubibus cadente, confundit, sicut & Marbodeus. Solinus in fine capitis 23. quod est de Germania: Cerauniarū genera (inquit) diuersa sunt. Germanica candida est: splendet tamen coeruleo: &, si sub diuo habeas, fulgorem rapit syderum. Similiter autem & Marbodeus & Albertus Magnus, Germanica, legerūt: cum ex Plinij libro 6. cap. 23. Carmanica sit legendum: deq; gemma, non lapide intelligendū. Vidi ego & alium apud eundem nobilem virum, meo (quem is do-



donavit) cuius iconem exhibui, similem, figura eadē cunei: sed multò maiorē, nigrum, & pertusum foramine rotūdo: quod quidem nulla arte, sed impetu motus factum cōijciebat. Sic & discus lapideus perforabatur, vt ad proijciendū (ligno fortē inserto) idoneus fieret: & hoc ipso distinguitur à solo Græcis dicto, vt in Differentijs vocū annotauit Ammonius, his verbis: Δίσκος μὲν ἔστι λίθος τετραμήλης: σόλος δὲ τὸ χαλκῶν ὀλοσφύειον, &c. Ex his ergo Cerauniorum lapidum differentijs, alios cuneiformes, alios discoides, σιωνειδῆς: alios verò clauiformes, non à clauī, sed clauæ, similitudinē: qualem & Encelius se vidisse scribit: nosq; pictum talem à Kentmano accepimus, iconem tamen omisimus: alias verò ab eodem missas species eorum quatuor sequenti pagina subijciemus, literis distinctas, A B C D.

Δίσκος  
Σόλος



A. Hunc lapidem, inquit Kentmannus, fulmen per molam, quæ à ventis agitatur, magna vi iecit Torgæ, anno 1561. Maij 17. qui erutus deinceps ab adolescente fuit, eius formæ qua hîc depingitur: latitudinis trium ferè digitorum, longitudinis autem quinque. Bis alte lapide, quo fabri apud nos incudis loco ubi effoditur, utuntur, durior. Sic ille. Dixeris autem hanc figuram  $\sigma\phi\upsilon\rho\epsilon\iota\delta\eta$ , quòd  $\sigma\phi\upsilon\rho\alpha\nu$  à Græcis dictū mallei genus, ligneum à nostris ein Schlegel præ se ferat, duplicē præsertim vel utrinq; capitatam: sicut & Zygæna piscis suo capite, &c.

B. Ce-

B. Ceraunius alius, eiusdem cum præcedēti coloris, (hoc est, nigri, partibus quibusdā in cœruleū vergentibus,) sicuti & duritiæ atq; ponderis eiusdem. Forma differt. huius enim cuneus, illius malleus est figura. Perforati omnes. Prope arcē Iuliam (quæ nobis est Culenbergū) terra effossus fuit, fulminis ictu per ingentem quercum deiectus. Sic ille. Videtur autem hic esse lapis, de quo Sotacus apud Plinium scribit, figuram habere securi similem: quoniam nimirum figura est lata, & in cuneum ceu aciem exit: & foramen adest, quod tanquam in securi manubriō ve inferendo factum videri potest, præsertim cum altius situm est.

C. Alia alterius figura.

D. Hunc lapidem (inquit Kentmanus) in pago Siplitz, impetu fulminis, intra terrā vineæ, per quercū quendā deiectū, rustici effoderunt, & quæstori Torgensī dono attulerunt,

Est præterea quintus, cuius figurā à Kentmano missam non apposui: niger & aliorū omnium maximus: sphyroidi prædicto ferè similis: de quo idem: Hunc grandem (inquit) lapidē præsentis formæ & magnitudinis (*pi-ctum ipse misit digitos ferè decem longum, latum autem sex,*) cuius quidam Torgensis fide dignus faber murarius effodit Viennæ in Austria, in cella quadam, ubi opus fecit, vlnis duodecim intra terram, fulminis impetu eò per testudinem iactum. Sunt qui omne hoc fulmineorum lapidum genus Germanicè *Stralfeil*, è fulmine & cuneo cōposito vocabulo: alij *Stralspil*, id est, fulminis pilum aut sagittā, quod nomen Belemnitæ maiori etiam tribuitur: de quibus nimirū Cardanus quoque sentit, cum scribit: Sunt & Ceraunij formâ, vt ferūt, pyramidis. *Strathammer* verò, id est, fulminis malleū, illum propriè qui cuneum referens perforatus est. Et ferunt aliqui, penes quos



quos fides esto, orgyiarum nouē profunditate hos lapides terrā subire fulminis impetu actos: & singulis postea annis ad orgyiam vnā ascendere, ac sic paulatim terræ superficiei appropinquare. Hoc etiā accepi, colore viridi interdum reperiri genus illud cuneiforme primo loco exhibitum: veri autē Cerauniæ experimentū esse, si lapis totus tenui filo, ita obuoluatur, vt filum nusquam duplicetur, & lapidis nihil appareat, sic prunæ imposito lapide, si genuinus sit, filum madescere, non vri, aiunt. Fulminis quidem figuram, qui pingendo exprimere conantur, veteres ac recentiores, longē aliam exhibēt quā horum sit lapidum. Lapis è cœlo delapsus, anno Salutis 1492. qui Ensisheimi in templo suspensus visitur, pondere trecentarum librarum ciuiliū, vt audio, (nisi fortē iam imminutus est multis fragmenta auferentibus,) nullam (puto) certam figurā habuit;

*De figuris lapidum, &c.*

Particulam eius celeberrimus eius vr-  
bis medicus Ge. Pictorius ad me mi-  
sit, à saxo arenatio duritie parum dif-  
ferentē. In Capite de fossilibus quæ  
Aquatilium animantium figuras refe-  
runt, lapidem Astaci fluviatilis caudę  
non dissimilem exhibebo, quem vir  
quidam eruditus Ombrię nomine è  
Saxonia olim misit. Hoc penè præ-  
terieram, in locis quibusdam Helue-  
tię Crystallum, *Straalstein*, id est, ful-  
minis lapidem vocari ab indigenis, si-  
ue à fulmine cadere gigní ve ipsum p-  
suasis, figurâ lapidis ad id inuitante: si  
ue abiecta prima Latini Græciq; voca-  
buli syllaba, facto nomine. Postremò  
Gallos audio, lignum in lapidis natu-  
ram conuersum, (si modò lignū id ali-  
quādo fuit: Petrus Bellonius enim pu-  
tat nunquā hoc lignum fuisse: sed ta-  
le statim à natura factum) vulgò lapi-  
dem fulminis, *Pierre de foudre*, nomina-  
re. Inueniri aut in quibusdā Gallię lo-  
cis magna eius frusta in agris, quæ æ-  
difi-

difficijs etiam adhibeantur. Sunt qui Glossopetras etiam dictas, Ceraunijs lapidibus cognatas putant: nō figura, sed substātia, durissima solidissimaq; utrisq; & splendida superficie, sed magis in Glossopetris: quas audio à Misnensibus etiam Donnerfeil vocari: ab Italis autem Saëte, id est, sagittas.

Astrapiæ in candido aut cyaneo discurrunt è medio fulminis radij, Plinius libro 37. cap. 11. Sensus est radios quosdam ceu fulminis è medio veluti centro lapidis astrapiæ dicti circumferentiam versus extendi. Quærendum autem an Belemnitis fortè cōgener hic sit: cuius species vna tales diffundit radios, quasi fulminis, siue veri fulminis etiam radij quidam sunt: siue alia eius figura est, qualis à pictoribus exprimit. Et vulgò etiā quibusdam in locis Germaniæ Belénites hic radiatus, à fulmine denominat. Eius figuram dabimus infra, cap. 6.

Chalazias grandinum & colorē &

*De figuris lapidum, &c.*

figuram habet, adamantinæ duritiæ. Narrant etiam in ignem additæ manere suum frigus, Plinius: qui ipsum etiā Adamantem igni inuictum esse scribit, & nunquam incalescere. Chalaza quidem Græcis grandinem significat. Idem fortè aut simillimus fuerit Aleatorias, è ventriculis gallinaceorum, crySTALLINA specie, magnitudine fabæ: de qua infrà Cap. 14. Ad coniecturam accedit, quòd vt Chalaziæ adamantina est durities: ita & Aleatorias fortè, hoc enim Milonem Crotoniensem vsum in certaminibus, inuictum fuisse videri volūt, vt scribit Plinius: tanquam è durissima eius natura in ictibus inuicta, sicut & adamantis, gestantem quoq; inuictum atque indomitum præstare posset. Faciles enim ad superstitionem & credulitatem multorum animi, in ijs præsertim quæ cupiunt & optant, friuolas huiusmodi & magicas ab aliqua rerum similitudine ductas facultates cōminiscun-



niscuntur. Quod autem Marbodæus & Albertus Magnus, (in cuius libris Galasia vel Gelosia pro Chalazias perperam scribitur,) addunt, non incalescere igne hunc lapidem, & perpetuò frigidū esse, quis facilè credat? cum ne crysalli quidem perpetui alpiū frigoris alumnæ ignium calori resistent: nec Adamantes, quibus nihil in rerum natura durius. Sed Marbodeus simpliciter hoc scribit, Albertus dubiè: Tantæ, inquit, frigiditatis est, ut vix vel nunquam calefieri possit: quare & iræ & libidinis feruores, & huiusmodi calidas passionēs extinguit. Orpheus similiter de Crytallo canit, ab ea quidem Soli opposita in lignis aridis excitari ignem: è quo si mox rapiatur, frigidam adhuc esse: & renibus (calidis nimirum & ad libidinem pronis) appositā, eis mederi, Unde apparet in multis Chalaziā & Crytallum conuenire: sed illum grandinis figura & adamantina duritie ex-

cellere. Orpheus in poemate, quo lapides contra serpentium morsus salutare describit, ultimo loco meminit Chabazij: quod ego vocabulum plane deprauatum iudico pro Chalazio: ut carminis causa Chalaziū pro Chaliazia dixerit. Scribit autem ab eo refrigerari febrim, (sic enim *ὑγίαι τὸν πυρετόν* interpretor:) & ictus scorpionum sanari.

Iris. Proximum Cerauniæ nomen [inter candidas gemmas] apud Parthorum magos habet, quæ appellatur Iris. Effoditur in quadam insula Rubri maris, quæ distat à Berenice lx. M. pass. cætera sui parte Crystallus. Itaque quidam radicem Crystalli esse dixerunt. Vocatur ex argumēto Iris. Nā sub tecto percussa Sole, species & colores arquus cœlestis in proximos parietes ei aculatur, subinde mutans, magnaque varietate admirationem sui augens. Sexangulum esse ut Crystallum constat. Sed esse aliquas scabris lateribus

bus & angulis inæqualibus dicunt, in Sole aperto proiectas, radios in se cadentes discutere: Aliquas verò ante se projecto nitore adiacentia illustrare. Colores verò non nisi ex opaco reddunt, nec ut ipsæ habeant, sed ut repercussu parietum elidant: optimaq; quæ maximos arcus facit, simillimosq; coelestibus. Est & alia Iris ceræ similis & prædura: quã Horus in Perside nasci tradit. Similis est aspectu, sed non eiusdem effectus quæ vocatur Zeros, Zeros alba nigraq; macula in trãsuerfum distinguente Crytallum. Hæc Plinius lib. 37. cap. 9. ¶ Crytallus (*Crytallis species*) quæ exposita Solis radijs per ianuã, ostium, fenestrã, rimãmve penetratib<sup>9</sup>, figurã & varietates colorũ arcus coelestis iacit in proximũ parietẽ, ex effectũ Iris nominat. Talis autẽ est in primis cãdida & lym̃pida, suã naturã habẽs figurã. i. sexãgulã. Etem̃ anguli i causa sũt, cur Solis radios excipiẽs arcũ i pariete faciat repercussu. quinetiã



in eiusdem vno aut altero angulo, si  
conspicitur luci obuersa, intus colo-  
res arcus coelestis videtur. Reperitur  
hæc in iam dictis regionibus, (*alpi-  
bus Sedunorum & Germanorum, &c.*) vnà cū  
cæteris CrySTALLIS, sed præcipuè in Sa-  
xonibus ad Visurgim, &c. in monti-  
bus inter Treuiros & Rhenum sitis.  
Est altera Iris minùs candidi q̃ Crystal-  
lus coloris, quæ luci obuersa, luteo ci-  
tri colore fulget, atq; ob id à gemma-  
rijs Citrina [*Citrin*] nominatur. Vete-  
res eâdem de causa ceræ similem esse  
dixerunt. Quia verò minùs candida  
est CrySTALLO, minùs pellucet, magisq;  
spissos colores arcus coelestis in pro-  
ximos ei aculatur parietes. Reperitur  
in Misenæ & Boëmiæ metallis, ac ferè  
in ijsdem locis in quibus CrySTALLUS:  
&, vt Horus scripsit, in Perside: quæ  
cum prædura sit, nostra non multum  
est dura, sed ferè mollis & fragilis. Cry-  
STALLUS quidem in aliam quàm angu-  
latam figuram formata, non arcus coe-  
lestis



lestis colores, sed sui similes iacit in proximum parietem. Hæc omnia Ge. Agricola libro 6. de natura fossilium.

¶ Audio & aliam quandam gemmam Wese Germanis dictam, (quo nomine tamen Agricola gemmas diuersas interpretatur, Asterium, Eristalim, & Opalum,) coelestis arcus colores ad parietes reddere. Video & in alijs quibusdā albis ac pellucidis corporibus, vt lapidis Specularis & Salis gemmei, cum pars aliqua fatiscit aut rimam habet, latentem fortè intus, ictu aut casu aliquo conceptam, Iridis colores intrinsecus reddi. In Murrhinis vasis sunt qui maximè laudent extremitates, & quosdam colorum percussus, quales in coelesti arquu spectantur, Plinius lib. 37. cap. 1.

Est inter Iaspidis species, inquit Plinius, quæ nubem complectitur, & alia quæ niues imitatur. Et alibi, Leucopetalos candorem niuis ex auro distinguunt. Iaspis *παλαιός* cognomine,

Nubes.

Nix.

similis est niui, Epiphanius.

**Ros.** Drosolithus varij coloris lapis est: qui igni admotus velut sudorem emittit, vnde nomen ei à rore: vt Camillus Leonardus libro secundo de lapidibus scribit, authore nullo nominato. Ego non vni lapidum generi proprium hoc putârim: sed omnibus fortè qui valde solidi & læuissima superficie sunt, vt Ceraunio, Glossopetræ, &c. & qui aquam continent, vt Enhydro.

**Fumus.** Ad Meteora vapor etiam & fumus pertinent. Cum & in aëre consistant, & aliquid in eo gignant. Inter laspidis species est quædam veluti fumo infecta, quæ capnias vocatur, Plinius. Et alibi: Capnites quibusdam videtur suum genus habere, plurimis spiris fumida, vt suo loco diximus: in Cappadocia & in Phrygia nascitur, ebori similis.

DE LAPIDIBVS ET METALLIS, quæ denominantur à rebus terrestribus inanimatis. Cap. IIII.

**A** Renarum similitudo est in Ammochryso, velut auro harenis mixto, Plin. De hoc paulò pòst plura.

Hammites ouis piscium similis est, & alia velut nitro composita, prædura alioquin, Plinius 37.10. Est autè locus obscurus, & (vt suspicor) deprauatus, in his verbis, & alia velut nitro cõposita: quibus omisis, clarior esset sententia. Quid si pro ijs substituas? & tota velut arenis composita, sic enim etymologiæ ratio constaret, quū ab ammo siue hammo, quæ Græca dictio arenam significat, deriuetur. Aliq legūt Ammonites, qd̃ minùs placet. neq̃ em̃ ab ἀμμος, ἀμμονίτης, sed ἀμμι-  
της rectè formari potèst. Ammonites, inq̃ Agricola, ex arenis ita cõponit̃, + Quasi a-  
vt ouis pisciū quod ad figurā attinet, pud Pliniū  
similis videat̃ esse: nitro † interdū, qd̃ rectè sic lē-  
gatur.

ad substantiam & colorem. Id genus lapides inueniuntur in Saxonibus ad Alfeldam & Hildesheimum, nucis iuglandis magnitudine, aliquando etiã maiores. Sunt eiusdem generis saxa, quæ in septimo libro persequar. Hæc ille.



Ex tribus figuris hîc expressis, prima est lapidis ex multis veluti pisis cõcreti, quem Pisolithum vel Orobiã dixerim, (Germanicè Erbsstein,) vel Ammoniten Ammiténve maiorem. Vide infrà cap. 7.

Secunda Ammonitem siue Hammité (aspiratio n. addi vel omitti potest,



test,) minorem: qui oua piscium minora, vel araneorum refert, aut papaveris miliíve semina conglobata: (unde & Meconites & Cenchrites Plinij nominari posset:) Agricola *Rogenstein* vel *Ragenstein* interpretat, quod tamen nomen saxo arenario quoque tribuit. Hunc lapidẽ Berna ad me misit vir doctissimus, sacrarum literarũ interpretes Benedictus Aretius, duplicem: album, è Iura monte: ruffum ex Cinereis Bernensium ditionis montibus, quos *Neschering* vocat. Eundem autem (vel paulò maiusculis granis) prius miserat nobilis medicus, Ioannes Kentmanus Dresdensis, q̃ & alios permultos misit. Videtur autem totus quasi ex arenulis rotundis conflatus: ideoq̃ ouis piscium similis, quæ recentiores quidam arenida cognominarunt, hoc est, *Λαθὺρα* & friabilia. Confriatur autem & resoluitur facillè hic quoq̃ lapis in arenulas siue granula è quibus constat. quæ quidem sin-

gula prædura sunt, insipida & inodora. Germanico nomine *Ragenstein* interpretatur Agricola: nos oua pisciū *Rogen*, (per o. in prima syllaba, non per a.) nominamus. Eodem verò nomine Saxum arenarium quoq; *Rogenstein* (ibi n. per o. scribit) & *Sandstein* appellat. Plura lege mox in *Stalagmite*.

Tertia *Thermarum Carolinarum* in *Bohemia* guttas, in lapideæ formæ veluti pisa cōuersas, quæ gypsi aut calcis planè naturam, colore & substantia præ se ferunt.

Ab hoc *Ammonite*, siue *Ammite* potius, plurimùm differt *Ammonitrum* à *Plinio* dictum, lib. 36. cap. 26. massa quædam ex harena alba & mollissima, quæ pila molaq; teritur. Deinde miscetur tribus partibus nitri pondere vel mensura: ac liquata in alias fornaces transfunditur. Ibi (inquit) fit massa quæ vocatur *Ammonitrum*. atq; hæc recoquitur, & fit vitrum purum,

*Ammonitrum.*

ac massa vitri candidi. Iam verò & per  
Gallias Hispaniasq; simili modo hare  
næ remperantur. Sic Plinius. Hodie  
vitri loco cinerem herbarum quarun  
dam, vt alkali dictæ, & filiciæ substitui  
puto. Aliqui tamen vitri loco salem  
fossilem: aut si deest, marinum facti  
tiumve alium: aliqui etiam ex arbori  
bus cinerem ponunt, Agricola teste.

Cæterum vt Hammites totus are- Stalagmi-  
tes.  
nulis rotundis constat: ita Stalagmi-  
tes, aptè sanè à doctissimo viro Ge-  
orgio Fabricio dictus, è guttis itidem  
rotundis, in lapidem gypseæ substan-  
tiæ conuersis, totus coagmentatur.  
de quo sic aliquando ad me idē Fabrici  
us scripsit: Hammites alius est à Stalag-  
mite. sic em̃ noīo q̃ è guttulis calidarū  
in terra arenaria format: q̃ p̃ qualita-  
te terræ, modò cādīd⁹, modò griseus,  
(fuscus:) p̃ quātitatē aq̃ guttatim de-  
fluētis, modò pisorū, modò coriādri  
refert magnitudinē: & reperiunt in v-  
na massa plurimi quasi fauis inclusi, &

*De figuris lapidum, &c.*

eximūtur ea ceu grana. Hammitæ verò corpus vnum est, saxeæ duritie: & ex vna fit materia, aut ex sola harena, qui coloris cinerei effoditur in Prussia, eo loco qui Hortus rosarū nominatur: aut ex succo lapidescente, qui est candidus. Vtriq; sunt inspersæ micæ coloris argentei. Stalagmites copiosissimus est in thermis Carolinis prope Schlacceu aldam, Casparis Pflugij oppidum in Boemia.

Stalagmitæ iam dicto persimilis est lapis quem ego Pisolithum aut Oro-biam voco, quod è multis ceu pisibus vel eruis cōstet, præduris, & quæ dentibus frangi nequeant, colore fusco. Hic non malè Hammites maior appellaretur, Germanicè *grosser Kogenstein/oder Erbsstein*. Plura vide infra capite octauo.

Cæterum vt Stalagmites è guttis suam formam seruantibus coit: sic vbi descendunt in longitudinem guttæ, & veluti stirias efficiunt, (quales è  
niuibus



niuib; liquatæ tectorum alibi ve aquæ, rursus antequam defluant gelu astrictæ pendent, pyramidum specie, plures plerunq; pariter, magnitudine inæquali;) aut inæqualiter protuberantem choeradum siue strumarû specie, lapides gignuntur, quos *Wallstein* Germani vocant, ab eo quòd ossa ferruminare credantur emplastris additi. dependent autem, ni fallor, à saxis ferè, per quæ crassior aqua & frigidior, paulatim defluit: vt in arce Bruneggo nō procul Lenceburgo in Heluetijs: & prope catarrhacten Rheini inferiorem ad Lauffeburgum oppidum in proximo monte, qui planè stirijs similes sunt, oblongi, teretes, nisi quod in mucronem vt pyramis exeunt, albi, pellucidi. Inueniuntur & tosi substantia alibi, vt in Hungaria Dacico seu Septemcastrensi tractu.

*De figuris lapidum, &c.*

*A metallis denominata fossilia, &  
primum ab auro.*

Chrysites. Ad cotea, ad quas lapides cæteros atterunt, accommodatæ atq; vtilis sunt crustæ saxi, inter Penicam oppidum & Roseburgum arcem in Misena reperti: vt quondā lapis Thebaic<sup>9</sup> interstinctus aureis guttis: & ex Chalazio Chrysites, Ge. Agri colalib. 7. de nat. fossilium. Et alibi: Coticulam alij chrysitida nominant, quòd aurum ipsi attritum colore, tanquam, trutina examinet.

Phloginos, (id est, flammeus: sic enim lego, non Philoginus) quoniam armatura aurei coloris obductus esset, Chrysites est appellatus. is verò ostreæ Atticæ assimulatus inuenitur; vt Plinius scribit, in Aegypto, Idē lib. 5. de nat. fossiliū. Ego pro ostreæ repo no ochræ. hæc enim Attica probatur, & color aureus accedit. Pyritē in Cypro reperiri volunt, vnum argēteo colore, alterum aureo.

Spuma

Spuma argenti optima, quã chrysitin vocant: secunda, quã argyritin, Plinius. Non igitur rei vnus appellatiuū nomen est, sed adiectiuū, masculino genere ὁ χρυσίτης: fœminino, ἡ χρυσίτης. quare & terra chrysitis dicitur, id est, aureola, vbi sunt frusta auri: & Polluci χρυσίτης λίθος, lapis Lydius quo aurū exploratur & χρυσίτης ψάμμος Herodoto, arena quæ alijs ammo chrysos.

Ab auro p̄terea denominant, Chrysocolla, Chrysolāpis, qui & Topazius, pallidi coloris die, & noctu ignei: Chrysolithus. Chrysophis gēma aurum videtur esse, Plinius 37. 10. mihi Græca hæc dictio nō arridet, malim χρυσοφανής, aut χρυσοφάνης, vt ἡδυσφάνης, id est, suauiter splendens, epitheton Succini apud Dionys. Afrū, sicut χρυσοαυγής eiusdē ibidē. Hęc Succini species auri instar splendida, Chrysolectrū dicitur à Plinio, quasi coloris aurei, 37. 3. hæc ex Callistrato scribit matutino gratissimi aspectus esse, rapacissimā igniū, &c.

*De figuris lapidum, &c.*

Aliqui chrysoelectrū scribūt quinque syllabis: sed meliùs scribitur chryselectrum, χρυσήλεκτρον, vt χρυσήλατος, &c. Et apud Plinium eiusdem libri capite 9. Appellānt, inquit, aliqui (*malim aliquæ, scilicet chrysolithi, &c.*) & Chryselectri, in colorem Electri declinātes: matutinus aspectus iucundior. Videtur autem sui oblitus, gemmam propriè dictam, & chrysolithi speciē hīc faciens, suprā autem Electri propriè dicti, id est, succini: à cuius colore nomen etiam Electro metallo communicatum est. Topazij duo genera faciunt, Plinius lib. 37. cap. 8. prasoidé, atq; chrysopteron similem Chrysopraso: quorum alterum, id videtur esse cuius fulgor in auri exit colorem: cuius in pallidiorem, alterum, Agricola. Chrysoprasus quidem legitur Apocalypseos cap. 21. Aliqui non rectè Chrysoprasiū quinque syllabis scribunt. Plinius lib. 37. cap. 5. cum de beryllis scripsisset, subdit: Proximi q  
voca-



vocantur Chrysoberylli: & sunt paulò pallidiores, sed in aureum colorē exeūte fulgore. Vicinum genus huic est pallidius, & à quibusdam proprii generis existimatur, vocaturq; Chrysoprasus. Et cap. 8. Vilioris turbæ viridantium prasus est: cuius alterū genus sanguineis pūctis obhorret: Tertium virgultis tribus distinctum est, candidum. Præfertur his (*sic enim lego*) Chrysoprasus, porri succū & ipsa referens, sed paulum declinans à Topazio in aurum. Et cap. 11. Colos appellavit Chrysoprasum herbaceus. Pro Chrysopraso indocti Chrysopassum scribunt: χρυσόπας & quidem Græcis auro vel aureis punctis conspersum significat: χρυσόπας & τὰ πᾶς, tapes auro intertextus, apud Chrysostomum legitur. Sapphirum regiam χρυσόσις Epiphanius cognominat: qui & Chrysolithon alio nomine Chrysophyllon vocari tradit. Coralloachates guttis aureis Sapphiri modo distingui-

tur, Plinius.

Arenarū similitudo est in Ammochryso (aliàs *Hammochryso*,) velut auro harenis mixto, Plinius. Vt Magnetis lapis est (inquit Agricola) argentei coloris, ita aurei Ammochrysos. arena tamen est magis quàm lapis, prorsus auri colore simillima, vnde nomē inuenit: non ex eo, vt Plinius scribit, quòd veluti auro arenę mixtæ sint. Metallici nostri appellāt nomine ex fele & auro ducto (*Rasengold*, vel *Strägold*;) nihil enim auri in se continet. Hinc conficitur aureus puluis, quo q scribunt, arenæ loco vtuntur. Hæc ille. Mihi hæc etiā Magnetis aurea dici posse videtur: quòd ita auro similis sit, vt Magnetis argento, de qua postea. Ego Ammochryson in glebula habeo, quę in arenas facillimè resoluitur, omnes ex æquo aurei coloris, vt non idem sit Ammochrysos composito nomine, & soluto ἀμμῶς siue ἄμμος ἡ χρυσίτις, id est, arena aureola, vti apud

pud Herodoto appellatur: qualis nimirum in fluuijs quibusdam reperitur. quos Latini auriferos cognominant, *Χρυσοφόαι* Græcis fluuij aliquot, ceu proprio nomine dicuntur, quorū aliqui non arenas modò aureas, sed ramenta etiam & massulas auri deferunt. Huiusmodi *Χρύματα* seu ramenta auri arenæ terræq; permixta, à chrysoplytis artificibus, vt Budæus nominat, in Chrysoplysijs officinis lauando separantur. Est & chrysulca aqua Budæo, qua ita lauant res inauratas, vt nihil depereat. De Ammochryso plura leges apud Georgium Fabricium in libello de Metallicis, capite de auro. Inter Chrysolithos sunt & Melichrysi, veluti per aurum syncero melle translucente, quas India mittit, quanquā ad iniuriam fragiles, Plinius 37.9. Fiunt & Leucochrysi (inquit ibidem inter Chrysolithos) interueniente candida vena. Leucopetalos candorē niuis ex auro distinguit, Idē.

*De figuris lapidum, &c.*

Aurichalcum quoq; ab aureo colore nomen traxisse videri poterat, nisi *ὀρεΐχαλιον* scriberet Græci, vetustiores etiam. Auripigmento verò, color aureus qui inde pingitur, quin nomen dederit, dubium non est. Cornu Ammonis & alij quidam lapides, arman- tur interdum ita, vt eorū arma ex au- ro vel orichalco polito plerunq; esse facta videantur, Agricola.

Argenti colorem imitatur Aspila- tes altera, Plinio. Androdamas (gem- ma) argenti nitore habet vt adamas. quadrata, & semper tessellis similis, &c. Eadem sit an alia Argyrodamas, autores non explicant, Plinius 37.10.

Galaicos eidem Argyrodamanti si- milis est, paulò sordidior. & Atizoë argenteo nitore fulget, &c. Argen- tum viuum, quod Græci *ὀσφράγγυρον* & *ἀργυρομαχύρον* vocitant, omnibus no- tissimum est, *Λιδάργυρον*, id est, spu- ma argenti, optima quam chrysitin vocant: secunda quam argyritin, Pli-  
nius.



nus. Argyrites colore argenti lapis est, habens stigmata aurea, Obscurus.

Pyriten in Cypro reperiri volunt, vnum argenteo colore, qui & argyritis à Democrito cognominari videtur: alterum aureo, Hermolaus. Dicitur & ἀργυρίτης terra, è qua foditur argentum: & ἀργυρίτης ψάμμος, id est, argentei coloris arena, nominat Dio-scoridi libro 5. cap. 101. Et ἀργυρίτιδος φλέβας venæ argentariæ, ab Aristide.

Cæterum vt superius in Auri mentione Ammochryson & αἰμον, seu ψάμμος ἀργυρίτη differre monui: similiter circa Argentum, Magnetis ceu Ammochrysos fuerit, hoc est, corpus argento simile: Germani Ragensilber appellant, & Silberweyß: alij Glimmer / Talf. Mica verò, arenæ instar, ἀργυρίτης ψάμμος: quæ itidem à Germanis Glimmer vel Ragensilber nominatur æquiucè: cum Magnetidi veriùs hæc nomina quadrent: Mica verò cõposita à lapide aut arena nomine, me-

*De figuris lapidum, &c.*

lius Steinglimmer vel Sandeglimmer  
diceretur. Constat Magnetis ex cru-  
stis vt lapis specularis, argentei nito-  
ris: nec est friabilis, vt fossilium plera-  
que, sed fragilis cum in partes duas di-  
uidi possit: Multa de ea diligēter Ge.  
Agricola libro 5. de natura fossilium.  
Magnetī (*Magnetidi lego, vt à Magnete la-  
pide distinguā, et si veteres non ita distinxis-  
se puto,*) inquit idem ibidem, colore si-  
milia est mica, natura dissimilis. Etenim  
argētei est coloris, sed igni consumit.  
In lapidib<sup>9</sup>, marmoribus, arenis lucet,  
ita his agnata vt separari non possit.

Ab ære, quod Græcis χαλκός est, de-  
nominatur chalcanthum, χαλκανθον,  
quasi ærifloram dicas composito vo-  
cabulo: quod ex ære aut metallis æris  
efflorescere quodammodo videatur:  
vitriolum recentiores vocant, à qua-  
dam vitri similitudine, viridis præser-  
tim: similiter enim pellucet. Germani  
vulgò Cupriaquam vocitant. Celsus  
atramentum futorium interpretatur.

cui

cui cognata est chalcitis, χαλκίτις, ἢ. q  
 ceu lapis quidam rubicundus est, ex  
 quo æs ipsum excoquit. A chalcan-  
 tho aut plurimùm differt χαλκὸς αἰθῶρ,  
 id est, æris flos, duobus nominibus ap-  
 pellatus, vt norunt medici. Aeris co-  
 lorem imitatur chalcites, teste Plinio  
 inter lapides, lib. 37. cap. II. videtur au-  
 tem non alius lapis, quàm metallicus  
 ille, de quo iam dixi intelligendus: &  
 is siue χαλκίτις, ὁ. vt subaudiatur λίθος:  
 vel χαλκίτις, ἢ. absolutè, aut γῆν aut συ-  
 πτησία subaudiendo, dici posse. nam a-  
 pud Hippoc. legitur γῆν χαλκίτις, id est  
 terra æraria, nec aliud q̃ chalcitidem  
 simpliciter dictā significat, teste Gale-  
 no in Glossis: & χαλκίτις συπτησίη, pro  
 pro eadem simpliciter dicta Chalciti-  
 de. Quanquā Plinius lib. 35. cap. 15. de  
 generibus Aluminis agens: Hoc quo-  
 que (inquit) fit ex lapide, ex quo & id  
 Chalcitin vocāt: vt fit sudor quidam  
 eius lapidis (nempe Chalcitidis) in  
 spumam coagulati.



**B**alanitæ genus alterum, æris Corinthij colorem imitatur, vt Plinius tradit. Chalcophonos nigra est (gemma,) sed illisa æris tinnitum reddit, tragædis, vt suadent, gestanda, Plinius lib. 37. cap. 10. Sic & Pirnensi marmori simile Hanoberanum, lapidi percussum, tinnitum reddit, vt obseruauit Agricola. In alpibus reperitur saxi fissilis genus rubicundum, quo commutua collisione laminarum in quas soluitur, sonū argutū æris propemodū lædit. Alabastritæ aut Phengitæ genus è quo specularia fiant, & quocumque digito percussum vitri aut æris modico sonet, quale sit, iam suprà inter ea quæ ab igne denominantur dixi. Ostreæ quoque digitis percussus, tanquàm olla sonitum edit, Agricola teste.

Chalcedonius apud veteres nullus est: quod moneo ne quis putet, hanc quoque gemmam ab ære dictam esse. Apocalypseos quidem cap. 21. inter gemmas xij. καλλιδωρ numeratur, vbi

Hic



Hieronymus & Erasmus Rot. vertunt  
 Calcedonium: sed Græca vox corru-  
 pta videtur, legendum quæ *καρχηδόνι* G.,  
 id est, Carchedonius: quæ species est  
 Carbunculi gemmæ, Granati nomi-  
 ne hodie celebris, à Carchedone, id  
 est, Carthagine, vrbe totius Africæ o-  
 lim potentissima: à cuius opulentia  
 Carchedonios fuisse vocatos, non quæ  
 circa Carthaginem inuenirentur, sed  
 quòd à Poënis negociatoribus Romam  
 afferrentur, author est Plinius lib. 37.  
 cap. 7. Hanc nostram sententiam non  
 dubito, quin doctissimus quisque sit ap-  
 probaturus: si quis tamen morosior  
 Calcedonij vocabulum retinere ve-  
 lit, quoniam & Græce ferè in Apoca-  
 lypsi ita scribatur, & hodie in multo-  
 rum ore sit Calcedonius lapis: fruatur  
 ille opinione sua: sed ita quoque *χαλκη-  
 δόνι* G. in Græco legendum foret: &  
 Latinè Chalcedonius, c. aspirato. Est  
 autem Chalcedon vrbs Bithyniæ iu-  
 xta Bosphorum Thracium, ex oppo-

*De figuris lapidum, &c.*

sito Byzantij: à qua tamē ciuitate gemmam vllam denominari veterum nemo tradidit, quod sciā. Qui verò hodie nescio quomodo Chalcedoni vulgò dicuntur, ad Onychem & Murhinam veterum ab eruditis referuntur. Iaspidé turbidam Chalcidia mittit, inquit Plinius. Chalcosmaragdos è Cypro adfertur, turbida æreis venis. Plinius li. 37. cap. 5. ¶ Chalcolibanon, χαλκολίβανον in Sacris, Apocal. cap. 1. dictio est composita ex ære & thure, vt quidam scribunt: aut fortè à Libano mōte. Suidas indicat esse genus electri, preciosius auro: Electrum autē esse sui generis aurum, (χρυσίον ἀλότυπον) conflareq; ex vitro & lapide, (ὕελα καὶ λιθεία,) testans eius temperaturę fuisse mensam sanctam magnę (vt ipse vocat) Ecclesię. Videtur autem λιθεία, nō quemuis lapidem, sed preciosum significare, & fortè ex vitro ac gemmis quibusdam pellucidis in vnum conflatis, genus hoc electri, aurum aliter

aliter ὁμωνύμως dictum, cōficiēbatur.

Adamantis species Cypria vocata, vergit in æreum colorem. Armatura lapidum quorundam, ferro aut æri polito similis est. Orichalcum secundum Grammaticos est æs aurei coloris, quod in montibus inuenitur, vnde nomē traxit. At nostrum orichalcum, artis, non naturæ opus est: nec ex vllis montibus aut fodinis eruitur, sed genere quodam cadmiæ æs ita tingitur, vt aurum præ se ferat. Cicero tertio Officiorum: Si quis aurum vendens, inquit, orichalcum se putet vendere, indicētne ei vir bonus aurum illud esse? Tibia vineta orichalco, Horatius de Arte, prima & secunda correptis. Sunt qui Aurichalcum scribant, — — — κυνιδας ὀρείχαλκοιο φαίνῃ, Hesiodus in Clypeo Herculis. vbi interpres: ὀρείχαλκος, τὸ λευκὸν χαλκωμα, γὰρ ὄρεσι γὰρ εὗρίσκεται. ἄλλοι δὲ φασιν ὄρείχαλκον εἶναι ἄλλω ἢ τῷ μεταλλικῷ, χαλκῷ τιμωτόραν.

*De figuris lapidum, &c.*

Ferrum, Græcis est σιδῆρ. Ferrugo, rubigo ferri, ῥὺς σιδῆρ. cuius color foris quidem, è fusco ruffo & mixtis ad cœruleum tendit. vnde ferrugineus color in hyacinthis & violis celebratus. hodie violaceum colorem vocant, vt quibusdam placet. mihi paulò nigrior, vel cœruleo saturatior in hyacintho quàm in viola videtur: et si apud Claudianum 2. de raptu Proserpinæ legimus,

— — — *dulci violas ferrugine pingit.*

Proximus quidem, si non idem, color est, & à violis ianthinus, ab hyacinthis (quos Vergilius ferrugineos cognominat, Hyacinthinus dicitur. Sunt quæ eundem castaneæ colorem faciunt, (vulgò Restenenbraun / Nâgelesfarb,) quæ tamen paulò plus ruffi, minùs autem cærulei habere videtur. Rasæ verò ferruginis color alius est, & nigredine remissa ruffescit magis, vt xerampelinus. Σιδῆρῖς dicitur aut cognominatur potius terra ybi fodit, vel è qua coquitur



coquitur ferrum. Magnes quoque; Heraclius vel Herculeus lapis aliter dictus, (quod nomen tamē etiam Coticulæ aliqui tribuunt,) Siderites (Plinio etiam teste) meritò vocatur. nam ferrum facie ac pondere naturaq; repræsentat; & eiusdem scobem particulasque minores, ut acus, annulos, summa cum admiratione ad se trahit.

Orites globosa, (aliàs glebosa, meliùs) specie, à quibusdam & Siderites vocatur, ignem non sentiens. Plinius lib. 37. cap. 10. Eiusdem verò libri cap. 4. Adamantis (inquit) duritia inenarrabilis est; simulq; ignium victrix natura, & nunq̃ incallescens. Huius species Cypria vocata, vergit in æreū colorem: post hūc est Siderites, ferrei splendoris, pondere ante cæteros, sed natura dissimilis. nam & ictibus frangitur, & alio Adamate p̃forari potest, quod & Cyprio euenit: breuiterq; ut degeneres, nominis tantum autoritatē habent. Sic ille: vnde Oriten, & Sideri-

ten, Adamantum generis esse aliquis  
conijciat: sed cū capite decimo igni-  
bus hanc gemmam (Sideriten) cede-  
re neget: quarto, optimo Adamāti so-  
lūm id tribuit, sicut & inuictam ad i-  
ctus vim: sideritem degenerem ictib⁹  
frangi ait, vnde & ignibus eundem ce-  
dere verisimile fuerit: si modò non o-  
mnis adamas cedit, eatenus saltem vt  
incalescat. Orpheus inter lapides the-  
riacos, vt ita dicam, id est, serpentium  
morsibus resistentes, Ostriten nume-  
rat, ὄστρίτω, si modò rectè legitur in lē-  
mate simul & carmine:

Νῦν δὲ καὶ ὄστρίτω οἶνω λίθον γνῖτρίψαντας:

Fortè autem ὄρίτω legendum, vel  
ὄρείτω, aut ὄρίτω, propter carmē. In-  
ferius enim legimus,

Τοῖον γὰρ αὖ Βροβῶσιρ ἀρηγόναι τίκῃν ὄρείτω,  
[aliàs, ὄφέτω, quod non probo.]

Eundē verò & Sideriten nominat:  
& lapidem facit subasperū, nigrican-  
tē, densum, solidū, circulantib. eum  
vndiq; fibris quibusdam rugosis.

Ἀμφὶ δὲ μὴ κύκλῳ πόριτ' ἀμφί τε πάντο  
θεν ἴσθ

Ἰκελοι ῥυτίδεσιν ὡς γράβδ' ἑταυρόντου.

Agricola hæc nō considerauit, nec  
alius quod sciam. Cauēdum aut nec-  
ubi Magnes & Adamas, cum vterque  
Siderites dicatur, cōfundantur: quod  
fortè fecit Plinius cum Oriten glebo-  
sa specie esse tradit, quod cōuenit Ma-  
gneti seu Magnetidi: & ignē nō senti-  
re, quod Adamāti tribuit. Orphei cer-  
tè Orites Magnetidi potius q̄ Adamā-  
ti cognatus fuerit, cum intra corpus  
sumatur cōtra serpentiū morsus: Ada-  
mas autē veneni rationē habeat intrò  
sumptus: Quin & tritū è vino bibi iu-  
bet, cū Adamas nō teratur: & in ignē  
proijci, vt odore suo serpentes fuget:  
Adamas autem ignibus inuictus, nul-  
lum proculdubio halitum odorēm  
ve emittet. Obijci potest, Orpheum  
de Magnete statim antea egisse: vt  
hic Magnes esse non possit. Re-  
spondeo, De Magnete poetam prius

*De figuris lapidum, &c.*

egisse vltimo loco inter lapides dijs  
gratos & sacrificijs adhibendos: Ori-  
ten verò, non ipsum Magnetem sim-  
pliciter, sed eius speciem, primum fa-  
cere inter illos qui morsibus venena-  
tis aduersentur. De fibris illis rugarū  
similibus, quæ lapidem vndiquaque  
ambient, quærendum. Sunt autē for-  
tè nihil quàm lineæ quædam aut striæ,  
quales in Schisto lapide visuntur: qui  
species est hæmatitæ, vt hæmatites  
Magnetis, (vnde & Hæmatites Mag-  
nes pro Hæmatite simpliciter à Plinio  
dicitur,) etsi nō eādē attrahendi fer-  
ri natura præditus. Quod ad nomen  
ipsum, Magnes à Latinis scribitur, Pli-  
nio & alijs: à Græcis ferè μαγνήτις, ἡ, (ἡ  
μαγνήτις τε καὶ ἡρακλεία καλεσμένη, Gale-  
nus lib. 9. Simplicii,) vt subaudiatur  
λίθος, ab Orpheo etiam μάγνησσα. A  
Magnesia enim vrbis nomine, (quarū  
altera Macedoniæ, altera Asiæ est: ab  
vtraq; autem hunc lapidem mitti Pli-  
nius è Sotaco repetit,) Magnetes vel  
Magne-



Magnesiꝝ populi dicuntur, masc. genere. nam & regio ipsa Macedonia Magnesia vocatur. *μαγνήτις* verò & *μάγνησα*, gētilia fœminini generis sunt. Longè verò alia est Magnetis illa lapidi speculari similis, de qua scripsi su-

prá. Libuit & picturam Magnetis hîc addere, quæ cū per se rectè ex primi nō posset, ferri scobem qua tra-



hit, ab eo hærentem expressi, sicuti & acum, vt ferrum esse intelligeretur.

Redeo ad nomen *ὀσπείτης*: quod et si iam dicto Orphei loco malè pro *ὀρείτης* mihi positum videtur, & ipsum tamen lapidis ostreo similis nomen esse non negârim: vt ab Ostreo deriuetur *ὀσπείτης*, syllabis quatuor: vel *ὀσπέτης* tribus, carminis gratia. Nec tamẽ hunc esse putârim Philoginon (ubi for-

De figuris lapidum, &c.

τὸ φλογινὸν legendum à colore flammeo : aut  
philogynon per γ. in penult.) dictum aliter  
gemma, quam & Chrysitē vocant,  
inquit Plinius, ostreae Atticae assimu-  
latam in Aegypto. vbi ochrae, non o-  
streae legendum censeo, vt suprà etiā  
monui. Ostraciti ostrea nomen & si-  
militudinem dedere, Plinius: quem in  
hoc deceptum dixerim, quòd ostrac-  
cum pro ostreo accepisse videatur:  
cum & res sint diuersae, & qui deno-  
minantur ab vtraq; lapides, plurimū  
differant. Ab ostraco enim, id est, te-  
sta figulina (cui quidem etiam testae  
concharum & turbinatorum in ma-  
ri animantium comparantur. quae ab  
hoc ipso etiam ὀστράκοειδὲς generalī  
vocabulo, & ὀστρεα per ε. diphthongū  
in penultima, appellantur: ὀστρεα enim  
eorum species vna sunt, per ε. nudum  
in penult.) ostracias vel ostracites de-  
rivaat: quae duo nomina legunt apud  
Plin. lib. 37. ca. 10. Ostracias siue ostrac-  
ites (inquit) est testacea, durior: altera

Acha-

Achatae similis, nisi quod Achates politura pinguescit: duriori tanta inest vis, ut aliae gemmae scalpanť fragmētis eius. Idē lib. 36. Ostracitae similitudinē testē habēt: vsus eorū pro pumice ad lāuigandā cutē. Agricola Ostraciten Germanicē interpretat, *Zopffstein*. Ostraciam alterā verò, *Lursaffyr*. quo nomine mihi ostensa est gemma saturatissimi Indici colore: qui ostendebat gemmarius magni precij esse dicebat, praeduram, ita ut alias gemmas incideret. maioris autem precij esse in eo genere, cui aurei coloris aliquid mixtum esset. Germanicum nomen, à Lynce an aliunde ei factum sit, nescio: cum Lyncurio quidem nihil ei commune video. Ex Ostracite (inquit idem) natura in Hildeshemio tractu inter antrū & charadrā, facit Hæmatiten, ars ex Magnete. vtraque vrēdo. Et alibi: Ad cutē lāuigādā & pilos amouēdos cōuenit ostracites, ita dictus quod testae similis sit. Eū iuniores Græci λιθόστρεον



videntur nominasse, ut ab ostracorū  
testis distinguerent: veteres & Cera-  
miten, cum testæ habet colorem: &  
cheramidē, maximè cum eum coeru-  
leæ bullæ cingunt. Ex crustis constat:  
facileq; findi potest. digitis percussus,  
tanquam olla sonitum edit. Hodie re-  
peritur in Hildeshemio circa antrum  
à nanis appellatum, colore subrubēs.  
Eum tractum, ut dixi, quondam arsis-  
se, multa indicant. Exiccat ostracites,  
& astringit, &c. Quod ad remedia  
quidem fortè non multum interest  
Ostraciten testis similem, & Ostreiten  
lapidem similem ostreis confundi. Cē-  
terum ut ostreorum quæ propriè sic  
dicuntur testa superficiem valdè aspe-  
ram & inæqualem habet, ut ea ratio-  
ne pumicis vicaria esse possit, sic & O-  
stracites vel Ostreites potius lapis.

[De ostracodermis quidem varijs in  
lapides conuersis, infrà suo loco dice-  
mus.] Ostraciæ alteri translucida vi-  
riditas est mixta nigrore. Eius fragmē-  
tis



tis quidam nostris etiam temporibus  
alias gemmas scalpunt, Agricola. A  
Siderite prædicto utroque differre vide Siderites.  
tur is cuius similiter lib. 37. cap. 10. me  
minit Plinius, his verbis: Siderites fer  
ro similis, & litigio illata discordias  
facit: quæque nascitur in Aethiopia Si  
deropœcilos ex ea fit, variatibus gut  
tis. Pyriten quoque (inquit Hermola  
us Barbarus) sunt qui Sideriten voci  
tent. Siderites denique alius, idem qui  
Basaltes videtur Agricolæ initio libri  
6. de nat. foss. ubi paruas quosdam la  
pides, gemis ferè adnumeratos, à ma  
gnis quibusdā sola magnitudine dif  
ferre scribit. ¶ Idæi dactyli in Creta  
ferreo colore pollicem humanū ex  
primunt, Plinius. Basaltes ferrum co  
lore & duritie æmulatur: unde & no  
men inuenit, ut Capite 1. ostendi. As  
bestos in Arcadiæ montibus nascit,  
coloris ferrei, Plinius. Machæra la  
pis ferro similis, proximo capite mox  
dicetur. Armatura quorundam la

*De figuris lapidum, &c.*

pidum dicta, similitudinem gerit ferri aut æris.

Postremò à plumbo, quod Græcis *μόλυβδος* est, nominatur lapis plumbarius: plumbago, quæ Græcis *μόλυβδος αινά* est, & alio nomine Galena. itè Lithargyri, id est, Argenti spumæ species tertia ac vilissima, ab eodem Molybdis cognominatur. Lapidis è quo plumbum candidum fit, colore est quæ dicitur Lupi spuma, Agricola. *¶* Hæmatiten quarti generis, coctum, Miltiten vocari Sotacus tradit.

Boleniæ nimbo inveniuntur glebæ similitudine, Plinius.

*DE FOSSILIBVS REBV*

*quæ natura similes sunt rei alicui artificiosæ, ordine literarum.*

*Caput V.*

**A**rmatura. Ea quam metallicam vocant Armaturam, (inquit Agricola)

agricola: ein Harnisch Germanicè,) quod  
ferri politi aut æris similitudinem ge-  
rat, at neutrum metallum non modò  
est, sed ne tantillum quidem illius ex  
eo potest confici. verùm est veluti na-  
turæ rudimentum ea metalla facere  
discientis. Lapis verò qui tandem fue-  
rit hac armatura indutus, *Hoplites* *Hoplites.*  
Græcè dici potest. Armari autem so-  
let saxum scissile: vnde interdum alte-  
rum venæ latus ad longitudinem sex  
pedum, aut ampliùs, ferri politi mo-  
do splendescit. Similiter cornu Am-  
monis & alij lapides armantur: sed eo-  
rum arma ex auro vel orichalco poli-  
to plerunq; videntur esse facta.

*μάχαρα*, id est, culter vel gladius di-  
ctus lapis, reperitur in Berecynthio  
monte Phrygiæ, ferro similis: quem si  
quis inuenerit quo tempore myste-  
ria Matris deûm peraguntur, in furo-  
rem incipere fertur, Plutarchus in li-  
bro de fluuijs.



*De figuris lapidum, &c.*

Effedorum & staticulorum speciem Achata aliquando reddunt, Plin.

Molæ figurā repræsentat lapis molaris Vulsiui inuentus, Agricola.

Ollæ alicubi effodiuntur, nativæ, molles in terra, foris lapidescunt, ut Ge. Agricola tradit: & Germanicè interpretatur *Erdeopff*: sicuti Ostracitè *Topffstein*. Nonnullis in locis Germaniæ effodiuntur etiam urnæ fictiles, in quibus cineres mortuorum cōbustorum conditi fuerāt, antequam religio Christiana recepta fuerat, eas imperitum vulgus intra terrā esse natas sibi persuadet, Idem.

Pani similis est lapis rotundus: quē Dæmonis panem nomināt prope Rotuillam Heluetijs finitimū oppidū.

Patinæ in modum excavati. Plinius dicit Hephæstiten in Coryco natum speculi naturam habere in reddēdis imaginibus, quanquam rutilum. Nomen ex eo inuenit, quòd in Solem additus (*positus*) aridam materiam accen-

Hephæstites.



tendat, non aliter ac speculum concavum sulfurata, stramina, sarmenta. Id genus lapides in rubro nigri coloris reperiunt Hildeshemi in fossa minorum, qua spectat Septentriones. in modum verò patinæ excavati sunt, & aurea armatura rutilant. quare & reddunt imaginem, & ob Solis radios obversæ aridam materiam accendunt, Agricola.

In Rotæ figuram formatur Trochita ab ea ipsa dicti. De quo idem Agricola: Cum lapide Iudaico (inquit) cognationem habet Trochites. Etenim cum ei natura dederit tympani figuram, eius pars rotunda lævis est, utraque verò lata habet quendam quasi modulum, (modiolum:) à quo vndique radij ad extimam orbis partem, quæ ipsis est loco canthorum, procedunt ita eminentes, ut striæ fiant. Multum variant quantitate: sed minimus adeò parvus est, ut maximus decuplò maior sit. Maximus verò est latus digi

*De figuris lapidum, &c.*

tum transuersum: crassus tertiam eiudem partem, aut amplius. Differt colore. nam aut cinereus est, aut nigricat, aut luteus est. sed is magis ppter contagionem terræ talis esse solet. intus enim cæteris candidior. Omnis fractus lapidis Iudaici instar læuis est, & nitet. Frangitur autē similiter vt ille, in longum, latum, obliquum. In acetum impositus, vt Astroites, bullas agit: atq; etiam reperitur interdum q se tanquam Astroites moueat de loco. At ex trochitis nondum separatim constat Entrochos: modò ex binis, modò ex ternis, modò ex quaternis, nūc verò ex pluribus: viceni enim sic inueniuntur coniuncti. Eius duæ sunt species: aut enim æqualiter teres est, aut teres quidem, sed pars eius media tumet, utrūque caput strictius est. Cuius autem trochitæ radios habent eminentes, in eo, qua parte duo committuntur, semper inesse cingulum rectortum videtur: at cuius humiles, ca-

rent

Entro-  
chos.

rent cingulo, totiq; læues sunt. Trochitæ verò sic coniunguntur, vt vnus radij ingrediatur in alterius strias. Entrochi quidem tumidi trochitæ, plerunq; humiles admodum habent radios. quin sæpenumero lapis informis reperitur vnà cum trochite & entrocho, rotæ in se continens figurâ: quæ in eo quasi quædam radix, trochitis iam abruptis, remansit. Hos autem lapides gignit Saxonia ad Hildesheimũ ultra montem Mauricij, in commissuris marmoris in cinereo candidi, & in terra glutinosa, &c. Hæc Agricola: qui Trochiten interpretatur *Spangen oder Kederstein*. Ego quem à viro quodã nobili accepi, sequenti pagina expressũ apponã: tũ singularẽ, tũ ternos iũctos. Lapis est fuscus, satis durus, in medio centrũ habet cũ leui iudicio modiolis: in circuitu radij eminentes apparẽt, interuallis medijs cauis. si cohærentes se pares, singulis vtrinq; veluti sigillo impressa rotę species videt:

*De figuris lapidum, &c.*

vt Rotæ sigillum non ineptè hic lapis vocari queat. Figura autem eius hæc est.

Belemnites

Sagittæ (quæ

Βελεμων Græ-

cis dicitur) ef-

figiērepræsen-

tat. quare Saxo

nes eum voca-

bulo ex ephial

te & sagitta cōposito (Alpessche/ Alp-

schoß,) nominant: potumq; contra e-

iusmodi suppressiones & noctis ludi-

bria valere dicunt, ac fascinationibus

occurrere. hunc lapidem hodie qui-

dam medici pro lyncurio habent &

vtuntur, qui ex vrina Lyncis non cō-

creuit: nec enim vllum tale fuit Lyn-

curium. sed veteres scriptores succi-

num, vt dixi, sic appellarunt, quòd i-

psis opinione persuasum esset ex vri-

na lyncis fieri. Si quis tamen vnquam


Græcorum Lyncurium, quod nō ef-

fecit

. I.



2.



Lyncurium.



set Succinum, vidit, hos belemnitas, opinor, vidit. nam ex eis quidam succini Falerni habent colorem, & pellucet: quidam paleas aliasq; res minutas, tanquam Succinū ad se alliciunt. reperitur autem belemnites in pluribus Germaniæ locis. Belemnites est aut cinereus, aut candicans, aut in rubro niger, qui omnes inveniuntur Hildesheimi: aut Succini Falerni colore, vt Prussicus & Pomeranicus. vltus vel candidus fit, vel in candido cinereus. vterque reperitur inter urbem Hildesheimum & arcem Marieburgum in marmore antri, quod à nanis appellant, ad sinistram. nam locū illum quondam arsisse alia multa, præter huius lapidis odorem, indicant. quin aurea armatura non modò belemnitem Hildesheimi in fossa mœniorum generatum ortu, sed eius etiā radicem conuestit extrinsecus: quæ armatura sine arte mirificè nitet, atq;


*De figuris lapidum, &c.*

imaginem instar speculi reddit. belénitæ autem si confricentur, ex eis quidam olent cornu bouis limatum aut vstum, vt Hildesheimi in marmoris eiusdem odoris commissuris nati: alii sine odore sunt, vt reliqui. diuersa verò est ipsis magnitudo. cum enim maximis esse soleat digiti longitudo & crassitudo, Hildesheimijs in fossa mœniorum, quæ spectat ad Septentriones, repertis, est interdum sesquipedis longitudo, brachij crassitudo. at figura omnibus est sagittæ ex amplaradice deficientis in tenuissimam aciem: omnibus à natura inest quædã quasi rima, qua fit ut faciliùs in longitudinem diffindantur, sed ea pellucidis magis quàm cæteris est cõspicua. eadem interdum aurea armatura vestitur intus. in alijs præterea inest terra, in alijs arena, in alijs lapis, qui non ipse solum vt Belemnitæ in conum acutum est turbinatus, sed etiam arc-

na

na & terra. verùm lapis quem conti-  
net Belemnites aurei coloris armatu-  
ra tectus, plerunque constat ex cru-  
stis, tanquam membranis quibusdã  
primò latis, mox magis ac magis stri-  
ctis. quoniam verò Belemnitæ exic-  
cant, Prussicis & Pomeranicis chi-  
rurgi curant vulnere: ijsdem medici,  
& Saxones suis, non aliter ac lapide  
Iudaico frangunt calculos. Hæc A-  
gricola.

Belemnitæ icones hîc positas, se-  
cundum numeros deinceps  
enarrabimus.



*De figuris lapidum, &c.*

1. Belemnites, vel Dactylus Idæus, maior: sic dictus à figura sagittæ: vnde & Germani quidā *Alpschoß*, hoc est, sagittam Incubi appellant. Nigricat, & radios à centro diffundit, vt apparet: solidus, excepta basi: sicut etiam cornua animalium aliquousq; caua sunt, inde solida. Accedunt autem odore quoque ad cornu vel os vstum, aut felium ferè urinã. Substantia friabilis ferè est, colore nigricat. Quidam ex eis fracti fuisse videntur, & rursus sponte coagulati.

2. Eiusdem basis cõcaua in medio, terram vel lutum continens.

3. Eiusdẽ alia species, intus atra & læuissima, nullis radijs, foris albicãs, tanquam crusta è creta inducta: substantia ei durissima, vt & ignem emit tat tanquã Silex. foetoris nihil habet, magnitudine & figura, cacuminis etiã modicè inclinati, pollicis articulũ superiorem referens.

4. Belénitæ radiati species minor,  
linea



linea per medium diuisa, & ad lucem  
perspicua: minus nigra, è fusca candi-  
cans, vel etiam subruffa, obscuriùs ra-  
diata: nec ita foetida: quã multi phar-  
macopolæ habent pro lapide Lyncis:  
eam præsertim speciem, quæ parte al-  
tera pellucet, & subruffi coloris est, li-  
nea mediam secundum longitudinẽ  
diuidente. Hic in Borussia prope Re-  
giomontem magna copia ex monte  
effoditur, à veteribus ob perspicuita-  
tem, vt Io. Kentmanus ad me scripsit,  
Lyncurius appellatus. Sagittæ no-  
mine Italos audio, non Belemnitem  
nostrum, sed Glossopetram nuncupa-  
re, vulgò Saëta: in qua quidem non to-  
tum sagittæ telum, sed mucro ferreus  
tantum repræsentatur, cum suis bar-  
bulis, vt ita vocem, quas Græci ἀκίδας  
vocant. has enim aliqui ὄγκος τοῦ βέλους  
καὶ πώγωνας apud Hippocratem inter-  
pretantur: (Galenus simpliciter ferrū  
teli:) ego non ὄγκος, sed ὀγκίνος, (id est,  
vincos) legerim. βέλους δὲ ἀκίδος δὲ ὄγκος

De figuris lapidum, &c.

καὶ πῶγον δὲ καλεῖται, Pollux. sed ali-  
bi melius: καὶ τὸ ἀκίδιον ὅγκινον ἢ οἱ πῶ-  
γον καλέω. Lapis Belemnites omnis  
plerunq; constat cortice, & parte in-  
teriore ceu carne: nonnullis etiā me-  
dulla inest mollior. Germani qui-  
dam hunc lapidem vocāt Luchßstein,  
id est, Lynceis lapidem: [et si pharma-  
copolæ quidam, non quamvis huius  
speciem, vt dixi, sed minorem, sub-  
rustam, & aliqua ex parte pellucen-  
tem, pro Lynceo lapide vsurpant:] a-  
lij Schoßstein, à similitudine teli qd  
schoß vocamus, vnde etiam ad vulne-  
ra prodesse conijciunt, & ad pleuriti-  
dem, quæ veluti telum quoddam in-  
ternum vno in loco pungit & affli-  
git, tanquam ex ipsis rerum formis ac  
figuris vsu earum & remedia indi-  
cante natura. Alij Kappenstein, id est,  
Coracian aut Coruinum lapidem, si-  
ue à colore nigro, quo species eius  
quædam colorantur: siue, vt quidam  
nugantur, à coruini veretri similitu-  
dine.

dine. Adrenum calculos in Hispania eius vsum esse accepi. vstus quidem videretur mihi vtilior, saxifraga præsertim & alijs admixtis: aut potius liquor, in quo macerata hæc fuerint, colatus. Dentes etiam vstus expurgat: posset autem odoris gratia aliquid iridis misceri. Malleo percussus, per transversum plerunque frangitur, & graue olet intus vt dictum est: & ne vstus quidem virus illud deponit. Sunt qui oculis equorum ad exterendas cicatrices, vsum inflent. Audio & ad vitrum nescio quem eius vsum esse, & Alabandicum nescio quam rectè appellari. Reperitur circa Siblingam pagum, qui Scaphusia Heluetico oppido, itinere duarum horarum distat: & in vicinia, supra Hallouiam, & iuxta Aezingam, in agris asperis, lapidosus, & soli rubentis, ni fallor. aliquando etiam in aruis, vbi franguntur aratris. Integros etiam reperiri aiunt, fusi quadã



seu rhombi oblongi vtrinque mucronati specie, aut pyramidis potius duplicis iunctis inuicem basibus, mucronibus autem oppositis. Sed tales videre nondum mihi contigit. Is qui tertio loco pictus à nobis exhibitus est, præ cæteris videtur dactyli Idæi nomine dignus, à dactyli, id est, digiti, pollicis præsertim, humani similitudine, nam & crassitudine ferè pollicis est, & in terete figura latiusculus ad latera, & obtusior in extremo: & instar pollicis porrecti in summo inclinatur modicè in obliquum: & cute candida vestitur. Idæi Dactyli, inquit Plinius, in Creta ferreo colore pollicem humanum exprimunt. Ferreus quidè, si pro nigro accipiatur, his etiam magis conuenient: sicuti & durities ferri. Idæi autem ab Ida Cretæ monte dicti videntur: in quo nimirum nascuntur: à cuius montis, aut alterius fortè cognominis iuxta Ilium nomine, nascentes in eo, aut etiam in alijs, sed altissimis



mis tātūm, quales sunt Alpes nostræ, medici vetēres Græci Idæas quasdam plantas cognominarunt. Ab eodem quidem Cretæ monte, Corybantes etiam olim similiter Dactyli Idæi dicti sunt, hos Iouem nutriuisse fabulātur: & ne vagitu puer proderetur, nouo lusū genere excogitato, clypeolis æneis inter se concursantes, æris tinnitu & numerosi pedis compositione, qui dactylus inde dictus est, Saturnū fefellerunt. Petrus Bellonius Singularium suorum lib. I. cap. 15. tradit hūc lapidem, Dactylum Idæum seu Belemniten (non enim distinguit) in monte diui Iohannis dicto prope Lucemburgum oppidum nasci tanta copia, ut cum Gallorum rex Franciscus munimentum eo in monte extrui iussisset, fossores cum tres passus profunditatis exegissent, nihil vberius his lapidibus inuenerint. eosdemq; falso lapidum Lyncis nomine pharmacopœis diuendi. Pæoniam tum alijs nomi-

nibus diuersis, tum Daetylum Idæum  
quoq; olim vocatam obseruauimus:  
ab eo nimirum, quòd Pæoniæ fœmi-  
næ radices, bulbosæ ferè seu nodosæ,  
& huic lapidi figuræ similes, sicut &  
Hastulæ regiæ radices, nasci soleant.  
In horum lapidum genere maximum  
aliqui Ceraunité vocant, vti suprà e-  
tiam monui: ego Plinij Astrapiam esse  
puto. Vnum ex eis depictum diligen-  
tissimus Kentmanus ad me misit, no-  
uem digitos longum, diametro in ba-  
si (quæ radijs distinguitur) duorû pol-  
licum, colore fusco in cinereo: his ver-  
bis adscriptis: Hic maior lapis, vulgò  
Ceraunites vocatur: sed malè. nam  
Hildeshemi in fossa circum moenia re-  
peritur: & alterius lapidis reuè attri-  
tu, vt cornu vstulatum olet. sed alij  
ibidem inueniuntur odoris expertes.  
Idem Geppingæ in ducatu Vvirtem-  
bergenfi, quatuor miliaribus à Tu-  
binga, in magna copia ex agris inter  
aran-

arandum eruitur. Differentiæ eius plures sunt. Inuenitur enim cinereus, qui olet vt cornu bouis vstum: Alius cinereus, qui non olet, lapidem in se continens: Alius eiusdem coloris, sine odore, terram continens: Pel lucidus: Albus: Niger radiatus: Cineraceus & lucidus, quem audio in Italia nonnullos Pnigiti, (nescio quàm rectè,) & lapidem Alabandicum nominare. Ego in arce prope Roteuilam apud baronē Vvilhelmum Vvernerum, lapidem Belemnitæ similem vidi, pedalem ferè, non radiatum: in cuius superficie animalcula quædã, vt lacerti, eminebant. Cum Dactylo Idæo similitudinem aliquam habet lapis, quem Steatitæ nomine infrà exhibebo, arte fortassis ita sectus: vnicum enim vidi.

Androdamas argenti nitorem habet, vt Adamas, quadrata, & semper Tessellis similis, Plinius. Sic & Pyritæ quidam.



*De figuris lapidum, &c.*

A Testæ figlinę similitudine Cerau-  
nites, *κεραμῖτις*, lapis à Græcis dictus  
videtur: sicut & Ostracites: quem ta-  
mē Plinius pro Ostreite (id est, Ostreo  
conchæ marinæ priuatim dictæ, simi-  
li lapide, aut Ostreo ipso in lapidem  
conuerso,) accepit: vt pluribus suprà  
Cap. 4. in Sideritæ lapidis mentione  
indicaui. Ceramites eadem esset quā  
Ostraciten vocant, nisi quòd hęc cœ-  
ruleæ interdum bullæ cingunt, Plini-  
us: qui Cadmiæ etiam speciem Ostra-  
citen vocat, totam nigram, & cætera-  
rum sordidissimam. *κεράμη* Græ-  
ca dictio testam vel tegulam signifi-  
cans, ad Germanicum Scherb acce-  
dit: & κ. literam Græci quidam, tan-  
quam Sch. proferunt. Plinij quidam  
codices habent Cheramides, ego Ce-  
ramites vel Ceramoides (*κεραμοειδής*)  
legerim: vt pro Cepionide, *κεκρονειδής*  
in eodem.

Tigni erecti similitudinē habet Ba-  
salties Misenus & Syenites: Trabis (*τράς-*

*uer-*



*uerſa*) ſaxa in Hildesheimio, Agricola.  
Vide infrà cap. 10.

Vitrea ſpecie naſcitur gemma Be-  
lus dicta in Arbelis, nucis iuglandis  
magnitudine, Plinius.

DE REBUS ARTIFICIO-  
*ſis ſeu arte factis, ex metallis, lapidi-  
bus ac gemmis. Cap. VI.*

DE rebus foſſilibus quæ natura  
ſimiles ſint rei alicui artiſicioſe,  
præcedenti capite dictum eſt: in hoc  
verò de artis operibus quæ ab homi-  
ne fiunt ex metallo, lapide, aut gem-  
ma dicemus: ſed paucis duntaxat, &  
ſpeciminis gratia: omnia enim perſe-  
qui nimis prolixum foret. Sequemur  
autem hîc quoq; literarum ordinem.

A. Ad ædificia & ſtructuræ lauti-  
ores adhibetur Marmora diuerſa, præ-  
cipuè ad columnas, & incruſtandos  
parietes, & ſepulchra, &c. Marmora  
(inquit Agricola) non habent ſingu-

*De figuris lapidum, &c.*

laria nomina : sed vel ex coloribus qui eis insident, vel ex regionibus in quibus nascuntur, nominantur. De Alabastrite, quod nomen suum servat in plerisque linguis, Latina, Græca, Germanica, alijs, (sicut & ipsum commune Marmoris nomen) non nihil diximus suprâ : item de Basalte. Marmor in metallis repertum Agricola Spat interpretatur. Aedificijs etiam alij lapides, saxa, calx & arena necessaria sunt: de quorum singulis multa Vitruvius, & Plinius. Gemmæ etiam ad eam aliquando magnitudinem perueniunt, vt pro saxis aut marmoribus ferè, ædibus sacris præcipuè ornandis accedant. Harum enim parietes Iaspide incrustatas vidit Erasmus Stella. Iaspide (inquit idem) multum nobilitatur nostra Cygnea Tumbantinorum, vbi tanta copia eruitur, vt ædificijs publicis (rudi tamen forma) à veteribus sit inclusa. Et rursus Iuba author est Smaragdum, quâ Cholan

Iam vocant, ædificijs includi: idq̃ videmus in plerisq̃ Germaniæ templis. nam & illic in argenteis metallis inveniuntur. Pseudosmaragdi Theophrastus meminit: Eius fortè generis est, qui in Bohemia Pragæ in diui Viti sacello conspicitur, parietibus illic ex eo incrustatis. Alabastra siue pyxides vnguentariæ fiunt ex Alabastrite & Lygdino, iam inde à vetustis tēporibus, Agricola.

Annuli. Annulorū alij sine gēma fiunt ex quouis metallo. alijs, aurcis præsertim, gēma includitur in ea quā fundū (Græci σφενδόνω similiter, vel πύελον, πυελίδα, σφραγιδ' οφυλάκιον,) vocant. eaq̃ vel figurā habet aliquā, vel nullam. figurarū autē aliæ causæ sunt: aliæ extant, quas ectypas, καὶ τ' ἐκ τῶν εἰρησέχειν τ' τύπον appellant. Et quia gēmas aut sculpturas ectypas apud aucthores aliquando legimus, paulò plura de his dicamus. Seneca de beneficijs libro 4. Paulus, inquit, Præto-

rius in conuiuio quodam Tiberij Cæsaris habens imaginem ectypa & eminente gemma. Vnde liquidò apparet ectypon dici cuius figura prominet, ideoq̃ manifestior est: ἥ κατ' ὄψιν τε τυπωμένον. quare etiam Grammatici Græci ἐκτυπώτορον interpretant̃ φανερώτορον. Solent autem ferè plastrum, aliorumq̃ artificum, primæ imagines seu exēplaria, οἱ τύποι, τὰ πρωτότυπα, αἱ σφραγίδες, cauæ effingi scalpīve: ab ijs verò impressis in molliorē aliquā & cedentem materiam imagines (ἐκτύπον, ἀπεικασματα, ἐκσφραγίσματα, ἐκμαγεία, ἐκμάγματα,) expressæ, extantesq̃ redduntur, quæ protypas seu prototypos suas ideas, (τὰς πρὸ τῶν πολλῶν, vt Platonice loquar,) omnino imitant̃, vnde & imagines dictæ, & referunt. Sic & in annulis signatorijs figura caua, ἡ πρότυπον est: cera verò signata, ἐκτυπορχῆμα. Plastræ ad suos typos, argilla, gypso, & alijs vtuntur. Gemmarij verò seu scalptores gemmarū, οἱ λιθο-




οἱ λιθογλύφοι, gemmas minùs duras ad hoc deligunt: vt quas Germani vulgò à leni mollitie puto, Spectstein appellant, & Gammienst. sed aliter Agricola: Lapidis (inquit) quem, quia eius color candidus, pinguior videtur esse, Germani ex lardo nominauerunt, (quidam vocant Gemmâ huiâ, limes albus distinguit modò nigram, modò cineream materiam. Eius pars potissimùm candida latior, & Sarda, nostris tēporibus omnium maximè aptantur ad ectypas sculpturas. Natura quidem totum huius lapidis corpus vicissitudine quadam nigroris & candoris ornauit. Erasmus Stella Gemohuidas nominans, easdem veterū Pæantides non rectè facit. De eis etiâ sunt Mesomelæ (*Mesomelanes, aut fœminino genere Mesomelænæ*) nigra vena quæ libet colorem secante per medium. Vidi albicantes insculpta facie humana, ad magnitudinem & figuram denarij. Sic ille.

*De figuris lapidum, &c.*

Annulis sequenti pagina adiungemus figuram, quā annuli duo, & gemmæ in circuitu duodecim repræsentantur. Annulus minor gemmam cōtinet Adamantem. Maior totus Electro cōstat, eoque Falerno, siue Chryselectro, id est, aurei & pellucis coloris, in quo animalculum quod in hortis reperitur cimicum specie, rubro nigroq; colore distinctum, natura inhæsit. artifex massula tornata animalculo palę locum dedit. Hunc dono mihi misit è Polonia Antonius Snebergerus meus. Gemmæ in circuitu duodecim è nobilium numero sunt, quæ annulis includi solent: quas licebit duodecim Gemmarum in Pectorali siue Oraculo summi Pontificis in Vetere Testamento nominibus appellare, & suum cuique colorem addere: sicut nos in Corollario ad Epiphaniij de Gemmis libellum monuimus.

An-



Annulus cum Callimo lapillò, duplici facie humana insigni, infrà ponetur cap. ii.

c. Capulis cultrorum & enchiridiorum aptatur CrySTALLI, Iaspides, & alix forsan gemmæ.

Cochlearia fiunt è Succinò perquã elegantia. Item ex marmore Zeblicio, (vt Agricola nominat ab oppido Misenæ iuxta quod effodit: videt aut

*De figuris lapidum, &c.*

Ophitæ cognatum esse. nam vulgò etiam Serpentariâ nominant,) cochlearia, & pocula faciunt Miseni: quòd veneno resistere persuasi sint: atq; etiam globos, quibus mulieres siccât linea capitis velamina, cû ea lauerint; præterea crustas planas & conuexas, quibus calefactis nostri hyeme, cum in lecto cubiculari sunt, frigida fouent mēbra: & illis quidem pectus & ventrē: his latera, pedes, brachia. Ex hoc lapide facti cochlearis iconem reperies infrâ hoc in capite in V. litera cum Vasis.

Corollæ precariæ figuram torquii similem, infrâ in O. litera posui.

Corpus metallicum, montis quâdam specie, ex omni variorum metallorum & lapidum genere, ab artifice aliquo, maltha seu lithocolla tenaci, summa industria coagmentato, additis etiam ex argento instrumentis quibusdam fodinarum, & Metallicorū, hoc est, in fodinis laborantium operarum,



rarū, imaginibus aliquot sparsim, res admiratione & contemplatione digna, confici potest. Quale pulcherrium & maximè varium, Ge. Fabriciū illustris Scholæ Rectorem Misene, virum multifaria doctrina consummatum, habere audio. quale etiam mihi is idem ex omnibus ferè fossilium rerum Ioachimicæ vallis differētij, sua & clarissimi apud Fribergenses Senatoris Valentini Grauij liberalitate ante annos aliquot fieri curauit. Quæ mihi sanè prima ferè & primaria, vt aliquid temporis studijq; succisui in his rebus cognoscendis ponerem, occasio extitit.

Cos. Cautes & Cotes in plurali numero ferè, sunt saxa dura & aspera. Cos in singulari, lapis quo cultri & alia ferramenta acuntur, à Græco *ἀκός* vñ nimirum per aphæresin. Earum plures sunt differentiæ. Olearijs dictis oleum, quo trahāt aciem, illinitur. his tonfor nouaculas exacuit. Aquarias

*De figuris lapidum, &c.*

aqua madefaciūt. Coloresunt nigræ,  
virides, fuscæ, quædam album & ni-  
grum alternant. Figura quadrate sunt  
aut fiunt: quædam è marmoribus, vt  
è Naxio, Naxiæ. Cotes autem ma-  
gnæ tympani figura è lapide mola-  
ri duro fiunt, quas vel homo vel ro-  
tula versat. Aquariæ quædam fiunt  
etiam ex ligno in lapidem verso in  
Boëmia, ad Cracauicium arcem, in  
figuram ferè triangulam formatæ.  
Hæc Agricola: apud quem plura le-  
ges libro quinto de natura fossilium.  
Extat de Cote Ge. Pictorij carmen.

*HÆC SEQUENTI  
figura exhibentur.*

*Cos duplex aquaria & olearia: quarum  
differentiã vel in constrictis facile est audire.*

*Coticula, cum lineis auri graduum, & ar-  
genti arisq; colorum.*

*Pugillaris è laminis Saxi nigri fissilis, cū  
stylo ex eodem.*

*Coti-*



Cotricula à Cote diminutum nomē  
est: ad cotis enim qua cultri acuan-  
tur figuram, quadrata formari solet,  
naturæ alioqui longè diuersæ, vt Ca-  
pite i. in Basalte diximus: è quo duris-  
simi & ferrei marmoris genere fieri so-  
let aut potest. Quādoq; tñ etiā p par-  
ua cote accipitur, quam Græci *ἀνόνιον*



*De figuris lapidum, &c.*

ad collyria terenda in vſu medicis.  
Contra ſuffuſiones oculorum cum la-  
cte in coticulis teritur, Plinius lib.31.  
Coticulam qua aurum & argentum  
probatur, Græci Βασανον nominant,  
aliqui χρυσίνδα, Lydium lapidem alij  
vel Heracleum à locis vbi reperiēban-  
tur. Lege Agricola lib.5. de nat. ſoſ-  
ſilium. Ouidius Indicem:

— — — periurāq; pectora vertit


*In durum ſilicem, qui nunc quoque dici-  
tur Index.*

Icon eius proximè retrò cum Co-  
tibus habetur.

F. Facies hominum, imagines re-  
rum, ſigna & literæ in varijs rebus ſoſ-  
ſilibus, funduntur, imprimuntur, ſcal-  
puntur. Exemplaria protypa fiunt  
in argillis quibuſdam, vel gypſo, aut  
maſſa aliqua artificioſa, cui & ſpecu-  
larem lapidem aliqui addunt: quoniā  
non comburitur. His cauiſ metalla in-  
fundūt, vt imagines ectypæ exprimā-  
tur. Ectypæ etiam fiunt in argilla aut  
alia



alia molliore materia, quæ typos ca-  
uos habeant, imprimendo. Sic ex-  
pressam faciẽ suam in argillis & mar-  
gis aliquot diuersis orbiculari figura,  
in alijs verò insignia familiæ Ioannes  
Kentmanus ad me misit: quarum spe-  
cimen sequenti pagina exhibeo: etsi  
facies non satis probè expressa est, me-  
lius facta à principio Catalogi rerum  
fossilium ab eo editi: vbi familię quo-  
que insignia nonnihil variant, orna-  
mentis quibusdam Ferdinandi Cæsa-  
ris liberalitate additis, corona nempe  
capiti, & brachio armilla, vt viri vir-  
tus & doctrina merebãtur. [Sic à Tur-  
cis terra Lem-  
nia alięq; Ara-  
bicis literis in-  
signiuntur: vt  
in apposita fi-  
gura apparet,  
cui etiã Horo-  
logiũ additũ  
est, ppter Magnetẽ à nobis delineatũ]





Addidi & effigiem resurgentis Domini argillæ Syriacæ impressam: quâ nuper Iohannes Kentmanus pro rarissimo munere ad me dedit, his verbis in Epistola adscriptis: Mitto imagin-

gunculam quandam ex ista terra factam, quam ipse filius Dei, pedibus suis calcavit, cum pro nobis miseris victima fieret. Quam imaginem dono accepi à viro nobili Volrado à Vvatzdorff. is secum ex terra Sancta attulit: & mihi retulit, Monachos eius loci nonnullos, qui ad Sanctam terram accedunt, cum magna testificatione amoris sui peregrinatores eiusmodi dono solere ornare. Hec ille.



[Adiunximus & aliam rutilam, Capræ icone insignem, quam pro vera Lemnia Fr. Calceolarius Veronensis pharmacopœus summe industrius ad me misit.]



Eius terræ Syriacæ color in albo ad roseum vergit perparum. modicè arenosa videtur gustanti, non aspera tamen : nec glutinosa vt. aliæ argillæ ab altera parte Crucifixi imago est.

In môtibus apud nos, Vocetio præfertim, & viciniore nobis Albio, argillæ genus cinereum & duriusculum, vt lapidescat fermè, reperitur, quod aliqui vulgò Hepatiten lapidem (Σάβερstein) à mollitie puto, nominant: alij Mergel quasi margam : eam & ad prototypas, sic vt formis eius cauis infundantur metalla, cum induruit : & ad ectypas imagines, cum adhuc mollis ipsa prototypis imprimitur, idoneam esse audio. Græcè λιθάργυλλον dixerim, composito ex lapide & argilla vocabulo. Nonnullis in locis hoc argillæ genere agros etiam stercoreari audio. Entalium quoq; officinis dictū, alijs Amentum, (est autē lapis albus, splendidus, totusq; fibris seu filamentis cōstat, Amianto cognatus & Alu-  
mini



mini plumeo vulgari,) in calcem redigitur: è qua cum aqua fit quasi pulviscula spissa niuei candoris: cui imagines ectypæ imprimuntur: quales sanè pulcherrimæ Antuerpia ad me missæ sunt. Scalpuntur autem non solum metalla, & lapides gemmæq; , sed etiã Conchæ & Cochleæ marinæ, spissiores præsertim & elegantiores, vt Porcellanæ dictæ.

*H.* Horologij sciaterici (Compassum vulgò nominant) picturâ exhibui paulò superius, cuius gnomoni ferreo illitus est Magnes, vt Septétrionè versus à quo trahitur, sicut ab ipso ferrum, gnomonem dirigat.


*I.* Imagines. Vide Facies superius.

Incudès fabrorum è ferro fiunt, apud Misenos etiam è Basalte ferri coloris & duritiæ lapide.

Instrumenta varia diuersorum artificum, è diuersis metallis fiunt.

Stylus inferius depictus, ad scribendum factus est, plumbi cuiusdam (fa-

Ætiji puto, quod aliquos Stimmi An-



glicum vocare audio) genere, in mucronem dera-  
si, in manubrium ligneum inserto.

L. Lateres

è luto finguntur & coquunt, ad ædificiosum parietes, pavimenta, caminos: item ad furnos, aliosq; vsus.

Lithostrota dicuntur loca lapidibus strata: vt apud Varronem pavimenta nobilia lithostrota. fiebant autem è crustis paruis, marmoreis præcipuè, quibus solum pavimentum incrustabatur. Vide Agricola libro 7. de nat. fossilium.

M. Mensæ fiunt nõ solum è ligno: sed etiam lapidibus & marmore, siue solidæ: siue marmore aut lapide fissili incrustatæ duntaxat.

Molaris lapidis icon posita est Capite


pite i. adiuncta lapidi cuidam ex aqua nato. Græci *μυλίττω* & *μυλίαν* vocant. eum carmine celebrauit Georgius Pictorius. E molari duriori Cotes tympanorum figura fiunt, vt superius dictum est.

Mortaria seu pilæ ex diuersis metallis fiunt pro vsu diuerso, medico præsertim, vt ære, orichalco, plumbo: quædam ex marmore duro alijsq; lapidibus, vt Aethiopico subuiriidi, Thyite à thyijs, id est, mortarijs dicto apud Aegyptios: cui figura est rotunda, &c. fit autem ex Merocte etiam dicto, teste Agricola. Item ex Alabastrite Aegyptio, & Ophite albo. Nunc ex nostra Iaspide & Onyche conficiuntur mortariola: in quibus Smiris & cæteri lapides duri, quorū arenis vtūtur hi qui poliunt gemmas, conteruntur.

O. Ornamenta varia. Appēdi aut gestari in corpore qdā solēt ornat<sup>o</sup> gratia. Cōiicio aut etiā ea q̄ à principio spe sanitatis appēdebant, ceu amuleta, sup-

*De figuris lapidum, &c.*

stittiose quidem pleraq; omnia, in luxum & ostentationem mox abiisse apud gentiles: in nostra verò religione earum nonnulla, vt monilia & armillas, ad pietatem aliquos trahere conatos, globulos precarios in vsum produxisse. Nos hîc globulorum seriem,




figuris eorû diuersis exhibemus: quoniam in alijs aliæ effingi solent figure: rotundæ, læues, angulatæ, rhombis distinctæ. inter cæteros vnus magna ex parte erofus apparet: quem idcirco addidi, quoniã talem ex gēmis quas Chalcedonios vulgò nominât, in Galinacci ventriculo reperi, téporis mora calore eius, vt conijcio, ea parte cōsumptum. In duobus muscæ apparēt.

qu



Qui è succino sunt: cui sepe insecta in-  
nascunt: & ego corollas è Succino ab  
amicis donatas aliquot habeo, quarū  
singuli ferè globuli singula animalcu-  
la continent. Fiunt autē hi globuli ex  
materia diuersa, Iaspide, Chalcedo-  
nio vulgò dicta, Crystallo, Amethy-  
sto, Silice cādido, Corallio, Succino,  
Gagate, &c. Galenus de viridi Iaspide  
scribens, ὁρμαθισμὸν ἐν λιθιδίῳ, huiusmo-  
di feriem appellat, à collo suspenden-  
dam, ita vt os ventriculi contingat,  
ad eam partem & stomachum robo-  
randum. ¶ Gemmæ simpliciter di-  
ctæ plerūq; annulis ( de quibus suprā  
diximus) includebātur, rotunda, aut  
quadrata figura. Alię verò ornamen-  
torū figuræ, auro argento ve exceptis  
gēmis, à collo suspendi aut aliter ge-  
stari solebant. Ex Beryllis quibusdam  
Indi cylindros facere malunt, quàm  
gemmas, Plinius. Tympana, Elen-  
chos, Prismata, figurarum in Orna-  
mentis nomina nunc prætereō. Ad

De figuris lapidum, &c.  
Ornamenta pertinent etiam subiectæ  
icones.



*Iaspidum species quatuor:*


1. Cordis effigie, rubicunda, albicantibus maculis.
2. Rotunda, vario linearum & macularum ductu elegantissima, & speculi instar imagines reddens.
3. Indica, viridis, rubentibus maculis, maioribus: ut sequens minoribus, ipsa etiam viridis.
4. Iaspis viridis orientalis. Vide quæ cum tertia scripsimus.

*Iaspis*

1. Iaspis ruffi  
vel xerampelini  
coloris, maculis  
distincto fuscis.

. 1 .

2 .



2. Alia pelluci-  
da: & magis qui  
dē superiori par-  
te: glauci vel cor-  
nu ferē coloris, tribus lineis rubentibus in-  
cincta.

. 1 .



. 2 .



. 3 .



. 4 .



3. Carneolus. vel Carneola vulgò dicta, in  
qua arboris effigies, & Luna eclipsim pa-  
tientis, conspiciuntur, Hieronymi Carda-  
ni munus.

4. Alektorias, gemma candida, purissima,

Pp 2

De figuris lapidum, &c.

translucida, globosa: qua Dominicus Mōthesaurus Veronēsis medicus me donauit.

3. Chelidoniæ dicti lapilli, lentium similitudine & magnitudine, ruffi in subflauo, sed inferior pars plana est: superior modicè conuexa lenticulæ instar, Schwalmensteinle.

4. Ophthalmici vulgò in Gallia circa Gratiopolim; ubi in fonte quodam reperiuntur dicti lapilli, quod cum leuissimi lubriciq; sint, in oculos facillè indi voluiq; possint ad eos expurgandos Chelidoniæ instar, minimi videlicet ex eis & rotundiores. incerta enim eis figura est: nec vna magnitudo, minimi ferè lenticulis pares sunt, alij multo maiores. Color eis fuscus, durities mira, splendor ceu oleo inunctis.

1. Lapis seu gemma viridis, quo Indiæ occidentalis incolæ vtuntur. inserūt autem pertusis labijs, ita vt pars crassior in ore hæreat, reliqua prominens dependeat. Oripenduli nomen ei fingi potest, vt Filipendulam herbã dici-



dicimus. Hoc lapide me donauit vir

summæ doctri-

næ Io. Ferrerius

Pedemōtanus:

cuius in episto-

la hæc ad me ver-

ba sunt: Mitto

viridi coloris la-

pillum teretē ad

longitudinem digiti in manu homi-

nis medijs, & in altera extremitate dua-

bus ansulis munitum, quem nobilio-

res Bressillienses cū in publicū pro-

deunt, ad labia eorum ab adolescē-

tia perforata applicant, vnum vel plu-

res pro singulorum dignitate, & co-

medentes aut quoties volunt de lo-

co vbi hærent vicissim detrahunt.

2. Molochites vulgò Germanis di-


ctus lapis, Cyaneo cognatus, viridis,

opacus, politus, splendidus: quo A-

chilles Pyrminius Gasserus medicus

Augustanæ Reipubl. clarissimus, me

donare voluit. Sunt qui Turcoim



Germanicam nominent.

P. Pauimenta vilissima fiūt ex in-  
trita, (quam vulgò emplastri nomine,  
Pflaster vocamus:) ex laterib<sup>9</sup> alia: ra-  
ra & magni precij paruis Marmorum  
crustis incrustantur, vt in Lithostro-  
tis diximus. Pauimentum Germani  
Esterich vocant, Itali Estrico: vtrunq;  
autem à Græco Ostracon factum vi-  
detur, quod testam significat.

Pocula fiunt ex Metallis diuersis,  
auro & argento præcipua: vulgaria è  
vitri materia funduntur, vel ex luto ar-  
gillâ ve à figulis tornantur. Ex gem-  
mis verò, Murrhina, Iaspide, Crystal-  
lo: item è Marmoribus, Alabastrite in-  
primis, quæ pellūcent: [quale pulcher-  
rimū doctissimus medicus ciuis me-  
us Caspar Vvolphius Venetijs olim  
emptum dono mihi dedit:] ex Ophi-  
te quoq;, & ei cognato apud Misenos  
Zeblicio marmore.

Pugillares è lapide fissili nigro ele-  
gantes fiunt, sicut & tabellæ singula-

res, quæ ad parietes suspenduntur. Pugillarium ex hoc lapide icon paulò superius cum Cotibus exhibita est.

S. Salina. Vide inter Vasa, inferius.

Serra qui secantur lapides ad varios usus, *περσολ* à Græcis dicuntur: ut qui in laminas scindi findive possunt, *χισολ*, id est, scissiles. Crustas marmoreas, cum lapicidinæ sponte naturæ non suppeditant, arte facere solent, secando glebas. Arena hoc fit, inquit Plinius, & ferro fieri videtur: serra in prætenui linea premente arenas versando, tractuq; ipso secante, &c. Lege Agricola lib. 7. de nat. fossilium, qualis arena in hunc usum optima sit. Basaltes serra quidē diuiditur, sed difficillimè: ut Cap. I. expositum est.

Sigilla varia è Gagate efformantur: qualia qui diui Iacobi Compostellani reliquias visunt, in suis pileis affixa ferre solent.

Specularia, quæ vulgò fenestras vo-

*De figuris lapidum, &c.*

cant, è vitro maximè fiunt: aliquando è Phengite, de quo suprà Cap. 2. diximus. Sæpius etiam è Speculari lapide: qui ab his ipsis nomen tulit. Solet autem rhombi figura marginibus



ereis includi, nõ plumbeis vt vitrum: sicut apposita figura ostendit. Plura de hoc lapide, si lapis est, leges

suprà Cap. 2. in Selenite.

Specula è vitro præcipuè fiunt, & ex chalybe hodie, olim etiam ex alijs metallis, argentea maximè: & Brundi fina, stanno ac ære mixtis. Lege Pliniũ libro 33. capite 9. vbi etiam pocula ita figurari scribit, expulsis (*expressis*) intus crebris ceu speculis, vt vel vno intuente, populus totidem imaginum fiat. Hodie etiam conspicienda dicta paratur, angulis referta, quæ rem visam mul-



multiplicant. Specularis lapis, à specularibus vt iam dictum est, non à speculis nomen habet. Catopyrites in Cappadocia prouenit, Plinius libro 37. capite decimo, vbi conijcio legendum Catoptrites, (nam Catoptron Græcis speculum est: & eundem esse de quo statim subiicit; Cepites, siue Cepocapites, candida est, venarū nodis coeuntibus, candore imaginē regerens. Et ijdem fortē de quibus paulò inferiùs: Cepionidæ (inquit) in Aeolide Atarne, nūc pago, quondam oppido, nascuntur, multis coloribus translucens, aliās vitreæ, aliās Crystallinæ, aliās iaspideæ. sed & sordidis tantus est nitor vt imagines reddant ceu specula. Cēpus Græcis hortus est: vnde & Cepo quadrupedi nomen à colorum varietate: & gemma nimirū Cepites vel Cepoides, *κεκροειδής*, (nō Cepionides,) vel Capites (non Cepocapites,) quod Aeolicum est, *η. in α.* conuerso. conuenit autem in Aeoli-

*De figuris lapidum, &c.*

de nascenti gemmę Acolicum nomē.  
Fiunt Venetijs vitrei quidā globi per-  
forati, vario colorum genere pulcher-  
rimi, quos non immeritò *lunares* di-  
xeris. ego simile segmentum globi ex  
Iaspidum genere vidi. Heliotropium  
gemma speculi modo Solem accipit,  
deprehenditq; defectus subeuntē Lu-  
nam ostendens, Idem ibidem. He-  
phæstites quoq; speculi naturam ha-  
bet in reddendis imaginibus, quan-  
quam rutila, Ibidem. nos plura de eo  
suprà capite s. patinæ enim similis est.  
Nitentium quædam, imagines rerum  
reddunt, vt Carbunculus ex Orcho-  
meno Arcadiæ: & omnes lapides du-  
ri, si politi fuerint, Agricola. E Sma-  
ragdis illæ quarum corpus extensum  
est, supinæ rerum imagines reddunt.  
ob id Nero princeps gladiatorum pu-  
gnas Smaragdo spectauit.

Tabulis aleatorijs aptantur Iaspi-  
des, Erasmus Stella.

Tectis adhibentur tegulæ & imbrices

ces è luto: aut laminæ è lapide fissili.

Torno formari lapides qui sint apti, τορνεύου Græcè dixeris, qui nimirum ferro cedūt, ijdemq̃ τρυπτοὶ sunt, id est, sectionem admittunt, mox in V. litera dicetur.

V. Vasa (sicut & pocula, de quibus iam suprà diximus) diuersa ex omni metallorum genere fiunt, fundēdo, aut malleis ducendo. Plura è luto argillaq̃ à figulis finguntur, & fictilia dicuntur.

*Fictilibus cœnasse ferunt Agathoclea regem.*

Alia verò è lapidibus & saxis diuersis excauatis cādendo à lapidicidis seu latomis fiunt. Alia torno ex iisdē.

1. Cochleariū ex Ophite, vel marmore Zeblicio. Vide superiūs de Cochlearibus.
2. Salinum ex Alabastrite: ex quo etiā pyxides vnguentariæ, quas alabastra vocant, fiunt.
3. Lebes tornatus è lapide lebetū dicto, cum ansa ferrea.



.1.



.2.



.3.



Plurij, qui pagus est Rhætorum egregius ultra Alpes, proximè Clauennam oppidum lacui Lario (quem Comensem hodie vocant) vicinū, in monte proximo effossi lapides quidā pulchri coloris, & molliusculi, ad lebetes & varia vasa tornantur: & inde in diuersas Italiæ vicinasq; regiones exportantur. Io. Augustinus Pantheus chemista, hunc lapidem Lebetum vocat, & ni fallor, alio nomine petram Columbinam, nescio quam ob causam. In Siphno (inquit Plinius lib. 36. cap. 22.) lapis est, qui cauatur, tornaturq; in vasa coquendis cibis vtilia, vel ad esculen-



sculentorum vsus: quod & in Comēfi  
Italiae lapide accidere scimus. Sed in  
Siphnio singulare, quod excalfectus  
oleo nigrescit durefcitq̃, natura mol-  
lissimus. Horum & Agricola memi-  
nit lib. 7. de nat. foss. E saxis mollibus,  
inquit, & in opere tractabilibus, fabri  
ærarij faciunt formas ad es fundendū  
aptas: quia ignem sustinet. qualia sunt  
apud Chattos saxa in fusco cineracea,  
in quorum formas quoduis metallū  
liquidum funditur. Hoc genus in Si-  
phno, & in Italia circa Comum exca-  
uatur, tornaturq̃ in vasa coquendis  
cibis vtilia, quæ circundantur circu-  
lis ferreis. Sed dura saxa, quàmprimū  
ex lapidicinis exempta fuerint, ferro  
sunt tractanda. nam in aëre magis du-  
rescunt. Ex his fiunt & mortaria phar-  
macopolarum, & cotes, &c. Hepa-  
titen lapidem suprà (in F. litera huius  
capitis) à quibusdam Germanis voca-  
ri dixi, qui inter argillam & lapidem  
ferè medius sit: is quoq̃ tornari simili

*De figuris lapidum, &c.*

tèr vt Comensis iam dictus potest: & quidem faciliùs, cum eo mollior sit: & fortè quòd nimium mollis sit in vsum vasorum nondum venit: ego tamen vascula quædam ex eo mihi parari feci. Tornatur & Gagates ad minora quædam vascula, vt salina: & in eodem genere Succinum ad crepundia quædã preciosa, vt lagenulas paruas, &c. ¶ Ex Ophite albo veteres vasa & cados faciebant.

Nostra ætate (inquit Erasmus Stella) miramur Catinũ è smaragdo apud Genuam ciuitatem Liguriæ, quo nullus preciosior visus vsquam, nulla gema nobilior, nulla species vasis mirabilior, quo dicunt Christũ in vltima cœna sua vsum fuisse ex apparatu Herodis regis, qui à Galilæa Hierosolymã ad agnũ Paschalẽ cõmanducandũ venire decreuerit: sed diuina puidẽtia consilio mutato aliò diuerterit. In Gallia Narbonensi in cœnõbio quodam Lugdunensis agri, alia paropsis  
cer-

cernitur, qua similiter vsum Christū  
volunt in ea coena, sed minor multa  
superiori, nobilitateq̃ inferior.

Icon adiuncta  
hic est vasis, pate  
re instar, quod a-  
liq̃ Porcellanā,  
alij â Maiorica  
mediterranci ma



ris insula denominant. Est aut̃ testa si-  
ue materia figlina, albo cœruleoq̃ di-  
stincta, figlina arte: substantiæ durę so-  
lidæq̃ & albæ per totum. Nos de hu-  
iusmodi vasis plura scripsimus in lib.  
de Aquatilib. Corollario de conchis,  
pagina 336. & seq. ¶ De poculis, su-  
prà leges in P. litera huius Capituli.

Verticelli dicti seu sphondyli, quib⁹  
suos fuscis onerant mulieres, ex ijsdē  
oib⁹ fieri possūt, è quib. vasa. vulgares  
testacci sūt, aut vitrei. Vidim⁹ & è Suc-  
cino. Hacten⁹ de varijs rerū figuris, q̃  
ex lapidib. aut metallis arte fiūt, ad a-  
liquē vsū vitę vtilē. De sup̃stitiosis aut̃

Figura su-  
perstitiosæ



*De figuris lapidum, &c.*

figuris, notis & characteribus, quæ pinguntur aut exprimuntur quoquo modo in gemmis aut alijs fossilibus, cum eas ex religionis nostrę instituto nequaquam approbemus, quòd vel ridiculæ, vel impiæ sint, utræq; vanæ, nihil addemus. Multa de ijs Kiranides magus, & Plinius interdum obiter ac irridens, alijq;. De ijsdem Camillus Leonardus Pifaurensis in Speculo lapidum toto ferè libro tertio agit.

Iaspis viridis, Galeno teste, appensus stomachũ & os ventriculi iuuat. quare & annulis inseritur, inquit, insculptum gerens draconem radiantem. Talem ego etiam meminisse me vidisse Lausannæ olim apud ciuẽ quendam scribam. Ego tamen, inquit Galenus, efficaciam eius etiã sine hac sculptura probaui, facta torque ex eiusmodi lapillis, ita vt collo suspensios ventriculi continerent.



DE LITHOPHYTIS, ET  
rebus fossilibus illis, quæ plantas imitantur,  
in genere primum: deinde priuatim quæ her-  
barum similitudinem aliquam præ  
se ferunt, ordine literarum.

Caput VII.

**L**ithophyta quædam sunt, seu lapi-  
des *φυβεοειδής*, (sicut zoophyta di-  
cimus,) inter plantas & lapides me-  
dia: ut Corallium, Iuncus lapidescens,  
& alia quædam, præcipuè marina. Hæc  
autem, ni fallor, & quæcunque in lapi-  
dibus radices agunt, cum imperfecto  
aut sicciore alimēto alantur, nec cau-  
lem propriè dicendum, nec florē nec  
femen proferunt: sicut inter herbas  
non lapidescentes, quæ lapidibus &  
muris plerumque innascuntur Adianti  
genera, Phyllitis, Hemionitis, & hu-  
iusmodi. sed hæc radices habent ma-  
nifestas, & Filici in terra nascenti affi-  
nem naturam, quæ verò ad lapidum  
formam accedunt, exteriori saltem par

*De figuris lapidum, &c.*

te, radicibus carent, & imam sui partem, qua adhærēt super lapidibus aut conchis, qui adnascuntur extendūt, patellarum instar inhærentes. Radices, stipites, rami, cortices, folia, flores, fructus, mutātur in lapides in his fontibus & fluuijs: quos cōmemorauit lib. 2. de natura eorū quæ effluūt ex terra, Agricola. Sunt quæ non tam forma vel substantia, quàm accidente aliquo, vt colore, odore, ad aliquā stirpem accedant. Telirrhizos cinerei coloris aut ruffi, candidis radicibus spectatur, Plinius. Ex marinis aut maritimis plantas aliquas, quæ lapideæ videntur in superficie potissimum, (plerisq; enim lignum subest,) in Historia stirpium exhibebimus spero. Gemmas aliquot à plantis denominatas Plinius lib. 37. cap. II. enumerat, quas nos hîc etiam, suo qualunque loco, non omittemus. Cepiten vel Cepoidem, ab hortis nominatam ob colorum varietatem, præcedenti capite

pite memorauimus, inter illas quæ speculi instar imagines regerunt. Lappilli quidam alba crispaq; specie, seminibus aut alijs rebus quas pharmacopola saccharo incrustant, & vulgo confectiones vocant, similes, iuxta balneum Bulicame vel Oche dictum in agro Viterbiensi reperiuntur.

A. Arundinis Indicæ in lapidem versæ, Corallij ferè naturæ similis, meminit Theophrastus in libro de lapidibus. Calamites nomen habet à calamo: feruntq; plures simul coniunctos inueniri, Plinius. Inuenio & laapidis calamo similis mentionem factam. Græci arundinem, calamum vocant, & speciem eius vnam syringiam faciunt. Syringites stipulæ internodio similis, perpetua fistula cauatur, Plinius.

C. Corallinā vulgò nomināt medici herbulā maritimā, q̄ & è saxis sine radice nascit, & substātiā foris tanq̄ è limo quodā albicāte circūnato ferre

*De figuris lapidum, &c.*

lapidescentem habet. Eius iconē quę res paulò pòst cum Fungulis marinis.

Coriandri semina magnitudine & forma interdum refert Stalagmites à nobis dictus, qui è guttis thermarum Carolinarum Bohemię còcrescit: aliàs verò pisorum. Iconem quære in P. litera mox.

Croci color appellauit Crociã lapidē, Plinius. Et alibi: Sunt & vitreis similes Chrysolithi, veluti croco refulgentes. Fuerint autem iidem fortè Crociã.

Adamantis Species alia est Macedonica, Cucumeris semini par, Plinius.

F. Fabæ magnitudine Aleçtorias est. Cyamea nigra est, sed fracta ex se fabæ similitudinē parit, Plinius. Constat ea fortè è pluribus quasi fauis: vt alij quidam lapides è pisis, &c. in quę resoluuntur: vt frangi pro resolui Plinius dixerit. Lapis (niger, vt Stobæus habet, Plutarchus non habet) fabę similis in Nilo nascitur: quo viso ca-

nes



nes non latrant. Idem optimè facit ad vexatos dæmonio. aiunt enim quàm-primū naribus appositus fuerit, dæmonium egredi, Thrasylus apud Stobæum Sermone 98. & Plutarchus de fluuijs. Syluatico Lithodæmon est lapis dæmonis, qui dicitur Gagates, & ipse niger, & suffitu dæmones fugare fertur. sed figuram certam is nullam habet. Fortè scriptorum aliquis, fabæ de eo magnitudinem, ὅσων λύαμθ, suffiri iussit: & aliquis pro ὅσων legit οἷον vel ὁμοιον. Christophorus Encelius scribit se habuisse lapidē, qui à bufone vulgo denominatur, nigrum, notulis liuentibus nigris, mediocris fabæ magnitudine & figura. Fabā marinā aliqui vocant conchæ cuiusdā marinæ operculum lapideū: de quo infra inter Conchas. Encelius capite vltimo libri 3. de lapidibus & gemmis, Porcellanā conchulam, in suo genere minimā, Fabæ marinæ & Umbilici Veneris nomine accipere videt̃.

*De figuris lapidum, &c.*

Filices & alia in quibusdam fontibus, vt Sarni in Italia, lapidescūt, Pontanus in Meteoris.

Flores. Gasidanem Medici mittunt coloris olorini, veluti floribus sparsum, Plinius. Idem alibi scribit Achates reperiri in Thracia alibiq̃, similes limitum floribus.

Folia Græci φύλλα & πέταλα vocāt. Eupetalos quatuor colores habet, ceruleum, igneum, minij, mali, Plinius.

Χρὴ δὲ καὶ εὐπέταλον πετράκηα λαβάνει-  
χοντας

Ἀρχαῖος πρὸς βαμὸν γναυρομένης ἐκατόμβης,  
Orpheus de lapidibus. quorum versum ego lemma, non πετράκης vt codex Aldinus habet, sed εὐπέταλον fecerim. Leucopetalos candorem minus ex auro distinguit, Plinius.

Galeazius Mundella Veronensis, summi medici Aloisij patruus, lapidē habuit, q̃ nihil aliud videbat̃ representare, q̃ grana frumēti inuicē connata.

Fungos exiguos lapideos colore cā-  
didif-

didissîmo exprimit, herbula mariti-  
tima hîc exhibita, cui Corallina etiam  
superiùs à no-

bis memorata  
subijciť. Hos  
fungulos, qui  
Androsaces di-

ctam à Græcis  
herbā faciunt,

vt primus (qd  
sciam) Anton.

Musa Brasauo-  
lus, & post eū

Matthiolus Se-  
nensis, illorum

sententiam nō  
probo. Theophrastus libro 4. cap. 8.

Historiæ stirpiū, tradit in mari ad co-  
lūnas Herculis, (*sic citat Athenæus lib. 2.*

*Theophrasti codex habet, in mari rubro*) cū  
abundauerit aqua, fungos iuxta mare

nasci, q̃ à Sole in lapidis substātiā ver-  
tantur. ¶ Lapis fungifer admirabilis,

& apud Romanos magno in p̃cio est.



Vnum vidimus Neapoli, quo in regno tradūt inueniri. Crusta crassa est. Ea terræ dodrante operta, aspersaq; tepida irroratione, quarto pòst die fungos edit, Iulius Cēsar Scaliger. Hermolaus in Corollario 698. è lapide Lyncurio vel Lyncis vulgò dicto, hos fungos nasci scribit, vnde & nos repetiuimus in Lupi ceruarij historia C. Quærendum autē an idem huic fungifero lapidi sit is qui à pharmacopolis quibusdam pro Lyncurio vendit, gleba quædam pumicosa, &c. vt pluribus eodem in loco scripsimus.

*H.* Hyacinthus gemma, nomen à colore floris nimirum accepit.

*I.* Iuncos lapideos apud mare rubrum prouenire, quos nemo visu à veris possit discernere, retulēre qui ex India missi ab Alexandro id mare nauigarunt: item plantas marinas illic, quoad in aqua sint, colorem algæ minutæ habere: cum verò exemptæ ad Solem ponuntur, mox sali similes fieri



ri narrauerūt, Theophrastus. Histor.  
stirp. lib. 4. cap. 8. vbi etiam scribit in  
sinu eiusdē maris Heroo cognomina-  
to, Laurum esse, & Oleam & Thymū: Laurus.  
Olea.  
Thymū.  
verū non viridia, sed lapidis specie,  
parte è mari eminente: similia tamē vi-  
ridibus, tam folijs quàm germinibus.  
colorem quoq; floris in thymo, tanq̃  
nondum perfectè floruerit, liquidò  
deprehendi. Iunci in lapidem versi  
genera duo Vlysses Aldrouandus me-  
dicus excellentissimus Bononiæ ha-  
bet. Lapidem iunco amicus qui-  
dam meus Monspelij inuenit, in radi-  
cis quodam veluti nodo totum abdi-  
tum & innatum, quem à viro quodā  
docto lapidem Cyperi vocari aiebat, Cyperi  
lapis.  
& ad amuletum aduersus epilepsiam,  
si rectè memini, magni fieri.

Z. Leguminum specie lapides qui-  
dā inueniuntur, pis (de quibus mox  
in P.) aut lentibus similes: partim co-  
agmentati ex pluribus ceu granis aut  
feminibus, partim etiam grana singu-

la & separata: quæ sua foris tunica teguntur, vt intus etiam planè referunt legumina vera, duritie summa, & ne validorum quidem dentium morsu succedente. Lithosprea dixeris Græcè. Huiusmodi granis audio agros quosdam alicubi plenos, veluti satos, reperiri. Figuram exprimit lentis arena Africæ, & calculi in colle Cappadociæ, Agricola. Galenus lib. 9. de simplicibus medic. in Argæo Cappadociæ (qui mons altissimus est Straboni, & semper in summo niues habet) lapides quosdam nasci scribit, qui similiter vt Spongiarum lapides, contra calculos renû vtilis sint, & in succum colore lacteum soluâtur. Plinius lib. 37. cap. 10. Capniten ait in Cappadocia & in Phrygia nasci, ebori similem: qui nimirum succum etiam eiusdem coloris reddiderit. ego hunc non Capniten plurimis spiris fumidum esse puto: sed Cepiten siue Capitè (de quo suprà dixi, hoc in capite) eundemque

Cato

Catoptriten dictū, in Cappadocia, &  
in Aeolide quoq; prouenientem, co-  
lore candido, &c. Hæc obiter, nam  
Cappadocici illi lentium figura lapil-  
li, à Capite Cappadocico nimirū dif-  
ferunt. Strabo lib. 17. de pyramidi-  
bus Aegypti scribit his verbis: Ex tri-  
tura lapidū (ἐκ τῆς λατύπης) acerui qui-  
dam ante pyramides iacent: in quib⁹  
lapilli & forma & magnitudinē lētis  
inueniunt, (ψήγματα καὶ τὴν πω καὶ μεγέ-  
θει φανερὰ ὄν:) quibusdā etiā veluti cor-  
ticis particula, vt lentis semidecorti-  
cate, subest. (γνῶις δὲ ὅτι ὡς αὐτὸ πῖσμα, οἷον  
ἡμιλεπίων ὑποτρέχει. interpres malè  
vertit, quidā vt hordei grana (quæ se-  
midecorticata excurrunt.) Dicūt reli-  
quias ciborū, quib⁹ operæ vescebant,  
in lapidē induratas. Quod quidē satis  
verisimile est. nam & apud nos collis  
quidam est oblongus, in campo situs,  
qui tofi calculis in modū lētis plenus  
est, [ὅτις δὲ ὀσίμεσος τὴν φωνὴν φανερὰ δὲ λίθου τὴν φωνὴν  
τρέχειας, lego τωρείας.] Sic Strabo. Al-  
drouādus Bononię talē ē pyramidib⁹



*De figuris lapidum, &c.*

Iapillum habet, & Chelidoniæ vulgè dicto ab hirundinibus, per similem esse ait. Atizoën gemmam in India, & in Perside ac Ida monte nasci tradit Democritus, argenteo nitore fulgentem, magnitudine trium digitorum ad lenticulæ figuram, odoris iucundi, Plinius.

**Encrinos.**

Lilia. Vt Entrochos diuisus rotarum effigiem repræsentat, ita Encrinos liliorū. cum enim angulata pars vna ab altera separatur, vtraque quinque lilia ostendit. nam alterius eminentie ingrediuntur in alterius strias. quælibet verò talis pars quinos habet angulos, latera totidem, vtrinque quinque lilia: vnde Pentacrinos Græcè potest dici. Constat autem ex pluribus inter se coniunctis. Agnoscitur lapidibus in rubro nigri coloris, ipse rufus. Fractis singulis intus est lapidis lucida ci color, læuor, ac splendor. quare obtinet eandem vim medendi. Reperitur in fossa mœniorum urbis Hilarum def

**Pentacrinos.**



desheimiæ, Agricola. Germanicè interpretatur *Lilgenstein*.

Linum asbestinum, idem quod Amiantus Agricolæ. In Acheloo fluuio nascitur lapis liuens Linurgus (Λιουργός) dictus ab euentu. linteolo em si imponas δὲ ὀρωτὸ ὕψισι, ἃ χῆμα λαμβάνει καὶ ἀργίον γίνεται, Plutarchus de fluuijs. Videtur autem locus deprauatus. Fortè homines superstitiose creduli, lapidem in linteolo ligabant, cuius colorem (χρῶμα non χῆμα) ἀργίον vel ἀργυρόν, id est, candidum si acciperet lapis, liuore deposito, bene ominabantur & sperabant de suis amoribus.

Lithospermon herba, à semine lapideo nomen tulit. durum enim id, & fragile candidumq̃, margaritis magnitudine, figura & colore simile habet. Sunt qui eandem herbam Leontion, & Leoninum lapidem nominēt: hodie vulgò milium Solis: & eius semen fortè Lapidis Solis nomine intel

igitur apud Haliabatbē Practicæ lib.  
10. in Antidoto de Caphura. Herba  
à nonnullis Lachryma Iobi vocata,  
folijs arundinaceis, similia Lithosper  
mo semina profert, nisi quòd multo  
maiora & naturâ pertusa sunt: quare  
filo ea traiciunt plebei, & pro globu  
lis precarijs alicubi vtuntur. Alia  
est Leontice, quæ alio nomine Caca  
lia vocatur, cui semen margaritis mi  
nutis simile, inter folia grandia depē  
det, apud Plinium & Dioscoridem.

*M.* Maluam Græci malachen, ali  
quando molochen vocant, vnde gē  
mæ nomen. Non traslucet Molo  
chites spissius virens, à colore maluæ  
nomine accepto, reddendis laudata  
signis, & infantium custodia quadā  
innato contra pericula ipsorum me  
dicamine, Plinius. Agricola Molo  
chit interpretatur, nomine etiam a  
pud Germanos seruato. Vide suprà  
Capite 5.

Cenchriten milij granis veluti spar  
sis

his insignem Plinius nominat. Fuerit autē idem fortē Ammonites vel Ammites minor, ouis piscium similis, &c.

Et idem fortē, aut similis, Meconites. Vide iconem mox in P. literā.

De Lithospermo, quod hodie Miliū Solis vocitant, paulō antē dixi.

N. Narcissitæ lapidis meminit Dionysius Afer: quo teste in Colchide sunt petræ, αἱ φέουσιν ἀφ' ἑγγεῖα Ναρκισσίτω. Eustathius Narcisso plantæ (flori) colore similem & pellucidum interpretatur, vt ἀφ' ἑγγεῖα fortē pro πολυφ' ἑγγεῖα accipere oporteat.

Cissites in candido collucet ederæ folijs, quæ totam tenent: Narcissites venis etiam ederæ distinguitur, Plinius libro trigesimo septimo, capite vndecimo. reliquit autem dubitandi locum, ne Narcissiten cum Cissite fortē confuderit, ederæ, à qua Cissites denominatur, similem vtranque faciens, nulla Narcissi in Narcissite mentione.

*De figuris lapidum, &c.*

*P.* Papauera exprimit Meconites, Plinius. Vide paulò antè in Meconite, qui milij grana repræsentat. Est autem milij & papaueris feminibus eadem ferè tum magnitudo tum figura.

Smaragdi Medici rerum imagines complectuntur, vt verbi gratia papauerum, aut auium pinnarumq̃, &c. Plinius. Mecon Græcis papauer dicitur, vt eodem nomine arenæ quædam species Polluci, subtilioris nimirum.

Phycites ex algæ similitudine appellatur, Plinius.

Pisorum & lentium similitudinem lapides aliquos habere superiùs in Litera dictum est. *Iconem eius posui supra paulò post principium Capitis quarti.*

Vide superiùs in Coriandro. Pisalapidea multa inueniri audio in agro prope oppidum Bernensium Helueticorum ad Arulam, à ponte per id flumen denominatum. Pisolithum ac memisit Io, Placotomus medicus ex  
mi



miè doctus, hoc tempore Dantiscii:  
Mitto(inquit)lapidem ex multis gra-  
nis quasi compactum: qui copiosè in  
oppido Alsleben inuenitur, & ex mō-  
tibus effoditur ad muros extruēdos  
Eius species vna friabilis est, altera nō  
item. *Erbstein* vocant.

Porri, quod Græcis *prason* est, co-  
lor *Prasum* gemmam nominauit.  
Viridantium gemmarum, inquit *Pli-*  
*nus*, plura sunt genera, vilioris est tur-  
bæ *Prasus*: cuius alterum genus san-  
guineis punctis obhorret. tertium vir-  
gulis tribus distinctum est, candidū.  
Præfertur his *Chrysoprasi*, porri suc-  
cum & ipsa referens: sed hæc paululū  
declinat à *Topazio* in aurum. *Or-*  
*pheus* petram vocat,

*Τῆς ὀνομαζομένης τε πέτραι χρυοπράσιου πρᾶσιου:*

& contra aspidis venenum prædicat.

De *Chrysopraso* lege supra in Auri  
mentionem Capite 5. Recentissimi au-  
thores *Topazij* duo genera faciunt,

*De figuris lapidum, &c.*

- Prasoidem atq; Chrysopteron, similem chrysopraso. eius enim tota similitudo ad succum porri dirigitur, Plinius.

*T.* Thyrsites Corallo similis, in potu somnum inducere fertur, Camillus Leonardus.

*V.* Violam Græci ion vocāt. Ion (gemma) apud Indos violacea est, sed rarò saturo colore lucet, Plinius. Imitatur Iaspis & violas, Erasmus Stella: de colore nimirū ianthino, id est, violaceo sentiens. Ego lapidem à Georgio Fabricio iam olim, qui violas etiam odore præ se ferret, accepi. At Geodes Misenus & Berningeri lapis, inquit Agricola, non ipsi olent violam, vt nec Aldenbergij saxi fragmen-

Muscus. ta, sed muscus qui eis adhærescit.

Violaceis fluoribus pictores pingunt, Agricola.

DE FRUTICIBVS IN LAPIDIBVS versis, & Fruticum, eorūve partium aliqua cum Fossilibus similitudine.

Caput VIII.

**F**Rutex in lapidem versus Tiburti. In genere. Apud Vlyssē Aldrouandum Bononiæ. Virgæ, frondes, aliæque, in quosdam fontes immersa lapidescūt, vt Capite I. retulimus. Argentum & alia quædam metalla sponte naturæ in fodinis aliquando ceu fruticis aut capillorum specie nascuntur. Silices quidam reperiuntur ramosi in modū Corallij, Encelius. Vide mox sequenti Capite de Stelechitis.

**H.** Cissites ab hedera denominat. Singillatim. Vide præcedenti Capite, in Narcissite: cum eo enim confundere Plinius videtur libro 36. cap. II. Videntur autem lapides duo diuersi: & alius fortè ab eis Cissites ille fuerit, quem eiusdē libri capite decimo circa Copton nasci tradit, candidam, & videri intus



*De figuris lapidum, &c.*

- habere partum, qui sentiatur etiã strepitu. ex quibus verbis ad Aëtitas hūc referendum esse apparet, & fortè non à cisso, id est, hedera, sed aliunde derivari. Κισσῶν quidem verbum pro concipere, in sacris Carminibus à Septuaginta translatis legitur: Ἐν ἀμαρτίαις ἐκίσσῃσέ με ἡ μήτηρ μου. Κυεῖν verò in eadem significatione poëticum videt̃.

Hederæ folium in lapidis naturam versum, Aldrouādus Bononię seruat.

*P.* Lapis piperis est, qui reperitur inter grana piperis, colore & magnitudine non dissimilis, Andreas Belunensis.

*R.* Rhodites à rosæ similitudine (in colore nimirū: nam & Melites Mali coloris sequitur) dictus memoratur Plinio. Cæterum vt Astrites multis depingitur stellulis à natura, Sigstein Germanicè dictus: sic speciem aliam reperiri audio, multis insignem rosis.

*S.* Polia (πολιά) caniciem quandã Sparti



Sparti indicat: eandem duriores, nigra Spartopolios, Plinius. Agricola hos lapides nihil ab Amianto differre putat. Sunt sanè fissiles quidam lapides, quos Amenti nomine pharmacopolæ vocitant: qui & fissili rectaq; & densa exilium fibrarum specie, & colore cauo splendidoq; capillos senū præ se ferunt.

*DE ARBORIBVS EARUMq; partibus, & rerum fossilium cum eis affinitate. Cap. IX.*

**N**Emorum similitudinem exprimit Achates, (Plinio etiam teste) & Marmor viride, Agricola. Dendrites lapis ab arbore suum nomē est mutuatus: interpretantur autem Corallium. Vide Capite mox sequenti.

Dendrachates velut arbuscula insignis, Plinius lib. 37. cap. 10. Vbi Vistula exonerat ad læuam in littore Pucici sinus, &c. reperiuntur concreti bi-

*De figuris lapidum, &c.*

Quercus.  
Buxi.

tuminis glebæ satis duræ, diuersorū  
colorum, quæ accensæ ardent, sed nō  
suauī odore. His adnascuntur arbu-  
sculæ pallidæ, & q̄ pisces olent: Quer-  
cus scilicet atque Buxi: altæ tres, aut  
summū quatuor palmos. Carent ve-  
rò radicibus, & sicut Patellæ, λεπτὰ δ' ας  
vocant Græci, ad glēbas adhærēt. Ta-  
les esse vidētur lapides, quibus in ma-  
ri, vt Theophrastus scribit, adnascun-  
tur Quercus, & Abietes. tametsi ille  
easdem ostreorum testis dicit adna-  
sci, Agricola libr. 4. de nat. fossilium.  
Germanicè autem interpretatur, flei-  
ne Meerbäume, id est, arbusculas par-  
uas marinas. Et eiusdem operis li-  
bro 7. Cum natura (inquit) lapides ar-  
borum similes procreat, diligenter vi-  
dendum est an corticem & medullā  
aliaq̄ habeant. quæ si absunt, non sti-  
pites in lapides conuersi sunt, sed na-  
tura fecit lapides stipitum simillimos,  
quales sunt trabes istę Hildesheimiæ,  
&c. paulò antè autem dixerat in tra-  
ctu

Et in Elbogano inuētas esse permagnas  
Abietes in lapides vnā cum cortici-  
bus verfas, &c. Lege plura ibidem.

Gemmam Sardam, in quā natura  
arborem & Lunæ eclipsim expresseit,  
exhibui suprā Capite sexto inter Or-  
namenta. Ioannes Kentmanus misit  
ad me portiunculam arboris effossæ  
in Valle Ioachimica: quam scribit in-  
tegram cum ramis & folijs inuentam  
esse, conuersam in lapidem, in fodi-  
na, loco ad mensuras quas vocant  
*Eachter*, (quarum vnaquæq; altitudi-  
nem hominis equo insidentis conti-  
net) septuaginta: nec arbor solū, sed  
etiam terra circunquaq; ad vnā eius-  
dem altitudinis mensuram, in lapidē  
induruerat. Ab eodem accepi, li-  
gna, carbones, folia, cortices, ossa, cō-  
chas, quæ obducuntur materia lapi-  
dosa, è fonte Francfordiano ad Ode-  
ram. Delignis in lapidē mutatis, plu-  
ra deinceps afferent in Abietis, Alni,  
Quercus, & Vlmi montanæ mētionē.

*De figuris lapidum, &c.*

De Silicibus ramosis, scripsi supra Capite primo. Stelechites stipitis speciem ostendit, cuius rami sunt mutilati: colore cinereus reperitur in Chartis ad Spangebergum arcem, Agricola. Iconem dabimus infra Cap. II. cum Osteocollis. Stelechitæ etiam (à similitudine ad truncos arborum, quos Græci *σελάχη* vocant,) dici possunt lapides, quorum mentionem faciam infra Cap. II. qui etiam ramorum rudimenta habent.

*Figura subsequens ad numerum 1. portionem culam arboris in lapidem versæ, de qua paulò antè scripsi, repræsentat. Numerus verò 2. lapidem ossi Mali persici similem.*



**Lignum**



Lignum subterraneum, quod aliqui è ligno in lapidem versum arbitrantur, in Gallia vulgò lapidem fulminis appellant: vt scripsi suprà Cap. 3. Est vbi adeò induretur lignum, vt vel Cotes ex eo fiant, aut fieri possint.

Samothracia insula eiusdem nominis gemmam dat nigram, ac sine pondere, ligno similem, Plinius. Fortè autem Gagates hæc fuerit. Lignum in Bôlum Armeniã conuersum, Aldrouandus Bononiæ habet. Orbis (*ὀρεῖα*) dictus in lignis, iniquior, tractatūque difficilior quàm nodus artificii obstat: similiter autem vt in lapidibus qui stimulus (*ὀξύτης*) vocatur, nasci videtur, Theophrastus histor. libro 5. cap. 3. Inueniuntur etiam lapides & alia interdum plantis, (arborum præcipuè lignis,) inclusa: Lege Theophrastum loco iam citato, & Scaligerum Exercitationis 137. parte 1. Lapis qui trûco arboris pro cunei more impingi solet, foetus retinet, Aëtius.

*De figuris lapidum, &c.*

A. Abies Græcis ἐλάτη est, vnde Elatitæ lapidi nomen. Hæmatiten quarti generis Elatité vocari Sotacus tradit apud Plinium, fortè autè Abietis lignum aliquo modo refert pectinum aspectu, alitèrve.

Alni lignum in lapidum conuersum, Clethrites à quibusdā hodie vocatur, nam clethram Græci Alnum dicunt. Tale ad me misit Ge. Fabricius cum innato pyrite. Pontanus in Meteoris cap. 44. de amaris fontibus:

— — — *Videas lapidescere Sarni*

*Ceruleo sub fonte alnum, filicisq; maniplos:  
Et paleæ intortos lento cum uimine culmos.*

Amygdaloides dici potest lapis amygdali ossi persimilis, qualem Verona missum accepi. inuenitur etiam eidem fructui idem saccharo incrustato similis.

B. Belzoino lachrymæ similis, Bononiæ apud Aldrouardum.

C. Cerasum repræsentat Crocallis, Plinius 37. 10. Eidem globulus è Coral-

rallio tornatus similis est. *Κρόκελος & λεονάλλω* Grammatici interpretantur calculum, lapidem albicantem, arenam litoralem. Sunt autem ij calculi fermè rotundi, cerasi quadam specie si color adesset.

*E.* Ebenus arboris peregrinæ nomen, Græcis & Latinis vsitatum, Hebraicæ originis est, à nomine eben, quod lapidem significat. lapidem autem ebeni lignum suo pondere refert.

Sed aliud est Ebenum fossile, quod Agricola Germanicè *Erdschlein* interpretatur, (quasi dicas stipitem vel truncum paruum subterraneum,) & inter res fossiles leues cum Gagate, Pumice & Tofis numerat. Et sub finem libri septimi de nat. fossiliū: Hildesheimi, inquit, intra terram aluminosam, ad (iuxta) lignū in lapidē mutatum, & in eius cōmissuris, reperitur Ebenū fossile: quod etiā sparsum in aliorū lapidū cauernis, tanquā in aluo, latere Theophrastus non ignorauit.

*De figuris lapidum, &c.*

Stirps est nigra, folijs & fructu carēs, cornu politi modo splendida, solida: sed leuis omninoq; aspectu similis Gatae lapidi, sed natura admodum diuersa, vt quod ignem nō sentiat. Hoc Ebenum ramosum Venetijs olim quidam mihi pro Corallio dedit. De hoc Pausanias accepit à Cyprio medico, radicem esse terrā cōditam, &c. ¶ Ab hoc differt Exhebenus, quam (gemmam) Zoroastres speciosam & candidam tradit, eaq; aurifices aurum poliunt, authore Plinio. Eundem lapidē Agricola Samium vocat: vel è Samio candido (nam & alterius coloris inuenitur) hāc gemmam fieri tradit. Vide suprà Cap. 2. in ijs quæ de Astore Samio scripsimus.

*F.* Fagum arborē recentiores vocant, Oxyam Græcorum, Germani Büch: & à triquetra huius arboris fructuum figura Büchle, similes eis mafculas auri, quæ in montibus Bohemię inueniuntur. ¶ Syccites lapis à fici colore

Exhebenū



lore nominatur Plinio lib. 37. cap. II.


G. Glandem Græci balanon vocāt, vnde Balanitæ lapidi nomē. Balanitæ genera duo habēt, subuirides, & Corinthij æris similitudine. Illa à Copto, hæc ex Troglodytica regione veniunt, medias secante flammea vena, Plinius. Vide inferiùs in Phœnicite. Phœnix em̃ palma est, cuius fructum etiam balanum vocant Græci.

¶ Glandem lapideam in porco inuentam, olim me vidisse memini: & rursus aliàs non dissimilem lapidem, quem è Suis mactati vesica exemptū aiebant.

P. Phœnix Græcis Palma est, cuius fructum etiam balani, id est, glandis nomine appellari dixi. Phœnici tes ex balani similitudine appellatur, Plinius. Lapides quidam è marmoribus, aut saxis fiunt. quod genus sunt lapides Iudaici, Trochitæ, Dactyli Iudæi, & consimiles. Lapis autem Iudaicus à Dioscoride dictus, Syriacæ ab

*De figuris lapidum, &c.*

Aetio vocatur: & ab alijs Phœnicites: vel ab oliuæ nuclei similitudine Pyrene: vel Tecolithus, à vi lapidem (renū aut vesicæ) liquefaciendi. Nonnullis Eurrhœus, quod, quia comminuit calculos & mouet vrinam, facile fluere videatur, &c. Hæc ferè Agricola libro quinto de natura fossilium. Nos hîc quatuor eius differentiarum figuras posuimus.



1. Minimus & rotundior, cui ferè figura: scemina, vt conijcio, existimatus à veteribus: frequenter & communior pharmacopolis. Reliqui tres, oblongi, rariores, masculi, & cætera.

ter-

tertium striatum cognominare licet. In eo quidem & secundo principium quoddam, è quo lapis enasci videtur, ansæ aut vmbilici instar apparet, vt in Aëtitis nonnullis.

Sunt qui Cysteolithon vocent, id est, vesicæ lapidem: quòd calculos eius comminuere crederetur. Galenus id negat, in solis renum calculis comminuendis efficacem faciens. Tecolithos quidem etiam Spongiarum lapides à simili effectu, à quibusdam vocari Plinius tradit: vbi aliqui Cysteolithos legūt, quod minùs probo. Eureos nucleo oliuæ similis est, striata concharum modo, non adeò candida, Plinius. Galeno Iudaicus lapis est *ὀφειθμὸς καὶ ὁ χῆμα*, (id est, scitè concinnatæ figuræ, quod vocabulum ad Eureos videtur accedere: ) & lineas habet veluti torno factas: quod tertio ex quatuor illis, quos delineauimus, conuenire videtur.

Pyrene ab oliuæ nucleo dicta est,



*De figuris lapidum, &c.*

huic aliquando inesse piscium spinæ videtur, Plinius. Et alibi: Tecolithos oleæ nucleo similis videtur: neque est gemmæ honos, sed lingentium calculos frangit pellitq̃.

*L.* Laurum Græcia daphnen nuncupat. Daphniam (lapidem) zoroastres morbis comitialib<sup>9</sup> demonstrat, Plinius. Ad Lutetias Parisiorum saxum nuper diuisum coronæ laureæ speciem reddidit, Agricola.

*M.* Mali Cydonij ferè odore lapis quidam albus & friabilis est, is Cydonites dici potest, ex Osteocollis, qui ossium hominis similitudine nascuntur, eademq̃ fracta ferruminant. Indicam (gemmā, quæ politur) mali colore aut olei viridis, oēs improbant, Plinius: qui & Meliten à mali colore dictum commemorat. solent autem Græci malum cum simpliciter nominant, Cydonium intelligere. *¶* Mespileus lapis, inquit Cardanus, seu Pentexoche, apud me est, colore fusco, durus,

Mespileus.



durus, magnitudine mespili, quod in lapidē transisse dicas. Vbi striæ è vertice descendunt, lapis buxæo est colore, quòd partes illæ attritæ sint. Vires autem ei inesse existimat nō leues, sed nobis ignotas. Ego si ex characterib. naturæ vires sunt æstimandæ, vt quidam putant, Mespilē lapidem plus ad Mespilos arbores fortè tutandas q̃ ad homines virium habere coniecerim. ¶ Myrrhites myrrhæ colorē habet, faciemq̃ minimæ gemmæ, vnguēti odorē: attrita, etiam nardi, Plinius. Eidem Aromatitis in Arabia nascit̃; & in Aegypto circa Pisas, vbiq̃ lapidosa, & myrrhæ coloris & odoris, ob hoc reginis frequentata. Antachates etiam cum vritur, myrrham ei redolet. Antipathes lacti immissa si in eo coquatur, facit id myrrhæ simile, Idem. ¶ Myrsinites melleum colorē habet, myrti odorem, Plinius.

N. Nucis iuglandis magnitudine, specie vitri, nascitur gemma Belus di-

*Æta in Arbelis, Plinius.*

O. Olea ex fuluo, nigro, viridi ac candido colore lapis, Camillus Leonardus sine authore. *¶* Oliuz nucleo similem Pyrenen & Euron, & Tecolithon, suprà in Iudaico diximus, littera G. *¶* Indicam (gemmam) Mali colore aut olei viridis, omnes improbant, Plinius.

Ostryæ arboris (quam nos Carpinū Latinè vocamus, Germanicè *Hasgenbüsch*) lignum in durissimam silicemq; cotem mutatum iuxta Francofurtum ad Moenum fl. & in Vvirttenbergensi Sueuia, à se visum Val. Cordus prodidit.

P. Palmatilapides circa Mundam in Hispania, vbi Cæsar dictator Pompeium vicit, reperiuntur, idq; quoties fregeris, Plinius. Videntur quidem tales esse illi, quales Trochitzæ & Astæriæ à nobis exhibiti, hoc est, plures inuicem connexi, similes inter se omnes: Palmati verò vnde dicantur, non faci-

facile dixerim. De Ceruis palmatis in Historia animalium diximus. ¶ Phœnicites lapis dictus est à similitudine balani, id est, fructus palmæ arboris, quam phœnicé Græci vocant. ¶ Circos piris similis est, Plinius.

Q. Dryn Græci nominant Quercum, vnde Dryitæ lapidi nomē. Dryites trūcis arborum similis est, & ligni modo ardet, Plinius. Etsi autē lignū quernum sub terra, vt & alia multa, tēporis longinquitate aut alia vi, lapide scere potest, & Dryites appellari: videtur tamen alius esse Plinij Dryites, nō ex ligno mutatus, sed à natura sic factus. Ex eo quidem quòd ligni modo ardet, bituminis nonnihil ei misceri vel totum esse bituminosum & Gagatæ cognatum coniecero. Pyriteri è querno ligno lo. Kentmanus habet: qui Dryiten etiam ad me misit, titio: nis specie, nigrum, friabilem, gustu atramento sum: fumo, si vras, sulfureo.

Quernum lignum aquismersum,

*De figuris lapidum, &c.*

nigrescit durescitq; adeò vt pro Ebe-  
no quidam venditent.

*T.* Thuris Libanochrus similitu-  
dinem (colorem) ostendit, sed succū  
mellis, Plinius.

*V.* Dionysias nigra ac dura, mi-  
xtis rubentibus maculis: ex aquā trita  
saporem vini facit, & ebrietati resiste-  
re putatur, Plinius.

*DE CORALLIO.*

*Caput X.*

**C**Orallium maris planta ex succo  
lapidescente, sicut & Antipathes.  
Hic enim durescit cum ex profundo  
maris extracta planta à circumfuso aë-  
re, veluti candēs ferrum in aquam im-  
mersum, temperatur & solidescit, A-  
gricola. Idem sub finē libri 4. de nat.  
fossilium: Theophrastus (inquit) Cu-  
rallium vocat: alij Lithodendron par-  
tim ex eo quòd in lapidem conuerta-  
tur, partim quòd arbuscula sit. quā-  
obrem & Dendrite vocatum, [à Plinio


Lithoden-  
dron.

Dendritis.

Den-



*Dendritis* foeminino genere, ] nam, vt res ipsa demōstrat, frutex est sub aqua marina, viridis, baccas habēs similes cornis natiuis specie & magnitudine, etc. Reliqua breuitatis causa omitto. *Gorgonia* nihil aliud est q̃ *Corallium*. no *Gorgonia*



*De figuris lapidum, &c.*

minis causa, quod in duritiã lapidis mutatur, Plinius. Iconem eius, qualẽ habui, superiũs adieci: non quòd omnes eandem omnino formã præ se ferant. ea enim in diuersis variat. Radice caret, sed vt aliæ pleræque marinæ plantæ saxis patellarum instar adhæret. Rubrum, album & nigrum inuenitur: in singulis autem coloribus rursus multæ sunt differentiæ. Est quod albicat foris, intus rubet. Sexu etiam distinguũtur. Rubri mas rubentior, foemina dilutior est. Ad hominis pperitatem aliquãdo accedere audio.



1. Gypsum  
qd̃ coralloi-  
des cognomi-  
nari potest.  
est enim Co-  
rallio albo p-  
simile, ramo-  
sa seu fruticã-  
te specie.

2. Corallij  
spe-

cies, quæ maior vel verrucosa nominari potest, quam Petrus Coldebergus pharmacopola Antuerpia ad me pictum misit, & in epistola descripsit: Corallium tale (inquit) habeo, ea qua vides magnitudine, [*quatuor fere palmorum minorum, etsi partes duæ supremæ mutilatae sunt: latitudo in trunco picto, quæ nimirum circumferentiæ dimidium fere implet, palmus fere, ubi latissima est: colore roseo prope, hoc est, in albo modicè rubente:*] color intus, ut in fracturis apparet, cinereus. Durities & pondus, Corallij rubri. Parte infima rupi adhæsit. Superficies tota lineis inæqualibus scatet, quæ in huius picturæ ramo infimo tantum, qui læuo spectantis lateri opponitur, aliqua ex parte exprimuntur. Undique etiam frequentes habet verrucas: ex quibus nos pauculas expressimus: in ijs stigmata quæ vides, pori sunt aperti. Hæ verrucæ vesiculas, cum in mari sunt habent, quas Congri fugunt. In mari Hispanico piscatorum retibus

*De figuris lapidum, &c.*

adhæsit dum piscarentur Congros. Audio & maiores multò huius generis plātas reperiri. Hæc Coldebergus.

3. Pseudocorallium album, videtur hoc, aut fungosum nominari posse. Sunt autem ceu cylindri quidam breues, inæquales, tuberosi, & veluti leuiter articulati, fragiles, pennæ anserinæ ferè crassitie. Constant autem ambiente crusta albida, & parte interiore tota fungosa ac friabili, plena radiolis exilibus & crebris, qui à communi centro incipiunt, & in crustam desinunt. Substantia asperiuscula, & dentifricijs apta videtur. de qua dixe-



ris quod de Halosachne & Alcyonio Aristoteles : ferro licet acuto secāti non citò cedere, citò autē, si quis simul di-

gitis terat, cōfriari. Sapor manifestus  
ei nul-



ei nullus. Pictum superius positum, Corallium album verum est, (aut esse putat apud pharmacopolas passim,) quod à rubro vero substantia nō differt, sed colore tantum: etsi quidā Corallium album non reperiri putant, aut si reperiatur, inutile esse. Polo in <sup>Polo.</sup> Hispania vulgò vocari audio, id qđ passim apud pharmacopolas pro Corallio albo receptum est. inueniri autem in Catalonia Hispaniæ à piscantibus Corallium rubrum, & in litus abiectum, à prætereuntibus legi pro Corallio albo. libram eius drachmis argenteis septem vel octo haberi posse, cū Corallij albi veri vel vna vncia eo p̄cio emēda sit. Polo dictū carere cortice, & crescere in fundo maris: vera Corallia in faxis deorsum tendentia nasci. Polo autem per fundum dilatari, in ijsdem quidem locis vbi Corallia crescunt. Hæc an ita se habeant, considerandum. Corallium quidem albū pharmacopoliū, exiguus quidā

*De figuris lapidum, &c.*

trunculus esse videtur, ceu Stelechi-  
tes marinus, meatibus per totum ca-  
vis, (cum verū fortassis solidum sit,)   
solidissimum læuissimumq̃, cum ra-  
mis paucis ac breuibus ceu mutilis.

*Antipa-  
thes.*

Antipathes Plinius gemmam nigrā  
non translucentem esse scribit. Dio-  
scorides Corallio gentilem facit, ra-  
mosiorem, &c. Hodie rarissimum  
est. audio tamen viros quosdam rerū  
naturalium studio deditos id habere,  
vt Peucerū Vitebergæ, Aldrouandū  
Bononiæ cum suo cortice saxeo. Ni-  
grum verum in Gallicia Hispaniæ in-  
ueniri audio : spurium è Barbaria vel  
Aphrica mitti, Saualia vulgò dictum,  
de quo mox sequenti Capite dicam,  
& exhibebo iconem. Corallij nigri  
nomen Ebena fossili aliquos tribue-  
re, suprā dictum est.

*Corallis.*

Corallis minio similis est, gignitur-  
que in India & Syene, Plinius. Co-  
ralloachates similis est Corallo aure-  
is guttis distinctæ, Idem. Alibi verò

*Coralloa-  
chates.*

guttis

guttis aureis Sapphiri modo eam distinctā esse tradit. qualis, inquit, copiosissima est in Creta, sacra appellata.

Thyrfitis Corallio similis est, Camillus Leonardus sine authore.

Alcyonij genus aliqui putant esse, spongiosum aut potius fistulosum quiddam, corallij rubri colore. paralleli enim & recti sunt meatus, seu canaliculi, inanes, internodijs quibusdam distincti: quæ dum inter se coalescunt, superficies aliquot per intervalla constituunt. Dentibus facile fragile hoc genus est, inspidum ferè, sub falsum. Hoc quidam puto Alcyonium petræum vocant. lapidea enim ei substantia est. Petris quidem an innascatur haud scio.

DE ALIIS QVIBVSDAM  
plantis Marinis quæ lapidescunt.


Caput XI.

**I**Nter plantas quæ in mari, aut maritimis locis, saxis, testis, aut alijs, na-



*De figuris lapidum, &c.*

secentes lapidescunt, nobilissimum est Corallium. de quo & cognatis ei, proximè dictum est. ignobiliiores verò ac minùs notæ aliæ quædam sunt, de quibus deinceps paucis agemus. ¶ De Buxo & Quercu quæ glebis bituminosis adnascuntur, vide suprà mox à Capitis noni principio. Corallina, Iuncus, Laurus, Olea, Phycites, Thymum, Capite 7. memorantur.



1. *Lithophyton marinum, cū spongiola enascente. ab eadē radice.*

2. *Lapis spongiæ cū folio herbæ cuiusdam marine per cavum eius trāsente.*

Arbusculam hanc marinā à Io. Bauhino F. medico



medico diligentissimo accepi: videram autem prius & collegeram similes in mediterranei maris Galliarum litore. Species eius duæ sunt: quæ hîc representatur, omni ex parte albicat foris, hoc est, crusta quadâ è limo: quæ ad lapideam ferè, sed molliorem & arenaceam, si dentibus mandas, friabilemque substantiam accedit. Alterius crusta in quibusdam partibus, rubri seu purpurei coloris est: vnde nonnulli Coralliis cognatam esse plantam suspicati sunt. Constât autem partes illæ purpureæ crusta multò crassiore, & tuberosa. Vtraque lignum intus nigricans, durissimum, & sine medulla habet. Cytisiferè ligno simile. Crusta aspectu aspera est, vt Piceæ rami, cui folia deciderunt, relictis vestigijs. Vestigia hæc in priori specie prominent medicè ab omni ramulorum parte, rotunda cum puncto cauo ceu centro, acetabulis minimis similia: inest autem singulis minimû quid rufum,

ecce vermiculus multipes. In altera, si bene memini, caua sunt, siue natura, siue quod defluxere. Cortex non alius præter crustam quam dixi. Ligni duritiem si spectes, Quercum marinam dixeris aut Ebenum, Cytisumve: si aspera virgarum vestigia, Piceam aut Ericam marinam. Huius generis arbusculæ, aliæ suas virgas rectâ in sublime tendunt: aliæ in transversum etiâ. Ponemus autem alias quoque icones in Historia Stirpium. Hæc dum scriberem, epistolam ab amico accipio, de hac ipsa planta in hæc verba ad me scribentis: Fruticem hunc marinum in litore **Parma.** Baiano, incolæ vocant Parmâ sua lingua: quem cum res herbariæ peritissimis viris ostendissem, alij aliter, Coralium imperfectum, Adarcen, Antipathes, Autolides Aristotelis appellabant. Sic ille. Sed cum aliæ etiam similes multæ huiusmodi plantæ repariantur, quæ licet in superficie lapidescere videantur, intus tamen ligneam

aut

aut herbaceam naturam perpetuò re-  
 tinent, vel omnes illæ Corallio (cuius  
 & Antipathes species est) cognatæ e-  
 runt, quod non probo: vel potiùs sua  
 cuiusq; generis, forma fuerit, & singu-  
 læ facultatibus inter se differentes,  
 crusta singulis è limo aliá ve causa ex-  
 terna, innascente. Corticem an huius-  
 modi arbusculæ initio habeant, qui  
 crustæ postea concorporetur & ab ea  
 corrumpatur, quærendum est dilige-  
 tiùs. Cæterùm Autolides Aristotelis  
 quisquis nominavit, somniasse mihi  
 videtur. ego in eius libris tale nihil le-  
 gisse memini. In altero quidè ex duo-  
 bus de plantis, qui ei adscribuntur li-  
 bris, ubi de stirpibus saxorum incolis  
 agit, his verbis: [τὸ φύτον τὸ ἐν τοῖς λίθοις  
 οὐκ ἐξ ἑαυτοῦ γινόμενον, μακρῷ χρόνῳ συμβαί-  
 νει, &c.] nec huius nec alterius stirpis  
 nomen ponit, sed in genere tantùm  
 de ijs loquitur. Postremò Adarce,  
 planta non est, sed plantis, vt arundi-  
 nibus & algis lacuum (marinorū) ad-



*De figuris lapidum, &c.*

hæret: crustæ potiùs plantarum, de quibus nobis sermo est, quàm ipsis cognata. Theophrastus Historiæ lib. 4. cap. 7. Ficum marinam ait carere folijs, non magnam esse, eiusq; cortici colorem puniceum. Hæc igitur videri potest, quam exhibuimus, secunda præsertim species: aut illi simillima: sicut & illa cuius è lapide enascentis iconem hîc subijcimus.



1. *Lapis è quo planta marina superiori eadem fortè, aut cognata enascitur, aut innascitur potiùs, basi in latum se spargente radicis loco. Prodit ex eodem & muscus quidam.*

2. *Ostreï marini cuiusdam resta, eidẽ lapidi adnata.*



adnata, vel quasi agglutinata.

3. Ostrei privatim dicti testa lapidea è Prussia. Lithostreum dixerim.



Pseudocorallium nigrum hanc plantam dixeris. intus enim lignum transit per omnes partes. foris substantia ferè lapidea est, crassa & tenacissimè in

Pseudocorallium nigrum.

De figuris lapidum, &c.

Saualia.

nata, non ita mollis ac friabilis ut præcedentium. Cutem extimā si adimas, & expolias, nigro colore pulchrè nitabit. Accepi à rhopopola quodam, qui ex Italia attulit. is aiebat Coralliū nigrum aliud verum esse: aliud verò spurium & ἑρπύλλον, hoc ipsum scilicet: idq̃ è Barbaria siue Africa adferri. Saualia nomine. adhærere faxis in mari. extrahi autē è profundo ad orgyias ferè sexaginta. Interior pars, ut dixi, lignum est: inde partim cornea quædā & tenacior crusta, partim lapidea, hoc est durior fragiliorq̃, non tamen friabilis, circumnascitur. Color cutis è fusco, luteo & subuiridi cōstat. Sed crusta illa crassa & nigredine aliòve colore splendens, si polias, in minoribus tantum ramis est, qui superiores sunt & prominent, minimo intus ligno. Crassiores partes pleræq̃ (ni fallor, aut inferiores saltē) cutē tantum teguntur: quam si radas, marinus quidam & piscosus odor sentitur: & mox lignum

lignum subest. quod ipsum quoque politum nitet. Planta quam habeo, quinque ferè palmos longa est. Radix seu basis potiùs plana ferè lataque est, sed inæqualis, & aspera tofaceâ quadam substantia & cauernosa, lata digitos quinque, longa septem. Truncus & precedenti ab eo partes quædam latæ sunt, & in ramos ut vola seu palma manus in digitos finduntur: unde Palma marina non immeritò nominari posset. Alia quidem videtur, sed cognata Palma marina Theophrasti (Historiæ 4.7. ubi de alijs etiam marinis plantis agit) cui ab intensè rubro seu puniceo colore nomen Palmæ communicatum videtur, potiùs quàm à figura: etsi ea quoque ut alia pleraque (preter colorem & folia) conuenire ei videntur. Caulis medius, inquit, transit per totum. pelagica est: caudice admodum breui: virgis rectis, quæ ab inferiore parte sursum tendunt, non in ambitu, sed velut in latitudinē, &c. Hoc

*De figuris lapidum, &c.*

notatu dignum est hac in plāta, quod  
similiter vt in Corallio rami aliqui, ve-  
luti ex aduerso inuicem occurrētes in  
vnum coalescunt. Suspiciatus sum  
aliquando Agricola hanc plantam  
pro Ebena fossili descripsisse. vide su-  
prà Capite 9.

*DE LAPIDIBVS, QUI AB  
homine aut quadrupede aliquò denominan-  
tur, aut in eis reperiuntur. Cap. XII.  
quod in partes tres diuisimus.*

*PARS PRIMA, DE LA-  
pidibus qui ab homine denominan-  
tur, aut in eo nascuntur.*

**A**Ndrodamas argēti nitorem ha-  
bet vt Adamas, &c. Plinius.


De calculis qui in corpore huma-  
no nascuntur, librum admirabilē mi-  
hi dicatum Io. Kentmanus edidit. De  
lapidum in animalibus generatione  
lege Alexandrum Benedictum, cap.



846. ubi de calculis. Lapidés aliquot à membris hominum, & ab animalibus nominatos recenset Plinius libro 37. cap. II.

Partium corporis humani aliæ simplices sunt, aliæ cōpositæ. Nos à prioribus ordiemur, inter quas sunt pili, caro, ossa, ungues. Capillorum figuram exprimunt, Amiantus, Alumen, Argentum rude purum, Agricola. Vide plura de hisce Cap. I. in linearum mentione.

*Argenti fruticatione sua pilos crispis & cincinnos referentis, figuram hinc apposui.*



Veneris crines.

Veneris crines nigerrimi nitoris continent in se speciē ruffi crinis, Plinius.

Polythrix in viridi capilpolythrix

latur, sed (lego, & ad) defluuia comarum facere dicitur, Plinius. Sic & Polytrichum, id est, Adiantum: quod & Veneris capillos vulgò vocant: quod herba quidem est, sed in lapidibus & parietibus nascitur, Coliculos autem habet nigros ac nitentes, capillis similes: vnde Ebenotrichon, Terræ capillos & Cinnamulem vocat aliqui. Hanc herbam si fortè Plinius pro lapide accepit, & Polytricha, & Veneris crines appellauit: contrarium fecit quàm in Leucographide, quæ cum lapis sit, ab ipso inter herbas recensetur. Botrychiten Zoroastres vocat, crinibus mulierum similiorem, Plinius: malim, similem. nam Botrytis, quæ præcedit, non capillis sed vuis similis est. Pyriten sunt qui & Sideriten vocitent, & botrychiten, Hermolaus Barb. Puto autem pyritæ speciem inueniri, quæ referat pilos: aut *Βοσπύχας*, hoc est, cirrhos, concinnos, vel plexos mulierum crines. Ad Botrychitæ nomen accedit

Botrychites.

dit Borfycites, nescio quis aut vnde Borfycites  
dictus: de quo Plinius etiam dubita-  
se videtur: Ratio nominū, inquit, non  
est in Borfycite, in nigro ramosa, can-  
didis aut sanguineis frondibus. Idem  
ne Sycites sit, à fico dictus, querendū.

In sanguine crassam aliquando sa-  
burrā deprehendimus, Scaliger. Sar-  
dam vel Sardium gemmā, vulgò Car- Carniola.  
neolam vocant, (aliqui non rectè Cor-  
neolam,) à viuo & roseo carnis huma-  
næ colore. Sarcophagus, qui & Af-  
sius, carnes & cadauera hominū exe-  
dit: à quo fortè Germanicum nomen  
Sarch factum est. Onyx Græcis est Onyx.  
vnguis, vnde & gemmæ nomē. In O-  
nyche Sudines dicit esse candorē vn-  
guis humani similitudine, Plinius. Ta-  
lẽ Aldenburgi in Misnia inueniri scri-  
bit Vale. Cordus. Murrheus Onyx,  
Propertius. Cadmia quædam ony-  
chitis cognominatur apud Plinium.

De Enosteis & Osteocollis, in secū-  
da huius capitis parte dicam.

Pyrrhus, qui aduersus Romanos bellum gessit, habuisse traditur Achaten, in qua xj. Musæ & Apollo citharam tenens spectarentur, nō arte, sed sponte naturæ ita discurrentibus maculis, vt Musis quoq; singulis sua redderentur insignia, Plinius. Scaliger Exercitatione 117. contra Cardanum negantem hæc ita casu contigisse: Cur (inquit) aut Apollinem aut Musas in Achate pictas credere voluisti? Maculas in lapidibus multas cōspeximus: quibus vidi potētiores pro suo quæque supercilio varia imponere nomina. Marmoris frustum sectum ad lateritium parietem incrustandum, edidit effigiem barbati senis: quā ad Paulum primum Eremitam vno consensu omnes referebant. Sanè pingunt eiusmodi, stantem, palmacea amictum storea. Eum lapidem Leonardus Crassus ciuis noster afferendum curauit ad Maximilianum, cum essemus Ratisbonæ. Hæc ille. In Pario marmore mi-



re mirabile proditur, gleba lapidis v-  
 nius cuneis diuidentium soluta, ima-  
 ginem Sileni intus extitisse, Plinius. In  
 Sagari fluuio Phrygiæ gignitur lapis  
 Autoglyphus dictus, ab eo quòd na- Αὐτόγλυφον  
 tiua ei Matris deûm imago insit, Plu- φθ.  
 tarchus de fluuijs. Et rursus: In Ta-  
 nai fluuio Scythiæ, nascitur lapis Cry-  
 stallo similis, humana effigie, corona-  
 tus, &c. Constantinopoli in Sapien-  
 tiæ templo sunt duæ candidi marmo-  
 ris dissecti crustæ: quarum vtriusque  
 maculæ non nihil cinerei coloris, ita  
 sponte naturę discurrunt, vt totam di-  
 ui Ioânis Baptistæ, vestiti tergore Ca-  
 meli, imaginem, repræsentent, præter  
 alterum pedem quem non satis expri-  
 munt, Agricola. Cercopes apud Eu-  
 stathiũ alicubi ἀγλιθωθέντας legimus,  
 id est, in lapides conuersos: poëtæ in  
 Simias mutatos fabulantur: vt Oui-  
 dius Nioben aliosq; Gorgonei capi-  
 tis aspectu in saxa diriguisse: & in Sa-  
 cris vxorem Loth in statuam Salis.

*Callimus.*

Callimo inuento in Geode, miræ  
imagines impressæ fuerunt: quarum  
Ge. Fabricius & figurā in annulo, quæ  
hîc exprimitur, & descriptionem ad  
nos misit.



Callimus hic, inquit, ferè lupini est  
magnitudine, forma eius rotunda &  
oblonga, corpus partim pellucidum,  
vt crystalli: partim nebulosum, vt Sar  
dæ, aut gemmæ quam vocant huia.  
Inuentus lapillus est in Geode gran  
di, qui inclusos fluores varios habu  
it, sed in medio iacuit separatus: ita vt  
argentum capillare aut in lapide, aut  
in pyrite inuenitur, quasi impositum  
sit, & pars corporis integri non sit. Igi  
tur & forma, & trās luciditas, & locus  
q̃d. *magis* per se admirationem mo  
uent:

uent: sed multò magis sunt impressæ à natura imagines admirandæ. ex vna enim parte lapillus, in latus sinistrum versus, duas refert facies, & tertiæ veluti vmbra: primam monacho similem cum cucullo, alteram viro grandi imberbi, tertia vt vmbra nō cognoscitur. Versus in latus dexterum, vnā tantum faciem habet priori non dissimilem, quæ cucullata est: quā vultum conuertit, ea pars lapilli pellucet instar lunæ gibbosæ, seu (vt Lactantius) concavæ, quæ Græcis ἀμφίπλευρῶν dicitur. Curaui autem includendum eiusmodi fundæ, quæ in annuli supremo inuerti potest, ita vt vtrinque considerari possint insculptæ naturæ artificio imagines. Geor. Agricolæ descriptio, in lib. 5. fossilium editionis posterioris, paulò est alia. Verùm & ipsa conuerso alijs modis lapillo, à vero aliena planè non appâret. Hanc in exiguo corpore varietatem, nullus artifex satis expresserit. Hæc ille,



De figuris lapidum, &c.

**Corsoides** Corsoides caniciei hominis similis est, Plinius. κόρση & κόρη Græcis caput significat, vnde κορσοειδής, capiti similis. Idem fuerit κορσιόεις siue Cor sius Orphei, quem contra morsus & ictus venenatos, scorpionij præsertim commendat;

**Orion.** οὐδ' ἔστι κορσιόγυντα λίθον λεύκην, ὅθεν καλεῖται  
μυθεῖς

Δειμὶς ὅτι σὺ κορσόλοιο κατέχευε, ῥέδου πῆρα  
ἡ πεδανὼρ ὤκισα βελέμνων σπορπύον εἶργε.

Coniecero autem Achatae cognatum esse. in eo enim variae imagines reperiri solent: & species eius quædam contra araneorum & scorpionū ictus laudatur. Si cui tamen non capitis figura, sed color & canicies in Corsoide esse videtur, idem esto cum Polia

**Polia.** sequente. Polia [πολιά, subaudi λίθος] caniciem quandam Sparti indicat: eandem duriozem, nigra Spartopolios, Plinius libro 37. cap. ii. mihi in verbis illis, eandem duriozem, locus est suspectus. Agricola tum Polia, tū

**Spartopolios.**

Spar-



Spartopolion pro eodem lapide accipit, & Amiantum interpretatur.

Ex ora palpebræ, vbi hordeolorū collectiones fiunt, lapillum eximi iussimus, tritico figura, colore, magnitudine parē, duritia superiorē, Scaliger.

Beli oculus albicans, pupillam pin <sup>Beli ocul⁹.</sup>  
git nigram, è medio aureo fulgore lucentem. Hæc propter suam speciem sacratissimo Assyriorum deo dicat, Plinius. Agricola lib. 6. de nat. fossilium: Iuniores (inquit) corrupto vocabulo, Bello oculum (Belosel) vocant: etsi ipsi ita se hanc gemmam appellare aiunt, quod pulchra sit, & aliquam ad oculū similitudinē habeat. Ada- <sup>Adadunephros.</sup>  
dunephros, (*νεφρός* renem significat,) eiusdem oculus dicitur. Deus & hic colitur Syris, Plinius. potest autem lapis idem partim renis, partim oculi similitudinem præ se ferre, rotunditate figuræ præsertim. Leucophthalmos <sup>Leucophthalmus.</sup>  
oculi humani speciem exprimit, Agricola. At Plinius li. 37. cap. 11. Leucoph-

*De figuris lapidum, &c.*

Lycoph-  
thalmus.

thalmus, inquit, rutila aliâs, oculi speciem candidam nigramq; cõtinet. Et mox sequenti capite: Lycophthalmos quatuor est colorum, ex rutilo & sanguineo in medio nigrũ candido cingitur, vt Luporum oculi, illis per omnia similis. Vnde apparet eandem esse gemmam, & præcedenti quoq; capite, Lycophthalmon, non Leucophthalmon legi oportere, deceptumq; Agricola qui humani oculi similitudinem ei tribuit. Triophthalmos verò Plinio dicta Ionace nascitur, & tres hominis simul oculos exprimit.

Trioph-  
thalmos.

Auriculæ similitudinem exprimunt lapides interdũ gẽmis similes, Agric.

Vidi ego lapidẽ generatum sub lingua cuiusdam viri, prohibentem ei locutionem, & eo remoto, redijt ei loquela, Abynzoar.

In pulmonibus quæstoris Albretici, lapides aliquot durissimos & equabili superficie, argillaceo colore deprehendimus, Scaliger. Nuper ami-  
cus

cus quidam meus, medicus doctus in Suevia, his verbis ad me scripsit: Lapis (quem mitto) proximè ex thorace cuiusdam monialis cum maxima tussi prodijt per interualla, semel vel bis in anno, sanguinis reiectione ex respiratorijs partibus cum tussi erumpente laborat, ambulat hinc inde, & peregrè proficiscitur. colorata & elegans est, nec de vllis doloribus conquerit, nisi quòd anhelitus fœteat, & difficultatem spirandi sentiat. tussis rara, sicca. phthisim vix effugiet. Matthiolus & alter medicus in Epistolis adserunt nullum ex vetustioribus authoribus de lapillis hepatis scripsisse. Imò & de hepatis & pulmonis quoq; calculis, Nicolus differit: quamuis in animalibus mactatis idem etiam conspiciat.

Monspessuli in dissectione iuuenis cuiusdam, plurimos lapides pulmonum substantiæ infixos fuisse animaduersum est.

De calculis quibusdā corporis hu-



*De figuris lapidum, &c.*

inani, ex thorace, hepate, intestinis, felle, deq; top̄his in articulis & intestinis, lege Vuierum De præstigijs libri 3. cap. ii. Item Io. Langium in Epistolis medicinalibus Tomo 2. epist. 57. de calculis genitis in pulmone, folliculo fellis, renibus & vesica. Salsfeldæ in Thuringijs ex puteo vigintiduas orgyas alto effossus est lapis, qui solidi pectoris speciem præ se ferebat, longus sesquipedem, latus palmos tres. crassus anteriori parte, vbi costæ terminabantur, digitos sex. sed spina vacua erat ab eo, quod medullam exprimeret, Agricola.

In ventriculo hominis calculos rotundos, dūros & albos colore inuentos Norimbergæ, amicus quidā meus anatomes peritus mihi retulit.

In iecore & aliorū olim, & postremò Senatoris inuentos lapides atros: qui in aquam iniecti intumescere: & in remigis hepate lapidem durissimum inuentum, carnei coloris diluti, Iul.

Cæsar



Cæsar Scaliger refert. Augustinus Barbadicus patritius Venetus, cū incerto morbo obiisset, in eius dissecti iecore inuētus est lapis iuxta fellis vesicā, grandior oliuæ nucleo: &, quod magis mirum est, viridis ad nigredinē declinans: qui colos durioribus lapidibus solum inesse solet, Cardanus in Varijs. De lapidibus in iecore & fellis meatu, lege in Epistolis Matthioli 323. 324. per totam illam paginam & sequentem.


Desperata ab omnibus valetudinē senem, summo dolore intestinorum, cum videremus carere febre, neq; tumorem extare quempiam: quotidiana deiectionibus aluum exonerare: pondus in ipsis intestinis sentire, fatali quadam coniectura lapidem subesse rati, enemata ex Bdellio & oleo nostro Telino, croceo malagmate, butyro, certo decocto infundi iussimus. Tertio clysmate magna vis lapidum educta est, Scaliger. In intestinis ali-

*De figuris lapidum, &c.*

quando retinentur faeces omnino propter crassitiem & duritiem suam substantiam, in tantum quod efficiuntur quasi lapides, Abynzoar.

Adadu nephros (hoc est, ren) dictus lapis: vide supra in ijs qui ab oculo denominantur.

Subsequens figura tres lapides exhibet: primum ex vesica hominis extractum, qualis ac quantus ferè apparet, asperum, racemi quadam specie. Secundum, itidem ex vesica, minorem, laevem. Tertium ex renibus, quod adnatum fuisse apparet.



Lapides ex vesica deprehendi multos, cepearum modo lamellis incrustatos, inferiore subinde coloris diversi. Duo

si. Duo præter hæc genera. Vtrunq;  
apud me est. Ex Bouillis oppidanus  
nostris adiutus medicamentis emi-  
xit vitreum, sanè ex illa nobili Praxa-  
goræ pituita: dum mingeretur, albu-  
minis mollitie, emissum nitri duritia  
ac splendore. Senatoris filius eiecit,  
pultis modo multos, ac maximos: q;  
aëris cōtactu postea in gypseam tum  
speciem tum firmitatem concreuêre.  
Hic quoq; nunc rectè valet, Scaliger.

Toforum & capillorum qui con-  
crescunt in renibus, par est generatio-  
nis modus, Galenus Commēt. i. in lib.  
6. Epidem. cap. 5. In renibus Ferdi-  
nandi Imperatoris defuncti, calculos  
multos reperunt medici, sicut & in ve-  
sica: & dum viueret interdum supra  
triginta, sine vllo dolore, cum exiguo  
ardore emingebat. Non tamen hoc  
morbo consumptus obiit, sed maio-  
ribus causis. nam dum medici postri-  
die à morte intestina atq; viscera exi-  
merent, omētum aliqua ex partē cor-

*De figuris lapidum, &c.*

ruptum, ac sine omni adipe, sicut & intestina & stomachum deprehenderūt: & pulmonem magna ex parte putridum ac grauiter foetentem, cum pituita & sanie ita membranis pectoris in sinistro latere adhærente, vt difficulter auelli possent.

Monspelij in cadaueris cuiusdam dissectione, testiculi lapillis pleni inuenti sunt.

Diphris (*lego Diphyes, διφύης, cum Agricola, à sexu duplici*) duplex, cādida ac nigra, mas ac foemina, genitale vtriusque sexus distinguente linea, Plinius.

In dioecesi Treuerensi, cum cemento pro reparandis structuris, quæ vitium fecerant, arcis Erebreitesteinensis eruerentur, inuenti sunt lapides nigricantes & duri, qui muliebri pudendum exprimerent, Agricola. Cardanus lapidi huic Hysterapetra nomen finxit, non rectè: neque enim ὕσπια, ἡ γυναικείον μόρον significat. addit & Mariæburgi inueniri.

Ratio



Ratio nominum nō constat in Bor  
fycite, &c: nec in Gemite, velut in pe-  
tra candidis manibus inter se cōple-  
xis, Plinius. Ego aliquando conieci  
Plinium pro Gemite, legere debuisse  
Gamite, vt ratio nominis & origo cō *γαμίτης.*  
staret à nuptijs, quas Græci γάμον vo-  
cant: in quibus sponsi & sponsæ ma-  
nus, tanq̃ fidē inuicē dātiū, copulant̃.

Idæi dactyli in Creta ferreo colore  
pollicem humanum exprimunt, Pli-  
nius. Vide suprà Cap. 5. Pyritæ quidā  
digitis similes inueniuntur.

Ex podagricorū iuncturis, muria,  
& caseo vetusto, & Pyritæ vsti scobe,  
rupta cute, plurimos lapides extraxi-  
mus, cādore steatis, duritiā inuictos,  
Scaliger.

Myrmecias nigra habet eminenti-  
as similes verrucis, Plinius: in quo nō *Myrme-*  
probo, quòd terminationem Græco *cias.*  
rum in ias, foemininam facit, quasi gē-  
mam subaudiat. cum Græci simplici-  
ter λίθον subaudire soleant, genere ma-

sculino inflexione prima. Sunt qui à similitudine quadam strumarum in gutture hominis *Rropffstein*, id est, Strumei lapides appellentur, de quibus sub finem Capitìs primi diximus. Fluores etiam dicti Germanis, & Cryalli interdū, eādē specie nascunt.

*CAPITIS XII. PARS II.*

*De illis quæ à quadrupedibus denominantur, &c. & primum in genere à cōmunibus quorumuis animalium partibus, tum similaribus, tum compositis.*

**A**Nimalia quædam lapidibus aut saxis inclusa viuunt, vt bufonū genus, quod Ranam venenatam fossilē Agricola vocat: de quo nos in *Historia Quadrupedum ouiparorū* pag. 74. Ostrea etiam quædam viuentia in saxis medijs reperta constat.

Albertus Magnus de rebus metallicis libri 1. tract. 2. cap. 9. Admirabile, inquit, omnibus videt̃, quod aliquando

do

do lapides inueniuntur, qui intus & foris habent effigies animalium. Foris enim habent lineamenta, & quando franguntur, inueniuntur in eis figuræ intestinorum. Cuius rei causam dicit Auicenna esse, quòd animalia secundum se tota aliquando mutantur in lapides, & præcipuè in lapides falsos, nò duros vt plurimùm, &c. Tosi gignuntur in animalium corporibus expurulento humore, vel ex hoc cū pituita commixto: quales fiunt in articulari morbo, Galenus Comment. 1. in lib. 6. Epidem. cap. 5.

Hæmatites lapis sanguinis colorē exprimit, medicis & pharmacopolis notus. *Ein blutstein* Germanis, Agricola interpretante. Speciem eius alteram Schistum, id est, scissilē aut fissilem nominant. Nigri turriti in hoc genere, Val. Cordus meminit. Hæmachates sanguinei coloris Achates est, apud Plinium lib. 37. cap. 10. Vulgò quidem nostri laspidis speciem e-

Hæmatites

Hæmachates.


iusdem coloris, Blutstein appellant, à  
persuasione, quasi sanguinem sistat si  
gestetur, aut manu comprimatur dū  
incalescat. JE sanguine in mamillis  
foeminarum concocto in animalibus  
Galactites lac fit: à quo nomen Galactitæ lapidi  
impositum, quod is ad coticulam vel  
in pila tritus cum aqua ad oculorum  
remedia in lactei coloris succum re-  
soluatur: vt & alij quidam, & Meliti-  
tes quoq; à succi eiusdem dulcedine  
sic dictus, item Leucographis vel Mo-  
rochthus appellatus, & qui in Argæo  
Cappadociæ monte nascuntur, quo-  
rum meminit Galenus.

Scuum Græci propriè *σείας* nomi-  
nant, adipem *πμελλω*: quod Plinius  
Steatites. in Steatite lapide non animaduertisse  
videtur. A membris corporum (inqt)  
habent nomina, Hepatites à iocinere,  
Steatites singulorum animalium adi-  
pe numerosa. Conijcias autem è Græ-  
co aliquo scriptore malè hæc vertisse  
Plinium: & esse *σειτίτλω τῇ τοῦ τῶ ζωῶν*  
*σειά-*



στῆτ & ὁμοιότητι διάφορον, id est, animalium seu similitudine insignem. *Στάφος* & autem Græcis videtur & pro insigni vel eccellente, & pro numerofo vel multiplici quibusdam differētijs accipi.

1. *Amianti* quibusdam dicti lapidis frustulū. Veriorem ē Cypro, Cap. primo posui.



2. *Steatites* fortè, vel *Leucographidi Morochthó ve* (aliàs *Moroxo*) cognatus.

*Steatites* hic propositus lapis vocari posse videtur, quòd mollis eius substantia sit seuo persimilis, sed duriuscula, *Morochtho* cognata, vt suspicor: licet enim fusci in rusto coloris sit, lineas tamen albas in ligno ducit, si affricetur. quod si lapis alius substantia simul, & pinguedine & colo-

*De figuris lapidum, &c.*

re Steatitæ similior inueniatur, is esto Steatites: qualis fortè reperiet in Terrarum vel Bolorum (vt vulgò vocant) genere, qualis maximè est *Sulerde*, id est, terra fullonũ, vel *Seifferde*, id est, Saponis terra, nominata: quæ si duri- or & lapidi similior sit, *σεατιτλων λιθορ* appellari nihil vetabit.

Cerebri si-  
militudo.

Cadmia fossilis, quam Cobaltum Germani vocant, speciem vidi ferreo colore, viroso odore, crustacea spe- cie & cerebro ferè simili.

Ossa fossi-  
lia.

Theophrastus autor est ossa è ter- ranasci, inueniriq; lapides osseos, Pli- nius. Humorem hunc terræ (è quo lapis specularis fit, quidam autumant crytalli modo glaciari. Et in lapidem cõcrescere manifestò apparet: quòd cum feræ decidere in puteos tales, & (etiam) medullæ ex ossibus earum in eandem lapidis naturam post vnam hyemem figurantur, Idem Plinius.


Fontes quidam immersa sibi in la- pidis naturam conuertunt. Franco-  
for-

fordiæ ad Oderam fons est, cuius vi  
 ligna, folia, cortices, ossa, conchæ, ob  
 ducuntur materia lapidosa. Quædã  
 res fossiles sunt similes ossibus, cuius-  
 modi est lapis Arabicus. aliæ, medul-  
 læ quam continent ossa, quod genus  
 est marga liquida candidi coloris, A-  
 gricola. Videtur sanè margæ nomen Marga.  
 Germanicæ originis esse: *Marck* enim  
 Germani, nostri *Marg*, medullam vo-  
 citant. Enosteos lapis diuisus, ossiũ Enosteos.  
 effigiẽ repræsentat, Agricola: qui hũc  
 lapidem Germanicè interpretatur,  
*Knochenstein*. Idem lib. 5. de nat. fossi-  
 lium: Cotibus aquarijs grandibus tã-  
 tũ (inquit) tympani figura datur, &  
 ex saxo molari duro fiunt. Ex his autẽ  
 ipsis, quæ ex inferiori Germania affe-  
 runtur, variæ nigro & candido colo-  
 re, quædam fractæ ossis speciẽ repræ-  
 sentant: quas iccirco *σποσείας* Græci ap-  
 pellarent. Est in animali *Pôrus* ossis Pôrus.  
 duritia (inquit Scaliger) à Natura in  
 quasi defuncti ossis locũ suffecta suc-

*De figuris lapidum, &c.*

centuriatave. Callum Latini appellat. Sic & in terra ossa lapidea, aut lapides osseos eadem meditata est, vt legimus apud Plinium.

Figuræ quæ subduntur quatuor, lapidum sunt, quos Osteolithos dixeris, ab amicis missorum.



Species prima.

Ex his primus in Palatinatu locis arenosis copiosè nascitur ex sabulo, ossium specie, *σελαχουειδὲς*, hoc est, trūcorum



eorum quadam forma, cum rudimentis ramorum, vnde & *Σπλεχίται* dici possunt: vel *ὀσεῖται*, à similitudine ossium: vel Ammostei, composita ab arena & osse dictione: vel Osteocolli, à facultate qua ossa fracta intra corpus sumpti, & foris emplastris additi, mirificè ferruminant: & ab eadem Holstei: vnde & Germanicè *Weinwell* & *Walstein* appellant. possunt autem etiam *Sandstein* & *Steinbein* nominari: sed nomen *Sandstein* Saxo arcenatio potiùs tribuitur. *Bruchstein* aliqui nominant, sicut & stillatitios lapides, de quibus suprà dictum est, quòd ad ossa fracta valeant, *zu den beinbrüchen*. Nostri saxa quæ ex Latomijs eruuntur, & quasi refringuntur, vel exciduntur, *Bruchstein* appellât. De horum lapidum natura & usu *Commentarium* doctissimum *Thomas Erasmus* rei medicæ professor *Heidelberge*, vir in omni philosophia summus, in meam gratiam conscripsit: quæ huic no

*De figuris lapidum, &c.*

stræ lucubrationi quia non licet inferre, vt cupiebam, propter festinationem typographi, prima quaq; occasione aliâs, edendum, vt dignus est, curabo.

Secunda &  
tertia.

Secundus & tertius, figurâ à primo differunt: tertius quidem ea sola: quartus verò substantia quoq;: quæ non arenosa vel terrea & friabilis ei est, sed tenacior & ossi similior. odor aut sapor potiùs, idem qui cornui Monoce rotis falsò dicto, quod diu sub terra marcuit, gratus & subastringens. Eū misit Ioã. Kentmanus, & alteri lapidi inclusum fuisse, significauit, Enostei nomine.

Quarta.

Stelechites

Quartus à clarissimo medico Ioanne Dryandro felicitis memoriæ, priuatim Stelechitæ nomine ad me missus est. differt autem à præcedentibus, q̃ eis durior, magisq; lapideus sit, (imò solidus lapis, cum illi leues, molles & friabiles, albiq; sint, primus & secundus etiam caui: vt nō modò foris, sed  
intus

intus quoq; præ se ferant,) & coloris fusci, figura modicè inflexa costarum instar. Ego hunc vnum tantum duos pollices longum vidi. cōijcio autem hunc tantum esse, qui in faxis è quibus Cotes aquariæ fiunt, inueniri ab Agricola scribitur. ea enim colore & substantia refert.

Quod ad facultatem attinet, nō dubito quin ad multos affectus egregiè faciāt, albi præsertim illi ac probè maturi, si medici cū ratione experiri velent. Sed nimia plerorumque inertia & ignauia est, multorum etiam soliditas, qui vetera solūm retinenda a-iunt, noua experimenta non facienda, tanquam periculosa. immò ne vetera quidem, si à Galeno aut illis quos sequuntur, medicis nō tradita, paucis, vel plebi & rusticis fortè tantum in vsu sint, facilè admittunt. Ego Ammosteorum vim ad ossa consolidanda, & chirurgis vulgaribus & agrestibus quoq; illiteratis hominibus à

*De figuris lapidum, &c.*

maioribus traditam, perq̃ aliquot se-  
cula confirmatā, natura ipsa indicante  
& propemodum loquente illam  
ex ea quam habent forma, non vulga-  
rem esse multorum & fide dignorum  
hominum, tum indoctorum, tum e-  
tiam doctorum quorundam experi-  
mentis credo: & medicos adhortor  
vt pharmacopolas iubeant hos lapi-  
des semper in prōptu habere: qui p-  
culdubio ad alia etiam multa vtilēs e-  
runt, quæcunq̃ siccari, fisti, astringi,  
sine vlla acrimonia opus fuerit. Laua-  
ri etiam vt ab arena crassiore separen-  
tur, & in pastillos formari poterunt,  
Lemniæ terræ instar: cui non impares  
fortè vires in præseruandis etiam à pe-  
stilentia corporibus habuerint: ij præ-  
sertim qui in hoc genere odoratiores  
sunt, qualis videtur qui in ditione Co-  
mitum à Solms, non procul vrbe Ie-  
na effoditur monte arenoso, femoris  
quandoque figura & magnitudine,  
quandoq̃ aliorū ossium, Wainbruch  
appel-



appellant: & vtuntur ad fracta crura  
 cōsolidāda, intra corpus per aliquot  
 dies exhibito, & ad dentium nitorem  
 conciliandum: vt Laurentius Hiel do  
 ctissimus medicinæ in Ienenſi Acade  
 miæ professor ad me scripsit, ac simul  
 misit lapidem: qui mihi mali Cotonei  
 ferè odorē repræsentare visus est. Lin  
 guæ leuissimè adherent frustulā eius.  
 minimum enim glutinosi, idq̃ probè  
 exiccatum habet. cauernulis etiā mo  
 dicè spongiosus est, ideoq̃ leuior. E  
 iusdem planè facultatis & substantiæ, Lac lunæ.  
 Lac lunæ etiam dictum à nostris vide  
 tur: & ipsum interdum satis boni odo  
 ris. figuram nescio. plura autem de eo  
 scripsi suprā Capite 2. Nuper verò Osteitæ  
fœtidi.  
 lapides quosdam ossibus vstis perf  
 miles, sed solidos & paruis foramini  
 bus in superficie plenos, Petrus Col  
 debergus pharmacopœus Antuerpia  
 ad me misit: in sarcinis nucum musca  
 tarum repertos: vnum rectum ferè, al  
 terum curuum in medio prominente

*De figuris lapidum, &c.*

ceu articulo insignem, qui intus quoque spongiosam ossium quorundam compagē præ se fert. hos Osteitas foetidos appellârim. attriti enim vel vsti, lotij veteris instar aut ossis vsti foetēt, vt ossa vera fuisse in lapides mutata suspiceris.

Ab Ammosteis illis, qui in Palatini Electoris ditione non procul Spira ad Rhenum vrbe Episcopali fodiunt, & alijs qui non procul Iena Saxonix, non differt Darmstetensis lapis, quē à nobili viro Io. Guil. Reiffestenio accepi: & similiter ad ossa fracta in cruribus aut brachijs commendatur, si drachma vna aut sesqui detur quotidie per triduū, applicatis interim etiam emplastris, quibus miscet: quanquam & sine his proficere aiunt, modo ossa ab initio ritè fuerint restituta.

Cornua  
fossilia.

Eisdem in locis non procul Spira vbi osseos illos lapides erui iam diximus, inueniuntur etiam Cornua, aut Cornibus similes lapides, quos Cera-  
titas

titas dixeris. Vulgò Monocerotū tan-  
quam in diluuiō per orbem terræ di-  
sperforum cornua esse putant. sed ma-  
gnitudo & figura longè alia est, q̃ ve-  
rorum Monocerotis cornuum, quo-  
rum vnum Argentinæ vidi. Hæc qui-  
dem similiter sub terra sponte naturæ  
nasci, vt iam dictos Osteitas, non du-  
bitant eruditi: non tamē è fabulo for-  
tè, sed argilla. Portiuncula quam do-  
ctissimus Erastus ad me misit, alba,  
mollis & lenis est, similis medullæ,  
nullis vt Osteitæ poris, solida planè,  
fragilis & friabilis, eximiè siccans & a-  
stringens, validiùs multò q̃ Osteitæ,  
ac linguæ adhærens validè: mandenti  
grata, veluti amygdali odore. Vires  
contra venena & cæteras, easdem fe-  
rè quas Bolo Armeniæ ei tribuerim.  
Inueniuntur hæc etiam alibi, vt in Spē  
cu subterraneo (quem Baumensthol  
vulgò vocant) prope Elbingerodani  
syluæ Hercyniæ siue Cheruscæ in di-  
tione Comitum Stolbergeniū, in cu-

*De figuris lapidum, &c.*

ius Descriptione nondum edita, præstans nobilitate & doctrina vir Ioan. Guil. Reiffestenius: Ossa verò, inquit, quæ illic insolitæ magnitudinis effodiuntur, multi impostores pro Monocerotis fragmētis, simplicioribus vendunt: sed quia vicinis hæc fraus nota est, ad remotiora loca se conferunt nebulones.

De Asteria gemma quæ inclusam lucem pupillæ modo quandam continet, ac trāsfundit cum inclinatione velut intus ambulantem ex alio atq; alio reddens, diximus suprā Cap. 2.

Solaris est lapis, q Solis oculus appellatur, figuram habens pupillæ, ex qua lumen emicat, Marsilius Ficinus.

Zmilaces in Euphrate nascit̃, Proconnesio marmoris similis, medio colore glauco, Plinius. Agricola hæc videtur esse facta ex id genus marmore, cuius fragmenta, vt fieri solet, fluuius detulerit. Camillus Leonardus apud Plinium legit Zmilaces seu Zmilanthis,

Oculi simili  
litudo.



this, in medio habens quasi pupillam  
glauco coloris. Orpheus meminit la-  
pidis cuiusdam quem Barbarum no-  
minat in Euphrate nati: & eum videt  
Baccho gratum facere, cui nimirum  
etiam Smilax hedera accepta fertur.  
Callais in rupibus inuijs ac gelidis o- Callais.  
culi figura extuberat, leuiterq; adhæ-  
ret, Plinius 37.8. Ocellus gemma est Ocellus.  
tricolor, cuius medium candidum est,  
extremarum partium vna ferruginea,  
altera nigra opaca est, Cardanus. Ea-  
dem aut similis fortè fuerit Leucoph-  
thalmus, seu potiùs Lycophthalmus  
Plinij, de quo parte I. huius Capitis di-  
xi. colorem enim habet rutilum: & in  
medio niger candido cingitur, quod  
magis conuenit oculo, q̃ quod de O-  
cello scribit Cardanus in libro de Gé-  
mis: Operis verò De subtilitate lib. 7.  
Onychis (inquit) tertium genus ferru-  
ginei est coloris in supremo, in imo  
nigri, in medio candidi: vocatur à ple-  
risq; Oculus. Sic ille: & fortè oculi no-

*De figuris lapidum, &c.*

men ab Onychio corruerunt illiterati, sicut & Nicoli alterius speciei in eodem genere. Alius est Trichrus Plinio, à triplici colore dict<sup>9</sup>: niger ipse, succos verò reddēs, à radice nigrum, medio sanguineum, summo candidū. Chelonites etiam ille, quem vulgò à Bufone denominant, lapis è candido fuscus, in medio quandoq; cœruleū habet oculum. Zenothemis tradit onychem plures habere varietates, igneam, nigram, corneam, cingētibus candidis venis oculi modo: interuenientibus quarundam oculis, obliquis venis, Idem.

Dentes fossiles.

Dentes quoq; fossiles inueniuntur alicubi, siue ex cadaueribus animalium quorundam, siue sponte naturæ orti. Dentē in lapidem versum Aldrouandus Bononiæ feruat.

1. *Lapis Hyæniæ nomine à præstanti Ensisheimij medico Ge. Pictorio ad me missus, Ombrys quorundam fortè cognatus, duxissimus,*


*1716.*

mus, subflavus.

2. Dens in lapidem versus, vel lapis odontoides, id est, dentiformis: aut papilla similis, Indaeus: quem à Io. Fabricio Montano, pastore Ecclesiæ Curienfis apud Rhetos doctissimo accepi.

In specu subterraneo prope Elbingero-dam ( de quo paulò ante scripsimus ) reperiuntur ossa &

dentes tam hominum quàm animalium aliorum, maximæ ac tantæ magnitudinis, vt vix credi possit vixisse vnquam tantæ magnitudinis homines aut animalia vlla. Ego in volumine De aquatilibus Corollario de Hippopotamo, dentis maximi apud nos inuenti iconem posui: sed postea aliũ quadruplo ferè maiorem ex Polonia accepi, à viro nobili quodam ædifi-



*De figuris lapidum, &c.*

cij futuri fundamenta iacente inuentum, vnâ cum cornu maximo, quod pleriq; Monocerotis esse putarūt: sed crassities & figura eius curua obstat.

Linguae similis.

Glossopetrâ dictū lapidem (Glossidem Cardanus nominat sine authore) alij hominis, vt Plinius, alij alterius animalis linguae comparant: alij denti piscis Lamiae.

Cordi similes.

Encardia cognominatur & Cardisce: vna in qua nigra effigies cordis eminet. altera eodē nomine, viridi colore, cordis speciem repræsentat. Tertia nigrū cor ostendit, reliqua sui parte (ambiente, Agricola) candida, Plinius. Telicardios colore cordis Persas apud quos gignitur, magnopere delectat, Maculamq; appellant, Idē.

Hepatites.

Hepatites à iocinere nomē habet, Plinius.

Enorchis.

Enorchis candida est: diuisa q; fragmentis testium effigiem repræsentat, Plinius. Agricola Germanicè interpretatur Hodenstem. Figuram eius reperiēs



peries Cap. I. inter rotundos. Pyritæ quidam testiculis binis aut ternis similes reperiuntur.

CAPITIS XII. PARS III.

*De rebus fossilibus, quæ in Quadrupedibus animantibus reperiuntur, vel aliquam cum eis earumve partibus similitudinem habent. Et primum de mansuetis.*

**S**Arcites bubulas carnes præsentat, Plinius.

Bouis capiti lapillum tradunt inesse, quem ab eo expui si necem timeat: inopinatis præciso capite exemptum adalligatumque, mirè prædesse dentitioni, Plinius.

Lapis hic nigricans filicea duritie, (nam ictu ferri etiam ignis eli-



*De figuris lapidum, &c.*

citur, Ioculi vitulini ferè à capite extracti, magnitudinem & figuram præ se fert: ομματίαν λίθου, vel λιθόφθαλμορ dixeris, Germanicè Augstein. Hunc lapidem Io. Pontanus Saxoniae principum medicus excellentissimus Gotha ad me misit.

In Bouis corde lapidem inuentum, vir fide dignus mihi retulit. Bucardia bubulo cordi similis, Babylone tantum nascitur, Plinius.

In iuencarum secundo ventre inuenitur pilæ rotunditate nigricans tophus, nullo pondere: singulare vt putant, remedium ægrè parientibus, si terram non attigerit, Plin. libr. ii. cap. 37. quidam etiam partum ab eo gestato custodiri nugantur. De his pilis, & earum generatione lege quæ Ioannes Vyierus De præstigijs dæmonum lib. 3. ca. ii. scribit. Ego similes, pugno maiores, leuissimos, superficie læui, vidi & habeo. In capris alpinis etiam, quas Rupicapras Plinius vocat, similes

les reperiuntur, & in alijs quibusdam fortè. Scaliger Exercit. 125. Equus (inquit) dum hæc proderemus, egerebat Tosos durissimos, leuissimos, stercoreis facie, rotundos, quorum vnum habemus.

De lapide in felle Boum, Taurorū maximè, iam olim annotauī quædam, in Historia Quadrupedum de Boue G. pagina 70. & in Tauro 109. De eodem lege Auicennā in vltimo ex quatuor illis capitibus, quæ libro secundo eius Bellunenſis præmiſit: vbi & de ſcriptionem eius & ex eo remedia ponit. Syluaticus Maſſatum interpreta-  
tur lapidē qui inueniatur in felle Bouis. Scaliger Haratzi Arabicè diſcribit. Eum qui eſt in felle Tauri ad icterum facere, Moſes Kimhi ſcriptū reliquit in ſuis Commentarijs. Ego talem ab amico miſſum habeo, ruſſi coloris, friabilem.

Erene Bouis lapidē Aldrouandus Bononiæ habet.

*De figuris lapidum, &c.*

*Ammonis vel Hammonis cornu Plinij, alius  
quàm Ammonites vel Hammites eiusdem,  
quem ouis piscium comparat.*

Hammonis  
cornu inter sa-  
cratissimas Aë-  
thiopix gem-  
mas, aureo co-  
lore, arietini  
cornus effigiẽ  
reddens, pmit-




titur prædiuina somnia repræsentare,  
Plinius. Videtur autem is sæpe gem-  
mas putasse qui lapides sunt, sicut &  
Hammonites à nobis positus: quem à  
Io. Kentmano accepi. Est autem ve-  
luti cornu arietis in se reuolutũ. A-  
gricola lib. 5. de nat. fossilium, cum de  
Hoplite, id est, quouis lapide ceu ar-  
matura induto, locutus fuisset, sub-  
dit: Similiter Cornu Ammonis, & a-  
lij lapides armantur: sed eorum arma  
ex auro vel orichalco polito plerũq;  
videntur esse facta. At libro 4. De or-  
tu &



tu & causis subterraneorū: Hammonis cornua (inquit) quæ plerunq; armatura ferri politi colorem referente, obducuntur, succo aluminis infecta, aurei coloris fiunt: si eo succo nō inficiuntur armaturæ, colorem feruant. Idem alijs quibusdam lapidibus accidit. Ammonis cornu magnum, cuius dimetiens est digitorum septem, & reuolutio in sese duplex, vt apparet, & species tota pulchrè crispis vndantibusq; lineis articulatum (nodosum est enim, inqt, & quasi iuncturis cohæret) distincta, à Ioanne Kentmano ad me missum est depictum: ipse verò à perito & sene medico Burchardo Mythobio Cornu ipsum accepit. Misit & aliud depictum, cum armatura ferrei coloris.

Cardanus in libro de Gémis, Hammonium lapidem cornibus arietis similem, primū ex tribus rarissimis esse scribit, sine auctore, nescio de qua gēma intelligens: cum nostrum nec gēma, nec admodum rarum sit.

PRO SEQUENTIBVS ICONibus tantum, quæ sculptæ in promptu erant posuimus: ceteris quæ ad idem argumētum adferri poterant, omisissis: cum Typographi festinatio sic vrgeret.



Bezoar apud Arabes dicti lapidis subrotundi differentia triplex, secundum magnitudinem, cum fragmentis exiguis quatuor. Tales autem lapides Ferdinandus Augustus Imperator habuit aliquot: cuius delineationes has qualescunq; cum fragmentulis prospeximine, archiatros tum eius sicut & nunc filij Maximiliani Caesaris Augusti, Ioannes Craeto ad me misit.

A, litera posita est inter duas figuras

ras lapidis specie oualis, magnitudinis autem quæ hîc apparet, duplex ferè ad fabam, fuscus, splendidus, levis, mollis: ab vna parte simplicior, ab altera lineas quasdam habet. qui Cerui lachryma à recentioribus dicitur, & Bezoar lapidi æquipollere existimatur. Hanc inspiciendâ ad me misit doctissimus medicus Adolphus Occo Augustanus F.

CAPVT XIII.


**P**RO Capite XIII, quo Lapides ab Auibus denominati, aut ex auibus sumpti enumerantur, nō alios in præsentia pictos habemus, quàm qui hîc exhibentur.

1. Hieraciten:  
& 2. Perdiciten:  
ab aliqua pen-  
narum in his a-  
uibus similitudine dictos. Eos autem  
à Ioanne Kentmano accepi.



*De figuris lapidum, &c.*

Chelidonias ab Hirundinibus dictos, ut ab Aquilis Aëtitas, Aleçtoriã à Gallo, suprà dedimus.



Batrachitæ vel Crapodinæ vulgò dicti lapides, à Bufonibus, quorum capitibus eos contineri persuasum est. Sunt autem species eius tres hîc exhibitæ, magnitudine differentes: figurâ hemisphærica, caui intus, foris conuexi. Quartus maior & oblongior est. Cæteros ferè Krottenstein, id est, Bufonum lapides nostri vocât. Quartum, qui rarior est, audio Schlangenstein oder grosser Krottenstein vocari, id est, Serpentium lapidem, tanquam Ophiten dicas. Tertium minimû minusq; cauum, Caluariæ Bufonis nomine ab Hier.



Hier. Cardano accepi. Sed in huiusmodi lapidum nominibus magna passim varietas & incertitudo est.

DE LAPIDIBVS QVI Aquatiliū animantium effigiem referunt. Caput XIII.





**L**apis Islebianus, è quo æs conflatur, niger, durus, laminæ instar: piscis formam æneis squamis cōspiciuā præ se ferens: aliquando & aliorū animalium. ego duos singulis, vnū verò geminis piscibus insignem habeo ab amicis missos. Agricola Eislebianū lapidem vocat, & imagines exprimere scribit pisciū, Lucij, Percæ, Passeris marini, de nat. fossil. lib. i. Libro 10. autē eiusdē operis, Spino à priscis dicto

*De figuris lapidum, &c.*

lapidi eundē, aut cognatū facit, filsi-  
lē, nigrū, bituminosum, ærosū, &c.



Lapilli è pisciū  
quorundā O-  
ceani, Asello-  
rū præsertim  
generis capiti-  
bus, tales, tan-  
tiq̃.



In tribus hisce formulis, quæ notantur literis A.B.C. lapides exprimunt, quos Glossopetras appellamus, alij Lamiarum dentes, Cardanus Glottides, Germani *Naterstinglin*: id est, *Natricû* linguas. Glossopetra nigricans, inquit Agricola, Germanis *Natricû* lingua dicitur: cui similis non est, sed magis linguæ Pici. Reperitur in terra aluminosa. Sic ille. apud nos non nigræ, sed albicante in roseo ferè colore & splendido reperiuntur, saxis interdum inclusi. Veneno præsentē sudare in mensa creduntur: sed facilè ad vaporem alij quoq; læues & præduri lapides sudant. Differunt colore, magnitudine, figura. Alij dentatis aut serratis marginibus sunt, alij læuibus. De eo qui in A. formula exprimitur, plura leges in Volumine *Aquatilium* nostro, vbi de Cane *carcharia* & *Lamia* agimus, pag. 210. In formula C. ad númerum primum expressus lapis, similis est cæteris, substantia, duritie & splē



*De figuris lapidum, &c.*


dore: sed auis alicuius, Merule ferè, rostri superiorem partem præ se fert, minor cæteris, & vero Lamiæ aut Carchariæ denti (qualem Petrus Coldebergus pharmacopœus Antuerpia ad me misit) simillimum. Vnci retrò eminentes, dentis veluti radices sunt: aut si quis ad linguæ similitudinem referre malit, ossi Hyoidi bipartito, quod linguæ animalium subditur, non dissimiles. In eâdem formulâ media figura Glossopetram latiusculam & sine radice sua repræsentat. Tertia retrò lapidem Cornu serpētis à quibusdam dictum: quo nomine picturam hanc Georgius Sittardus medicus sanè doctissimus & lógiore vita dignus Norimberga olim ad me misit.

Cornu serpētis.

1. Genus Cochleæ marinæ, arte politæ, cum suo operculo planè lapideo, quod vulgò Fabam marinam vocant, prona numero 2. supinaq; parte numero 3. expresso. Vide in Historia


ria





ria Aquatiliū nostra pag.283. inter  
cæteras Cochleas, de Cochlea cælata  
à Rondeletio dicta.

Cochlea q̄-  
dā(à Io. Kent-  
mano ad me  
missa, sicut &  
aliæ plures,)   
quā σιδηροειδῆ  
à superficie fer-  
ro simili, vel



hopliten cognominare licebit. Lapis  
est intus cultro cedens: foris crusta te-  
nui, splendida, & ferri politi instar in-  
tectus, fusci vel cinerei coloris. Ambi-  
tus externus totus pulchrè intortus


*De figuris lapidum, &c.*

est, ita ut margines placentarum, rotula coquinaria vel placentaria dissecti. Videtur quidem similitudinem aliquam habere primo aspectu cum cornu Ammonis, similiter ferè striata & reuoluta superficie: plurimum verò differt. nam huius exterior ambitus, non tereti figura ut Cornu spectatur, sed in angustum margine tortose colligit: & tum foris ferro similior est, tū intus lapis durior: tota quæ figura latior, planior, compressior. Sed neque foetet in ore mandentis, ut illud. Media pars, qua reuolutio desinit, caua est ab vno latere: ab altero protuberat, nec apparent reuolutiones. Ad ferrum ignem emittit.

1. Strombus lapideus, Strombites.
2. Strombulus quidam minimus, si bene memini.
3. Conchæ striatæ à Rondeletio dictæ genus. Primum & secundum ex his Encelius non rectè pro Chelonitis



tis exhibuit. Primo & alium similem pharmacopolæ quidam vocant Agapennescio quâ ratione. est autem exilior, & magis in acutū suis spiris exit.



1. Pecten lapideus. Substātia intus est pallida, albicans, ceu luti in lapidem indurati.

2. Cochleæ lapideæ genus planum vel sessile, subrufo colore foris, intus albo. Conchas & cochleas huiusmo-



*De figuris lapidum, &c.*

di aliquot Dominicus Monthesaurus  
medicus & philosophus incompara-  
bilis Veronæ, & Franciscus Calceola-  
rius eadē in vrbe pharmacopœus pe-  
ritissimus, ad me miserunt.



A. Lapis cū cochleis lapideis, par-  
tim extantibus, partim in eo latenti-  
bus, ita vt totus ex eis compositus vi-  
deatur. potest autem Cochlites vo-  
cari.

B. Ctenitæ species: quæ Hildeshe-  
mij in lapidicinis reperitur. Oris Ce-  
ti (vt scribit Kentmanus, qui vtrancq;  
huius formulæ iconem misit) figuram  
repræsentans.

Conchæ





1. Conchæ σιδηροειδῆς (id est, ferratæ, aut ferreolæ, si ita dicere licet) genus: Castaneæ ferè figura & magnitudine, cum germine gliscere incipiente, & umbilico infra. 2. Pectunculus ferreolus, κτενίον σιδηροειδές.

3. Alius lapideus totus.

4. Umbilicus ferreus.




*De figuris lapidum, &c.*

1. Strombus tantillus lapideus, & totus solidus: ab imo tamen per modicā cauitatē habet, è ruffo albicans.

2. Alius maiusculus, fusci coloris: superiùs tantùm in cochleam retortus: inferiori parte planus & pilæ seu columnæ rotundę ferè similis, nisi paulò angustior esset in imo.

3. Porcellana minima, alba: nō mutata quidem in lapidem: sed suapte natura, vt reliquæ etiam porcellanæ, ferè lapidea.



1.2. Lapidēs sunt solidi, pugno minores, miro naturæ artificio depicti. Pondus eis mediocre, crusta ambiēs silicea, alba, crassiuscula, & prædura est in

est in utroque euentius in altero: qui planior est, & Stellâ marinâ suis radijs refert. Primus altior & turbinationior est, & ab Echini marini similitudine, ni fallor, cui testa exterior sit detracta, Echinites vocari potest. In utroque radij à superiore parte versus imâ descēdūt: in ouo anguino (quod infra mox dabimus,) contrâ. Idem verò & acetabula quēdam habet, hi duo nō habēt.

Pagurus lapideus, parte supina expressus.

Ein steinerner Meerkrebs / oder der Taschenkrebs.



1. Lapis caudæ Cancræ, siue Astaci fluuiatilis potiùs, persimilis, Ombriæ nomine ad me missus. Ego suprâ cap.


2. Ombriam alium exhibui.

2. Idem, parte altera. Totus paulò breuior est superiore pollicis arti-




*De figuris lapidum, &c.*

culo, eiusdēq; ferè latitudine & crassitie, è fusco pallidus. Pars vna, quæ inferior esse videtur, zonis trāsuerfis modicè incuruis, quinis distinguitur, quæ p latera etiā inflexæ ascēdūt.



Superior autē pars lævis est. In extremo tuberculū rotundum prominet; cui in parte opposita respondet cavitās. Satis durus & grauis est.

*DE LAPIDIBVS QVI SERPENTES & insecta referūt. Cap. XV.*



**L**Apis huiusmodi, nō multò maiorq; hīc apparet, in uētuse est in monte quodā Heluetiæ, serpētis in spirā reuoluti est.



ti effigie, ita vt caput in circumferentia promineat, extrema verò cauda p centro sit. Erat & alia pars lapidis, foris aliqua ex parte ambiens tanq̃ alterius maiusculi serpentis minorē hunc ambientis: quam in hac figura nō addidimus, quòd fracta esset. Hic lapis apud me est, satis durus & fuscus, inferiore parte planus & informis, nisi q̃ vno in loco serpentini corporis breue indicium apparet.




Lapis hic admirabilis inuentus est in agri Tigurini torrente, quē Tosam nominant, pugno maior paulò, vnciarum xxj. pondere, è fusco albicans, intus verò, si scalpatur, candidus: mirē

*De figuris lapidum, &c.*

durus, foris præsertim. ambitur enim  
ceu crusta silicea, intus paulò molli-  
or. figura ei lenticularis, vel globi di-  
midiati. Vtranq; speciem apud me ser-  
uo. A basi, quæ plana & lævis est in  
medio, vt ad 2. numerum apparet, q-  
næ veluti caudæ serpentium aut lacer-  
torum, versus superiorem partem ela-  
tæ paulatim attenuantur. Interstitiū  
autē quodq; inter duas caudas, duos  
acetabulorum, quæ ceu verrucæ quæ-  
dam eminent, ordines habet. Hoc  
sanè Ouum anguinum Plinij videtur,  
descriptum ab eo pluribus libro 29.  
cap. 3. An verò aliqua sit cognatio cū  
Brontijs ab Agricola descriptis libro  
5. de nat. fossilium, nondū explorauī.

Ouum an  
guinum.

. 2



. 1.



Hos

Hos præcedentes duos lapides Petrus Coldebergus Antuerpiæ ad me misit. Prior, species est Marmoris Ophitæ, non in superficie solum, miris maculis, lineis & figuris: sed intus etiam per totum variegata, colore ex albo cinerea, maculis fuscis tanquam arte factis. Alter, fortè ei cõgener est, sed lineis plurimum differens: quæ quidem albo colore cymatili vel undarum ferè ductu, latiusculæ per totum lapidem cernuntur, plenæ utrinque breuissimis ceu petiolis transuersis, sicut inter vermes scolopendræ, à quarum similitudine Scolopendrites hic lapis dici poterit.

Scolopendrites.

*F I N I S.*

*E R R A T A.*

In Epiphaniij libello, folio 16. versu 7. pro non, lege noti. In libro primo Kentmani, post foliorum numerum 70. sequentes aliquot numeros corrige.





S A N C T I

PATRIS E-

PIPHANII EPI-

SCOPI CYPRI AD DIO-

dorum Tyri episcopum, De XII.

Gemmis, quæ erant in veste Aaronis,

Liber Græcus, & è regione Latinus,

Iola Hierotarantino interprete:


cum Corollario Conra-

di Gesneri.



TIGVRI M. D. LXV.



 CLARISSIMO  
VIRO D. ADOLPHO OC-  
CONI F. INCLYTAE REIPVB.  
Augustanae medico doctissimo, Conradus  
Gésnerus medicus Tiguri-  
nus S. D.

**M**ITTO ad te, vir doctissime, Epi-  
phanij de XII. gemmis libellū Græ-  
cum & Latinum, ab amico itidem meo, opti-  
mo & pererudito viro conuersum. Audio  
quidem Lutetiae Parisiorum etiam euulgatū  
esse: sed ego hactenus nec Græcum neque La-  
tinum typis editū videre potui. Quamobrem  
cæteris qui hoc codice coniuncti sunt, amico-  
rum & meis, de metallis ac lapidibus libellis,  
hunc etiam adiungere volui: quem Epiphaniij  
veteris, sanctissimi ac doctissimi illius episco-  
pi Cypri, genuinū esse foetū non dubito, etsi in-  
ter reliquas eius Græcè Latineq; Basileæ edi-  
tas lucubrationes non habeatur. Fuit enim  
vir ille, non pius solum & eruditus in literis  
sacris episcopus: sed rerum etiam naturalium  
sciētissimus: quod relictī ab eo libri declarāt,  
in quibus sæpe similitudines à naturalibus re-

## E P I S T O L A

bus, animantibus præsertim, ad sacras egregie & eleganter sanè, trahit atque accommodat. Et ego alium etiam eiusdem authoris, nõ editum hæctenus, Physiologi titulo libriũ manuscriptum habeo: in quo ex professõ ductas ab animalium numero XXXIX. naturis similitudines explicat: quẽ alio tempore, si diuina fauerint, edam. Tu in præsentia, amicorum optime & candidissime, exiguum hoc munusculum boni consules: quod propter multa maximaq; beneficia in me tua, quibus subinde & oblectare me, & lucubrationum mearum labores promouere pergis, qualecunque gratitudinis specimen, aut potius pignus ac publicum obligationis meæ  $\chi\sigma\epsilon\omicron\gamma\epsilon\alpha\phi\omicron\upsilon$  tibi offero: & rogo si quid in Græco exemplari, cui emendationes quasdam ex cõiectura duntaxat mea marginibus adieci, mutandum iudicaueris, pro tua in Græcarum literarum cognitionis rerumq; naturalium omnium excellentia, de eo liberè candideq; vt soles, me commonefacias. Videor quidem mihi sententiam saltem authoris, si non verba, ubiq; ferè consecutus, vno loco excepto: qui est capite duodecimo



decimo de onyche gemma : quam ait aliquos  
 putare. δὲ ὁ αὐτὸς αὐτοῦ πνεύματος : ubi α-  
 τοῦτος vox corrupta videtur: quomodo autē  
 emēdari debeat, ne diuinare quidem possum.  
 Habui autem vnicum solū exemplar ma-  
 nuscriptum, quod ante annos aliquot vir ge-  
 nere nobilis & eruditione præstans Gaspa-  
 rus à Nydbruck I.C. Ferdinandi Romanorū  
 & Maximiliani Bohemiæ regum à consilijs,  
 immatura morte nobis ereptus, ad me misit.  
 Peto præterea vt per occasionem in Photij pa-  
 triarchæ Catalogo authorum quos legit (quē  
 Augustæ apud vos in generosi viri D. Io. Ia-  
 cobi Fuggeri Mecœnatis mei benemeriti nobi-  
 lissima Bibliotheca Græcè manuscriptum vi-  
 di) locum, si modò est aliquis, de Epiphanio  
 eiusq; scriptis inquiras : vt an præsens hic li-  
 ber, & alter physiologus inscriptus, ab ipso  
 quoque ad hunc authorem referantur, certio-  
 res reddamur. In Corollario addendo proli-  
 xior ac diligentior fuisset, si per alias occupa-  
 tiones licuisset. Delector enim non parum in-  
 dagandis Hebraicis rerum naturalium pro-  
 prijs nomenclaturis: vt aliquid hac saltem in

# EPISTOLA

parte lucis, quoniam in melioribus non possum, sacris etiam literis adferam: idque ut in nostris Animalium libris declaravi, ita in Stirpium quoque historia non minus diligenter, Deo iuvante, faciam. Vale vir ornatissime: Et meo nomine venerando doctissimoq; seni parenti tuo, tibi cognomini (cuius tu  $\epsilon\kappa\tau\epsilon\lambda\gamma\omicron\nu\iota\alpha\varsigma\iota\alpha\tau\omicron\varsigma$ , filius es: avus autem Maximiliani Caesaris primum medicus fuit, deinde illustris Reipub. Augustanæ) plurimam officiosamq; salutem dicito. Tiguri 1565.

Nonis Iulij, ex tempore, ad  
prælum.



**H**is scriptis offertur mihi locus di-  
hui Hieronymi lib. 9. Comment.  
in Ezechielé, cap. 28. vbi inter alia quę  
de lapidibus preciosis scribit, ita legi-  
tur: Horū colores, atq; naturas & effi-  
cientias singulorū, non est huius tem-  
poris differere, sed proprium volumē  
desiderant: ita vt in Ezechiele, & in E-  
xodo, & Apocalypsi, & in Esaia, sibi  
omnes lapides & lapidū ordines cō-  
parati, magnam & legenti & differen-  
ti faciant quæstionem. Super quibus  
& vir sanctus *EPIPHANIVS* epi-  
scopus, proprium volumen mihi prę-  
sens tradidit. Hęc ille: quo locuple-  
tius testimonium, hunc librū esse ger-  
manum Epiphaniij, non est quod desi-  
deremus: præsertim cum idem Hiero-  
nymus ad Fabiolam de vestitu sacer-  
dotum, de Lyncurio gemma, eadem  
planè quę Epiphanius hoc in li-  
bello scribat: vt inde tran-  
stulisse eum satis ap-  
pareat.



ΤΟΥ ΕΝ ΑΓΙΟΙΣ  
ΠΑΤΡΟΣ ΗΜΩΝ ΕΠΙΦΑΝΙΟΥ  
ὑδισκόπου Κύπρου πρὸς Διόδωρον ἐπίσκο-  
πον Τύρου ποῦ τῷ ἱβ. λίθῳ, τῷ ὄντων  
ἐν τοῖς σολισμοῖς τοῦ Ααρὼν,  
βιβλίον.

*Marginibus quaedam ex coniectura  
adscriptimus: idq; monemus, ne quis di-  
versim lectionem aliorum Codicum exi-  
stimet,*



ΤΗΣΑΣ (πρὸς ἐμὲ) πρῶτα-  
τε (Διόδωρε) ποῦ τῷ ἐν τῷ λο-  
γίῳ τῷ ἐπωμίδῳ τῷ ἰδρύῳ  
τῷ τοῦ σήθους Ααρὼν, πρῶτε-  
τα γυνάκων τότε ἐμπεπορπῆσθαι λίθῳ, τὰς  
τε ὀνομασίας, τὰς τε χόας, εἴτ' οὐκ ἰδέας,  
τὰς τε τόπους, καὶ τὰς εἰς θεοσέβειαν φέρου-  
σας τῷ αὐτῷ λίθῳ θεωρίας: καὶ ἐκαστὴ λί-  
θῳ, ὡς ποίας φυλῆς ἐτέτακτο: πόθεν τε

Deest ali- ἐνσταται ὁ ποίας πατρὶς θ.

quid, & Τετραχὺ δὲ διαρῆται τὸ λόγιον, καὶ αὐ-  
sententia ὁ τετράγωνος, σπειραμῆς ὁ μῆκος ὁ δὲ  
pendet. ὁμοίως. Τὸ μὲν πρῶτον σίχον πρῶτον λίθον  
Σάρε-



# SANCTI PATRIS

EPIPHANII EPISCOPI

Cypri ad Diodorum Tyri episcopum de XII.

*Gemmis quæ erant in veste Aaronis,*

*Liber, Iola Hierotarantino*

*interprete.*



Qvod petijsti, vir præstantissime, de Gemmis quas in Rationali siue Oraculo dicto Epomidis humeralis sacerdotis, supra pectus Aaronis Dominus iussit † alligari: vt cum eorū † *in fibula* nomina, colores siue formas locos, & *ri, id est,* quæ faciunt inde ad pietatem medi- *fibula in-* tationes, tum etiam ad quam indican *necti.* dam quælibet Gemma posita fuerit, quoq; in loco & in qua patria inueniatur, id paucis tibi exponam: Hoc quidem ita se habet.

Quadrifariam diuiditur Rationale. Et ipsum quadratum † palmi longi † *dratū* tudinem ac latitudinem habet. Primi quidem ordinis prima Gemma,

# ΕΡΙΡΗΑΝΙΝΣ

Σαφδίον, ἔτα ρπάζιον, ἔτα σμάραγδος.  
 Τοῦ δὲ δολιπόρου σίχου πρῶτος λίθος  
 αὐθραξ, ἔτα σάπφειρος, ἔτα ἰάσπις. Τοῦ  
 τρίφυ σίχου πρῶτος λίθος, λιγύριον: ἔ-  
 τα ἀχάτης, ἔτα ἀμέθυστος. Τοῦ τεταρ-  
 φυ σίχου πρῶτος, χρυσόλιθος: ἔτα βη-  
 ρύλλιον, ἔτα ὀνύχιον. Καὶ οὗτοι μὲν εἰσι οἱ  
 ιβ. οἱ γὰρ τῇ ἐπωμίδι ρῦ ἰσρέως δεηρητημέ-  
 νοι, ὧν καὶ δεσφοραὶ, καὶ οἱ τόποι εἶσι.

A.

Πρῶτος λίθος σάφειρος ὁ βαβυλώνιος,  
 οὗτω καλούμενος. ἔσι δὲ πυρρὸς θερ-  
 μὸς καὶ αἰμαθιδής, σαφδίου θερμὸς ἰχθυὶ τε-  
 ταιχόθυμνός ἐοικώς. διὸ καὶ σάφειρος λέγε-  
 ται, ἀπὸ ρῦ εἰδους λαβὼν τὸ ἐπώνυμον. γὰρ  
 βαβυλῶνι δὲ τῇ πρὸς Ασσυρίαν γίνεται. ἔσι  
 δὲ διαυγὴς ὁ λίθος. δυνάμειος δὲ ὅτι θορα-  
 πολυκῆς, ὃ λέχεται οἱ ἰατροὶ πρὸς οἰδί-  
 ματα, καὶ ἄλλας πληγὰς ὑπὸ σιδήρου γι-  
 γνομένης. ἔσι δὲ καὶ ἄλλος, σαφδόνυξ, ὃς  
 καλεῖται μοιοχάς. μαλακτικὸς δὲ ὅτι σεα-  
 σμάτων. τῷ δὲ αὐτῷ ἰδέας τυγχάνει, ὑπο-  
 χλω-

Sardius, tum Topazius, dein Smaragdus. Secundus ordo primā gemmā habet Carbunculum, secundā Sapphirum, tertiā Iaspidem. In tertio ordine sunt, primā†Ligurius, secunda Acha-†*Lyncu-*  
 tes, tertia Amethystus. In quarto, pri-†*rium.*  
 ma Chrysolithus, secūda Beryllus, ter-  
 tia†Onychiū. Et istæ quidē sunt XII.†*Onyx.*  
 Gemmæ, quæ in Humerali (Epomi-  
 de) sacerdotis sunt annexæ, quarū tū  
 discrimina tum loci sunt isti.

## I.

Prima gemma, Sardius Babylonius dicta. Est verò forma ignea, & q̄ sanguinis colorē referat†Sardio pisci sale cō†*Sardæ.*  
 dito & inueterato similis: qua de cau-  
 sa etiā Sardius dicit̃, à forma (colore)  
 nomine desumpto. Nascit̃ in Babylo-  
 ne Assyriorū. Pellucida est: & vim ha-  
 bet medendi ad tumores ac vulnera  
 ferro inflicta. Est & alia quæ Sardo-  
 nyx vocat̃, &†Molochites, vim emol-†*μολοχάς*  
 liendi steatomata habens. Eiusdē hæc  
 coloris est cum superiore, subuiri-

# ΕΡΙΦΗΛΙΝΙΣ

χλωρίζων. ἐμβειθέσασθ' δὲ μάλλον πα-  
ρὰ τὴν ἀρχὴν τοῦ ἔαυθ', ὅτε ἡ ἀρχὴ τῶν πα-  
δῶν.

B.

λίθῳ τοπάζιον, ἐρυθρὸς τῷ εἶδει ὑπερ-  
† εὐρεῖται τὸν αὐθρακα. † γίνεταί ἡ γὰρ τοπάξ η πόλις τῆς  
Ινδίας, ὑπὸ τῶν ἐκείσε ποτε λίθους λατο-  
μούντων, γὰρ καρδίαν ἐτόρον λίθου: ὅρ οἱ λατο-  
μήσαντες θεασάμενοι φαιδρὸν, καὶ ὑποδεί-  
† Forté ὡς ξαντοὺ † ἀλαβαστρὸν πειρ, ἀπέδλοντο ὀλίγου  
ἀλάβα- τιμήματῳ. Θεβαῖοι δὲ πρὸς τὴν ἐγκαν τῆς  
σπον: nel, κατ' ἐκείνου καιρὸν βασιλίσκη. ἡ δὲ λαβοῦ-  
Θηβαίοις σε, γὰρ τῷ αὐτῷ δὲ ἀδύματι μέσον τοῦ μετώπου  
ποιῶν. πορεύετο. ἔχει δὲ ὁ λίθῳ δοκιμὴν τοιαύτην.  
τειρόμενῳ γὰρ ἰατρικῇ ἀκόνει, οὐκ ἐρυθρὸν  
ἀκρδίωσι καὶ τὸ χρῶμα τὸν χυλὸν, ἀλλὰ γα-  
λακτώδη. ἐμπίπλησι δὲ κρατῆρας ὅσους αὐ-  
θέλει ὁ ἀκτεῖβωρ, καὶ τοῦ πρὸς τὸν σαθμοῦ  
οὐκ ἐλαττοῦται οὐδ' ὅλως. χρῆσιμόναι δὲ  
καὶ ὁ δὲ αὐτῷ οὗτῳ χυλὸς πρὸς πάθῳ ὀφ-  
θαλμῶν. καὶ πινόμενῳ δὲ ἀντιπαθεῖ πρὸς  
ὑδρωπας, καὶ τοῖς ἀπὸ σαφυλῆς θαλασσίας  
μαραιομένοισι.

λίθῳ



dis. Grauiſſima autem eſt ſub initiũ  
 veris, cum huiusmodi malæ affectio-  
 nes incipiunt.

## II.

Topazius gemma colore rubet ma-  
 gis q̃ Carbunculus. Nascitur in To-  
 paza vrbe Indiæ, inuenta quondam il-  
 lic à lapicidis in corde alterius lapi-  
 dis: quã cum ſplendidam vidiffent, &  
 Thebanis quibuſdã oſtendiſſent, par-  
 uo precio vendidẽre. Thebani verò,  
 tum temporis regnum adminiſtranti  
 Reginae attulerunt. Illa verò diadema-  
 ti ſuo impoſuit in medio frontis. Ha-  
 bet tale experimentum hæc gemma.  
 Attrita medica cote reddit ſuccum  
 non pro ſuo colore rubrum, ſed la-  
 cteum. Implet autem ſucco illius at-  
 tritæ quot crateres volueritis qui af-  
 fricat, idq̃ abſq̃ prioris ponderis vlla  
 planè imminutione. Vtilis eſt ſuccus  
 hic ad morbos oculorũ. Epotus ad-  
 uerſatur hydropi, & medet tabeſcen-  
 tibus ab vva marina ſumpta.

# ΕΡΙΡΗΑΝΙΥΣ

Γ.

Λίθ' σμαράγδ'. οὗτ' καλεῖται ὁ  
 πράσιν'. ἐστὶ δὲ καὶ χλωρὸς ὅθ' εἶδαι, καὶ  
 διαφορὰ τις γν' αὐτοῖς. πῦες μὲν γὰρ αὐτῶν  
 Νερωνιανούς καλοῦσιν. ἄλλοι δὲ Δομετiana  
 † μικρός. νούς. καὶ ὁ μὲν Νερωνιανούς † πικρός ἐστὶ ὅθ'  
 εἶδαι, σφόδρα χλωρίζων, διειδῆς καὶ σίλ-  
 βων. καλεῖσθαι δὲ Νερωνιανὸν λέγουσιν, ἔ-  
 ττοι Δομετιανὸν, ὅς τ' οὕτως αὐτῶν ὅτι φα-  
 σὶν ἔλασον Νέρωνα εἴτε Δομετιανὸν γν' σκόνε-  
 σι βαλῆν ἱκανοῖς, καὶ ἐκ τοῦ ἰοῦ ὅθ' χρόνῳ  
 χλωραίνεσθαι τὸ ἔλασον. καὶ ἐκ τούτου τῶν  
 πώτερων ποτιζομένων πότισοτόρως δξανθεῖν  
 τῇ χροῖᾳ. ἄλλοι δὲ φασὶ Νέρωνα πικρὰ τεχ-  
 νίῃ τῶν παλαιῶν πιναροποιῶν, εἴτου λι-  
 θουργίᾳ ἐφοδρεῖν τὸ ἀναγκασιότατον τὸ σμα-  
 ράγδου, καὶ ἐκ τούτου Νερωνιανὸν καλεῖ-  
 σθαι: οἱ δὲ Δομετιανόν. Ἀλλὰ καὶ ἄλλοι εἰ-  
 σὶ σμαράγδοι. ὁ μὲν πρῶτ' γν' τῇ Ἰουδαίᾳ,  
 πάντ' ὅμοιως ὅθ' Νερωνιανῶ. ὁ δὲ ἑτέρ' γν'  
 τῇ Αἰθιοπία, ὅθ' καὶ γν' ὅθ' Φεισῶνα πο-  
 ταμῶν λέγεται γεγενῆσθαι. Φεισῶν δὲ ὅθ'  
 ὁ πρὸ τῶν Ελλήνων Ἰνδὸς καλούμεν', πρὸ  
 τῶν Βαρβάρων δὲ Γάγγης. λέγουσι δὲ ὁ τὸν  
 αὐτῶν

## III.

Smaragdus gēma. Vocat̃ hęc etiam Prasin<sup>o</sup>. Estq̃ viridi colore, & differūt tamē aliquantū inter se. Quidā enim illos vocāt Neronianos, alij Domitianos. Et Neronianus quidē parua est forma, valde viridis, pellucidus, & splendēs. Appellatū vērò Neronianū siue Domitianū huiusmodi de causa ferūt. Neronē aiūt siue Domitianū oleū in multa vasa infudisse: & interuallo tēporis, oleū viridē colorē contraxisse, hocq̃ oleo petrā copiosius rigatā floridioris coloris euasisse. Alij dicunt Neronē quendā antiquū artificē, gemmarū sc̃alptorē, Smaragdi precipuū vsum inuenisse, & gemmā istā ab illo Neronianā dictā: alij verò Domitianā appellari malūt. Sunt aut̃ & alij Smaragdi: & primus qdē nascit̃ in Iudæa, Neroniano valde similis: alter verò in Aethiopia, quē etiā in Phisone fluuio nasci dicunt. Phison aut̃ apud Græcos Indus, apud Barbaros Gāges



ἀνθρακὴ γὰρ αὐτῇ γίνεται. ἐκὲι γὰρ φησιν ὁ  
 ἀνθραξ, καὶ ὁ λίθος ὁ πρᾶσινθ. ἡ δὲ διωά-  
 μίς φασὶ τοῦ λίθου, διηλαδὴ τοῦ σμαρά-  
 γδου, πρὸς τὸ γινώσκοντι πρόσωπον. λέ-  
 γεται δὲ ὁ πρᾶς τις μυθοποιοῖς περὶ γνωσι-  
 κὸς εἶναι.

Δ.

† φοιν- λίθος ἀνθραξ. οὗτος εἶδθ. † ξυφοῖνι-  
 κερ forte, κομᾷ. γίνεται δὲ γὰρ καρχηδόνι ἐν λιθύ-  
 νει ὅξυ- κη, ἡ τις ἀφεικὴ καλεῖται. ἑτέροι δὲ φασὶ  
 φοῖνικθ τὸν λίθον τῷ οὕτως εὐρίσκεισθαι, οὐκ γὰρ  
 ἡμέρα καὶ πηδύμνον· ἀλλὰ ἡ τὴν νύκτα  
 πύρρῳθην δίκην λαμπάδθ, ἡ ἀνθρακθ  
 σπινθηρίζοντθ, καὶ ὡς μακροῦθ φαίνον-  
 τθ. καὶ τῷ οὕτω ὑπογινώσκοντθ, οἱ ὅτε  
 ἀνερδυνῶντθ, ῥαδίως εὐρίσκουσιν αὐτόν.  
 Βασαζόμενον δὲ ἀδωάκην ὀφθαλμοῖς, ὁ ποί-  
 οισ γὰρ αὐτῶν ἱματίοις κατακρυβῆ, ἡ αὐταύ-  
 γεια αὐτῶν ἐξωθῆν ἐν ποδικοῖς φαίνεται.  
 ὅθην ὁ ἀνθραξ ἐκκληται. ὀλίγον ὅδε κεραύ-  
 νιθ λίθθ αὐτῇ ἔοικε. Καλοῦσι δὲ τὸν κε-  
 † καρχη-ραῦνιον, οἶνωπὸν. Εἰς δὲ ὁ † χαλκηδόνιθ  
 δόνιθ. καλούμενθ λίθθ πρᾶπλήσιθ τῷ τῷ, ὅ-  
 τι ἐκ τοῦ αὐτοῦ τόπου εὐρίσκεται.

λίθος



vocat. Aiunt etiā Carbunculū in hoc fluuio gigni. Illic enim, inquit Moses, Carbūculus & gēma Prasīnus. Ferunt autē Smaragdū speculi instar imagines reddere. Tradūt etiā fabulatores uim eū habere ad prædicēdas res futuras.

## IIII.

Carbūculus gēma, puniceo colore ardet. Nascit in Carthagine Libyæ, q̄ dicitur Africa. Sunt q̄ ita inueniri hac gemmā dicant: Interdiu quidē nō videri, sed noctu instar lampadis & carbonis scintillātis eminus ac p̄cul apparere. Hinc agnitā q̄ eam quærūt, faciliē inueniūt. Gestata quibuscūq; vestibus tegatur, latēre nō potest. Splendor enim eius extra vestes apparet: vnde etiā Carbūculus appellat. Carbunculo nōnihil, parū quidē, similis est gemma Ceraunius, quē aliqui οἶνος πῶρ à vini nigricantis colore cognominant. Est etiam gemma dicta Carchedonius non abūmilis huic, quoniam & ibidem loci reperitur.

† περφύ- της † περφύρας ἐν μελαίνῃς τὸ εἶδ'· πολ-  
 gas puto λὰ δὲ γῆν ῥύπον ὑπάρχουσιν. ὅτι γὰρ ὁ  
 pro inter Βασιλικὸς, χρυσοειγής. οὐ πάλιν δὲ οὗτ'·  
 pretatio- θαυμαζόμεν' ὡς ὁ δῖος πορφυρίζων.  
 ne in mar Καὶ οὗτ' δὲ λέγεται εἶν' ἐν τῇ Ἰνδῇ καὶ  
 gine scri- Αἰθιοπία. διὸ τὸ τέμν'· πρὸς Ἰνδοῖς φα-  
 ptū fuisse σιν εἶν' ῥῦ Διονύσου τξε. ἀναβαθμούς· ἐ-  
 χορ' ἐκ σαπφείρου λίθου, εἰ δ' ῥῖς πολλοῖς  
 ὑπάρχει ἄπιστον. ἐστὶ δὲ θαυμαστός ὁ λίθ'·  
 δ' οὐδέσεται, δ' χαίεται. διὸ δ' ἐν'  
 † ταῦς † ῥῖς χλιδόσι δ' ὀρμύσκει καταπιθέσκει  
 ὄντων, μάλιστα οἱ βασιλεῖς. Αλεξίπουν' δὲ  
 ὅτι. τειρόμεν' γὰρ δ' ψυδράκων καὶ φυ-  
 μάτων γινομένης πληγὰς σὺν γάλακτι ἰά-  
 ται, χειόμεν' ῥῖς ἡλκωμένοις. γέγραπται  
 δὲ δ' ἐν' ἑλ νόμῳ, πλὴν ἑλ Μωϋσεῖ ὀφθεῖ-  
 σαν ὀπασίαν ἐν' ἑλ ὄρει, δ' δοθείσαν νομο-  
 θεσίαν, ὑπὸ λίθου σαπφείρου πεφυκνῆαι λέ-  
 γεται.

λίθ' ἰάσων. οὗτός ἐστι· ἑλ σμαρα-  
 γδ'·

## V.

Sapphirus gēma purpurascit vt species Blattæ, id est, Purpuræ nigræ. Multa sunt eius genera. Est enim Regius, aureis punctis varius. Nō est verò hic in tāta admiratione, quāta ille q̄ prorsus purpurascit. Et hic dicitur esse cū in India tum etiā in Aethiopia. Quocirca aiunt apud Indos templū extructum Baccho extare, quod gradus ex Sapphiro trecentos sexagintaquinque habeat, quibus multi fidē nō adhibeant. Est verò gemma admirabilis, pulcherrima, gratissimā propterea etiā in armillis & monilibus reponi cōsuevit, id q̄ potissimū à regibus. Locū etiam inter remedia habet. Attrita enī & lacti p̄mixta plagis q̄ fiūt ex pustulis albis & tuberculis medet, si illis illinat. Scriptū est & in lege, visionem q̄ Moī apparuit in monte, & legem datam, in gemma Sapphiro fuisse expressam.

## VI.

Iaspis gemma. hæc Smaragdū for-

# ΕΡΙΡΗΑΝΙΝΣ

γδίζωρ. πρὸ δὲ τὰ χεῖλη τοῦ ὀδρμώδον-  
 † Αμαθῶν τοῦ ποταμοῦ εὐρίσκεται, ὅπου † Αμα-  
 τατὴν γν' θουῶτας, οὐ γὰρ γν' Κύπρω, ἀλλ' ἐστὶ γῆ  
 Κύπρω. πολὺ καλούμενον Αμαθούσιον. τὸ ἔδωκε δὲ  
 τριόνδε ὅτι τοῦ λίθου· ἤτις τὴν σμάρρα γδύον  
 ὅτι χλωρίζουσα, ἀλλὰ ἀμβλυτέρᾳ ὅτι ἀμαυ-  
 ροτέρᾳ. καὶ γν' ὁδοῖν χλωρὸν ἔχει τὸ σῶμα,  
 † ἔχουσα. εἰκοῖα ἰὼ χαλκοῦ, † ἔχοντι φλέβας τετρα-  
 † ὅτι ταύ-  
 σίχους. † ὡς δὲ ὅσοι κινούσασθαι εἰν φαν-  
 τῶν ἄκ' τασίας ὡς οἱ μυθολόγοι λέγουσιν. ἄλλη δὲ  
 εἰν φαντα ὅτι γλαυκοτέρᾳ θαλάσσης, βαθυτέρᾳ ὅτι  
 σμάτῳ, ἀνθεὶ ὅτι τῇ βαφῇ. ἄλλη δὲ γν' τοῖς ἀπὸ  
 οἱ μυθ. οἰς, γν' ὅτι ὅροι ἐν ἰσθμῷ γν' τῇ φρυγίᾳ, † ὅτι  
 † πορφύ-  
 μοιάζουσα τῇ ἀπὸ τοῦ αἵματος κόχλου, δι-  
 ρας τ' ἀπὸ αὐγασίας μελλοῦ, ὡς ὁ οἶνος ὁμοιάζουσα, ἢ  
 τοῦ αἵματος. ἀμβλύσου † ξανθοτέρᾳ. οὐ γὰρ ὅτι μιᾶς χοι-  
 † βαθυτέ-  
 ᾳς, οὐ δὲ ἐν αὐτῇ δυνάμεως. ἀλλ' ἢ μελ-  
 ρα. ἐστὶ χαυνοτέρᾳ, καὶ λούκοτέρᾳ, οὐτε πάν-  
 σίλβουσα, οὐτε πάλιν ἀρδίουσα. ἄλλη δὲ  
 κρυσάλλου ὕδατι ὁμοία. λέγεται δὲ ὅτι  
 † φαντασ πὸ τῶν μυθοποιῶν ἄκ' εἰν † φαντασιῶν.  
 μάτῳ. εὐρέθη δὲ πρὸ Ἰβηρσι, ὅπου οἰμέσιν ὕδα-  
 νῶν τοῖς ἤτις τὴν καπνίαν γλῶ. ἄλλη δὲ ἰα-  
 σως, οὐ πάνυ λάμπουσα χλωρὰ, ἢ τις ἔχει  
 γραμ-



ma (colore) refert. Inuenitur ad ripas Thermodontis fluuij, & circa Amathuntē oppidū Cypri. Huius verò lapidis Amathusij dicti multa sunt genera. Qd' ad colorē, viret vt Smaragdus: sed est obtusior & hebetior. intus corpus habet viride, similis ærugini, habetq; venas quatuor ordinū. Hæc noxia phātaſmata expellit, vt quidā fabulant. Est & alia magis glauca q̃ mare, saturatior flore & tinctura. Alia reperit in spelūcis montis Idæ in Phrygia, pellucidior purpura q̃ cochleæ marinæ sanguine tingit, & vini nigricantis colori similior, amethyſto saturatior. Nec enim vnus & eiusedē coloris ac facultatis est Iaspis: Sed hæc qdē mollior est & albior, quæ neq; valde nitet, neq; rursus splendore destituit: alia verò similis aquæ glaciei. Tradūt fabulatores hac ipsa pelli phātaſmata. Inuenit aut apud Iberos & Pastores Hyrcanos q̃ terrā Caspiā accolūt. Est & alius Iaspis, nō valde splendēs, viridis.

# ΕΡΙΡΗΑΝΙΝΟΣ

γραμμάς μέγας. Ἐὰν δὲ ἰασις ὁ παλαιὸς  
καλούμενος, ὅμοιος ἢ χιόνι, ἢ ἀφρῶ θαλάσ-  
σης. ὧν φασι οἱ μυθοποιοὶ εἶναι θῆρας αὐ-  
τὸν ἀφρῶ φοβεῖσθαι, Ἐὰν τὰ φάσματα.

Ζ.

† forte λυγ- λίδος † λιγύειον. τούτου δὲ πλὴν εὐρε-  
κείον. σιν οὐδ' αὖτως ἐγνωμένον. οὔτε πρὸ φυσιολό-  
γοις, οὔτε πρὸ πσιρ ἀρχαίοις τοῖς ποῦ τού-  
των μεμεινυκῶσι. εὐρομένον δὲ λαγνύ-  
ειον ἔτω καλούμενον λίδον, ὅρ' πινθε τῇ τρα-  
υῇ δ' αὖτε λαγνύειον καλοῦσι. Καὶ τάχα  
ἔωρ οἶμαι τὸ λιγύειον. ἐπειδὴ αἱ θείαι γρα-  
φαὶ τὰ ὀνόματα ἐτόρως μετεπείκασαν: ὡς  
τὸν σμάραγδον πράσινον. Ἐὰν ὅτι πῶς γὰρ τῇ  
τῷ λίδωρ τούτων ὀνομασία, οὐκ ἐμνήθη-  
σαν Ἐὐακίνδου, καὶ τριχὺ πρὸ πίου Ἐὐακί-  
μου ὄντος λίδος: ὥς εἰς νοῦν ἡμεῖς λαβεῖν,  
μήποτε τὸ λιγύειον ἔωρ καλεῖται θεία γρα-  
φή. Ἐὐακίνδος οὖν τὰς μὲν ιδέας ἔχει δ' αὖ-  
† βαθύτε φόρους. ὅσω γὰρ εὐρίσκεται ὁ λίδος † βα-  
ρὺς τῇ χροίᾳ, τοσούτω ἀναγκασιότορος ὅτι τῷ  
† ἢ ἔωρ. αἰῶν. εἰκε δὲ Ἐὐακίνδος τῇ ὀρέᾳ, † ἢ ἔωρ-  
πορφυρί- πορφυρίζωρ ποσῶς, διὸ Ἐὐακί-  
θε Ἐὐακίνδος

Est & alius itē tantiquus vocatus simi πυλαίος  
 lis niui seu spumæ marinæ. hunc tra-  
 dunt fabulatores tum venenatas be-  
 stias, tum etiam spectra metuere.

## VII.

Ligyrius vel Lyncurius gēma. De hu-  
 ius inuēctione vel apud naturæ indaga-  
 tores, vel apud alios veteres, qui harū  
 rerū meminerūt, nihil cognouimus.  
 Inuenimus tñ Lancuriū gemmā voca-  
 tā, quā vulgari lingua Laguriū appel-  
 lant. Et fortē puto hunc esse Lyguriū,  
 quando quidē diuinæ literæ nomina  
 transposuerūt: exēpli gratia, Smarag-  
 dū, Prasinū appellātes. Et inter nomi-  
 na gemmarū Hyacinthi, qui & p̄cipu⁹  
 & preciosus est lapis notusq; omnib.  
 nō meminerūt: vt in mentē nobis ve-  
 nerit, num fortē ligyriū hanc gemmā  
 appellet sancta scriptura. Hyacinth⁹  
 igit diuersas habet formas. Quo enim  
 reperit colore pfundior, eò cæteris p̄-  
 stātior est. Similis est colori lanę q̄ sup  
 purpurascit aliquatenus. Quap̄pter



# ΕΡΙΡΗΑΝΙΝΟΣ

ὑακίνθου & πορφύρας τὰ ἱεραλικά γνῶμα-  
 τα λεηλοσμήδαι φησί. Καὶ ὁ μὲν πρώτῳ λέ-  
 οῦ, καλεῖται θαλασσίτης: ὁ δὲ δεύτερῳ,  
 ῥοδινός. ὁ τρίτῳ, νάλιβῳ. ὁ τέταρτῳ λέγε-  
 † πρίλιν ται χαννιάῳ. ὁ δὲ πέμπτῳ, † πζαλού-  
 nos in se- κιῳ. εὐρίσκονται δὲ οὗτοι γὰρ τῇ ἐσωτέρᾳ  
 quēti car. βαρβαρίᾳ τῇ σκυθίας. οὗτοι δὲ οἱ λίθοι με-  
 τὰ τοῦ εἶν πολῦτιμοι, ἔχουσι & ἐνέργειαν  
 φαιάτω. βαλλόμενοι εἰς ἀνθρακας πυρός,  
 αὐτοὶ μὲν οὐ βλάπτονται, αὐτὰς δὲ ἀνθρακας  
 σβεννύουσιν. οὐ μόνον δὲ τοῦτο, ἀλλὰ & εἰ λα-  
 βώμεν τις τὸν λίθον γνείωσιν ὁδόν, & ὡς δὲ  
 ἐπ' ἀνθρακας πυρός, οὐδ' αὐτὴν ἡ καλύπτει-  
 σα ὁδὸν φλογίζειτω, ἀλλὰ μὲν εἰ ἀσινὴς. λέ-  
 γεται δὲ ὁ λίθος ταῖς τικθύνσαις γυναιξίν  
 εἰς οὐτεκνίαν χρησιμῶς. ἔτι δὲ & φασμά-  
 των ἀπελαστικός.

Η.

Λίθος ἀχάτης. οὗτος ἐπιελύφθη εἰς πε-  
 ρίλιν & καλούμενος, ὅς ἐστι τὸν ὑακίν-  
 θου εὐρίσκεται. θαυμαστός δ' ἐστίν, τῷ εἶδει  
 † ἐλέφαν- ὑποκυανίζωρ: ἐξωθεν πορφύρεαν λευκὴν  
 τῳ. ἔχων, μαρμαῶν τρόπον ἢ † ἐλεφαντίνου.

Καὶ



vestes sacerdotales hyacintho & purpura ornatas fuisse tradit diuina scriptura. Et primus quidē lapis, vocatur †Marinus: secundus †Roseus: tertius, †θαλασ-  
 Natiuus: quartus, Channiæus: quin- σίτης.  
 tus, Perileucus. Inueniūtur hæ gemæ †ροδινός.  
 in interiori Barbaria Scythiæ: & p̄ter  
 quod sunt valde p̄ciosæ, mirā quoq;  
 efficaciam habēt. Nam in ignis carbo-  
 nes cōiectæ, ipsæ quidē tantū abest vt  
 absumentur, vt ipsos carbones extin-  
 guāt: nec id tm̄, sed si quis hāc gemmā  
 panniculo inuolutā in carbones igni  
 tos cōiecerit, p̄aniculus quoq; ille sus  
 conseruat. Dicit̄ etiā hæc gēma cōdu-  
 cere mulieribus parituris, vt facilius  
 pariant. præterea fugat spectra.

## VIII.

Gemma Achates. Hanc gemmam  
 suspicati sunt quidā esse eam quæ dici-  
 tur Perileucos, quæ in Hyacinthi mē-  
 tiōe dicta est à nobis. Mirabilis est gē-  
 ma coloris subcœrulei, extrinsecus  
 circūferentiā habens albā instar mar-

# ΕΡΙΡΗΑΝΙΝΟΣ

Καὶ οὐτ' ἡ πόδι τὴν Σκυδίαν εὐρίσκειται.  
 ἐσι δὲ ἐκ φύτων τῶ λίθων ἀχάτης χρῶ-  
 μα ἔχων λεοντ' : τειρόμεν' δὲ μεδ' ὕ-  
 δατ', ἃ χρύσειον ὑπὸ δόγματ' θηρίου,  
 ἀκτρεπείϊον σκυρπίου, ἃ ἐχιδνῶν, καὶ τῶ  
 φιδύτων.

Θ.

λίθ' ἀμέδυσ', οὐτ' ἡ τὴν αὐτὴν  
 πόδι φέρειαν φλογίζων ὅτι βαθείας. ἡ ἡ αὐτὴ  
 ὅτι λυκοτόρα ἐκ τοῦ μέσου, οἶνω πόρ ἀκτρεμ-  
 που (αἶδος). ἡ δὲ μορφὴ αὐτὴ διάφορ'. τὰ  
 χα δὲ ἃ αὐτὸς γν' τοῖς ὄρεσι γίνεται τῷ λι-  
 † θαλάσ- βύνης. ὁ μὲν γὰρ αὐτῶ ὅτι ὑακίνθω καθαρώ-  
 σης, vel πᾶσιν ἀπλήσιος: ὁ δὲ, † ἀμφινόχλω. γίνεται γν'  
 θαλασσίω τῶς ὀχθαῖς τῷ θαλάσσης τῷ αὐτῷ λιβύνης.

νόχλω: vel

I.

proius αἶ- λίθος χρυσόλιθος. τοῦτον τινὲς χρυσόφυλ-  
 ματι νόχ- λωρ λεκλήνασι. χρυσίζων μὲν ὅτι: εὐρίσκε-  
 λω, vel συ- ται δὲ γν' τῷ φρεατὶ διπύτρῳ, πᾶσιν τῷ χερσὶ  
 prà in se- τῷ Αἰχαιμενίτιδος Βαβυλωνος. τὴν γὰρ Βα-  
 xto lapi- βυλῶνα ἃ τῷ φρεατὶ ἐκείνο Αἰχαιμενίτιδα κα-  
 de. λῶσι, ὅτι φασὶν ὁ πατὴρ Κύρου τοῦ βασι-  
 † Αἰχαιμέ- λειος, † Αἰχιδνεὺς ἐκελεύειτο. ἐσι ἡ ἃ χρυσόπα-  
 ρης.

508.

moris vel eboris. Inuenitur circa Scythiā. Est etiā inter Achatis species, q̄ leonis colorē habet. Si terat cū aqua, & illinatur morsui venenato, auertit venenum scorpion, viperarum, & huiusmodi venenatarum bestiarum.

## IX.

Amethystus gemma. Hæc circūferentiā habet p̄fundo ceu colore flammæ ardentē. ipsa verò circūferētia in medio albior est, & à vino Græcis dictū colorē vibrat. Forma eius est varia, fortè aut & ipsa in montib⁹ Libyæ nascit̄. Quædā ex eis puro hyacintho est similis, altera verò purpuræ: nascitur q̄ ī litore & p̄ruptis locis maris eiusdē Libyæ.

## X.

Gēma Chrysolithus. Hunc aliqui † Chrysophyllū vocarūt. Aurū qdē co † Chrysolore suo refert. Inuenitur aut in puteo *phyllū alijs* duplicis petræ ad mœnia Achæmenididis Babylonis. Babylonē em̄ & pū *nō habēt,* teū illū, Achæmenitida cognomināt, *sed Chry-* q̄ dicāt regis Cyri patrē Achæmenē *soberyllū:*



# ΕΠΙΦΑΝΙΝΟΣ

στς. [id est, aureis punctis conspersus, malim  
 χρυσόπρασος, quæ gemma colore porri suc-  
 cū refert, auri interuenientibus guttis, unde  
 similiter ab auro, ut Chrysolithus nomen  
 accepit: non Chrysolitho tamen, sed Beryllo,  
 de qua max agetur, cognata.] οὗτος σομαχι-  
 νος ἐνοικιανὸς τριβόμνος, ἐπινόμνος,  
 ἱαμαλινὸς ὑπάρχων.

## ΙΑ.

λίθος βηρύλιον, γλαυκίζων μὲν ὄψι, θα-  
 λασσοβαφὴς, ἔχων ἐν ἑαυτῷ τὸν ὕδατος ἐκείνου  
 ὑακίνθου. γίνεται δὲ ποδὶ τοῦ τῶμα τοῦ ὕδατος τοῦ  
 χαλκοῦ ταύρου, εἰ δὲ τις θελήσῃ καὶ αὐτὸν  
 ἀνακλᾶν κρὺν τῆς ἡλίου τοῦτον ἀνακαλέσαι, φαίνεται ὡς  
 ὕδατος κρὺν ἔχων γνῶσθαι διαγῆς. ἄλλου  
 δὲ τις βηρύλλου, ταῦς ἡμέραις τῆς ὀφθαλμῶν  
 τοῦ δρᾶκοντος ὄψι πρὸς πλησίον. ἐστὶ δὲ ἄλλου  
 πάλιν ὁμοία κρὺν. ἐφαίνεται δὲ αὐτῇ ποδὶ τῆς ἐξο-  
 δου τοῦ εὐφράτου ποταμοῦ.

## ΙΒ.

λίθος τῶν ὀνύχων. οὗτος ὁ λίθος ξανθὸν  
 πᾶν ἔχει πλὴν χροῖαν. τὸν περὶ τῶν λίθων τῶν  
 τῶν φασὶ τὰς νύμφας τῶν βασιλέων, ἢ καὶ πλε-  
 ῖον αὐτῶν, αἰνῶν ἐν τῇ ἐκπύματι ἰδία  
 ἀνα-



procatum fuisse. Inuenitur & Chryso-  
 eamq; Ba  
 pastus, quæ stomachicis & cœliacis *bylonicâ:*  
 pota vim medendi habet. *quod huic*  
*loco conue*

## X I.

Beryllus gemma glauca est, colore  
 naris, aut hyacinthi dilutioris. Nasci  
 tur circa finem montis Tauri. Si quis  
 velit hanc è regione Solis contempla  
 ri, videbitur non secus ac vitrum in  
 trinsecus grana milij habere pelluci  
 da. Est & alia Beryllus pupillis ocu  
 lorum serpentum similis. item alia ce  
 ræ similis, quæ circa Euphratis exi  
 tum reperitur. [*Berylli si spherica fiant,*  
*& radijs Solis opponantur, ignem emittunt,*  
*ut specula concaua. Anonymus. Sic & Cry-*  
*stalli.]*

## X II.

Onyx vel Onychium, gemma. Est  
 hæc valde flauo colore. plurimum de  
 lectari hac gemma aiunt regum & di  
 uitum hominum sponfas, quæ hanc  
 gemmam in poculorum vsum con-

# ΕΡΙΡΗΑΝΙΩΣ

μαῖα, ex ἀνατρέψασαίχουσι τὸν λίθον τοῦτο. εἰσὶ δὲ  
 onyches e- καὶ ἄλλοι ὀνυχίται ὁμωνύμως καλούμενοι, οἱ  
 nim roci πνυδ κρηῶ ἔσ' μελιχρόω εἰσὶ πρᾶπλήσιοι.  
 la facta le τινὲς δὲ φασιν αὐτῶς ἔξ ὑδατῶ \* ἀταί-  
 gimus. κίου πεπῆχθαι. Ὀνυχίτας δὲ αὐτοὺς λέγου-  
 σι φυσιολογικῶς, ἐπεὶ ὁ ὀνυξ τῇ ἁσείῳρ ἀν-  
 τισωδία. θρωρ μαρμάρεω ὅσι † σινεδίαζόμενθ, σὺν  
 ζόμενθ, τῇ τοῦ αἵματῶ ἰδέα. ἄλλοι δὲ που ἔ τὸν  
 vel ὁμοία λίθον τὸν μαρμάρεον ἀπὸ τοῦ δοκιμῆς, ψου-  
 ζόμενθ. δωνύμως ὀνυχίτῳ καλεῖσιν † δία τὸ καθαρόν  
 † δία τὸ ἀ- ἔλ λουκότητῶ.  
 καὶ βες ἔλ  
 λουκότης.

ΠΕΡΙ ΤΟΥ ΑΔΑΜΑΝΤΟΣ ΛΙ-  
 θου, ὃν καὶ αὐτὸν ἐφόρει ὁ ἀρχιερεὺς  
 τοῖς γνῶντ' εἰσδρχόμενθ εἰς  
 τὰ ἅγια τῇ ἁγίῳ.

Ο' λίθῶ δ' ἀδάμας ἐμφόρης ὅστις τῇ τῶν  
 χροῖαν ἔσ' ἀέει. τοῦτο δὲ ἐφόρει ὁ ἀρ-  
 χιερεὺς ὅτε εἰσῆρχετ' εἰς τὸ ἅγια τῇ ἁγίῳ.  
 τοῖς δὲ τοῦ γνῶντ' εἰσῆρχετ' : τῇ ἐορτῇ τοῦ  
 πάχα, ἔλ ποντηκῶς, καὶ ἔλ σκίωσπυγί-  
 ας. ὡς δὲ λέμενθ ὑπὸ τοῦ σῆθους τοῦ ἀρχιε-  
 ρεως

uertunt. Sunt & alij onychitæ æquiuoce dicti, qui ceræ, mellis colorē habentis, sunt similes. Aiunt autē aliqui eos ex aqua\* coire ac veluti congelari. Onychitas appellant à nativo eorū colore: quia elegantium virorum vnguis sit marmori similis, non sine colore sanguinis tamen. Alij verò sanè & ipsum marmor ab exploratione vnguis onychitā vocāt, falso nomine, propter puritatē albedinis. [*Alabastrites quidē lapis à Diosc. etiā Onyx vocatur.*] *texquisitū & politissimū*

DE ADAMANTE GEMMA, *leuorem, quam etiam gestabat summus Pontifex, dum ter in anno ingrediatur Sancta sanctorum.*

**A** Damas colore similis est aëri. Hunc gestabat summus Pōtifex in sancta sanctorum ingrediens. Ter verò in anno ingrediebāt, in Paschate, Pentecoste, & Tabernaculorū festo. Ponebatur aut sup pectus summi

# ΕΡΙΦΑΝΙΣ

ρέως ὅτε γνέδιδύσκετο τὸν ποδῆν, καὶ ἐ-  
 πάνω τοῦ ποδῆντος ἐπεγεδύκετο τὴν ἐπώ-  
 μιδα. κατέβαινε δὲ ἡ ἐπώμις ὀλίγον κατώ-  
 ττορον τοῦ σῆθους. ὡς γὰρ σπιδαμῆς καὶ ἡμι-  
 σείας τὸ μῆκος. ἐκ δεξιῶν δὲ καὶ ἐξ ὀνυνύ-  
 τ ὤμων μωρ ἐπάνωθεν τῶν τ μαζῶν, γ' ἔτα δύο ἀ-  
 σπιδίσκοι ἦσαν συνεζῶντες, ἀπὸ ἑνὸς  
 δύο σμάραγδοι. εἰς μέσον δὲ τούτων ὡς ἡ  
 τ ἦτοι ὁ δὴλωσις, τ ὅς ὡς ὁ δὴλωσις ἀδ' ἄμας, τὴν  
 δὴλ. χοιανὴν ἀερίζωρ. ἐπάνω δὲ τῶν ὤμων οἱ δὴλω-  
 θέντες δ' ὡς δὴλωσις. τοῖς δὲ ὡς εἶρηται τοῖς  
 γνέων τοῦ ἐδὴλωσις τοῦ λαοῦ ὅς τ' ὡς πετά-  
 λου. καὶ εἰ γν' ἀμαρτία εὐρέθησαν, καὶ μὴ γν'  
 ταῖς γν' τολαῖς, ἃς ἐδεδῶκει ὁ θεός, ἐτρέ-  
 πετο φασίμ ἡ χοιανὴ τοῦ λίθου, καὶ ἐγγύς με-  
 λας. καὶ ἐκ τούτου ἐγίνωσκον ὅτι θανάτου  
 ἐξ ἀπέσειλε λύειτο. ἡνίκα δὲ γν' μαχαίρας  
 αὐτῶν ἐπεμπον, ἐγγύς αἰμάτηντο : ὡς γν'  
 τῶ ἱερεμὶ καὶ φησὶν: Ἐξ ἀπέσειλεν τὸ λαὸν αὐτοῦ,  
 καὶ ἐξελθέτωσαν, ὅσοι εἰς θανάτου, εἰς θανάτου:  
 ὅσοι εἰς μάχαιραν, εἰς μάχαιραν: ὅσοι εἰς λι-  
 μὸν, εἰς λιμὸν: καὶ ὅσοι εἰς αἰχμαλωσίαν, εἰς  
 αἰχμαλωσίαν. εἰ δὲ ἐγίνετο ὡς εἰχλὼν λαμ-  
 πρὸς, ἐγίνωσκον ὁ λαὸς ὅτι οὐδ' αὖτις ἀμαρ-  
 τία.



sacerdotis, vbi is talarē vestē, & sup ta-  
 larē humerale induisset. Descēdebat † *Epomi-*  
 verò humerale paulò infra pect⁹. erat *dem: D.*  
 em eius longitudo \* do drātis cū dimi *Hierony.*  
 dio. A dextris & à sinistris \*\* supra ma *superhu-*  
 millas, vbi duo parua ceu scuta cōsu- *merale*  
 ta erāt, pēdebāt duo Smaragdi. In me *vertit.*  
 dio aut horū erat † \* Declaratio, q erat \* *αριδα-*  
 iā dictus Adamas, colore aērē referēs. *μῆς, pal-*  
 Sup humeros verò 12. iā indicatæ gē- *mi, D. Ie-*  
 mæ. Ter verò, vt dictū est, p annū ostē *ronymus.*  
 debāt (sic ornat⁹ pōtifex) populo cū \*\* in hu-  
 lamina aurea ††. Qd si in peccato dep *meris.*  
 hēderent, si in pceptis q dederat De⁹, † \* *δ' ὕλω-*  
 nō ambulassent, mutabāt, vt ferūt, co *ois.*  
 lor lapidis, & fiebat niger, hinc agno- †† *galero*  
 scebāt qd Dñs mortē missurus esset. *addita.*  
 Cū verò eos gladio pdere vellet, effi-  
 ciebat sanguinei coloris. vt p Hiere.  
 inqt: Emitte populū ipsius, & egrediā  
 tur: q cūq; ad mortē, ad mortē: q cūq;  
 ad gladiū, ad gladiū: q cūq; ad famē,  
 ad famē: q cūq; ad captiuitatē, ad ca-  
 ptiuitatē. Quod si vt nix splēderet, a-

# ΕΡΙΡΗΑΝΙΝΣ

τία: καὶ τότε ἑόρταζον: ὡς λέγει ὁ πεφθ-  
της: Ἑόρταζε Ἰουδα τὰς ἑορτάς σου, ἀπό-  
δοτε τὰς θυχάς σου: ποδῶναι κύριον τὰ ἁ-  
δικήματά σου. λελύτρωκέ σε ἐκ χειρὸς ἐχ-  
θρῶν σου. βασιλεύσει κύριον ἐν μέσῳ σου.  
οὐκ ὄψιν κακὰ οὐκέτι. διὸ ἐπὶ τῷ Ζαχαρίου  
τὸ πατὴρ Ἰωάννου ἐν τῇ ἑφμερίᾳ αὐτοῦ,  
ἐν τῇ πάχᾳ, λαμπρὸς ἐγένετο ὁ λίθος. τό-  
τε γὰρ ἀρχὴν ἔλαβε τοῦ ἱερατοῦ ἐν τῇ ἐν-  
αυτοῦ. ἐπὶ τῷ ὑδιόντι ἐτόρῃ ἀνελάμβανε τὸν  
ποδῆρην: ὅτε ἐπὶ βραδύνοντῃ τοῦ Ζαχαρίου  
εἰς τὰ ἅγια τῷ ἁγίῳ ἐν ἀγωνίᾳ ὡς ὁ λαὸς,  
μήποτε ἔσαι ὁ λίθος αὐτοῖς ἐλεγμὸς ἁμαρ-  
τίας. καὶ ἐξεληθόντῃ αὐτοῦ, καὶ γινόντῃ  
ὅτι μεγάλῃς δόξης ὁ πᾶσιαν ἑώρακον, ἐχά-  
ρησαν σφόδρα. Ἰωάννης γὰρ ὡς μέλλων γη-  
νᾶσθαι, ὁ ἄγγελος τοῦ Χειροῦ. διὸ ἐπὶ δεδο-

† πῆτα-ξασμένον ἢ † πῆπλον ἐφανῆ.

δου.

Επειδὴ δὲ καὶ τὰς δώδεκα φυλάς τοῦ  
Ἰσραὴλ οἱ δώδεκα λίθοι οὗτοι πεσετάχθη-  
† ἐγκάτα-σαν † ἐγκαταλεχθῆναι, ὡς εἶναι ἵνα λίθον  
κλειδῆ-πρὸς μίαν φυλὴν ἡρμοσμένον, ἐλδυσόμεθα  
ναί. καὶ τὴν πετοῖαν διαίρεσιμ, ὡς τὴν ἀνο-  
λουδίαν τῇ γεγραμμένῃ ὑπὸ τοῦ Ἰακώβ.  
ὅτε

gnoscebāt se nō peccasse, & tūc festū celebrabāt. Quēadmodū ppheta ait: Celebra festa tuā Iuda: redde vota tua: 68  
 Abstulit Dñs tuas iniquitates. Redemit 68  
 te è manibus hostiū tuorū. Regnabit 68  
 Dñs in medio tui. Nō videbis vlteriùs 68  
 mala. Idcirco etiā tēpore Zacharię pa 68  
 tris Ioānis, dū ad eū vices spectarēt, in 68  
 Paschate, splēdidus fuit lapis. Tū em̃ 68  
 cœpit hoc anno fungi sacerdotio. Se 68  
 quēte aut̃ alius tunicā talarē sumpsit: 68  
 qñ etiā tardante Zacharia in Sanctis 68  
 sanctorū, anxius erat populus, ne for- 68  
 te gēma eos redargueret. Cæterū ipso 68  
 egresso agnoscētes, q̃ magnæ glorię 68  
 visionē vidisset, valde exhilarati sunt. 68  
 Nasciturus enim erat Ioannes prēnū- 68  
 cius Christi. quapropter etiam lami- 68  
 na aurea glorificata apparuit.

Quñ verò isti 12. lapides iussi sunt in-  
 feri in Rationale, secūdū 12. trib⁹ Israē  
 liticas, vt vnusq̃q̃ lapis vni tribui re-  
 sponderet, veniā iuxta diuisionē præ-  
 cedentem ad filiorum Iacobo nato-



# ΕΡΙΡΗΑΝΙΥΣ

οὕτω γὰρ ὅτιν ἀρμόδιον σωτῆρην αὐ-  
τούς.

Γαῖδ' οὐ Λείας β. Ροβλὺ, σάρδιον: Συμε-  
ὼν, ὁ πάριον: Λοβὶ, σμαράγδιθ: Ιουδάας,  
αὐθραξ.

Γαῖδ' οὐ Βαλλᾶς β. Ἡ Βαλλὰ παιδίση  
κὺν ῥι Ραχὴλ. Ἐπεὶ ὅκ' ἐκτίε, δίδωσι βῆ Ια-  
κὼβ αὐτὴν γυνᾶν πρὸς ὃ ποιῆσαι παῖ-  
δας. εἰσὶ δὲ ὅτοι: Δαν, σάπφειθ: Νεφθα-  
λείμ, ἱάσις.

Γαῖδ' οὐ Ζελφᾶς β. Ἡ Ζελφὰ παιδίση  
κὺν ῥι Λείας, καὶ δίδωσι βῆ Ιακὼβ γυνᾶν  
πρὸς τὸ ποιῆσαι παῖδας. εἰσὶ δὲ ὅτοι: Γὰδ,  
Λιγύειον: Ασηρ, ἀχάτης.

Γαῖδ' οὐ Λείας β. Ισάχαρ, ἀμέθυςθ: Ζα-  
βουλὼν, χρυσόλιθθ.

Γαῖδ' οὐ Ραχὴλ β. Ιωσήφ, βηρύμιον: Βε-  
νιαμίμ, ὀνύχιον.

Οὗτοι εἰσὶν οἱ ἡγεμόνες οἱ δώδεκα λίθοι  
καθ' ἑκάστω φυλῇ τοῦ Ισραὴλ.

Τ Ε Λ Ο Σ.



rū seriē. ita em̃ cōuenit eos (filios Iacobi & lapides) idoneo ordine cōiungi.

Filij Leæ quatuor. Ruben, Sardius: Symeon, Topazius: Leui, Smaragdus: Iudas, Carbunculus.

Filij Bilhæ, duo. Bilha ancilla erat Rachelis. Rachel verò cū nō pāreret, dedit eam Iacobo in vxorem, vt filios ex ea susciperet: nati aut sunt ex ea: Dan, Sapphirus: Nephthali, Iaspis.

Filij Zilpæ, duo. Zilpa ancilla erat Leæ, & dedit eam Lea Iacobo in vxorem, vt ex ea filios procrearet. sunt verò isti: Gad, Ligyrius: Aser, Achates.

Filij Leæ, duo: Isaschar, Amethystus: Zabulon, Chrysolithus.

Filij Rachelis, duo: Ioseph, Beryllus: Benjamin, Onychium.

Hæ sunt 12. gemmę, vnicuiq; tribui Israëlitis respondentes.

FINIS.

# COROLLARIUM CONRADI GESNERI

in Epiphanij de XII. gem-  
mis libellum.

*Rationale Aaronis, Pectorale iudicij, Λό-  
γιον ἢ λογιῶν, Hosēn Hebraice: distinctū  
coloribus quinque: aureo, hyacinthino, pur-  
pureo, coccino, lussino.*

Sardonij in  
humero.

Alterā in  
altero.

|                                    |                               |                                |
|------------------------------------|-------------------------------|--------------------------------|
| 1.<br>Sardius.<br>Ruben L.         | 2.<br>Topazius.<br>Symeon L.  | 3.<br>Smaragdus.<br>Leui L.    |
| 4.<br>Carbunculus.<br>Iudas L.     | 5.<br>Sapphirus.<br>Dan B.    | 6.<br>Iaspis.<br>Nephthali B.  |
| V R I M.<br>T H V M.<br>M I M.     |                               |                                |
| 7.<br>Lyncurius.<br>Gad. Z.        | 8.<br>Achates.<br>Aser Z.     | 9.<br>Amethystus.<br>Iachar L. |
| 10.<br>Chrysolithus.<br>Zabulon L. | 11.<br>Beryllus.<br>Ioseph R. | 12.<br>Onyx.<br>Beniamin R.    |

In hac

**I**N hac tabella proposui gēmas XII. In numero, totidem Israelis tribubus accommodatas, iuxta Epiphanium: hoc ordine, vt prima gemma filio primogenito, hoc est, maximo natu tribuatur, vltima vltimo & minimo natu: secunda secundo, & reliquæ reliquis, secundum ætatis ordinem: sicut etiam in duabus humerorum maioribus gemmis, quas Sardonyches interpretantur, dextræ quidem sena maiorum natu filiorum Israël in sculpta erant nomina, sinistræ verò totidē minorum. Addidimus autem singulis literam maiusculam, quæ matris cuiusq; nomen indicat: L. Leæ. Z. ancilæ eius. R. Rachelis. B. Balæ, ancilæ eius.

Colores, si cui addere libeat, rotundam aut quadratam figuram in quoque spacio designet: & colores addantur, vt hîc subiecimus. I. In primi loci figura, color Sardij, id est, Carniolæ dictæ gemmæ, quæ apud aurifa-



## DE XII. GEMMIS

bro & locupletiores facile inueni-  
tur, vt & sequentiũ pleræq. Non pos-  
sunt autem verbis satis rectè describi  
colores multi, qui ex rebus ipsis inspe-  
ctis meliùs pingentur. In secundo  
& tertio loco Topazius & Smarag-  
dus vulgò non sunt. Similiter in 5.  
6.8. & 12. Sapphirus, Iaspis, Achates,  
& Onyx, omnibus ferè iisdem nomi-  
nibus per diuersas linguas seruatis no-  
scuntur. Et cum pleræq. plures habe-  
ant species, deligi possunt, quarum e-  
legantior in suo genere color est, aut  
qui in eodẽ frequentior habetur. Pro  
Onyche, *Onychel* Germanis dictus,  
vel *Chalcedonius* vulgò (*Rasedonier*)  
albicans pingatur. In quarto loco  
pro Carbunculo, *Rubinus*. In septi-  
mo pro Lyncurio, *Succinũ* aurei co-  
loris. In nono *Amethystus* orienta-  
lis apud Germanos cognominatus.  
In decimo pro *Chrysolitho*, *Hya-*  
*cinthus* vulgò dictus. nomina enim  
sunt permutata. In vndecimo *Be-*  
*ryllus*



ryllus est, cui figura cylindri, & color  
cæruleus dilutus conuenient. De-  
cebit etiam singulas linea latiuscula  
aurei coloris ambiri. auro enim in Ra-  
tionali inclusæ erant. Postremò cū  
distincta sint spacia quinque transuer-  
sa, coloribus totidē, vt in Sacris præ-  
cipiuntur, exornari poterunt: Spaciū  
primum siue supremum, purpureo, si  
ue rubro cui aliquid nigri admixtum  
sit. Secundum, hyacinthino siue ian-  
thino, qualis in viola Martia est, aut  
paulò saturatior ad cæruleum vergēs.  
Tertium, aureo. Quartum, puniceo  
siue cocci, id est, scarlati vulgò dicti  
colore. Quintum, byssino. est autem  
byssi color splendidus, auroque simi-  
lis, sed dilutior. Denique gemæ ij. in v-  
troque humero, cum Onyches sint,  
eodem cum duodecima gemma calo-  
re pingentur. At si quis Sardonyches  
interpretari malit, nigredo sit in imo,  
candor in medio, rubor in summo, iu-  
xta D. Augustinum in Psalmum 86.

GEMMARVM IN RA-  
tionali omniū, nomina in diuer-  
fis linguis, secundū diuer-  
sos interpretes.

*Hebraica nomina ex Biblijs sumpsimus.  
Græca, ex trāslatione LXX. interpretū.  
Latina, ex diui Hieronymi interpretatio-  
ne: qui LXX. interpretes sequitur: sicut &  
Philo & Iosephus ferè in Græcis.*

**S**ardius. *Σαρδίογ.* Hebræis *רובין*, à ru-  
bore sic dictus, vt videtur: vnde &  
Iudæi nostri seculi vulgò Rubinū in-  
terpretātur: Chaldaicus interpres Bi-  
bliorum Samkan, vt Paulus Fagius an-  
notauit: cuius Commentaria in Exo-  
dum nos consulimus. Est autem ad-  
hibenda fides Lxx. interpretibus Græ-  
cis, circa nomenclaturas rerum saltē,  
potiùs quàm Iudæis: qui postquam à  
Deo reprobati sunt, vt cæcitate erga  
filium

ilium eius, ita summa ignorantia suæ  
etiam linguæ vocabulorum, laborât.

Iosephus hoc loco Sardonychem  
interpretatur: vnde decimam verò gem-  
mam, quæ Schoham Hebraicè dici-  
tur, onychem: cum eodē nomine ma-  
ximas in humeris pontificis gemmas,  
Sardonyches interpretetur. tanta est  
inconstantia. Mihi hoc in loco Sar-  
dium verti placet. Schoham verò vn-  
decimo loco Onychem interpreta-  
ri, in humeris verò Sardonychem, nō  
est absurdum: cum duæ hæ gemmæ  
vnius generis species sint: Sardonyx  
autem Onyche preciosior. quare Sar-  
donyches [*Smaragdi, secundum LXX.*]  
duæ magnæ, tanquam nobilissimæ,  
aut lucidissimæ certè gemmæ, supra  
cæteras seorsim in humeris poneban-  
tur. Ex cæteris enim vt aliquæ etiam  
maioris precij fortè sint, non æquè ta-  
men splendent, aut ad eam certè ma-  
gnitudinem non accedunt.



Topazius. *τοπάζιον*, Hebr. Pitdah. *פִּטְדָּה*. Chaldæus vertit Iarkan. Iarok quidem Hebræis virorem significat: & gemmam viridem esse dicunt: unde quidam (Iudæi) Smaragdum interpretantur. R. Ionas ait hunc lapidem Arabicè vocari Smerad. Sed potiùs fuerit Topazius, nomine etiam non dissimili, si primam syllabā adijcias. Epiphanius quidem Topaziū supra Carbunculū rubere scribit: ego splendere potiùs quàm rubere dixerim. Mirificè enim fulget: exitq; eius fulgor in colorem auro similem: & cum interdiu non facilè possit videri, quod radij Solis ei similes circūcirca resplendeant: noctu conspicitur ab his qui eam colligunt. Sed neq; virore caret: & cum succum porri fermè referat, sicut ab hoc ipsa dicta prasitis gemma Theophrasto, Prasius alijs: ab hac tamen differt, quòd nō tranlluceat modò, sed etiam mirificè fulgeat. Duo e-  
ius



iūs genera faciunt, prasoidem, atque chrysopteron, similem chrysopraso. Videtur autem eadem & Chrysolampis Plinij: quæ pallidi coloris die est, noctu ignei: qua ratione forsan Epiphanium aliquis defenderit, quasi ad nocturnum eius colorem respexerit.

Pas, פס, Hebræis aurum bonum & purum sonat: etsi quidam gemmas interpretatur, Psalmis 19. & 21. pro quo Cantici Salomonis quinto Mupas, מופס, scribitur, vt citat Munsterus in Hebraicolatino Lexico: at Biblia ab ipso edita, eo in loco simpliciter pas, non mupas habent. inuenio & Vpas, ופס, in Lexico trilingui Munsteri, ne scio quàm rectè: à quolibet autē horum Topazij nomen deduci potuit, quod aurum optimum suo colore ac splendore æmuletur. Author est Plinius circa Thebaidis Alabastrum nasci Topazium: vnde subit, corruptū esse Epiphaniij hunc locum de Topazio, ὑποδείξαντες ἀλάβαστρον πσιρ, &c.

## DE XII. GEMMIS

### III.

Smaragdus. Hebr. Bareket, ברקת. *Σμαράγδος* Lxx: cū supra Schoham verterint Smaragdum, quam nos potius Onychem aut Sardonychem esse diximus. Symmachus Ceraunium reddidit. Chaldaeus transfert Barkan. Barak quidem fulgur & fulgorem significat: qua origine inductus Fagius, cum Iudæis recentioribus carbunculum interpretatur. De Ceraunio vel Ceraunia gemma (nam & lapis est eiusdem nominis) quæ species est asteriæ, plura dicam in libro De figuris lapidum cap. 4.

### III.

Carbunculus. *κόμης*. Hebraicè Noppek, vel Nophech, נפק. Rabi David Kimhi in libro Radicū dicit esse gemmam nigri coloris, ut Fagius citat: ut alius quidam, colore fusco & rutilante. Sunt qui rubinum vulgò dictū esse putent, Munsterus: hunc solum locū & Ezechielis 27. citans. Diuus Hiero-

ronymus Comment. in Eſaiam lib. 3. cap. 6. Calculus iſte (inquit) qui à ſolis Lxx. anthrax, id eſt, Carbunculus eſt interpretatus, poteſt non carbonem ſignificare vel prumam, vt pleriq; exiſtimant: ſed Anthraca, id eſt Carbunculum lapidem, qui ob coloris flammei ſimilitudinē igneus appellatur. Sic ille: ſed Hebraicè legitur rizpah, רִזְפָּה. Idem ad Damafum in Episto-  
la cuius initium, Septuaginta: Calculo, inquit, Sephora filium circuncidit, [*at hic Hebraicè legitur xor, non nophok, & ſilicem ſignificat.*] & Ieſus populum purgat à vitijs, & in Apocalypſi Dominus pollicetur vincentibus, vt accipiant calculum, & ſcribāt ſuper eum nomen nouum. Videntur autem mihi & Lxx. in eo quòd anthraca trāſtulerunt, idem ſenſiſſe quod cæteri. anthrax quippe quem nos Carbunculū interpretamur, genus eſt lapidis fulgidi atq; nitentis, quem etiam in XII. lapidibus inuenimus.

## DE XII. GEMMIS

### V.

Sapphirus. Σάπφειρος. Hebr. Sappir, ספיר. Esse quidem hanc Sapphirū vel ipsum Hebraicum nomen loquitur: vt non sint audiendi Iudei, qui gemmæ huic colorem rubrum aut candidum tribuunt: aliqui tamen aërei, id est, subcœrulei coloris esse rectè scribunt. Sunt qui crySTALLUM vertant. R. Dauid Kimhi in radicibus tradit lapidem esse qui super incudem non rumpatur, sed incus potiùs: albi & puri coloris: quæ duo Adamanti, non Sapphiro conueniunt.

### VI.

Iaspis. Ἰάσπις. Hebraicè Iahalom, יָהֳלוֹם. Munsterus & Fagius Adamantē reddūt. De hoc Abenezra sic scribit: Magnus sapiens Hispanus dicit eum esse lapidem, qui alio nomine almas [*corruptum pro adamas*] vocetur: & frangat omnes lapides, atq; etiam bedellium [*vniones aliqui interpretantur*] perforet: à verbo halam, quod est percutere,



tere, contundere, ut iod in principio litera adiectitia sit. In medio Rationalis Deus ponere iussit Vrim & Thummim, Lxx. vertunt *δύλωσιμ καὶ ἀλήθειαν*, id est, doctrinam & veritatē, ut quidam interpretantur. Epiphanius Adamantem, sicut & Suidas in vocabulo *Ἐφῶδ*. Non rectē tamē hūc in medio Sardonychum (Smaragdos ipsi interpretantur) collocant. Sardonyches enim in humeris locabantur, Vrim & Thummim in medio Rationalis supra ipsum cor. Porro de Vrim & Thummim sententias authorum multas variasq̃, recitant, Fagius in Commentarijs in Exodum cap. 28. & Munsterus in Annotationib⁹ suis.

Ego iahalom Hebræis Adamantem esse censeo: nam schamir Hebraica dictio, quam Ezechielis 3. & Zachariæ 7. adamantem reddunt plerique omnes, nō hunc, sed lapidem smirin Græcis dictum, ab Hebræis nimirum factō nomine, significare mihi videtur.

(A)

## DE XII. GEMMIS

Idem nomen Germani ferè seruant, ein Smirgel. Cæterùm iaspidis aliud nomen Hebraicū infrà numero XII. proferemus.

### VII.

Lyncurius. Λυγκύριον, Lxx. etsi codex noster perperam habet ἀγγύριον. Hebraicè Leschem, לשח. Epiphanius, & secutus eum Hieronymus, eandem Hyacintho gemmam esse suspiciatur. Iudæi Turcicam vulgò dictam esse putant. Ego Lyncurium à Succino non differre video : & id quoq; pro gemma habitum olim, præsertim quod aureo colore pellucet ac splendet, minime dubito. Et fortè Leschem vel Lessem vox, ad Glessum accedit: quo nomine veteres Germanos Succinū appellasse Plinius refert. hodie quidem exoleuit.

### VIII.

Achates. Αχάτης. Hebraicè Schebo, שבו. R. David Kimhi tradit hanc gemmam ad hyacinthinum colorem declina-

clinare. Chaldæ<sup>9</sup> vertit Torkia, תורקיה, Turcicam vulgò dictam nimirum intelligens.

## IX.

Amethystus. Αμέθυστος. Hebraicè Achlamah, vel Ahalamah, אכלמה. Videtur autem Grammaticis ludæorū derivari hoc nomen à chalom, id est, somnio: quòd qui gestat, semper somnia videat. Chaldaicè vocat, En eglas, ענא עגלא, id est, oculus vituli, à similitudine.

## X.

Chrysolithus. Χρυσόλιθος. Hebraicè Tarschisch, תרשיש. Hanc R. David Kimhi coloris cærulei facit. Videtur autem à mari, vnde provenit (inquit Fagius) nomen suum acceperisse. Quare & Paraphrastes Chaldæus trāsferit, תרשיש ים, Karus iama, si rectè lego. Manus eius quasi sphærulæ aureæ, habētes inclusum Tarschisch (Tharsis, Munsterus,) Cantici 5. Sunt ex eruditissimis Rabinis, qui Hyacinthum interpre-

## DE XII. GEMMIS

tentur, Munstero teste: dicentes habere formam Tekelet, תכלת: quod nomen est pro colore hyacinthino seu cæruleo lanæ aut serici, semper accipi video in Sacris, nusquam autem pro gemma. Tharsis quidē alijs in locis alij interpretantur mare, portum vel nauale, insulam, Aphricam. Mihi hoc in loco Hyacinthum vertere placuerit: quoniam aliud nullum huius gemmæ Hebraicum nomen inuenimus: & habet hæc quoq; maris subcæruleum colorem: ea præsertim Hyacinthi species, quam Veneti aut violacei coloris esse legimus, & imitari sapphirum. Et si ex nominis similitudine Tharsis, Turcicam vlgò vocatam esse aliquis cōiecerit: quæ itidē cærulei coloris est. sed prior opinio magis arridet.

### XI.

Onyx, vel Onychinus vt D. Hieronymi interpretatio habet: præstat autem onychem, vel onychium voce diminutiua dicere. Septuaginta hoc in loco



Beryllium, *Βηρύλλιον*: sequente autem, & ultimo Onychium, *ὄνυχιον*, posuerunt, sicuti & Iosephus. Hebraicè legitur Schoham, שׁוֹהַם: Erant autem Schoham duo magni, etiam in humeris Epomidis, Lxx. Smaragdos verterunt, Iosephus Sardonyches, cū hoc in loco onychem vertat. lege suprā quæ in Gemmæ primæ explicatione scripsimus. Iudæus quidam Bibliorum paraphrastes, ferè ubiq; vertit בורלא, *Bur la*, quæ vox ad Beryllum accedere videtur, inquit Fagius. Phison fluuius circuit totam terram Hauilah: in qua est aurum bonum, & Bdolah, [*vel Bedolah: quod alij aliter interpretantur,*] & Schoham, Geneseos 2. Augustinus Steuchus in recognitione in Vetus Testamētum: Variatur, inquit, in hoc lapide Schoham: quem Aquila, Symmachus & Theodotion, Onychinū sunt interpretati, quos sequitur Pagninus in suo Thesauro. Septuaginta lapidem Prasimum. Schoham, inquit

## DE XII. GEMMIS

Agon Hebræus, lapis est preciosus, candidus & permixtus, (quod Onychi conuenire videtur,) vt citat Auen Ezra, se quidem ignorare professus. Vide plura superiùs de Hebraico hoc vocabulo in prima gemma.

### XII.

Beryllus, vel Beryllium, Lxx. & Iosepho interpretibus. Vide proximè retro, numero XI. Hebraicum nomé est Iaschpheh, יַשְׁפֶּה, quod ad Iaspidé Græcis & Latinis vsitatū vocabulum ita accedit, vt minimè dubitandū videatur, quin hæc verè sit Iaspis: non quæ sexto loco Iahalom Hebraicè dicitur, & Iaspis à quibusdam vertitur, cum sit Adamas.

Hæc de duodecim Gemmis Rationalis siue potiùs Oraculi pontificij.

Porrò Ezechielis cap. 28. in thesauris (vel in diademate) principis Tyri, ex duodecim iam dictis, nominantur nouem, in Hebraico textu: à Lxx. versò & D. Hieronymo iidem omnes, vna

nā cum auro & argento. Et fortè ἀργύριον in textu scriptum fuit: λιγύριον verò in margine ad emendationē adscriptum, irrepsit postea in textum. in Hebraico enim auri tantum mentio fit, argenti nulla. & Exodi etiam cap. 28. ἀργύριον pro λιγύριον malè legi, iam monui.

Postremò Apocalypseos cap. 21. de Hierusalem ciuitate cœlesti sic legimus: Et lumen eius simile lapidi preciosissimo, tanquā lapidi iaspidi crystallisanti. Et habebat murum magnū & altum, cum portis duodecim, &c. Eratq; structura muri eius ex iaspide: & ciuitas aurum purum, similis vitro puro. Et fundamenta muri omni lapide precioso ornata. Fundamentum primum, iaspis. Secundū, Sapphirus. Tertium, † Chalcedonius. Quartum, Smaragdus. Quintum, Sardonyx. Sextum, Sardius. Septimum, Chrysolithus. Octauum, Beryllus. Nonum, Topazius. De-

† Car-  
chedo-  
nius.

## DE XII. GEMMIS

„ cimum, Chrysoprasus. Undecimū,  
 „ Hyacinthus. Duodecimum, Ame-  
 „ thystus.

Ex hisce, octo nominantur etiam inter duodecim gemmas Rationalis Aaronis: at Chalcedonius, Sardonyx, Chrysoprasus & Hyacinthus, hîc nominati, in Rationali non inueniuntur: proq̃ ijs ponuntur Carbunculus, Lyncurius, Achates & Onychium. Potest autem pro Lyncurio intelligi Hyacinthus, vti Epiphanius etiam & Hieronymus coniiciunt. Pro Carchedonio [*sic enim legerim καρχηδόνις, non χαλκιδών, vel Chalcedonius, vt nostri Codices habent,*] Carbunculi species, Granatus vulgò dictus: pro Sardonyche, Onyx vel Onychium, cum sint congeneres, & Sardonyx è Sardio & Onyche mixtus. Atq; ita reliquū erit vt pro Schebo Hebraicum nomen in Rationali, quod Achaten interpretantur, nos Chrysoprasum reddamus, gemmam multò preciosiorem, & Aaronis or-  
natu



natu digniorem. Et sic ijdem duodecim vtrinque lapides fuerint.

Statueram in principio huius Corollarij, locos Sacræ scripturæ de pō-  
tificiali Aaronis ornatu (circa Ephod  
siue epomidē præsertim, & Essen [Ho-  
schen, quod & pectorale iudicij, ὁ-  
νυμὸν Ἀκείσας interpretantur] siue Ra-  
tionale in medio epomidis anteriore  
parte supra ipsam cordis sedem, duo-  
decim gemmis distinctum) recitare  
ad verbum: vt habentur Exodi capiti-  
bus 28. & 39. & Leuitici cap. 8. Dein-  
de Ezechielis 28. locum, in quo eadē  
ferè gemmæ nominantur: & ex nouo  
Testamēto Apocalypsews cap. 21. Sed  
cum hos locos quisque in suis Biblijs le-  
gere possit, breuitatis causa omisi.

Deinceps verò vt angustum quod  
supereft huius quaternionis spacium  
vel in Typographi gratiā expleatur,  
veterum quorundam loca argumen-  
to præsentī apprimè conuenientia,  
adscribam.

## DE XII. GEMMIS

Ephodem Iosephus Antiquitatum Iudaicarum libro tertio capite octauo, Græcanicæ epomidi similem facit. In huius medio (circa pectus medium) lacuna quædam relinquebatur, cui inferebatur frustū ijsdem coloribus, quibus ephodes, variegatū. Id vocabatur essen, ac si dicas Rationale: & lacunam adamussim explebat. In utroque autem humero singuli sardoniches, fibularum vice epomidem annectebant.

Ceterum de bello Iudaico libro sexto capite sexto: Epomis, inquit, thoraci similis videbatur: duabus aureis aspidum [*scutorum*] specie vinciebatur: quibus inclusi erant optimi maximique sardoniches. Rursus Antiquitatum libro tertio capite nono: Sardoniches, inquit, quos pontifex in humeris gestabat, mirè splendebant: is qui dextrum humerum occupabat, quoties litatum esset, tanto fulgore emisso, ut procul etiam in-

tuen-

uentibus conspiceretur, idq; præ-  
 ter naturam suam & consuetudinem:  
*[quasi & aliàs fulgere soliti, sed non adeò.]*  
 Per duodecim verò gemmās, quas in  
 in pectore pontifex insutas essēni ge-  
 stat, in bello victoriam prænunciare,  
 Deus solebat. nam prius quàm exer-  
 citus se moueret, tantus fulgor ex eis  
 emicabat, vt toti populo facilè inno-  
 tesceret, adesse Deū, opēmque & au-  
 xilium suum inuocantibus esse alla-  
 turum. quapropter Græci, quotquot  
 à religione nostrā non abhorrēt, cum  
 hoc miraculum pro compertissimo  
 habeāt, ita vt negari non possit, essē-  
 na vocant λόγιον, hoc est, oraculum.  
 Sed desijt tam essen quàm sardonix  
 fulgorem emittere, annis ducentis an-  
 tequam hæc commentaremur, irato  
 Deo propter legum suarum præuari-  
 cationem. Hæc ille. Plura au-  
 tem de Ephod leges apud  
 Suidam in vocabu-  
 lo Εφὸς.

DE XII. GEMMIS  
EX COMMENTARIORVM  
diui Hieronymi libro 15. in Esa-  
iam cap. 54.

**D**E natura duodecim lapidũ atq;  
gemmarum non est huius tem-  
poris dicere, cum & Græcorum plu-  
rimi scripserint, & Latinorum: è qui-  
bus duos tantũ nominabo, virum  
sanctæ & venerabilis memoriæ epi-  
scopum Epiphanium: qui insigne no-  
bis ingenij & eruditionis suę reliquit  
volumen, quod inscripsit πὸς λίθων.  
Et Plinium Secundum, &c. Cæterũ  
ex duodecim lapidum in Rationali  
Aaronis positorum numero in qua-  
tuor ordines diuiso, secundus habet  
carbunculum, sapphirum & iaspidẽ:  
qui tres itidem hoc in capite Esaia  
54. simul nominãtur. Quare de tribus  
his tantũ dicemus in præsentia.

Carbunculus igitur videt̃ mihi igni-  
tus sermo doctrinæ, qui fugato erro-  
re tenebrarum, illuminat corda cre-  
den-



entiū, † &c. Porro Sapphirus qui  
onitur in fundamentis, coeli habet  
militudinem, & supra nos aëris. Eze  
hielis quoq; scriptura commemo-  
at: quòd locus in quo thronus Dei  
t, sapphiri habeat similitudinem, &  
loria Domini in hoc colore confi-  
tat, qui portat imaginem supercoeles-  
tis. Sed propugnacula vrbis Domini  
æ, hoc est, murorum mœnia, iaspide  
oborantur: qui possunt omnem alti-  
tudinem eleuantem se contra scien-  
iam Dei destruere atq; conuincere,  
& mendacium subijcere veritati. Qui  
ergo in disputando fortissimus est, &  
anctarum scripturarum testimonijs  
oboratus, iste propugnaculum Ec-  
clesiæ est. Iaspidium multa sunt gene-  
a: [*videtur hæc ex Epiphanio transtulisse,*  
*et si parum bene, & in quibusdam varians:*]  
Alius est enim Smaragdi habens simi-  
tudinem: qui reperitur in fontibus  
Thermodoontis fluminis, & vocatur  
N. quo omnia phantasmata fugari au


## DE XII. GEMMIS

tumant. Alius viridior mari, & tinctus  
quasi floribus. hunc in Phrygiæ mon-  
te Ida, & in profundissimis specubus  
eius nasci referunt. Alium verò iuxta  
Iberos Hyrcanosq;, & mare Caspium  
reperiri, & præcipuè iuxta locū Neu-  
fin. Est & alius Iaspis niui & spuma  
marinorum fluctuum similis, & ele-  
menter quasi mixto cruore subruti-  
lans. Hoc diximus ut vniuersas gra-  
tias spirituales in Ecclesiæ propugna-  
culis cognoscamus: quas qui habue-  
rit, vanos timores fugat, & potest cū  
sponsa dicere; Frater uelis meus candi-  
dus & rubicundus. Portæ autem i-  
stius ciuitatis de lapide sunt crystal-  
lo: qui scalpitur varijs modis: quo la-  
pide nihil purius est. Deniq; vehemen-  
tissimis alpium frigoribus, & inaccessi-  
bis Soli speluncis, concrefcere aqua  
dicuntur in crystallum, & tactu qui-  
dem lapidem, visu aquam esse, &c.

Quod ad colores, quibus ut vela  
templi, ita & Pontificis Epomis & Ra-  
tio-

tionale distinguebantur, (aureū, byssinum, coccinum seu puniceum, purpureum, & hyacinthinum vel ianthinum,) de ijs hîc quicquam adferre, angustia temporis & loci excludimur. Cui vacat & libet, legat Iosephum Antiquitatum 3. 8. & Philonem de vita Moſis libro tertio: & Originem  
Homilia nona in Ex-  
odum.

**F I N I S.**





DE GEMMIS

ALIQVOT, IIS

PRÆSERTIM QV ARVM

*Diuus Ioannes Apostolus in sua Apocalypsi  
meminit : De alijs quoque , quarum vsus hoc  
æui apud omnes percrebruit, Libri duo : Theo  
logis non minùs vtilis quàm Philosophis . &  
omnino felicioribus ingenijs periucundi, è non  
vulgaribus vtriusque philosophiæ adytis de  
prompti : authore Francisco Rueo,*

*Doctore medico Insu-  
lano.*

**Editio secunda. nam prima mutila, & in-  
scio authore edita fuerat.**



TIGVRI M. D. LXVI.

*AVTHORES IN HIS  
libris citati.*

|                                |                              |
|--------------------------------|------------------------------|
| <b>Aëtius</b>                  | <b>Ioannes Manardus</b>      |
| <b>Albertus Magnus</b>         | <b>Marbodeus poeta Gal-</b>  |
| <b>Antonius Lodoicüs</b>       | <b>lus</b>                   |
| <b>Apuleius</b>                | <b>Marfilius Ficinus</b>     |
| <b>Aristoteles</b>             | <b>Nicolaus Florentinus</b>  |
| <b>Arnoldus à Villa noua</b>   | <b>Numenius</b>              |
| <b>Auerrois</b>                | <b>Paulus Aegineta</b>       |
| <b>D. Augustinus</b>           | <b>Petrus Aponensis</b>      |
| <b>Aulus Gellius</b>           | <b>Petrus Crinitus</b>       |
| <b>Carolus Bouillus</b>        | <b>Plato</b>                 |
| <b>C. Plinius</b>              | <b>Plotinus</b>              |
| <b>Dioscorides</b>             | <b>Rafes</b>                 |
| <b>Galenus</b>                 | <b>Solinus</b>               |
| <b>Georgius Pictorius Vil-</b> | <b>Theodoretus Cyrensis</b>  |
| <b>lingensis</b>               | <b>episcopus</b>             |
| <b>Halyabbas</b>               | <b>Theophrastus</b>          |
| <b>Hermolaus</b>               | <b>Thomas Aquinas</b>        |
| <b>Hieronymus Hunge-</b>       | <b>Vincentius in Speculo</b> |
| <b>stus</b>                    | <b>naturalis historiae.</b>  |
| <b>Iamblichus</b>              |                              |

## LIBRI PRIMI CAPITA.

- |                               |                              |
|-------------------------------|------------------------------|
| 1. <i>Lapidū &amp; Gem</i>    | <i>Gemmarum pro-</i>         |
| <i>rum generationis</i>       | <i>prietates occultæ.</i>    |
| <i>caussæ.</i>                | 3. <i>De ratione et cau-</i> |
| 2. <i>Quid sint, &amp; vn</i> | <i>sis viriū in Gem-</i>     |
| <i>de vim sortiatur,</i>      | <i>mis.</i>                  |

## LIBRI SECVNDI PARS

prima, De Gemmis. XIII.

in D. Ioan. Apocalypsi

memoratis.

- |                                 |                            |
|---------------------------------|----------------------------|
| Cap. 1. <i>De Iaspidis dif-</i> | 7. <i>De Chrysolitho.</i>  |
| <i>feretijs &amp; virib.</i>    | 8. <i>De Beryllo.</i>      |
| 3. <i>De Sapphiro.</i>          | 9. <i>De Topazio.</i>      |
| 3. <i>De Carchedonio.</i>       | 10. <i>De Chrysopraso.</i> |
| 4. <i>De Smaragdo.</i>          | 11. <i>De Amethysto.</i>   |
| 5. <i>De Sardonyche.</i>        | 12. <i>De Hyacintho.</i>   |
| 6. <i>De Sardio.</i>            | 13. <i>De Margaritis.</i>  |

## PARS II. DE CAETERIS A-

l quot Gemmis & lapidibus.

- |                             |                          |
|-----------------------------|--------------------------|
| Cap. 14. <i>De Caribun-</i> | 16. <i>De Achate.</i>    |
| <i>culis.</i>               | 17. <i>De Alectorio.</i> |
| 15. <i>De Adamante.</i>     | 18. <i>De Torcoide.</i>  |

- |                    |                    |
|--------------------|--------------------|
| 19. De Corallio.   | 25. De Hematite.   |
| 20. De Corneolo.   | 26. De Succino.    |
| 21. De Cyaneo.     | 27. De fictitiarum |
| 22. De Chelidonio. | à veris Gemmis     |
| 23. De Aetite.     | differentia.       |
| 24. De Magnete.    |                    |

• His subijciuntur:

*Excerpta quædam ex Authoris Epistola apologetica, qua de figuris, quæ insculpuntur Gemmis, agitur.*

• *PASCHASII Balduini Canonici Phalempinensis ad Fr. Rueum Epistola erudita: qua super his duobus Ruei libris iudiciũ cõtinetur primũ: deinde de Hebraicis Gemmarum nominibus, deq; earum admiratione, usu, abusu & viribus tractatur.*

DE



# DE GEMMARVM

## ORTV, LIBER

### PRIMVS.

*De lapidum & Gemmarum genera-  
tionis causis diuersis. Ca-  
put I.*



Numquenq; lapidem ex altero maximè duorū elementorum, terra scilicet vel aqua, conflare apud omnes rerum naturalium peritos, tam in confessio est atque naturali rationi peruium, vt nullus, ni vel leberide cæcior, addubitarit. Porro qui lapides non perspicui sunt, ex terrea crassioreq; quadam substātia, humido tenaci perfusa, generationis materiam mutati sunt. Qui verò pellucidi visuntur, ex aqua præsertim consistunt, cui subtilis quædam terrea nec obscura materies immixta est, vt & in crystal-

Non perspicuorum lapillorū causæ.  
Pellucidarum Gemmarū causæ.

## FRANCISCI RVEI

lo ac beryllo glaciei speciem planè re-  
ferentibus videre est. Quanquã & hæc  
intelligi velim, nõ quòd duo reliqua  
rerum principia, ignem dico ac aërẽ,  
ab illorum mixtura separem. Apud  
principes nanque philosophos com-  
plures conuenit, Omne mixtum ex  
quatuor elementis constare. Verum-  
enimuerò ita quæ diximus accipien-  
da sunt vt alterum illorum, terram ni-  
mirum vel aquã, in quouis lapide præ-  
cellere intelligas, etiamsi aliter Ploti-  
nus sentire videri possit, de quo alibi  
fusuẽ egimus.

Lapillorũ  
caussa effi-  
ciens du-  
plex.

Quòd autem ad effectricem voca-  
tam causam attinet, duplicem eam  
vtriusque philosophiæ principes nu-  
merarunt: altera nanque suprema, al-  
tera verò inferior. Princeps causa est  
Deus. Deus ipse Optimus Maximus, rerum  
omnium creator & seruator, in quo,  
cum quo, & per quem sunt omnia, &  
sine quo (diuo Ioanne Apostolo te-  
ste) nihil factum est. Quem & Aristoteles

teles Ens entium, supremámque vocabat intelligentiam, asserens omne opus naturæ, opus esse intelligentiæ. Illum itaque Deum, vt omnium rerum creatorem, ita singulorum primariam & simpliciter necessariã causam, vt etiam lapillorum gemmarúmque, Christiani omnes norunt. Quandoquidem sapientis est oraculum: Qui viuit in æternum, creauit omnia simul: quod equidem bifariam interpretatum inuenio: Quibusdam quod dicitur simul, non ad creationis instans referentibus, verùm ad instãs propositi diuini, vt scilicet sit sensus, quòd Dominus Deus decreuit ab æterno omnia creare.

Simul creata omnia, quomodo

Ita enim librum Diuo Augustino relatum, qui de mirabilibus sacræ scripturæ inscribitur, habere reperio. Simul itaque Deus vniuersos lapides singuláque Gemmas creauit, dum videlicet vnica soláque sua voluntate multiformem quarumuis

FRANCISCI RVEI

specierum ac indiuiduorum diuersitatem fieri voluit: in qua voluntate v-nica simplicissimaq; singula simul fecit, quę ab eorum ortus principio per tempus dispensare non desistit. Quāuis & hīc accedere possit germanior forsan intellectus, cui philosophi cō-plures & non obscuri, ipsa quoq; ratio subscribunt: scilicet quòd Deus omnia simul creauit, dum omnium formarum ac rerum futurarum rudimentum, principium ac seminarium quoddam materię primę, ante generum, specierum atq; indiuiduorū discretionem, infudit. Illa siquidem materies, diuisionis adhuc & productionis expers, moles erat quędam informis, omnium tamen formarum seminio ab ipso creatore perfusa: vnde † tãdem, quando, & ijs medijs quibus supremus opifex ab æterno præscit & vult, perfecta rerum productio & fœtura extimularetur. Ideoq; & hi admittunt omnia quidē simul esse creata,

† tandē ali-  
quando



ta, non autem simul esse facta. Confirmat & id sententiæ diuus ille Augustinus super Genesim, adserens, q̃ quæ à natura generantur, secundum rationes seminales in materia consistētes, producuntur: quod & multo copiosius differuit tertio de Trinitate cap. 9. vt scilicet inaudias materiam in se habere, & quasi fouere cunctarū formarum rationes seminales sibi à primæua constitutione ingenitas insitas: ex quibus tandem, agentis actionem, pro modo, expertis, educantur extimulenturq̃ formæ naturales, elementorum commixtionem essentialiter consequentes, vt & hinc quæ in potentia materiæ tantummodo inerant verè, & (vt dicunt) in actum ab agentis actione producantur. Verùm de his alibi fusius. Nūc verò hæc de principe illa causa & Gemmarū plasmatore sufficiant. Quæ tametsi cunctis sat esse queant: quia tamen pulchrum, decorum atq̃ vtile est homi-

Causæ in-  
feriores se-  
cundæ, vel  
mediæ.

nihaud vsquequaque indocto, nosse  
quibus secundis medijsq; causis, vn-  
de cuncta de quibus disceptatur, ori-  
ginem capeffunt, non pigebit hoc lo-  
ci aliarum quoque inferiorum caus-  
farum commemorasse. hoc nanq; pa-  
cto fiet vt absolutior de his nostra sit  
traditio. Quanquam enim Deus om-  
nium sit cāussa immediata, quædam  
tamen solus, & citra alicuius coagen-  
tis admissionem, efficit: ideóque (vt  
aiunt Theologi) eorum causa est to-  
ta. Nonnunquam, sua liberalissima  
bonitate, cooperantes alias secū ad-  
sciscit affouétque causas, & hoc pro-  
pter connexionem vniuersi: ita tamē  
vt nulla alteri aduersetur. Proinde (vt  
inquit Bonauentura libro secundo,  
quæstione secunda, circa finem) quia  
diuina voluntas nō cognoscitur, nec  
ipsa ab actione excludit operatio-  
nem causæ creatæ: nec etiam ab eā-  
rum cognitionē humanam capacita-  
tem arcet. Ideóque bonum & peruti-  
le est,

le est, sese exercere in cognitione causarum creatarum. Ante hunc item multis seculis Pindarus asseruit, quòd quicquid intra se terra occultat, & ultra cœlum positum est, homo contemplatur. Nec id infructuosum putes: quoniam, diuo Paulo autore, inuisibilia Dei à creatura mundi per ea quæ facta sunt, intellecta còspiciunt, sempiterna quoq; eius virtus & diuinitas. Verù vnde digressi sumus, pedè referre libet. Prætermisissis itaq; nūc superioribus causis, in sequentium duorum capitum gratiam, non vulgarium philosophorum placita narraturi dicimus, quòd à primario illo omnium principio, inferior humiliorque Gemmarum causa dici potest, facultas cœlestis orbis moti, ab ipso Deo transfusa, pro ipsius orbis diuersarum partium varia positione, quam astrorum periti aspectum appellant. Porro quid sit cœli orbium, planetarum, syderum ve aspectus,

Coelū gemmarū causæ efficiētis quandā habet rationem.

fitus siue configuratio, non est huius instituti: quam obrem Mathematices peritis relinquo. Hoc vnum præfatus quòd pro variorum aspectuum ratione & materiei multiiuga præparatione diuersas in subiecta hæc corpora cœlum creditur transfundere virtutes. Qua de re philosophi illi propinquiorens sensibilesq; causas scrutati, cœlo ipsi extenso vim illam mineralē lapidificam tribuendam censuerunt, mediatè vel immediatè, vt dicūt, hoc est intercurrente alia causa vel non. Mediatè quidem, quòd tametsi corpora cœlica loca nō rarò mutant, apparet tamen sedes eas lapidificas facultatē illam, semel ac efficacissimo cœli conatu conceptam, tam contumaciter retinere, vt lapides per multum æuum gignendo, iam dictæ potentiae fidem propalàm testentur.

Hinc fieri arbitror quiddam mirabile & silentio minimè premendum. Relatum mihi iam pridem est à domi-



na quadam fide digna, quòd Domina Heuerensis è Luxemburgorum illustri genere oriūda, duos habeat seruetq; hæreditarios Adamantes, qui alios crebrò, tanto naturæ miraculo, producant, vte eos quicūq; statis temporibus intueantur, *συγγένῃ*, id est cōgenerem sibi prolem eniti, palàm iudicent. cuius causam, siquidem in naturæ tam raro opere nobis philosophari licebit, putauerim esse, quòd vis illa coelestis parentibus tenaciter insinuata (quam adamantificam quis nominauerit) aërem circumfusum in aquam primum, congruamq; substantiam, demùm in Adamantem gemmā durauerit transformaueritq;. Quod ne iustò plus admiretur quispiam, auctor est Theophrastus esse lapides qui pariant: nimirum quòd virtus illa coelestis tenaci materiæ, vti præstruximus, semel transfusa, subiectæ contumaciùs cohæret substantiæ: quæ videlicet quò vehementiorè cœli actio

Adamantes  
sibi similes  
parere.

nem experta est, eò pertinacius hanc retinere intelligitur.

Instrumentalis Gemmarum causa.

Vicina aut & cõiuncta seu instrumentalis lapidum causa duplex annumerat. Vel enim calidũ quoddam est, (si ex elementis corpora substantialiter fieri statuamus:) aut caliditas, (si solas in mixtis qualitates asseruari sentiamus) in materia terrea persistens, & humidũ tenax per terreæ molis tenuissimas quasque partes diducens, digerensque hac ratione singulorum elementorum, terre præsertim & aque portiones tam aptè & ad amussim cõfundens atque cõglutinans, sed & ab omni excrementosa fæce despumans, ut pro lapidis Gemmæve forma producenda materiã ipsam rectè præparet. Aut demum ea causa frigidũ quoddã est, siue frigiditas, in aqua substantia terrestris & sicce materiæ actionem perpessa consistens, sua constrictione (frigidi namque est cõstringere) omnem superabundantẽ humorem ad se exprens,

nēs, vt etiā impendiō induret, adcoq;  
 tantum eius relinquat, quantū ad de-  
 centem partium connexionem sit ne-  
 cessarium, vt & hinc inuitandę formę  
 materia disponatur excolaturq;. Qua-  
 de re non diffitentur philosophi illi,  
 quòd quamuis lapilli hi à frigido coa-  
 luerint, à calido tamen, citra alterius  
 humoris appulsum, liquari contuma-  
 citer recusant: quod videlicet tanta  
 in illis humidi sicciq; naturalis com-  
 mixtio, germanitas & necessitudo, vt  
 suo omni ex parte contrario affici re-  
 nuant: necnon, nisi familiaris qualita-  
 tis illicio affecti, ad externę qualitat-  
 is actionem conuiueant. Quanquā non  
 deesse compertū habeamus qui duo  
 tantū elementa recipiant: ac frigi-  
 dum vt à natura, ita ab omni actione  
 secludant, qui debile calidum.

Gemmarum causam con-

stituunt: de quibus

aliās.

*Quid sint, & vnde vim sortiantur,  
 Gemmarum proprietates oc-  
 cultæ. Cap. I I.*

**A**Vtor est Galenus nono simpli-  
 cium pharmacorū libro, quòd  
 Gemmæ vires habeant partim secun-  
 dum substantiæ totius proprietatem,  
 partim secundum qualitates effectri-  
 ces, hoc est manifestas: quas cum po-  
 tentijs hic emanantibus ea medicinę  
 pars, quam Græci φαρμακὸν ἰσχυρὸν, La-  
 tini medicatiuam appellāt, in primis  
 contemplatur. cuius considerationē  
 præsens institutum non amplectitur.  
 Porro substantiæ totius proprietatē  
 philosophi vocant occultam, quòd  
 substantia virium, quibus stupenda il-  
 la munia absoluuntur, humanæ ratio-  
 nis fugiat captam: vt ne summis qui-  
 dem viris illarum aliquā penitus asse-  
 qui contingerit aliter quàm multo v-  
 su. Nimirum quòd omnis proprietatis  
 vera ex methodo cognitio colli-  
 genda

Cur virtus  
 occulta di-  
 catur.



genda sit, ab eius causis proximis evidenterque quæ bifariam discriminantur: vel enim ex mixtionis modo, vel ab ipsius formæ specificæ ratione.

Porrò commixtionis modus miscibilium, mixtura & cōglutinatione perficitur, quæ exactè peruestigari humana diligentia nequeat, vel eo maxime nomine quòd infinita sit illorum cōmiscendorum proportio. Eius verò quæ speciem adfert formæ rationem, vel ideo imperscrutabilem intelligere est, quòd ipsam prodire autumāt,

partim quidem (vti præstruximus) ex potentia materiæ, formarū rudimentis seu seminij à primæua constitutione perfusæ, partim autem (vt magnæ philosophorum illustrium turbe placet) ab ideis in mente diuina cōsistentibus (quas diuus Augustinus primordiales vocat) id est, ab ipso Deo, hinc ab anima mundi (si Platonicis consentimus) & alijs inferioris ordinis calicis corporibus, in elementa

Duæ proprietatis causæ.

Vide illustriū quorundā philosophorū sententiam de formarū origine & in materiam infusione.

primum influentibus: deinde & per  
 eam media ad formam iam pridem infe-  
 minatam & ceu inchoatam (tanquã  
 scilicet mentis alicuius & voluntatis  
 diuinæ ministris) disponentibus: Cu-  
 ius præparationis absolutam conside-  
 rationem, humana etiam quantūvis  
 diligens aut sublimis sagacitas nō asse-  
 quatur. Cum itaq; reconditarum illa-  
 rum facultatum causæ humano sen-  
 su nequeant prehendi, nemini dubiū  
 esse suspicor, quin omnibus peruiū,  
 quòd nulla illarum proprietatum ra-  
 tionabili, hoc est, per rationem huma-  
 nam deducto inuentoq; experimen-  
 to, sed casuali duntaxat euentu com-  
 perta explorataq; dici possit: vel om-  
 nino aliquo reuelationis modo, vti  
 per somnia nonnunquã legimus con-  
 tigisse. Quo modo scitū est sylvestris  
 rosæ radicem aduersus canis rabidi  
 morsum, aquæ pauorē omnisq; po-  
 tus metū & grave fastidium adferen-  
 tem, præstare. Matre scilicet, cuius fi-  
 lius

lius in Lacetania Hispaniæ finitima  
 belligerans, morsus periclitabatur, per  
 somnum (visa in frutero illius radice  
 sibi suauiter applaudente) præmoni-  
 ta: quam & deinde qua potuit diligē-  
 tia filio milit, ex lacte potandam, filiū  
 obsecrās vt religioni parens matri ob-  
 secundaret biberetq̃. Quo vnico sim-  
 pliciq̃ remedio, miles ille præter om-  
 nem expectationem seruatus, occa-  
 sionem præbuit cognoscendæ eius ra-  
 dicis occultæ contra illum affectum  
 facultatis. Est igitur mixtilatens oc-  
 cultæve proprietas, facultas quædam  
 †propter ea, vnde ipsum essentialiter  
 consistit, insita: perq̃ priuatas opera-  
 tiones, multo vsu periculôve solo, vel  
 aliqua reuelatione, citra rationem co-  
 gnita. Quod demū mixtionis ac cō-  
 glutinationis meminimus, illud obi-  
 ter lucidioris doctrinæ gratia his quo-  
 que cōnectere libet (forsitan em̃ tan-  
 te diuersitatis occasionē scisciteris ac  
 libēter audias) quod tam discrepātis

Quid mix-  
 ti recōdis  
 ta proprie-  
 tas.  
 † per

mixturæ & coaptationis caussam philo-  
 sophi sunt arbitrati esse, vim quan-  
 dam cœlestem subiectæ materiæ par-  
 tes, varias licet, pro sua virtute permi-  
 scentem: adeoq̃, vel vario huius per-  
 mixtionis tenore, eam materiam ad  
 nouam formam decenter apparentē,  
 in quam tandem ad amussim disposi-  
 tam & excultam mirificæ illæ trans-  
 funduntur virtutes, formas consequē-  
 tes específicas. Porro hac dicendi con-  
 sequutione eò tandē deuenimus, vn-  
 de earum quæ in Gemmis sunt pro-  
 prietatum facultatumq̃ reconditarū  
 caussæ, quas antè præstruximus, no-  
 bis sese vltro ac præter expectationē  
 diligentius perscrutandæ, ac in con-  
 spectum reuocandæ, insinuent. Cele-  
 bris est itaq̃ philosophorum senten-  
 tia, quòd omnis caussarum turba ab  
 vna eademq̃ principe pendet, duci-  
 tur atq̃ conseruatur: ad quam & pro-  
 pter quam, ceu ad communem om-  
 nium finem caussæ omnes sua munia

Omnium  
 caussarum  
 vnica prin-  
 ceps.

tan-



tanquam communi quodam & insito consensu dirigunt: Deinde & omnia fieri de super à summo bono, hoc est, Deo ipso: eademque esse & optima & ordinatissima. Proinde non irēt inficias, Gemmas & earū virtutes à Domino Deo esse, eumque etiam solum cunctorum causam dici posse verā, alias autem causas improprie & ceu per analogiam nominari non diffiterentur. Veruntamen quanquam philosophis illis cognitum id & optimè perspectum esset, nihilo tamē magis conquieuit mira infatigabilisque illorum aviditas discendi, & in suis operibus creatorem admirandi contemplandi que desiderium. Quinimò insito quodam cœlesti ardore vigoreque ad propinquiores rerum causas, ceu videlicet primæ illi ac veræ utcumque instrumentarias, animorum suorum penè diuinam atque perspicacissimam subtilitatem intenderunt. Hinc itaque, cum bono, mentem, hoc est, pri-

## FRANCISCI RVEI

nam sapiētiam, quam & boni verbū  
 illorum quidam nominant: & cum  
 mente, intellectū, totū vtrūq; mundū  
 ⁊ sensibilē (intelligibilem dico & t̄vitæ) statuere  
 sunt opinati. Quū verò bonū ipsum,  
 mentem & intellectum vnū quid esse,  
 ac vnica simplicissimaq; subitātia p̄si  
 stere adstruunt, vnicum esse rerum o-  
 mnium & singularum principiū pro-  
 fitentur, semper omnib⁹ adstans, cun-  
 cta fouens, viuificans, excitans, com-  
 plens & roborans. De quo sacer ille  
 Orpheus ita cecinit:

*Cuncta fouēs, atq; ipse ferēs super omnia sese.*

Hinc & diuinus ipse Plato diuino  
 Sole collustratus ita in Sophista ait:  
 „ Animalia cuncta mortalia plantasq;  
 „ & quæcunq; terra ex seminibus radi-  
 „ cib⁹ ve nascuntur, & quæcunq; ina-  
 „ nimata in terra consistunt, siue lique-  
 „ fieri possint siue non, nunquid ab a-  
 „ lio quodam opifice fabricata quā a  
 „ Deo facta esse, cum prius nō fuissent,  
 „ dicimus? An multorū doctrinā sermo-  
 nesq;

nesq; sectabimur dicentium ista, na-  
 tura ipsa, gigni à caussa quadam for-  
 tuita sine mente hæc agente: vel cum  
 ratione potius scientiaq; diuina, quæ  
 ab ipso Deo sit orta? Nos enim uero  
 Christiana fide ac veritate edocti, pri-  
 mum hoc rerū omnium principium,  
 singulari substantia, & tribus perso-  
 nis, conformi, simplicissimaq; volun-  
 tate, vnitatem, maiestatem, æqualitatem, ac  
 omnipotentiam cōprehendimus & ve-  
 neramur, Patremq; vocamus, quē illi  
 bonum simpliciter: Filium & verbum  
 patris, nos: mentē, primamq; sapien-  
 tiam, illi. Spiritū quoq; sanctū nos ap-  
 pellamus, quem illorū diuiniore boni  
 intellectū & amorem nuncupant,  
 vel animam cuncta viuificantē & ani-  
 mantē alij. De quo Plotinus libro de  
 intellectu ca. 2. ita inquit: Quis nā est po-  
 tissimū qui tradit, animo sapientiam?  
 hic pfectō necessario est intellectus:  
 Intellectus (inquam) qui non aliās q-  
 dem intellectus sit, aliās verò expers

Vide egregiā de Deo  
 Plotini sen-  
 tentiam.

„ intelligentiæ: sed verus potius intelle-  
 „ ctus, qui hanc ob causam seipso sit  
 „ pulcher. Sed nūquid in hoc velut pri-  
 „ mo, nobis est quiescendum, an poti-  
 „ us super mentem quoque progredi-  
 „ endum? nempe mens ipsa nobis in al-  
 „ tum progredientibus prior occurrit  
 „ quàm principium omnium primum,  
 „ quasi in ipsius boni vestibulo consti-  
 „ tuta, omnia in seipso nunciās & signi-  
 „ ficans, velut quædam ipsius boni fi-  
 „ gura. Deinde & eiusdem libri cap.  
 „ 3. Eadem quoq; (inquit) transferēs ad  
 „ vniuersum, in eo similiter perueniet  
 „ ad intellectum, cognoscens eum effe-  
 „ ctorem reuera totiusq; artificem. ha-  
 „ ctenus Plotinus. Porro in intellectu  
 „ mundum quendam intelligibilem ha-  
 „ beri voluerunt, hoc est omnium rerū,  
 „ idearum plenitudinem, sed & in men-  
 „ te omnium iuxta & singularum cre-  
 „ andarum, gignendarum ac producen-  
 „ darum, id est, futurarum rerum ideas,  
 „ æterna, simplici congenearq; substan-  
 „ tia,



tia, solis relatiuis rationibus abinuicē  
disperfcitas, perfiftere intellexerūt. E-  
afdemq; ideas principes effe rerū om-  
nium cauffas arbitrati funt, ab eisq;  
ceu quofdam actus, pendere & effe a-  
nimas omnes intellectuales, intelligē-  
tias, corpora cœleftia, & quicquid in  
inferiori hoc mundo eft vfpiam. Pro-  
inde proximam creati mundi cauf-  
fam, item & cunctarum proprietatū,  
mēti & intellectui, hoc eft verbo Dei  
& fpiritu fâncto detulerunt: quan-  
quam ne ipfum quidem bonum ab  
hac creatione fepararint, vt ex locis  
iam iam citatis & alijs non raris phi-  
lofophorum autoritatibus patere li-  
quidō potefl: quemadmodum facras  
etiam literas legere eft Deo patri per  
verbum & in fpiritu fâncto, tanquam  
vni principio mundi creationem tri-  
buere. Qui fecifti (inquit Sapientia)  
omnia verbo tuo: & Pfalter, Verbo  
Domini cœli firmati funt, & fpiritu  
oris eius omnis virtus eorum. Verum

# FRANCISCI RVEI

Idea quid  
sint.

Diuinæ I-  
deæ, id est,  
Deus ipse,  
omniū re-  
rum causa  
princeps.

enimvero omnibus exploratū velim,  
Ideas illas in mente diuina nihil esse  
ab ipsa Dei substantia & præscientia,  
id est omnium præcognitione & vo-  
luntate æterna, discretum. Quem, in-  
quam, Deum certum est non tantum  
singulorū generū, verumetiam specie-  
rum ac indiuiduorū omniū exactissi-  
mam propriissimamq; & constituere  
& ab æterno præscire substantiā, com-  
positionē, formam ac vires tum pro-  
prias tum communes, & si quid præ-  
terea illis insit. Vt & hinc accipias di-  
uinas illas Ideas cuiusvis speciei ac in-  
diuidui principes esse causas: nō mo-  
dò quod sint, verumetiam cuiusq; ea-  
rum potestatis tam communis quàm  
propriæ. Cui & id mihi pulchrè arri-  
dere videtur quod plerisq; philoso-  
phis placere inuenio: Nempe q̃ virtu-  
tibus certis, id est, certam stabilemq;  
rationem habentibus, non fortuitis,  
sed efficacibus, potentibus, indefici-  
entibus, nihil frustra inuanūq; ex sese  
mo-

molientibus, moueantur vires in rerū  
 natura consistentes, sed de his in alio  
 nostro opere fusiùs ac synceriùs dijs  
 fauentibus differemus. Porro à men-  
 te ipsa & intellectu illorū plurimi vo-  
 lunt effusam creatám ve animam vnā  
 intellectualem, vniuerso orbi cōmu-  
 nem, quam idcirco mundi animā vo-  
 cant. Eandemq; sub mente illa mun-  
 di regina rectricé ve, toti mundo prę  
 esse, atq; per eum totum diffundi: vt  
 scilicet tanquam primæ illi causæ mi-  
 nistrās, cuncta per eam & sub eius im-  
 perio moueret, cogeret, foueret, mo-  
 deraret, efficeret, primariæ illius cau-  
 sæ, Dei videlicet ipsius, præcepto pa-  
 rens obsecundansq;. Quapropter &  
 in animam illam mentem impressisse  
 senserunt rerum omnium primarias  
 principésque rationes seminales, tan-  
 tum ab Ideis diuinis nobilitate dissi-  
 tas, quantum ignobiliori subiecto ad  
 obsequium infusæ hærent. Quas for-  
 sitan intellexerit quispiam rationem

De anima  
 mudi secū  
 dum philo-  
 sophos ple-  
 rosq;.

## FRANCISCI RVEI

esse omnium producendarum rerū,  
ac mediōrum, quibus Deus ipse eas  
producere ac proferre voluerit con-  
stitueritq̃, cum facultate quā media  
illa promouere ipsa possit anima: si  
tamen similis quædam anima pio a-  
lioquī Christiano admitti debeat. Ve-  
rū philosophorum quorundā pla-  
cita narramus, non approbamus. Illā  
præterea animam sentiunt per omnia  
in omnibus diffundi: & omnia menti  
obedientem, eiq̃ ministrantem pro-  
mouere ac vegetare, vt & hinc nō ab-  
re dici possit instrumentum primum  
eorum quæ Deus ordinato commu-  
niq̃ euentu, hoc est, secundum natu-  
ram efficit: qua de re hanc animam à  
mente & intellectu primam vitā nun-  
cuparunt. Cui quoq̃ mentem, substā-  
tiam ac rationem: intellectum ve-  
rò vt esset intellectualis, impartiuisse  
in literis fecerunt. Eam deniq̃ per om-  
nia flatum spirare vitalem spiritua-  
lemq̃ prodiderunt, dum suo scilicet  
spi-

Spiritus  
mundi phi-  
losophis  
quid.



spiritu per omnia penetrans omnia  
 videt, tangit sentitq̃: & id quidē mo-  
 do quodam suo, nostris sensibus lon-  
 gè impari, incognito & multis nomi-  
 nibus discriminato. quo deniq̃ vni-  
 co flatu spirituq̃, actu lucido, vi cali-  
 do & omnis generationis fomite: ceu  
 scilicet interioris vitæ quadam pro-  
 pagine, atq̃ veriùs tanquam diuinæ  
 virtutis vehiculo, semper vbiq̃ pullu-  
 lare animam illam vniuersalem mun-  
 di existimarunt: quam & forsitan in-  
 tellexerūt sub Deo ipso, principium  
 esse intrinsecum, quo formarū in ma-  
 teria rationes seminales ad sui scatu-  
 riginem promotionemq̃ moueātur  
 ac emergant. Sed hæc missa fiant.  
 Discaueo nanq̃, longiùs me fortassis  
 t̃palatum, vela ventis præmaturè con-  
 cedere. iam itaq̃ quæ diximus paucis  
 perstringentes addamus, Deum Opt.  
 Max. t̃prudentiss. omnipotentē, sum-  
 mum deniq̃ bonum, t̃elementi pluri-  
 mum ac liberalissima sua bonitate, re-

t̃euagarū  
 Cuncta &  
 à Deo & ad  
 Deū ex or-  
 dine cōsti-  
 tuta sunt.  
 t̃sapiētissi-  
 mum,  
 t̃clemētia  
 plurima,

bus cunctis pro sola sua volūtate, har-  
 moniam, concentum ordinemq; & à  
 se & ad sese præstituisse: quem stabilē  
 ac incōcūsum eatenus esse vult, qua-  
 tenus aliter non disponere decreuit.  
 Harmonico præterea illo consensu,  
 sibi omnium creatori ministrare vo-  
 luit: primum quidem (quòd ad hunc  
 materialem inferioremq; mundū spe-  
 ctat) secundum philosophos illos, i-  
 psam mundi animam ac eius spiritū:  
 deinde cœlum ipsum extensum orbi-  
 bus, figuris, astris maximis, planetis,  
 stellis & luminibus consistens. Illam  
 itaq; animam, hoc quoq; cœlū, prin-  
 cipij causæq; sub cœlo formatarum  
 generatarumq; rerum & transfusarū  
 proprietatū rationē quandam inijs-  
 se, ideo philosophi illi putarūt, quòd  
 ad mundi dispensationē, tametsi non  
 ex necessitate, vberissima tamē Dei bo-  
 nitate, quadantenus admittuntur.  
 Quod & Auicennas ipse in suis Me-  
 taphysicis sensisse videtur: Quæcun-  
 que

que (inquit) hîc fiunt, oportet præ-  
 existere in motibus & conceptioni-  
 bus stellarum & orbium. Ab ijs enim  
 ipsa etiam elementa, nonnunquam &  
 artes quædam, similiter & res artifici-  
 osæ accidentalis saltem vel externæ  
 causæ quandam sibi denominationē  
 vendicant. Placet itaq; philosophis  
 illis formam & ex ea vim occultā om-  
 nis mixti esse, primum quidem ab I-  
 deis illis diuinis, id est, à Deo ipso om-  
 nium creatore & plasmatore, mini-  
 strantibus ei anima mundi (si Platoni-  
 cis consentimus adferimus ve) dein-  
 de & ipsis orbibus cœlicisq; corpori-  
 bus, planetis, syderibus, figuris, lumi-  
 nibus, & si quid præterea cœlo exten-  
 so similis rationis insit: post hæc & e-  
 lemētorum temperaturis cœlicis in-  
 fluxibus affectis, causis inquam præ-  
 parantibus, & materiam ad nouā for-  
 mam coaptantibus. Habent itaq; (iu-  
 xta philosophorum illorum sensum)  
 virtutes illæ reconditæ suā originē ab

Proprieta-  
 tum occul-  
 tarum cau-  
 sæ vnde  
 sint,

expressis specificis determinatisque formis, à cœlo tamen materiali per vires præparatorias, in archetypo per Ideas ac formas exemplares, quæ omnes causæ ad cuiusvis rei generationem absolutam (quòd ad communẽ ordinatamq; Dei constitutionẽ pertinet) conuenire illis videntur. Vnde tandem id esse verum commonstretur, quod iamiam dicebamus, quòd Deus scilicet rebus omnibus pro libera sua voluntate, altissima ac præstabilissima bonitate, harmoniã, concentum & ordinẽ à se & ad sese quendam instituit, indeq; rerum omnium cum prima causa, Deo ipso, sympathia, connexio, correspondentia consensúsve, Diuinum de singulis decretum naturã sequens, non ineptè statuatur: hoc est, vt omnes vires creaturis rebusq; artificiosis insitas, à Deo ipso (qui omnium est actus primus, & actionis omnis principium creaturis impermiscibile) ministrantibus eis iã dictis



dictis causis, quæ ideo secundæ vocantur, pēdere ac esse intelligas. Qui tamen pro libera & omnipotentī sua voluntate (omissis quandoq; ijs quorum meminimus medijs ac ministris) immediatē ex seipso ea facit q̄ vult, quibus quoq; miraculis nomen est. Cæterum ex his luce meridiana clariùs patere mihi persuasi, diuersos in rebus effectus pendere non solùm à

*Effectuum  
Varietas est  
partim ex  
materiæ  
præparatio-  
ne, parti-  
à cœlo.*

materiæ varia alteratione seu præparatione, sed à diuerso cœli afflatu, maximè autem à discriminatis formis: discrimine, inquam, nō solùm speciem consequente, sed & cuius individuo proprio: Tametsi materiæ apparatus rebus gignendis ac perficiendis non obscuri esse momēti certum sit. Quæ ratione videre est individua eiusdem etiam speciei, alia alijs etiam esse clariora, vel viribus ignobiliora, pro videlicet symmetria, puritate vel confusione eorum substantiæ. Nemini nāquæ rerum naturalium gnaro dubiū

FRANCISCI RVEI

esse suspicor, cœlicos influxus impediri posse vel omnino minui, propter ineptitudinem materierû in quas suas exercerent potentias. Cui & illud subscribit Virgilianum:

*Ignæus est ollis vigor & cœlestis origo,  
Seminibus quantum non noxia corpora  
tardant.*

Cui etiam pulchrè & id Platonium adstipulatur, secundum merita materiæ infunduntur vires cœlestes. Proinde ex cunctis his diuinioribus meditatis, multis nominibus claret

Democriti  
egregia sen-  
tentia.

Democriti illius extollenda multum sententia, qua dijs, id est diuinis virtutibus omnia esse plena, constanter asseuerabat. Is siquidem cœlestium vires cum inferioris huius mundi generum, specierum ac indiuiduorum naturis ac proprietatibus conferens: sed & eorum cum superioribus, maximè verò cum bono ipso, connexionem perpendens, à summo ipso bono singula & esse, & priorum munio-  
rum

rum exercendorum potestatem adipisci doctus, in ijs ipsis Dei vires adeo que Deum ipsum clarere cernebat. Quas virtutes nonnulli diuinas illices vel idcirco appellarunt, quod contemplantium animos ad Deum alliciant tam insignem opificem, vel quod potentia illa diuina omnem in omnibus promoueat functionem, quod & Ouid. persensisse videtur hoc carmine:

*Est Deus in nobis agitante calescimus illo,*

*Impetus hic sacra semina mentis habet.*

Porrò, nescio quo tandem suggerente Mercurio, à proposito scopo dilapsus quodammodo forsitan videbor: præstat itaque eò recurrere vnde discessi. Inchoatam tamen iam dudum hanc disputationem in medium comuneque theatrum adductam, prius libet absoluere. Quædã enim digitulo tantum tetigimus quæ dilucidiori enodatione egere fortassis videbunt, quam sic accipias velim. Vulgata multum est

Aristotelis sententia, quòd necesse sit mundum hunc contiguum esse superioribus lationibus, hoc est cœlo extenso, vt inde vis omnis illius gubernetur, vt & hinc plurimis creditũ conspiciam quòd cœlum omniũ gignendorum sit caussa effectiua. Quapropter vt pro philosophorum celeberrimorum tantum non diuinis meditationis rem hanc omnem explicemus, operæ precium facturus videbor, si his quoq; adiiciam duplex philosophis sublimioribus esse cœlum, primariũ videlicet & princeps, cœlum cœlorum, quod & spirituale à quibusdam nuncupatur: idemq; illis esse intelligitur, atq; anima illa mundi, quæ ascita sibi quadam simplici plurimum, sed congenea consentaneáve substãtia, spiritus euadit per omnia diffusibilis, omnium post Deum ipsum & ab eo functionum primarium ministerium. Neq; desunt qui synceriũs existimãt cœlum illud esse in mente diuina ceu  
omnium

Cœlũ duplex.



omnium rerum prototypum, quam & intelligentias quasdam esse creatas cœlo extenso mouendo atq; dirigendo non inficientur. Quod & diuus ille Augustinus sentire videtur super Genesim dicens, quòd Deus sic mundum ordinauit, vt spiritum omni creaturæ præficeret. Cui etiam sub scribere videtur Bonauentura lib. 2. dist. 14. quæst. 2. Art. 3. his verbis: Sicut congruū est angelos deputari ad ministerium hominum, sic etiam congruum est ipsos deputari ad motum & regimen cœlorum, cum in hoc ministerio homini viatori & diuinæ subseruiant maiestati. Et hæc positio est magistrorum tam in theologia quàm in philosophia: quia concors pietati & fidei & rationi plurimum esse videtur. Hæc ille. Alterum cœlum velut prioris ymbra[m] quandam & instrumentum statuunt, & in eo sphæras situ disponi pro earum excellentia, naturis & viribus senserunt. Quas om-

Cœlum al  
terum.

FRANCISCI RVEI

nes & vicissim singulas ad primā cōmunemq; mundi illam animam, veriùs autem ad spiritualem illam intelligentiam:& hinc ad Deum ipsum, ineffabili quodam ac obsequentissimo consensu cōspirare sunt arbitrati. Itē signa, planetas, sydera, & quicquid præterea in cœlo hoc extenso constitutum est, vti superioribus seruire, ita inferioribus & submissis potētias suas transfundere, vt & hinc sub terra quædam quasi cœlica gigni cernere sit: dum videlicet corpora illa cœlestia proprijs lumine, radijs ac viribus, id est afflatibus, materiam formarum auidissimam dispumant contemperantq;, & in ea seminariam introducēdæ formæ rationē ad sui propagationem extimulant, atq; ad formæ susceptionem plasmatori ritē præparant. Sicuti nanq; hæc, illa, virtute præcellunt, nobilitate ac situ: ita & in inferiora vires suas, ipsa trāsfundere superiora præstabilioraq;, vniuersi ordo poscere

scere videtur, & benignitas creatoris  
 voluisse perspicitur. Nimirum vt qua  
 ratione est mouens aliquod non mo-  
 bile, similiter & alterans sit quoddam  
 non alterabile, ijsdem dico qualitati-  
 bus. Neq; enim quòd varios afflât in-  
 fluxus, est (vt pleriq; putarunt) q; qua-  
 litatis diuersæ participes sint, sed q; il-  
 la viribus à creatore donata sint mul-  
 tijugis. Quum nanq; instituta sint in-  
 corruptibilia illa cœlestia vt vegetēt,  
 regant, & sub creatore tueantur adse-  
 rantq; infima hæc, multimodæ trans-  
 mutationi obnoxia, æquū fuit vt mul-  
 tiformes eis impartirentur virtutes,  
 quibus scilicet iuuent extimulentq;  
 subiectæ naturæ vim: non profectò vt  
 sibi simile quicquā producant, sed vt  
 Deo pareāt atq; subministrēt. Quod  
 reuera præstare cœlica corpora phi-  
 losophari putarunt cū vi luminis,  
 tum virtutibus proprijs speciē totam  
 cōsequentibus, p; radios lumēq; in in-  
 feriora hæc demissis. Dū scilicet cœli

corum corporum radij ad terrā (quæ  
 ceu punctum ac centrum ad coeli am  
 bitum & capacitatē existimatur) trās-  
 missi, assumpta etiam nū forsitan qua  
 dam tenuiori & sibi consentanea ele  
 mentorū, per quæ penetrant, substan  
 tiā, arctantur: proindeq; densiores ef  
 fecti & potentiores, materiam ritē &  
 ad portionem æquant coaptantq; &  
 præinfusas in eam seminales rationes  
 ad actum inuitant, donec ad formam  
 tandem materia illa ad amussim, hoc  
 est pro diuinæ ideæ ratione, dispona  
 tur, vt & hinc non paucis sensualibus  
 philosophis (vti præscripsimus) visū  
 sit atq; receptum, cœlum illud exten  
 sum cunctorum quæ hoc in inferiori  
 mundo generantur causam esse effe  
 cttricem: quod tam rationi profectō  
 alienum est, quàm si instrumentum,  
 non autem artificis intelligentiam, o  
 peris alicuius formā artificialem effi  
 cere putarent. Quam obrem vt cælica  
 illa corpora ministratoriæ, vel si ma  
 uis



uis instrumētariæ, causæ speciē quādam à Deo inijsse eorum quæ stata naturæ consuetudine producantur, primoribus illis & ferè diuinis philosophis iudicentur, nunquam tamen veræ, hoc est creatricis aut plasmatrici causæ rationem illis concesserint.

Cæterum pro Christiana nostra veracq; philosophia hoc loci non pigebit subnectere verba diui illius Augustini, summi profectò & diuini philosophi & doctōris nomen meriti, quibus Deum formarum omnium specificarum & proprietatum singularum autorem esse & causam veram principemq; propalàm testatur: Inuisibiliū (inquit) seminum creator, ipse creator est omnium rerum, quoniam quę cunque nascendo ad oculos nostros exeunt, ex occultis feminibus accipiunt progrediendi primordia: & incrementa debitæ magnitudinis, distinctionemq; formarum ab originalibus, tanquam regulis sumunt. Et mox

## FRANCISCI RVEI

„ subdit: Itaq; apostolus Paulus discer-  
 „ nens interiùs Deum creantē atq; for-  
 „ mantem, ab operibus creaturæ quæ  
 „ admouētur extrinsecus, & de agricul-  
 „ tura similitudinem assumens, ait: Ego  
 „ plantaui, Apollo rigauit, sed Deus in-  
 „ crementum dedit. Hactenus Augu-  
 „ stinus. Atqui pro huius capitis su-  
 „ prema manu subnectendū duximus,  
 „ quòd proprietatis effectus bifariam  
 „ discriminatur: aut nanq; utilis est, aut  
 „ nocuus. Utilis censetur quo hominī  
 „ quippiam inuitatur adfertur ve emo-  
 „ lumentum, vt (verbi gratia) eius functio-  
 „ nes aut vires conseruet, vegetet, robo-  
 „ ret, reparet, absoluat, & ab internecio-  
 „ ne vindicet: Vel etiam ad meliorē fa-  
 „ cilioremq; vitam quicquam adferat  
 „ utilitatis. Nocuus autem huic ex dia-  
 „ metro contrarius iudicatur. Deinde  
 „ utilis inutilisve dicitur proprietas vel  
 „ toti corpori, vel priuatim cuidā par-  
 „ ti. Toti siquidē corpori venenato, sin-  
 „ gulis itē sigillatim eius particulis, the-  
riaca

Proprieta-  
 tis utilis ef-  
 fectus.

Inutilis p-  
 prietas.

riaca exusu est. speciatim verò Hyacinthus, Granatus, Margaritæ, Aurû, <sup>Proprietatum variae differentiæ.</sup> cor sedesq; virtutû: Corallium autem & Achates stomachû & ventrê solatur, & à noxijs causis asserunt. Similimodo Napelli vis deleteria toti iuxta ac singulis quibuscq; partibus inimica cognoscit. Ceterum proprietatû quæ ab aduersis defendût, quædã hoc moluntur noxiû, ad se primû quidẽ conuellendo, deinde immutãdo. Quaratione Amethystus vmbilico admotus vini vaporẽ cû primis allicit, & Scamoniû bilem reuellit. Alia verò quod flagitiosum est deturbant, ac tandem propellût, veluti iã dictæ theriacæ cû alijs medicamentis aduersus venena valentissimis cõtigit, quod & Smaragdo, lapidi Cyaneo & alijs nōnullis familiare esse perpetuo euentu cōspiciť. Alia deniq; præsentẽ esse vel imminuere causam aduersam certo indicio cōmonstrāt, vti Electro atq; Adamãti corã toxico maderẽ cõtigit

& Torchois vel findi vel omnino ruina  
 nam aut maculam quandam efferre  
 dicitur appetente periculo. Eorū ru-  
 sus quæ viribus occultis nitunt, quæ-  
 dam ad actionem corporis extimula-  
 tione egent, quemadmodum pleraq;  
 pharmaca in actum (vt phycis vulga-  
 tum sermonē vsurpemus) reduci ne-  
 cessum est, priusquā ad opus propriū  
 emergant. Alia verò citra omnē à cor-  
 pore immutationem propria munia  
 exercent, quibus exercendis sola de-  
 bita applicatione opus est, quòd sci-  
 licet vires suas actu, vel habitu saltem  
 solam accidentalem potentiam con-  
 stituente nacta sunt: ideoq; sola egēt  
 conuenienti ad obiectum admotio-  
 ne, vtq; impediens nullum adsit. Qua  
 de causa Coralliū etiamsi stomacho  
 diutius adhæreat, nihil à corpore de-  
 trimenti admittit: pariter nec Sapphi-  
 rus anthracem sanando vires vel tan-  
 tillo perdit, quanquā & id ei quidā  
 falsò adscribant.



De ratione & causis virium in Gem-  
mis. Cap. III.

Cognationem certè non obscu-  
ram ea quæ huic capiti inferen-  
da sunt, cum ijs quæ nouissimè disse-  
quimus habere videtur. vtriusq; enim  
capitis idem ferè obiectum, eadē pe-  
nè ratio, idem propemodum argumē-  
tū, vt & hīc quoq; bonam eorū quæ  
præstruximus partem adiectam intel-  
ligi velim: quam & adiecissem profe-  
ctò nisi prolixitatis nimix *καὶ τὸ πολὺ*  
*πλεονεξίας*, id est, repetitionis accersi metus  
fuisset. Institutum itaq; adgressi dici-  
mus præclaras multū in Gemmis ex-  
cellere virtutes. Ideoq; & in magna il-  
las antiquitūs fuisse maiestate tā con-  
spicuum est, vt eum nihilo consultiūs  
facturum existimem, qui illarum di-  
gnitatem multis encomijs commen-  
dare niteretur, quàm qui solis lumen  
euiculo quopiam fulgore clarius ef-  
ficere, aut luxuriantibus aliquot (lon

gè tamen imparibus) pictorum more coloribus illud assequi conetur. Sec enim tantarum virtutũ tamq̃ verè stupendorum muniõrũ cauſſas perſequi non omnibus ex æquo facilè fuerit. Qua de re, paucis libet de illarũ potẽtiarũ ratione quædam recensere, non floccipendenda. fuerũt enim qui Gẽmas viuere, & à ſua anima ſpeciales adeoq̃ ferè diuinas functiones exercere crediderunt, quorũ iudiciũ receptũ haçtenus nõ eſt. Aliter Alexander ille Græcus ſenſit. nanq̃ quod illarum proprietates elementis vnde cõſtituuntur referuntur acceptæ, nimium quòd hæ in mixto alia ædant opera quàm extra ipſum, in quo qualitatem elementalem, id eſt, innatũ temperamentum, tanquam instrumentũ ad opus moueri ratus eſt. Cuius ſententia, etiam ſi pleriq̃ placeat, multis tamen nõ mediocribus philoſophis vel ideo abſurditatis expoſtulatur, quòd instrumentariæ tantũ cauſſa

reco-

Alexandri  
Græci opi  
nio.

Tempera-  
mẽtũ, cau-  
ſa instru-  
mentaria.

recordatus, effectricem, quæ princeps est, prætermisisse videri potest, quam peruestigare præsentis est negotij. Hermes autem ille Trismegistus Cœlum Gemmis occultas proprietates trāsfundere perhibet: è quo gignendorum seu producendorum omnium facultates tam singulares quàm vulgares in hæc inferiora transmitti non dubitavit asseuerare, duplici (ut inquit) modo. Aut videlicet nobiliter & ex amussi, quoties materia in quam cœlum vim suā exercet, eius orbis ac luminis quandā speciē seu cognationē refert: ad quā scilicet quo propiùs accesserit gignēdus lapillus, in hunc feliciùs ac abundantius propter materiæ symmetriam, connexionē, atque consensum, cœlū fuisse operatum intelligat. Sed & ideo multa admiratione dignas Gémis esse proprietates inditas asserit, quòd lumine & perspicuitate cœlo quadantenus patientiores demonstratæ, eius actionē

Princeps  
causa.

Hermetis  
de Gēma-  
rum virib.  
sensus.

## FRANCISCI RVEI

perfectiùs admiserunt conceperūtq;  
 Vnde scilicet tandem hominis spiri-  
 tus affecti specificis pateant Gemma-  
 rum proprietatibus, qua ratione To-  
 pazium, Carbunculum, Adamãtem  
 occultis gratiarũ proprietatibus præ-  
 ditas esse confirmant viri non pauci  
 nec incelebres, vt non deuoratis tan-  
 tũ, sed & etiam gestatis suas ædere l-  
 ceat cælicas potentias: primum qui-  
 dem in hominis spiritus, demũ in hu-  
 mores & solidiores eius partes, qui-  
 bus à peste ac venenis defendatũ. Sec-  
 enim à cœlo hoc ipsum, quicquid re-  
 condita vi possunt, Gemmas accepisse,  
 vel hoc argumento confirmant, quod  
 magnos parua mole mirificosq; pro-  
 mant effectus. Nulli nanq; elementis  
 cõcessum volunt paruo corpore plu-  
 rimum subito præstare, vt nec ignem  
 pusillum magnam vnico impetu li-  
 gnorum congeriem vrere, vel aqua  
 pauxillum terræ plurimum perfunde-  
 re. Quæ verò cœlica vinituntur, ex-  
 hauc

A cœlo es-  
 se Gemma-  
 rum vires  
 ostendit.



haud multa materia (ceu scilicet vim  
eam in nō magnoperè reluctantiā ob  
iecta, facili opera, diffundant) admira  
tione etiamnum dignas suas functio  
nes absoluunt. Nimirum quòd con  
trarijs aduersantibúsve causis non a  
gunt, & à validissima cœlesti poten  
tia in actionē extimulantur. Quo mo  
do (vt physiologis quibusdam non  
vulgaribus placet) Coralliū, Carche  
donius, Chrysolythusq; Gemmæ, ab  
Ioue præsertim ac Venere id sunt in  
deptæ virtutis quò ab atræ bilis me  
lancholiæ ve symptomatis vel feren  
tem adserere valeant. Deinde & Mer  
curio Achatē sacrā perhibent, ideò  
que & facundiam inuitare, & homi  
ni contra venena amuletum esse te  
stantur. Aduersus quæ etiam ē Creta  
collectam dictamnum à Phœbo (qui  
Pythonem transfixisse fingitur) id est,  
à Sole omnis vitæ & propaginis fomi  
te, mutuata esse profitentur faculta  
tem. Sed & herba Pentaphyllon cœ  
†

lica vi palàm prædita creditur nō venenātis modò auxiliari potens, sed vnico folio diariam febrem, si bis in dies singulos sumatur: ternis, tertio quoque recurrentem: quatuor autem folijs quartanam febrem pellere atque conficere posse laudata. Nec iniuria profectò, quum nempe febres hæ varijs pugnent tum naturis tum intemperantijs, haud facile fuerit (si me nō omnia fallāt) explicare quam ob causam naturalem, vnico simplicissimòque hoc remedio, Pentaphyllo scilicet, tam dissimilis rationis affectus abigi queant, si non virtutem hanc cœlum ipsum illi impendisse cauſſeris. Quid præterea Phœbo sacrę Pæonię, à comitali morbo vel portantē vindicare posse, præter cœlum, concesserit naturalis sensualisque philosophus? Neq; enim pauca reperiās medicamenta quæ similis caliditatis, siccitatis ac modicæ adstrictionis cōformes promant qualitates, quarum ratione

tione tametsi germanas ædant opera-  
 tiones manifestas, aduersus tamen il-  
 lum affectum tam præstabilia esse mi-  
 nimè experiaris. Sed hæc quorsum?  
 nempe vt mirū non sit, quòd philoso-  
 phi illi arbitrati sint, cœlum Gemmis  
 occultas profundere potentias: quū  
 præsertim similes potestates in obscu-  
 rioris substantiæ herbas palā sit illud  
 insinuare creditum. Quid præterea?  
 Nōne à veteribus obseruatū est qua-  
 rundam arborum, Oleæ inquā, Popu-  
 li albæ, & Salicis folia solstitiali tēpo-  
 re conuerti: fieri etiā vt ipso brumali  
 die frondes quædā reuirescant? Vt &  
 hæc Marcus Varro stupenda discrimi-  
 na nominarit, quibus videlicet anni  
 tempus discernatur, & ex foliorum  
 versura solstitium, ex recens autem  
 erumpente quarundam herbarum vi-  
 rore brumalis dies internoscat. Quæ  
 ne iustè quis miretur, non pigebit &  
 hîc quoque contexere quæ M. Cice-  
 ro ex Stoicorum placitis refert: Pro-

batum est, inquit, à Stoicis in ipsa bruma muscutorum iecuscula augeri, pulgium aridum florere brumali die, item inflatas rumpi vesiculas, & semina malorum quæ in ijs medijs inclusa sunt, in contrarias partes se vertere: Ostreis & conchylijs cōtingere vt cū Luna pariter crescant & decrescant.

**Cōclusio.** Vnde manifestum esse puto (vt etiā præstruximus) quod & philosophis diligenter probatum receptumq̃ inuenio, quòd rebus supernis vis quædam insita est vehemēs, quæ maxima ex parte cum inferioribus conuenit: indeq̃ sympathia quædam & ceu cōsensus emergit, quo animantium motus tacitiq̃ concentus cœlicis corporibus (in rebus quæ stata natura sūt) concordare videntur: Quo nomine hæc quoq̃ inferiora cœlicis suis numinibus adscripta reperio, Apollini namq̃ Aries, Leo, Gallus, Crocodillus, Cantharus, à Chæremone Porphyrioq̃ tribuuntur. Ex arboribus verò  
Palma,



Palma, Lotus, Laurus Soli feruntur acceptæ. Nimirum quòd coram intuearis† Loti folia prius quàm sol emergat contrahi, & eo exorto sensim explicari. Mitto quæ de Heliotropio, & alijs non raris herbis, vt literis proditum est, ita re ipsa quiuis non negligens explorator proprio obtutu cernere potest.

Lotus hæc herba Nili est, non arbor.

Porrò de lapidibus multa nec tamè dissimilia à Philosophis Aegyptijs ac Magis perhibentur, qui quosdam lapillos syderum imagines planè repræsentare adstruunt, quos & ideò ab ijs virtutes in sese cõcepisse crediderunt, & experimento comprobasse testati sunt. Quid nanq; philosopho naturalimirum existimare similitudinè Germanumq; cum cœlo cognitionè maiorem, efficere vt eius viribus obnoxius pateant atq; hinc valentiores emergant, quum maximè similitudo & extimulata tandem germanitas materiei aptam præparationem, & cœlo obnoxium consensum non obscu

## FRANCISCI RVEI

rè subindicet. A cunctis siquidè physiologis receptum est quòd agentium actus fiunt in patiente disposito (libet enim eorum vulgatam multum sententiam ad verbum referre) quodq; singulæ similitudines sese natio quodam affectu appetunt. † Verum ne hæc quidem absurda iudicauerit, qui monumentorum magicorum astrologicorumq; non inuitus meminerit. hi quippe in rebus similitudinem non medio cre ad effectus naturales habere robur certa veluti hypothesi statuere. Sed ut magica omittamus, quibus vel solo nomine multi terrentur, astrologicum aliquod adferemus exemplum. Inter omnes astrorum peritiores conuenit (quibus etiam medicorum non vulgarium bona pars facto periculo subscribit) Leonis imaginem aduersus calculum amuletum esse: si tamen statotempore, hoc est, Sole Leonis primum gradum occupante in auro sculpta, à collo portetur. Cuius rationem nemo, credi-

† Hæc in prima editione oblitteranda. Censor quidam iudicauit. Vide, sub finem operis.

crediderim, aliam facile attulerit saltem naturalem, quàm consensum appetitumq; quendam rerum cœlestiū cum congenea figuratione, in conuenienti materia ab ista saltem harmonia inuitatū procuratumq;. Propter quem virtus illa cœli, quę constituto illius configurationis tempore pollebat, à iam dicta parilitate, & materiæ, id est auri, ad mensuram præparatione, in aurum iam dicta imagine figuratū allicitur, transfunditur, commutat: quæ proximū, gestātis scilicet, corpus sua vi afficit, qua à calculo ipsum tueat. † Veruntamen nolim cenfore nostrū imitatus intelligas, philosophos illos, vel etiā me sentire virtutem hanc esse imagini, sed auro tali effigie figurato & efformato transfusam, vt scilicet subaudias illos existimare q; præparatio, qua per sculpturā dictæ imagini fabricandæ necessariā, aurū cœlicis radijs & influxibus cōcipiendis abundè disponitur, efficit vt materia

†Hactenus  
quæ obli-  
terata fue-  
re.



hæc patentior reddatur cœlicis affla-  
tibus admittendis, & (vt ait M. Vitru-  
uius libr. 1. de Architect. cap. 6.) de la-  
tentibus cœlirationibus, artificiosis  
rerum inuentionibus, diuinitatis ex-  
primere veritatem rerum peritus vir  
posse credatur. De quibus fusiùs su-  
prà disseruimus. Sedenim ne philoso-  
phorum illorum placita absurdiora  
putes, quàm vt humanam apparen-  
temq; saltem aliquam non habeant  
rationem: Maximè autē quo felicio-  
ra, sublimioraq; ingenia oblectemus

Mūdū esse  
animal v-  
num sensu  
Plato.

(non verò quòd ita esse statuamus)  
annotanda in primis & hîc nobis vi-  
detur Platonis illius celeberrimi, &  
multorum non mediocrium philoso-  
phorum celebrata vulgataq; senten-  
tia, quòd scilicet mundus est animal  
vnum, vna quadam anima intellectuā-  
li (ea est de qua paulo antè disceptaui-  
mus) sub mente principe omniū crea-  
trice vita donatum, quæ (menti obse-  
cundans) cōgeneo suo spiritu per om-  
nia



nia diffuso vniuersum orbem alit, fo-  
uet, moderatur. Cui & id Maronis e-  
gregij illius non minùs philosophi q̃  
poëtæ subscribit: — — — Omnia

*Spiritus intus alit, totamque infusa per  
artus,*

*Mens agitat molem.*

Quibus non obscurè ostendit natu-  
ram hanc transmutationi obnoxiam  
à natura stabili ordinatriceq̃ regi: sin-  
gula etiã artus & particulas esse quas-  
dam mundani illius ac magni anima-  
lis, eademq̃ saltem communi vita vi-  
uere, adde & communi quodam spi-  
ritu in ppriamunia extimulari. Ideo-  
que & illorum est consilium, vnã in  
omnibus vitam sub mente esse ac vi-  
gere, quæ cuncta eius vi & imperio p-  
agat. Ita tamen vt ad suas functiones  
obeundas tum cœlicis, tum nonnun-  
quam etiam rudioribus instrumen-  
tis vtatur. Quapropter & in hac com-  
muni omnium vita sentiunt singulas  
formas cùm inuicem, tum per animã

Vna in om-  
nibus vi-  
ta, omnia  
inuicē cō-  
spirare, &  
compassio-  
ne quadã  
communi  
care.

illam vniuersalem ad omnium vltimū  
finem, hoc est supremum ipsum bo-  
num, tandem conspirare, vt & quæ-  
cunque fiant mundi opera, sigillatim  
mundi partes sint vel ad eas spectent,  
vt & ad totum. Quod & ipse Pytha-  
goras suis numeris demonstrare con-  
tendebat, dum vnitatem omnem nu-  
merum constituere, dualem primum,  
atq; ex vnitae & binario ternarium  
(id est Trinitatem quandam) cōpre-  
hendi, deinde & in simplicem vnitatem  
alium omnem numerum resolui, mu-  
ta ingenij dexteritate differebat. Ve-  
rū vnde digressus est noster tandem  
redeat sermo. Senserunt item & phile-  
sophi illi, quòd citra substantialē pro-  
ximamq; causam non possit in hoc  
inferiori mundo naturaliter produc-  
substantia, nec sine viuente causa vi-  
uens quippiam generari: deinde & di-  
ce quodam communi diuersa quæq;  
conciliari. Proinde & per substantia-  
lem illum mundanæ animæ ubiq; præ-  
sentem

Pythagore  
de Trinita-  
te & vnita-  
te per nu-  
meros cō-  
pendiosa  
sententia.

sentem spiritum, omnia consensum,  
 cuius nunc cōmeminimus, participa-  
 re volunt. Adde, quod & inter philo-  
 sophos conuenit, quòd lumen intel-  
 ligentiæ est actus: intelligētias quoq;  
 & superiora lumine & spiritu nō mo-  
 dō cōmuni, sed & pprio agere. Quid  
 igitur illis arduū fuit opinari spiritū il-  
 lum vniuersalē, cœli vim materiæ ad  
 eā ritè paratæ admouere, vnde ratio-  
 nis eius seminalis virtus ad opus pri-  
 dē à creatore infeminatū exsuscitet.  
 Præstat tamen Chimericam illam ani-  
 mam, Christianis incognitā, philoso-  
 phis in hanc persuasionē ductis relin-  
 quere: & attendere ijs quæ ratio diui-  
 nis oraculis subnixa suadet, & quoti-  
 dianæ naturæ consuetudo common-  
 stratur. Naturam autē sic operari vide-  
 mus vt cœli lumen non desit, & ratio-  
 num seminalium in elementis, id est,  
 in ipsa materia, latentium per id ex-  
 citetur foecunditas. Quemadmo-  
 dum quippe prudēs agricola terram



fementemq̃, sic sua arte ac diligenti  
 præparat quò speciem rei cuius in se  
 mine rudimentum aliquod à natur  
 delitescere scit, cœlum omnibus nu  
 meris felicius absoluat: Ita & solertis  
 simam prouidissimamq̃ naturam, ve  
 hominem artificiosum aurum lapil  
 lûm ve sic aptare posse putât, vt qua  
 in ijs per creationem cœpta est vir  
 tus, vel insita, per naturam, vel artem  
 eius quamproximè æmulam, ad per  
 fectionem tandem extimuletur. Pro  
 indeq̃ nulli iam mirum sit, quòd phi  
 losophi illi senserûnt, cœlum & artem  
 sese inuicem non rarò iuuare: † Quò  
 enim pro cœlicis concipiendis viri  
 bus, & materijs decenter adparandis  
 cœlestium motiones & situs obseru  
 re docuerint, vel ideo saltem, quòd  
 hæc ad materiam pertineât, aliter ve  
 aliter aptandâ. Nempe quòd eleme  
 ta pro illorum motu, positione, pro  
 pinquitate aut distantia qualitates e  
 uariant, quas non pauci rerum natu  
 raliur

† Quodq̃;  
 pro, &c.



raliū proximas effectricēs ve caus-  
 sas existimant, vel saltem in hoc supe-  
 rioribus ministrare quòd pro eorum  
 mixtura & temperamento formam  
 quandam ædant quæ ad specificam  
 quàm plurimum disponat: Vt & id sit  
 euidens, quod superiore capite præte-  
 ximus, Deum ordinem quendā con-  
 stituisse omnium rerum & à se & ad  
 se. Quem Deum credi non ab re po-  
 test, supra ea quæ ab vniuersali rerum  
 naturalium confluxu quæq; species  
 & quoduis indiuiduum recepit, pro-  
 prietatem quandam humano captui,  
 non ratione, sed solo experimento p-  
 uiam, ad hominis vsum, liberalissima  
 sua pietate infudisse atq; impartiuif-  
 se. Vt & vtilitatem inde homo capes-  
 feret, & tanti tamq; reconditi operis  
 admiratione illectus, ad Dei & Domi-  
 ni sui omnium creatoris contempla-  
 tionem amoremq; raperetur conuo-  
 laretq;. Hic nāq; ordo vniuersi, & hæc  
 rerum proprietatumq; admiranda va-

Cur pprie-  
 tates occul-  
 tæ rebus à  
 Deo indi-  
 tæ sunt.

rietas, dum ab intellectu diligentius  
 auidiusque introspicitur, illuminatis  
 tandem mentis oculis, principiū su-  
 um, quod est bonum ipsum, id est De-  
 um, refert, incomprehensam sublimi-  
 tatem, ac maiestatem simplicissimā,  
 sapientissimam, potentissimam, beni-  
 gnissimamque virtutem atque boni-  
 tatem esse. Sed institutum tandem  
 absolvamus. forsitan enim longius pa-  
 lati discessimus. Itaque tametsi Tris-  
 megistus ille non absurdè videri pos-  
 sit sensisse, quòd cœlum lapillis vires  
 abditas impertiatur, proximæ tamen  
 earum causæ non meminit, quam in-  
 ter philosophos convenit in materia  
 consistere, & inde suas promere fun-  
 ctiones. Quæ ratione patet, cœlum i-  
 psam materiale ac extensum non esse  
 principem proximamque, vel si ma-  
 uis, coniunctam causam earum quæ  
 in Gemmis latent potentiariū. Quæ-  
 obrem quum superius ostenderimus  
 reconditarum virium causas à nulla  
 fieri

fieri cōplexionali qualitate: sed nec ab aliquo elemento aut forma elementorum temperiem primariè atq; essentialiter conſequentē, voluit Albertus ille Magnus cum numerosa Alberti Magni de proprietatibus essentialium causa sensus non mediocris literaturæ ac iudicij virorum turba, quòd species seu substantialis Gemmarum forma sit delitescentium, quæ ex ijs experimur, facultatum causa effectrix atque immediata. Quanquam nec illi fortè negarint substantiali illi formæ vim aliquam adijci coelestem, quæ vel se ipsa, nonnunquam autem Gemmarum adiuta temperaturis elementalibus, præcipuè illi causæ suffragetur. His autem non de nihilo subtexendum videtur, quòd quæ Gemmæ natura purissimæ nascuntur, & ab omni forde defecatæ; nullam artis præparationem ambiunt, nisi vt ritè corpori admoueantur & nihil obſtet. Quæ verò terra aut crusta obductæ, preciosum intrò condunt the-

## FRANCISCI RVEI

sauro & gratiam pulchritudinem,  
mangonum officio, abiecta crusta, &  
virtutibus & illecebris diffundendis  
idoneæ redduntur. Neque etiam tibi  
persuasum velim Gemmas æqualiter  
suis functionibus corpora quævis e-  
tiam humana afficere. Quandoqui-

Nō in que-  
uis corpo-  
ra Gēmas  
æqualiter  
operari.  
dem pro corporum cum coelicis or-  
hibus & afflatibus, vnde vim lapilli  
mutuati sunt non modicam, maior  
vel minori consensu, aut eorum cor-  
porum conueniente vel aduersante  
téperamento & innata proprie-  
tate, efficacius aut segnius  
Gemmas operari  
contingit.

PRIMI LIBRI  
FINIS.




# DE GEMMIS

## XIII. QV ARVM DIVVS

*Iohannes in Apocalypsi meminit.*

*Liber Secundus.*

### ARGVMENTVM.



Actis instituti nostri fundamentis, ab ipso secundi huius libri limine prætexendum videtur, quòd diuus noster Ioannes Apostolus *Αποκαλύψας*, id est, Reuelationis libri capite penultimo, dum ciuitatis sanctæ Hierusalem de coelo descendētis, ac Dei claritate illustris structuram describeret, tredecim Gemmarum nō sine magno sacramento (quod ne in aliena messe metamus, in præsentiarum prætermittimus) commemorat. Quas nō pigebit, ex ordine eo loci seruato, hîc quoq; recēfere. Neq; enim video qua meliori ratione, Dominus omnium Deus nobis commonstrauerit, diui-

nas quasdam Gemmis inesse naturas  
 & proprietates, quàm ijs ipsis cœli mu-  
 ros, hoc est, eius virtutes, vel (si ma-  
 uis) Christi Iesu cum duodecim eius  
 Apostolis, Ecclesiæ videlicet capitis  
 & columnarum amplitudinem, maie-  
 statem, cumulatam deniq; nobilita-  
 tem & inuincibilem virtutē per Gem-  
 mas designādo. Sunt itaq; omnes eæ:  
 Iaspis, Sapphirus, Carchedonius, Sma-  
 ragdus, Sardonyx, Sardius, Chrysolithus,  
 Beryllus, Topazius, Chrysoprasus,  
 Hyacinthus, Amethystus: nouissi-  
 mas verò fecit Margaritas. De singu-  
 lis autem his hoc libro primū ex or-  
 dine differere consilij est.

*De Iaspidis speciebus & viribus.*

*Caput I.*

**I**Aspidis plura ab autoribus enum-  
 rantur fastigia. Ea tamen quæ apud  
 Indos nata Grammatias, alijs Poly-  
 grammos vocata est: quæq; virēs, Sma-  
 ragdo

ragdo quadantenus similis pellucee  
 (vt & hinc sola substantiæ crassitie ab  
 hoc desciscere ferè videri possit) su-  
 premam obtinuit maiestaté. Ab hac  
 verò diuersa multum Cypria visitur,  
 colore glauco, substantia pingui, Gal-  
 lis laspis alba dicta. Persica æri similis,  
 Aerizusa nominata, cōspicitur. Ther-  
 modontiaca autem laspis, cærulearū  
 optima est. Cappadox ex purpureo  
 cœruleum refert in materia opaca, i-  
 deoq; non fulget. Phrygia ruboris nō  
 nihil admisit, Thracica Indicæ æmu-  
 la, Chalcidica turbulēta ac variæ mul-  
 tum substantiæ, omnium minimè iu-  
 cunda. Cunctarum vulgò præstan-  
 tissima est, quæ purpuræ quippiam  
 complectitur. Secundum habet locū  
 quæ roseum quiddam nacta est. Ter-  
 tiam obtinet dignitatem, quæ Smara-  
 gdum: quartam, quæ Autumnale ma-  
 tutinum serenūq; cœlum imitatur.  
 Est & quædam laspachates ceu laspi-  
 dem & Achaten quoq; cōplexa, vires

vtrarumq; perstringere credita. Sunt  
 & aliæ (autore Vincentio) peregrinæ  
 Thetel. Iaspidis species ex Thetel enumera-  
 tæ. Nam inuenitur (ait) in Iaspide scu-  
 tum habens in collo, & cuspidem in  
 manu, & sub pedibus serpentem, qui  
 habeat contra omnes inimicos virtu-  
 tem. Item & alius in quo sit homo ha-  
 bens fasciculum herbæ in collo, cu-  
 ius virtus sit omnes discernendi mor-  
 bos, ac sanguinem restringēdi: quem  
 Galenum in digito gestasse referunt.  
 Deinde & cruce signatum viridem re-  
 perire est, ne quis submergatur effica-  
 cem. Hactenus ille. Hic itaq; fēre indi-  
 gitauimus optimam principemq; Ias-  
 pidem, virentem illam & Indam quæ  
 (quod præ cæteris amuletum esse cre-  
 datur) Polygrammos nuncupata exi-  
 stimatur, quæ tamen celeberrima asse-  
 ritur, si ex viridi purpureum quiddā  
 cōplexa, alba præcingatur linea. Vn-  
 cijs vndecim magnam vidisse Plinius  
 testatur, indeq; arte consculptam Ne-  
 ronis

Iaspis quæ  
 optima.



ronis thoracatâ effigiẽ. Porro quod ad vires attinet, omnes pro singulari aduersus perniciosissima quæq; vene-  
na amuleto toto Oriẽte deferri, idem Plinius in scriptis reliquit. Verum enimuerò eam quæ Grammatias dicitur, alba insignem linea præferūt, quæ si geminata candidam efferat crucẽ, à nonnullis firmiter prædicatur ferentem adeò contra aquæ iniurias adserere, vt & hunc à submersione vindicare queat. Galenus medicinæ vsui illas esse confirmat, quod suo adhæsu stomachum firment, quem ventriculi os esse idem autor dixit: illiusq; rei se periculum fecisse profitetur, tor-  
que videlicet ex Iaspide à collo ita suspensio vt stomacho è directo responderet. Affirmatq; sibi coram exploratum esse sculpturæ expertes nihilominus prodesse, quàm si dracone radiato figuratẽ fuissent: quales Nechepsus rex insculpi instituit, vt idẽ Galenus refert. Adde quod Iaspis mulie-

Iaspidis  
vires.

## FRANCISCI RVEI

ribus menses cohibet drachmæ pondere deuoratus, sanguinẽ sudoremq; compescit, hydropẽ & febres arcet, oculorũ aciem suo virore reficit, Venererorum petulantem appetentiam retundit: partum proprietate quadã occultiori moderari creditur. Sunt q; ab aduersis casibus gestantem liberare, phantasma pellere, cõceptioni aduersari, & oculos ab omni sorde purgare laspidem dicant.

### *De Sapphiro. Caput II.*

Sapphiri  
differentiæ  
& nomina  
Syrmites.  
**I**Oui Phœboq; antiquitùs sacrã sapphirum in duo partiũtur præcipua discrimina. Sunt nanque quæ Orientales seu Indæ, sunt & quæ Podiæ, à loco scilicet suæ generationis, appellatur. Inuenio quoq; illam & Syrtitem ab inuentionis loco, vocari. Quanquam non eam putauerim esse, cuius Plinius meminit libro 37. hist. natural. cap. 10. his verbis: Syrtitæ (inquit) in littore Syrtium, iam quidem & in L  
cani

cania inueniuntur, è melleo colore refulgentes, intus autem stellas continent languidas. Tametsi namque nomine & originis loco conuenire videantur, color tamen huius syrtitis, è melleo croco, refulgens, manifestius reclamat quàm ut à quoquam suspicari debeat hanc syrtitem esse sapphirum. Sapphiri namque cœlesti colore conspicui sunt. Porro earum quę apud Medos <sup>Sapphiri</sup> <sup>descriptio.</sup> reperiuntur, supremam sibi maiestatem vendicarunt, quę serenissimi vernique cœli colorem efferentes, cœruleę conspicuntur, & ceu transfusas nubeculas (immixta etiamnum leui quadam purpura) repræsentant: ut videlicet sulphuris primum accensi colorem referant, aureis insuper punctis colluceant scintillentque, ita tamē ut visus acie materie crassitie retundant, ut & ad motum rerum imaginē speculi instar minimē reddant. sunt itaque hæ optimę sapphiri. Multę tamē alię visuntur quę quo magis ab his vel substantia vel colo-

re desciuerint, eo viliores censebunt. Inter quas quæ tanquā subcandicantes quasdam nubeculas ostentāt, præferuntur, vt ab optimis primum sibi locum occupauerint. Supremā olim Sapphirum auctoritatem habuisse, vt & apud diuos gratiam, ipsa perhibet antiquitas. Tam quippe dijs, Phœbo maximè, gratam hanc Gemmam causantur, vt tum præcipuè sua huic sacra placuisse creditum sit, cum inter hæc sapphirum (tanquam videlicet cōcordiæ signaculum) etiam si non citra factum superstitionemq; , ostentarent. Qua de caussa Pontificibus in primis, dein etiam regibus, summis denique viris, præ cæteris dignam, ob prope modum diuinas illius facultates, philosophi iudicarunt. Venereos compescere affectus creditur, ideoq; castis præcipuo vsui esse perhibetur: deinde animi in Deum propensionē, deuotionem, pietatem, constantiam, pacis ambitionem, deorum munera, opimaq;

Sapphiri  
vires,

Superstiti-  
ose credita



maꝓ (quod ad hanc vitam spectat) beneficia inuitare conciliareꝓ fertur: vt vel hinc ecclesiasticis præsulibus omnium maximè dignam rude etiam vulgus profiteatur. Addunt & contra iracundiam, inuidiam, fraudes & tristitiam pollere. Adeò scilicet contra effrenes animi mores efficax est credita. Verùm hæc ad animam pertinent.

Corporis præterea incrementum moliri, solidas principesꝓ fouere & asseruare partes, cordis oculorumꝓ vires reficere, horum excrescentias & pustulas inhibere; ruptas quoque membranas cogere Galenus & Dioscorides autores sunt. Addunt & aduersus scorpionum ictus & intestinas exulcerationes bibi, venenis etiam pestiferis resistere, & cōtra veneficia omnia, adde etiam & incantamenta præsidio esse, febrientes cordis venis pulsantibus admota iuuare, sudorem arcere, sanguinem cōtinere: carbunculis abscessibusꝓ calidis, pestiferis præser-

tim, mirum in modum aduersari tradunt. Commentitiū puto quod plerisq; dicitur Sapphirum Carbunculo extincto viribus destitui. Sunt & qui falsò iactent sentisse Dioscoridem quòd Sapphirus araneam in pyxide repositam occidat, si diutius supra animātem pendula admoueatur.

Mitto præterea quæ de hoc lapillo superstitionum Magorum præstigiola vanitas nugatur.

*De Carchedonio. Cap. III.*

**C**Archedonium è Carbunculorum Cesse generibus Plinius inter Latinos philosophos locupletissimus testatur. Quanquam & hîc præmonitū te velim ferè omnia tam Græca quàm Latina Apocalypsis exemplaria Calcedonium habere: quū tamen de hoc nomine vocato lapide nihil apud aucthores classicios inuenerim: de Carchedonio autem multa. Vt & hinc non ab re putem scriptorum incuria

vtracq;

vtraq; exēplaria iam olim vitiata esse,  
 quæ præstruere visum est nefacri te-  
 xtus veritatem ac dignitatem negle-  
 xisse videremur. Porro Carchedoni-  
 os putant imbre diuino generari. Lu-  
 na plena maximè reperitur. In Nasa-  
 monijs montibus nascitur, deinde & <sup>Carchedo-  
 nij genera-  
 tio.</sup> apud Thebas in Aegypto: verū quàm  
 prædicti obscuriores ac magis fragi-  
 les, venosi & morietis carbonis haud  
 absimiles. Neq; etiam desunt viri non  
 incelebres qui iuxta Basileam Argen-  
 tinamq; claras multū & insignes Ger-  
 maniae ciuitates quosdam Carchedo-  
 nios reperiri adstruant. Præterea au-  
 tor est Symphorianus Campegius in  
 Lotharingia quoq; Carchedonios o-  
 riri miræ magnitudinis, & si ferro per-  
 cutiantur sonoros, quos & vi prædi-  
 tos scribit aduersus raucedinem: vo-  
 cēq; clarificare. Ego verò absolutissi-  
 mo Carchedonio cū Lotharingo col-  
 lato, hunc non putauerim (tanti viri  
 pace dictum sit) esse verum Carche-

Carchedo  
nij descri-  
ptio.

doniū. Quandoquidem optimus colore conspicitur medio inter Beryllū & Hyacinthum, accedente etiam leuicula quadam & subardente purpura, vt & proinde facilis sit suspicio cōiisse Beryllum cum Hyacintho. Ideoque Carbunculis pallidior & subobscurior visitur, quanquam & Sole vel igne acrior excitetur. Dicunt etiam Carchedonios vmbra purpureos ostendere, sub dio verò flammeos videri, & soli expositos scintillare. Qui autem à Lotharingis passim circunferuntur rubri semper æqualiter conspiciuntur, tantum abest vt prædictos gratia & proprietatibus adsequantur. Quãobrem spurium potius Lotharingum Carchedonium esse iudicauerim, vel omnino ignobiliorem eius quandam speciem. Præterea commune omnibus Carchedonijs inuenio, quòd ceram signandam suo contactu ita quidem liquefaciant, vt eius adhærentē partem conuellant. Carchedonij (vt  
in



in omni Gemmarum genere) Masculi <sup>Mas & fœ-</sup>  
 acrius, fœminæ lâguidiùs fulgēt. Scal <sup>mina.</sup>  
 pturæ contumaces esse Carchedoni-  
 os inuenio. Cæterùm facultates eis <sup>Carchedo</sup>  
 tribuunt non obscuras contra Caco- <sup>nij vires.</sup>  
 dæmonas, & atræ bilis symptomata,  
 hoc est tristitiam timoremq̃. Neque  
 defunt qui victoriã ei promittere au-  
 deant qui illum secum gestauerit. Fer-  
 tur & festucas calfactus trahere. Præ-  
 cipuæ autē dignitatis sunt mares qui  
 stellas intus ardenteis ostentant, vel  
 cœlesti hoc schemate diuinas ferè e-  
 ius vires attestante.

*De Smaragdo. Cap. IIII.*

**V** Iridium Gemmarum iucundis-  
 sima primâque habita Smara-  
 gdus. Nullus nãq̃ colos oculis æquè  
 placuit, quòd horum acies virore ma-  
 ximè demulceatur, vt & capropter vi-  
 ridaria visus & animi recreandorum  
 gratia petantur. Ideoq̃ fit vt nullis lu-  
 mina nostra lapillis quàm Smaragdis

# FRANCISCI RVEI

Smaragdi  
genesis.

Arimaspi.

plus oblectamenti consequantur. Nil quippe cum herbis de viriditate meliori ratione certauerit, quum etiã quarundam virorem non rarò Smaragdus superet. Porrò optima apud Scythas in altissimis montibus ac in metallis aureis nascitur, vnde non sine magno discrimine ac negotio solet adipisci: Gryphis alitibus ferocissimis in ijs auro nidificantibus, & il-  
las tutantibus ab Arimaspis vnico in fronte media oculo insignitis, viris armatis eò auri & Smaragdorum cupiditate nimia consuetis accedere. Cæterùm quantũ reliquas virentes Gemmas Smaragdi superant, Scythicæ cū substantiæ puritate tum viriditatis illecebra reliquas sui generis species antecellunt. Secundam verò sibi dignitatem Bactrianæ vendicāt. Ab his autem Aegyptiæ. Quanquã & in Britannia maiore (quam nunc Angliam vocant) reperiri non ignobiles, autor est Albertus Magnus. Post generosissimas

nas itaq; quæq; pro sui puritate & vi-  
oris constati pertinacia, superior aut  
inferior æstimanda fuerit. Porrò præ-  
clarissima Smaragdus virenti iucun-  
ditate amœnissima prata proximè re-  
præsentat, solacq; præ omnibus alijs  
intuitum vbertim explet, & multo la-  
pore hebetatam oculorum aciem re-  
ficit: vt vel hinc apud scalptores maxi-  
mam inierit gratiam. Quinetiam è lō-  
gino se se efferunt Smaragdi quòd  
vicinum circumfusum ve aërem suo  
inficiant tinctu. Tametsi verò duo-  
decim eius enumerantur omnia fa-  
stigia, principis tamen & absolutissi-  
mæ descriptionem hîc adnotasse sat  
nobis fuerit. ea siquidem cognita,  
reliquas pro suis meritis metiri ac  
æstimare haud difficile fuerit. Sele-  
ctissima itaque Smaragdus ea est  
quæ viridissima, lucidissima ac pu-  
rissima existens, suo quidem viro-  
re oculos constanter explet, sati-  
at ve: ita vicinum aërem proprio

Optime P  
batio.

tinctu inficiens, vt neqꝫ soli neqꝫ um-  
 bris seu lucernis cedat: quin potiùs  
 perpetuo contumaciqꝫ virenti fulgo-  
 re semper irradiat, sui semper præbet  
 conspectum, substantia pertinaci ac  
 durissima. Porro Smaragdorum quæ  
 planæ ac læues sunt, speculi speciem  
 referunt, & imagines rerum admota-  
 rum supinæ repræsentant. Ideoqꝫ in-  
 scriptis est, Neronem gladiatorû cer-  
 tamina Smaragdo conspexisse. Vires  
 huic adscribunt præstantissimas ad-  
 uersus venena omnia: vt & hinc octo  
 granorum hordei pondere in polline  
 deuorata, venenatos à morte vindica-  
 re potens iam pridem explorata sit.  
 Affirmât etiam serpentis oculos dif-  
 fluere, si optimam Smaragdum diuti-  
 us intueatur. Comitiali præterea mor-  
 bo vel à collo pendulam vel annulo  
 gestatam, ceu amuletum generosum  
 prodesse, Hemitritæumqꝫ sanare, con-  
 firmant. Iam verò apud omnes conue-  
 nit lapidem hunc rerum Venerearum  
 impa-

Smaragdi  
 Vires.



impatientem esse. Vt etiam Albertus ille Magnus adseuerare non dubitârit, regi Hungariæ cum vxore rem habenti, Smaragdum quam annulo portabat, in tres diuulsum fuisse parteis. Proinde palàm esse creditum compertio, ad castitatem non mediocrè hūc lapillum habere proprietatem. Addunt deniq; & ipsum memoriam fouere, visum recreare, opes augere. Mitto quæ de lapillo hoc supersticiosorū magorū nugacissima impostura mentitur. Porro qui non vsque adeò vident, vino & oleo abluti (autore Plinio) emendantur.

*De Sardonyche. Cap. V.*

**S**ardonychas olim Romanis in magno fuisse precio autor est Demosthratus. Porro numerosa specie videntur: quarum India parens est, celeberrimæ habentur. Post has Arabicis laudem detulerunt, circuli præclaro candore, nec tamen nimis gracili, ve-

## FRANCISCI RVEI

rūm in vmbonibus nitido. Optimæ autem iudicantur quæ colore constant veluti carnibus humanis vngue interfuso (qualē audio vulgus incarnatum vocare) vtroque nihilo secius colore vtcunq; pellucido atq; languido, ceu scilicet quis rubricam visum transmittere intelligat affuso etiamnum colore vtcunq; glauco. Itaq; Indicæ præstant. Colorum quoq; varietate suam ostentāt dignitatem, vt vix in alia Gemma depingenda nature diuina sagacitas magis reluceat. Ex his

Optimæ  
delinatio.

nancq; generosiores, radice tanquam à basi quadam nigricante (quam quis non iniuria, è nigro ad cœruleum desciscere crediderit) Onychas primū quadantenus repræsentant: hinc imitante Sardinum subrubente zona præcinguntur, à qua deinde linea alba in gyri modum ambiuntur: Tandem verò lata atq; diuersa intercapedine in ampliorem, nec minùs artificiosum ac candidum circulum meant. Postre

ma

ma omnib. ijs zonis, veluti basis quædam altera substernitur: quæ vt Arabibus nigerrima est, ita Indis cerea vel cornea conspicitur: quasi videlicet in cādido pingui vnguis humanus trāsfundi, accedente etiam subobscura quadā nubecula, existimetur. Ideoq; nemini mirum esse debeat, si quis Sardonychas ex Sardij, Sardę & Onychis coitu fieri suspicetur, quum Sardonychas palām sit trium illarum Gemmarū referre colores ac substantias. Preferuntur quibus candidæ vel purpureæ zonæ sese ex ordine, citra alterius rei intermixtionem, recipiunt, & albicantes circuli, immixta leui purpura, Probatioꝝ cœlestis arcus anhelationem quandā referunt. Melleæ verò & feculentæ reijciuntur, cum ijs etiam quibus circulus aliquis sese quidem diffundit, non autem recipit. Aduersus vene-Potentiaꝝ, rea pollere, & animi fastum, † Ony- † Onychū. charum item nocuos effectus arcere creditur.

# FRANCISCI RVEI

## De Sordio. Caput VI.

**S**ardium à Plinio Sardā vocari inuenio. tametsi non desint viri non in celebres qui ab hac Sardium multū discriminari iudicēt, quòd videlicet hic ruber, illa verò alba visitur. Forsitan vocum vicinitas Plinio imposuit. fuit autem Sardiū apud antiquos nō infimi nominis: nūc autem nullus aut minimus eius vsus. Porro colore conspicitur rubro, verū sub obscuro, vt si quis imaginetur terram rubricam pellucere quidem, sed sub obscura of fundi nubecula. Adeo q̄ is sui generis optimus cēsetur, & quòd latius ab hac perfectione reliqui abibunt, hoc minus nobiles iudicabuntur. Timorem pellere, audaciam præstare, à veneficijs maleficijsq̄ gestantem adserere, sanguinem è naribus fluentem compescere, animo lætitiā, ingenio quot Onychū. que acumē inuitare, perhibetur. † Onycharum prætereà retundere iniurias creditur: vt vel hinc Sardonychas inno-

Sardij deli  
neatio.

Probatio.

Virtutes.

† Onychū.



innocuas esse confirmant, quòd Sardium complectuntur, Sardij item mares acrius fulgent, ideoq; præstantiores habentur, quod & alijs ferè Gemmis commune est.

*De Chrysolitho. Cap. VII.*

**C**hrysolithos multiplici discrimine partiuntur, quarum ignobiliores Arabicæ dicuntur, quòd vario colore ac turbulento còspectu sunt. Reperio etiam & Chrysolithos in Germania nasci, in iugis scilicet Mysinacis & locis conterminis, splendore tamen ad candidum languido, quàm aliæ magis fragiles. Selectissimarum India nutrix, quæ quadantenus cœruleæ sunt, marinæ aquæ virore ita præseferentes, vt aurû in collatione quadam veluti argenti facie cogant albicare. Porro partibus respirationis, a-

Chrysolithi species & genesis.

Optimæ descriptio.

Facultates.

## FRANCISCI RVEI

Stultitiamq; pro amuleto defert. Dæmonas prauos pellere, sapientiam, animi quoq; constantiam promouere creditur. Nocturnis item pauoribus, & molestis inter somnijs aduersari crebro sum expertus. Addit & Thetel ludaus philosophus Chrysolithos reperiri insignitas foemina, vna manu auē, altera verò piscem continente: mercatoribus vtilis quòd stultitiam pellat, inuitent autem solertiam, qua illi suis negocijs bene absoluendis maximè egent. Quanquam & id suam abundè redoleat vanitatem.

### *De Beryllo. Cap. VIII.*

Berylli probatio.

**B**eryllorum India parens est, ita vt rarò alibi oriantur. Est autē Beryllus vna ex virentibus lucidisq; Gemmis. Probatissimæ sunt quæ limpidi maris virorem proximè referunt. Ab his Chrysoberylli paulò lāguidiores, fulgore in aurum vergente, laudātur. Sculpuntur singulæ forma sexangula, quòd

sa, quòd color alioqui hebes & languidus angulorum excitetur percussu: vix namq; aliter politæ fulgent. Porro quamuis decem eius faciant genera, sat tamen nobis esse putamus principem indicasse, vel hoc præsertim nomine quòd hac cognita, facile cuius fuerit reliquas species ad iam indigetatæ Berylli faciem metiri. Oculis humentibus, ructibus, suspirijs, iocinebris quoq; malis, illius ex aqua dilutū vires. (infusionem nostri Seplasiarij vocāt) non mediocriter auxiliatur. Inuenio & hanc Gemmam aduersus hostium iniurias, & contra segnitiam pollere, ingenio prodesse & coniugatos inuicem conciliare.

*De Topazio. Cap. IX.*

**Q**Uæ de Topazij inuentione varia adferuntur, tanquam à nostro instituto aliena (quod & in singulis ferè capitibus obseruare adniti mur) omittimus. Porro Topazium Gemmarum amplissimam tradit Pli-

nus, vt etiam Arsinoæ Philadelphi  
vxi statuatam præbuerit quatuor cu  
bitorum in delubro aureo sacrâ. Du-

Duplex To  
pazij ge-  
nus.

plex eius differentia est, priorem Pra  
soiden, id est porraceam, alteram au-  
tem Chrysopteron: rectius autē Chry  
sopterin (hoc est ad filicis herbæ viro  
rem inclinantem) nuncupant. Neque  
enim è voce Græca *κρίσος* Latinis a-  
lam significante aut pennam, verum  
à voce *κρίσις* filicem herbam indican  
te, Chrysopterin deriuari putauerim:  
est namq; filicis viror quàm porri dilu  
tior. Vt sit Chrysopteros, vel si mauis  
Chrysopteris Topazius aureo colo  
re, transfusa insuper blanda quadam  
viriditate ad glaucū accedente. Qua  
lem Topazium mihi æstate superiore  
cōmonstratam fuisse reminiscor, sub  
stantia quidem non mediocriter te  
nui, multum autem pellucida, colore  
tamē ex flauo in pallidum languido,  
immixto etiamnum aqueo quodam  
viore, adeoq; filicis foliorum viridi  
tatem



tatem repræsentante. Solæ autem hæ præcellentium Gemmarū limam admittunt vsuq; atteruntur. Topazij laus non vulgaris profectò: quando-  
 quidem vires ei aduersus sanguinis e- Facultates  
 ruptiones tribuuntur: ideoq; vulneri admota sanguinem è vestigio compe-  
 scere: iracundiam præterea ac vene-  
 rea cohibere creditur. Nec desunt q; facto periculo audeant affirmare, q; manus Topaziū habens, ab aqua bul-  
 liente citra iacturam eripi possit: vt quæ aquæ feruorem vsque adeò tem-  
 peret vt ab ea omnē bullam mox pel-  
 lat & calorem nocuum. Mirum verò quòd vires pro Lunæ augmento aut decremento euariet: vt & hinc lunati-  
 cos iuuare perhibeatur. Sunt qui hūc lapillum stultitiam pellerè, delirium auertere, & à momentanea morte fe-  
 rentem vendicare, & phrenitidi obnoxij amuletum ef-  
 se prodant.

**C**hrysoprasum & Chrysoprasium  
 Plinius scribere videtur, nam li-  
 bro 37. cap. 8. Topazij genera discrimi-  
 natim narraturus in hunc modum  
 scribit: Duo eius genera faciunt Pra-  
 foidé atq; Chrysopteron similē Chry-  
 soprasio. Nec ita multo pōst subdit:  
 Valioris turbæ est Prasius, cuius alte-  
 rum genus sanguineis punctis obhor-  
 ret. Tertium virgulis tribus distinctū,  
 est candidum. Præfertur his Chryso-  
 prasius porri succum & ipsa referen-  
 te, sed hæc paululum declinans à To-  
 pazio in aurum. Eiusdē verò libri ca-  
 pite 5. Beryllorum discrimina descri-  
 pturus: Vicinum (inquit) genus huic est  
 pallidius, & à quibusdam proprii ge-  
 neris existimatur, vocaturq; Chryso-  
 prasus. Item & eius libri cap. 11. Colos  
 (inquit) appellavit Chrysolithum au-  
 reus, Chrysoprasum herbaceus. Puto  
 tamē vel scriptorum vel typographo-  
 rum oscitātia Chrysoprasio, p Chry-  
 sopra-

Chrysopraso, & prasius pro prasus substitutum esse, vel hac ratione quod utranque asserit porri succum referre, cui Chrysoprasi & prasi voces longè melius respondent: sicuti & ibidem his pro is, & Chrysopterin pro Chrysopteron reponendum censeo, ut scilicet in hunc modum Pliniana lectio castigetur. Et duo eius genera faciunt Prasoidem atque Chrysopterin simile Chrysopraso, & demum vilioris turbae est prasus (nisi tamen prasius vocem adiectivum quoddam esse censeas) cuius alterum genus sanguineis punctis obhorret. Tertium virgulis tribus distinctum est candidum. Praefertur his Chrysoprasus porri succum & ipsa referente. Palàm enim est Plinium eò loci Chrysoprasum tribus Prasi generibus conferre, eundemque praestantiorē haberi velle. Sed hæc missa.

Emendatur  
Pliniana lectio  
li. 37.  
cap. 8.

Chrysoprasus itaque lapis porri viriditate ad aurum inclinante conspicitur: ideoque herbaceum colore imi-

Description



## FRANCISCI RVEI

tať. Optimus itaq; est qui aureis guttis conspergitur. Mirum quòd luminis tam importunum scribūt quidam vt genuinum decorem per solas tenbras ostendet. Vires ei tribuunt con-

*Virtutes.* tra sacram auri sitim: Cordis vires reficere, & oculorum imbecillitatem finire creditur.

*De Amethysto. Cap. XI.*

**P**Ræcipua inter violaceas Gemmas Amethysto laus & autoritas: eius autem plura enumerantur fastigia. Porro Indicæ supremam sibi vendicarunt maiestatem: Post has verò Arabicæ, Armeniacæ, Aegyptiæ & q̃

*Delineatio* in Galatia reperiuntur. Infimæ omnium quæ in Thaso aut Cypro gignuntur. Singulæ tamē violas vtcunq; referūt, fulgent quoq;, sculpturæ vt si quæ alia faciles. Absolutissimam purpurā

*Probatio.* Indicæ repræsentant: inter quas eæ quæ præcellunt quæ veluti ex carbunculo irradiātis in murice rosei cuiusdam nitoris iucundam anhelationem effun-



unt. Quarum, quæ blando quodam  
spectu tanquam ignitam eiacularur  
cintillam generosissimæ atq; effica-  
cissimæ putantur. Neq; etiam hîc ad-  
notare pigebit quòd accedunt quidē  
Amethysti omnes ad vini ruborē, ve-  
rū eo non adepto in violaceum fi-  
iuntur, vt purpuræ videlicet fulgor  
sque adeò igneus non sit: sed in vini  
colorem euariet. Quanquam inueniā  
& Amethystos quosdam ad Hyacin-  
thos deficere, alios verò ad vinū ma-  
gis: nullæ tamen vinosi coloris exper-  
tes omnino laudantur. Quæ verò ad  
crystallum ceu subalbida quadam ac  
cei purpura desciscunt, cunctis igno-  
biliore habentur. Veneris gemmam,  
coloris luxus & illecebra vocari fe-  
cit. Aristoteles autor est amethystum Potentiæ.  
umbilico admotum vini vaporē pri-  
mum ad se trahere, deinde eum discu-  
tere: proindeq; à crapula & ebrietate  
ferentem vindicare. homini præterea  
contra topica amuletum esse compe

rio. Addunt & alij malas illum arcere cogitationes, & præcox foelixq; ingenium efficere. Ad hæc vigilantē & principibus gratum reddere eum à quo portetur. Sunt qui grandinem auertere & omnia prospera inuitare illū tradant. Mitto hîc quæ de hoc lapillo superstitiosi impostores credulis nimium auribus insusurrant, tanquam videlicet Christiano instituto indigna, qualia ferè sunt etiam quædam ex ijs, quæ partim paulo antè, partim etiam & in alijs huius libri capitibus, è certis tamen autoribus, retudimus, cuius te vel ideo monitum cupimus, ne quæ egregio illi censori, aut alij similis faraginis homini calumniandi ansa relicta videatur: quæ ea venia à nobis petiti posse iudicauimus, quæ ab alijs petita fuisse vidimus, quanquam ea omnino prætergressi simus quæ præstigiösam illam Magiam plus redolere cernebantur, quàm Christianam eruditionem deceret admittere.

## De Hyacintho. Cap. XII.

**H**Yacinthus à sui nominis flore  
 nomen habet: eius namq; colorẽ Delineatio  
 quàm proximẽ repræsentat. Est itaq;  
 Hyacinthus colore quidem fuluo, ab  
 Amethysto (Plinio teste) differens q;  
 quæ in hoc emicat viola, in illo dilu-  
 ior cõspicitur, vt quis scilicet ab A-  
 methysto ad aurum immixta etiam le-  
 ui quadam sed subobscura purpura,  
 desciscere dixerit Hyacinthum. Tri-  
 plicem eius inuenio differentiam. est Genera  
 enim qui ad rubrum plus inclinat, i-  
 gniq; purpurascit magis, cui nonnul-  
 li primam adiudicarũt autoritatem.  
 Est & alius, è fuluo croceũ repræsen-  
 tans, quiq; igne obscurior redditur.  
 Tertium è fuluo ad cœruleum nõ in-  
 gratam præ se fert anhelationem, inde  
 sapphirini nomẽ habet, cui alij supre-  
 miam maiestatem adiudicant, vel hoc  
 nomine quodd Hyacinthi, Sapphiriq;  
 naturas complecti, ex vtriusq; tinctu-  
 ra videatur. Hic præ omnibus alijs æ-

ra sentire perhibetur, sereno scilicet  
 coelo ceu gratulabundus, impensius  
 superbiens, nubilo autem aut omni-  
 no obscuro iniucundior, humiliorq;

Probatio. adparens. Probantur qui nec obscu-  
 riores nec clariores sunt, quique igni  
 admoti vtcunq; purpurascunt. Mirū  
 quod temporū constitutionibus qq;  
 affici videantur, vt coelo placido pel-  
 luceant: ingrato verò, tanquam eius  
 iniurias ægrè ferētes, tristi aspectu cō-  
 pareant, vt vel hinc coelestis illum ef-  
 se naturæ, nō ab re quis asseueret. Pro-  
 batissimus quisque frigidissimus ore  
 sentitur, & scalpturnæ contumax vix

Proprietas tandem cedit. Porro quod ad facul-  
 tates spectat, pertinaci frigiditate cor-  
 pora densare atq; reficere, somnū cō-  
 ciliare, virtutes (cordis præsertim) tue-  
 ri, à populatim sæuiēte peste, cū ma-  
 nifesta sua qualitate, tum recondita  
 quadam proprietate, gestantem adse-  
 rere, creditur. Ideoq; pro amuleto col-  
 lo suspenditur è regione cordis, vt cu-  
 tem



tem contingat. Nec defunt qui Hya-  
cinthum confirmant diuitias auge-  
re, & animi alacritatem efficere; præ-  
tereà & à fulguribus portantem de-  
fendere.

*De Margaritis. Cap. XIII.*

**O**Mnib<sup>9</sup> certè notiores sunt Mar-  
garitæ, quàm vt earum deline-  
atione opus esse suspicer. Porro quòd  
ad earū originem attinet, variā est au-  
torum sententia, cuius tamen diuersi  
tatem dissimili earum genesi acceptā  
tulerim, non autem illorum aut igna-  
uiæ aut oscitantiæ. nec enim video cur  
cuiquam mirum videri debeat, si pro  
diuersa cœli constitutione illarum ge-  
neratio variet. Quid namq; prohibet  
aliter nasci eas quæ ab Erythræo ma-  
ri, quæ uè à Taprobane & Toidis, vel  
etiam ab Arabiæ petuntur littoribus?  
secus autem quæ à Paria vicinisq; Au-  
strinis vel etiam occiduis Septentrio-  
nalibusq; Oceanis ab edoctis vrina-

Genesis  
Margarit-  
arum.

## FRANCISCI RVEI

rijs solertissima petuntur arte. Proinde Plinium rerū naturalium peritissimum nullius inscitiae aut negligentiae infimulandum censeo, quod de Margaritarum natalitijs aliter scripserit quàm Austrinarum, Occiduarumq; nuper inuentarum regionum lustratores literis prodidere, quorum monimenta prætereo ne prolixior fiam. Sat nanq; nobis in præsentiarum fuerit apud omnes conuenire, Conchas pro sua ætate ac magnitudine maiores, pro roris verò (appetente genitali tempore) concepti puritate vel obscuritate generosiores vel ignobiliores eniti. Quæ ratione vberiore cum coelica natura, quàm cum æquorea consensum & cognationem obtinuisse manifestum puto. Flauescere deinde has vel igne, vel omnino senectæ, atq; etiam crassescere, læuoremq; sensim deponere omnibus in confesso est. Inuenio præterea & concham præuifa manu apprehensura, sese continuo

tinuò comprimere, vtpote suas operi-  
 turam diuitias, gnaram scilicet quòd  
 harū caussa impetatur, inimicā quoq;  
 manum si fortè comprehenderit, am-  
 putare: iustissima (vel Plinio autore)  
 tātæ temeritatis, luxus & auaritiæ pœ-  
 na. Est & præterea apud Vogesum in  
 Lotharingia montem amnis Margari-  
 tarum ferax: verū non vsquead eò  
 splendida sunt. Mirum tamen quòd  
 quæ per genesim gratia in eis desyde-  
 ratur, per columbas refarcitur: quæ  
 scilicet deuoratas puriores tandē eas  
 cum fecibus reddunt restituūtq;. Præ-  
 feruntur quæ candidissimæ, lucidissi-  
 mæ, rotundissimæ, leuissimæ & mini-  
 mi ponderis sunt, maximè autē si na-  
 tura perforatæ sint. Porro præcipua  
 margaritis laus est, quòd siccitate in-  
 nata corporis redundātiā absumūt:  
 ut vel hinc vires, spiritus, cor & princi-  
 pes corporis partes recreent. Ideoq;  
 contra cardiacos & melancholicos  
 affectus plurimū celebrantur, ma-

gnoq; vſu cōmendantur. Adde quòd à vulgaribus peſtiferisq; morbis defendunt, & diarrhœis magnoperè cōferunt, hac tamē ratione, vt vel in poline vel alio quouis modo inſumantur. Oculorum præterea abūdantem humorem finire, ideoq; & viſui prodeſſe, oculis ſcilicet quàm tenuiſſimo earum puluere immiſſo, traduntur. Neq; enim ſolo geſtatu quippiam illas poſſe reperio, quàm inexplebili humano luxui arridere.

*De Carbunculis. Cap. XIII.*

**P**Oſteaquam de tredecim illis, quarum ſacra Apocalypſis meminit, Gemmis, ſermoni coronidem impoſuimus, pro noſtri abſolutione inſtituti, de alijs qui nunc paſſim in vſu ſunt lapillis operæ præcium fuerit diſſerere, à precioliſſimisq; Carbunculis ordiri. Carbunculos itaq; (ab igni-  
ti carbonis colore ita vocatos) inter  
ardentes igneasq; Gemmas ſupremā  
ſibi

Carbuncu-  
lorum de-  
ſcriptio-  
nes & gene



sibi vendicasse maiestatem, apud omnes conuenit. Porro in numerosas diuariantur species: sunt namque qui Garantici, Indici, Aethiopici, Alabandici nominantur, singuli scilicet à suæ generationis loco. Persuasum autem habeo præsentihuius nostro argumento abundè facturum me satis, si Carbunculorum quatuor genera explicauero. Itaque verissimo generosissimoque, imò & imperatoribus dignissimo propriè vocato Carbunculo, Balagium, Rubinum, ac Granatū Gemmas vulgarissimas annumerabimus: hæ siquidem interardentes ignem à certissimo Carbunculo propius repræsentant. Porro selectissimorum carbunculorum multiplicem inuenio differentiam. Quidam enim colore vehementer igneo in modum ardentis prunæ translucent, ita tamē ut extremus earum igniculus in Amethysti violā desinere videatur: sed & per tenebras lumen diffundunt non iniucundum:

## FRANCISCI RVEI

sunt & alij qui pinnato fulgore pellant. Alij alba præcincti venula, qui coloris præstantia atq; illecebrâ nullis alijs cedant, quibus etiam familiare esse perhibent inter ignitas prunas ceu mortuos languidosq; comparere: supereffusa autem aqua, carbonibus extinctis, è vestigio priori gratia ceu rediuvio colore gloriabûdos resplendere: tanto naturæ miraculo, ut hinc Carbûculi genus hoc præcipuû nonnulli reputent. Hunc Carbunculum

*Apyrotus.* Apyrotum nuncupari compertio, quòd ignem non videatur sentire. Demum & hunc sequitur qui sandraftos quibusdam, alijs Garamantites vocatus est. Hic ex India vel Arabia, qua meridiem spectat, petitus superiorum splendore atq; igneo colore nobilis, aureas insuper guttas continet veluti stellantes: intro quidem semper, nunquam tamen in facie conspectas, hoc etiam ordine disseminatas, ut Hyades cum guttarum nume-

ro tum serie iudicari valeant. Ideoq; & hoc Carbunculi genus viri quidā non incelebres cæteros albis (quod aiunt) equis præire confirmāt, quòd præ alijs longè vberius cœlestes complectatur virtutes, syderumq; conce-  
pisse similitudinem videatur. Quade-  
re & Chaldæis sacrum quibusdam æ-  
stimatum est. Gemmarum omniū ca-  
rissimæ sunt Carbunculi, vt eadem sit  
earum cum reliquis comparatio quæ  
auri ad metalla quævis analogia. lu-  
cundiores tamen existimantur quæ  
Amethystizontes dicuntur: quarum  
scilicet extremus igniculus in violam  
desinit ac purpuræ quandā effert an-  
helationem. Porro in omni carbun-  
culorum genere, mares foeminis exci-  
tatiùs fulgēt, foeminæ autem ceu pin-  
guiores crassiùs nitent. Quòd autem  
ad vires attinet, Carbunculi singulis  
quibus Gemmæ omnes aliæ præditæ  
sunt virtutibus cōmendantur, vt vel  
hinc omnium nobilissimi sint habiti.

Carbuncu-  
li vires.

## FRANCISCI RVEI

Soli siquidem eiaculato igne fulgore  
verutilo solem imitari vel hoc sche-  
mate palàm conspiciuntur. Vt & hinc  
præ cæteris Phœbo dicari creditum  
sit, quem cunctis syderibus tanquam  
regem præesse adstruunt philosophi.  
Ideoq; & solum hunc lapillum suam  
in reliquos posse figuram imprimere,  
quum tamen alius nullus in illum idẽ  
præstando sit, Aristoteles autor est.

Balagij de  
lineatio. Cæterum Carbunculis proximam  
sibi gratiam dignitatẽq; Balagius co-  
loris iucunditate & illecebra fecit: La-  
pis quidem colore rubro & præluci-  
do, sed qui superaflufo sublanguido  
quodam fulgore cramesinum vulgò  
dictum colorem quadantenus refe-  
rat. Sequitur deinde Rubinus lapis  
ita vocatus, laudatus maximè si per te-  
nebras in speciem blandæ cuiusdam  
scintille micare videatur & simplicis-  
sima consistat substantia. Illis deniq;  
Granati succedunt longè obscurio-  
re ac minus grato colore, tanquã vi-  
deli-

Rubini de  
scriptio.

Granati  
delineatio



delicet opaca quadam vmbra vel nubecula Rubinum offundi iudices. La-  
 pis certè non rarus, proinde & hoc  
 xui in minimo precio habitus. Porrò  
 narum Gemmarum vt quæque ma- Probatia.  
 gis minúsve ad verum carbunculum  
 accedit, ita commendatior aut igno-  
 bilior & clarioribus aut obscuriori-  
 bus proprietatibus donata censetur.  
 Balagio itaq; similes ac Carbunculo Balagij  
vires.  
 facultates, sed imbecilliores tribuunt.  
 Rubinum aduersus pestilentem aëre Rubini vi-  
 pro insigni amuleto portat & contra  
 terrentia somnia. Granatum præter- Granati  
vis.  
 ea melancholiæ aduersari & cor refi-  
 cere credunt. Adulterantur autem  
 omnes vitro rubore infecto: sed & e-  
 languidos folijs bracteisq; quibusdã  
 rubicundissimis substratis excitatio-  
 nes reddunt, vt non sit facile à spurijs  
 veras secernere. Scalpturæ † certissi- † verissim.  
 næ contumaces sunt. Adulteræ cote  
 prehenduntur, quòd fragiliore ac  
 molliore sint compareantq; materia.

## FRANCISCI RVEI

sed & centrosa scobe dinoscunt, nō-  
nunquam etiam pustulis argenteis in-  
tus nitentibus.

### *De Adamante. Cap. XV.*

**M**Aximam in rebus humanis sibi  
gloriam asciuit Adamas, multo  
quidem æuo solis regibus & ijs pau-  
cis agnitus. Nunc autem tam creber  
vt omnibus penè in delicijs sit & lu-  
xu. Est autē generosissimus Adamas  
colore ferro candenti haud absimi-  
lis. Fatiscit hircino sanguine, maxime  
si aliquot ante dies hircus petroseli-  
no, silere montano & vino sit educa-  
tus: plumbo item dissolui reperiō.

Porro in sex Adamantem partiun-  
tur genera. Indicus non in auro nasci-  
tur, sed quadā cum Crystallo cogna-  
tione, candore placido translucet.  
Huic proximus est Arabicus, minor  
tantū, nec alibi quā in syncerissi-  
mo auro generatus. Incudibus & fer-  
reis malleis vterq; deprehenditur: ita

nanq;

Adamantis  
descriptio  
& genera.

Probatio.

namq; ijs vterq; resistit vt indomitus  
 citra omnem iacturam, à ferro & in-  
 cude sese explicet. Quinimò pusilla  
 tametsi mole, ignibus etiam vastissi-  
 mis iniectus medius, pertinax atq; il-  
 læsus ita permanet, vt nullam prorsus  
 ignis actionem admisisse (etiam si mul-  
 tos dies ibi perseueret) palàm osten-  
 dat, vnde & indomitam antiquis vo-  
 cari Gemmam inuenire est. Est & a-  
 lius Adamas Cenchros nominatus,  
 milio magnitudine respondens. A-  
 lius deinde Macedonicus cucumeris  
 semen æquans. Hunc sequitur Cy-  
 prius in sulphureum desciscens, qui  
 licet à prioribus fulgoris lāguore de-  
 ficiat, præcipui tamen in medicina v-  
 sus est Plinio. Postremus verò Side-  
 rites ferreo fulget nitore. Hunc ab an-  
 tiqua petatum minera passim dici au-  
 dio, atq; ideo ab inerti vulgo reliquis  
 præferri. Sic vulgus ignauum suo du-  
 citur sensu, vt crebrò vilissima quæq;  
 pro optimis reponat. Hic namq; side-

# FRANCISCI RVEI

rites iētibus cedit & malleis, adeò videlicet ab adamātis natura palàm degenerans, vt vel hinc solam apud eos nominis gratiam vsurpasse credatur, qui rebus externis contenti ad omnē veritatem oscitare consueuere. Neq̃

Mira Adamantis ad hirci sanguinis vim dissensio.

pigebit etiam secundò recensere, nō sine magno naturæ miraculo fieri, vt vis illa Adamantis indomita, qua scilicet suarum partium integram contra ferri ignisq̃ iniurias cōnexionem pertinaciter tuetur, ab hirci sanguine calido quidem & recenti ita afficiat, vt tandem conniueat & atteri patiatur. Inde q̃ seposito omni superbo, quo antea gloriabatur, fastu, malleis & incudibus cedat, vt sese in minimas etiam partes frangi, mangonum vsui, permittat, qui ijs postea fragmentis nullam duriciem non superant. Porro maxima Adamantis quantitas auellanæ nucis magnitudinem & formam æquare perhibetur. Generosissimus itaq̃ & selectissimus iudicabitur

Probatio.

Ada-



Adamas, qui iam narrata descripta<sup>q</sup>  
 nuicta natura præditus, crystallo pau  
 o obscurior, ferrum candens nitore  
 efert, coeruleo<sup>q</sup> quodam interfuso  
 splendore, ita quidem refulget vt flā  
 neum solarémque quendam radium  
 transmittere videatur: quasi scilicet  
 vario translucenti<sup>q</sup> suo fulgore quā  
 lam cœlestis arcus anhelationem re  
 præsentet. Porro vires Adamanti fe- Proprie-  
tates.  
 è diuinas tribuunt philosophi, effi  
 caciores tamen in auro, quanquā qui  
 busdam placere inueniā ferreā quan  
 dam tenuissimam bracteam subster  
 ni debere. Contra venena & incanta  
 menta amuletum esse præsentaneum  
 testantur, qui Adamantem præsentem  
 toxico madere confirmant. Ideo<sup>q</sup> pe  
 tiferis causis resistere credit: negat<sup>q</sup>  
 terentem fascinari posse, adeò scilicet  
 cacodæmonibus inuisus esse perhibe  
 tur. Insaniam, metus quo<sup>q</sup> vanos, ac  
 terrentia inter somnia arcere fert. Gé  
 na recôciliationis prædicatur quod

## FRANCISCI RVEI

hostilem demulceas furorem, & viri  
eum vxore necessitudinē foueat. Ab  
incubis & succubis eum adferunt qui  
adamantem portat. Vanum omnino  
& præstigiij quandam præ se ferēs ima-  
ginem eorum nugamētum puto, qui  
adamantem dicunt vxoris insciæ ac  
dormientis capiti suppositum statim  
prodere sit pudica, necne. Vel hac ra-  
tione quòd ipsa à mariti consortio  
quasi fugibunda statim excidat, si qui-  
dem fideli toro iniuriam impudica fe-  
cerit: Adamante scilicet marito ca-  
stoq; toro indignam mulierculā hoc  
schemate palàm ostendente. Huic la-  
pillo natura rerum omnium parens  
tale cum Magnete dissidium ingenu-  
it, vt illo præsentē omnem vim tractri-  
cem à magnete direptam planè con-  
spicias. Quin magis tractum ab hoc  
ferrum feroci quadam vi ab admoto  
Adamante reuelli cernere est: Vt &  
hinc multis visum esse suspicer Ada-  
mantem alijs Gemmis iunctum ipsa-  
rum

Dissidium

tum ad se virtutem omnem trahere, quòd non crediderim. Cæterùm nūc reconditas illas vereq̃ admirandas proprietates ad dæmonum imposturas demandabimus, quòd earum causam naturalem nemo (vt puto) adferat exactam, vti censori nostro ac similibus viris parum circumspectis, nihilq̃ sue ignorantia cōcedere volentibus fortitan videtur? absit non ab hoc tantūmo, sed & à quouis alio verè docto & piè Christiano. Quinimò eapropter in Dei & Domini nostri omniū creatoris propensioſiorem admirationē geramur, eiusq̃ magnificentiam ardentiori studio ac necessitudine efſeramus.

*De Achate. Cap. XVI.*

**M**aximam tempus autoritatem ademit Achatae, non quòd viribus minùs quàm antiquitùs polleat, sed quòd copiosior sit: qua enim occasione solet in rebus humanis elationem fastumq̃ raritas adferre: eadē

etiam multitudo, & crebrior familiaritas contemptum parere consuevit. Plinius autor est Pyrrhum Epirotarū regem Achaten habuisse, nouem Musis cum, Apolline citharam manu tenente insignem: nulla arte, sed sola naturæ solertia ac virtute, sponte maculis ita discurrentibus, vt Musis quoq; singulis sua redderentur insignia.

Porro tam est vulgaris Achates vt delineationem eius & genera scribere omnino superuacaneū arbitrer. Probatissimæ verò sunt perspicuæ, quæque leoninæ pelli similes sunt, vel etiā nigre albis intersectæ lineis. Mercurio  
 Probatio. sacram Achaten rudis nimiū antiquitas credidit, eam præsertim quæ apud Indos nata est, vbi vario colore, guttis etiam phœniceis conspersa vitur.  
 Virtutes. Cæterū omnem Achatem venenis pestiferis, araneorum atq; scorpionum ictibus, aduersari, prudentiā ac facundiam præstare, ab aduersa fortuna tutari, visum fouere, cor recreare;



re, sitim ore cōtentam arcere adstruunt. Nec desunt qui tum maximè efficacem scribūt, cum setis leoninis involuta deferatur, quod quàm à vanitate quoq; absit, iudex esto.

*De Aleatorio. Cap. XVII.*

**A** Lectorius lapis in ventriculo ca<sup>Genesis & delineario</sup>pi reperitur, obscuri crysalli similis & colore & substātia, nisi quòd paulo crassior adparet, non excedēs fabæ magnitudinem. Probatur quæ<sup>Probatio</sup> intus velut stagnātem ingesti cibi micam, modicam nec vsque adeò obscuram ostentat. Sunt quoq; qui audeāt affirmare caponem in quo Alectorius sit absolutus, bibere nunquam: id eo que strenuis militibus ex usu esse creditur. Proinde Milonem Crotonensem eius Gemmæ in ore contentæ præsidio, nullo vnquam certamine superatum prædicant. Porro Aleatorio<sup>Virtutes</sup> vires tribuunt non in celebres contra pericula quæuis. Præterea Venerem

## FRANCISCI RVEI

ciere, homini constātiā, mulieribus virorum gratiam conciliare, ferenti quoq; facundiam præstare, potēs creditur. Sed & sitim ac cordis æstus arcerere ore inclusa experimento non raro constat.

### *De Torcoide. Cap. XVIII.*

**T**Orcoiden tam in magno precio esse ferè apud omnes conspicuū est, vt multi suo tunc demum luxui aliqua ex parte satisfactum putent cum præclaram quandam nacti fuerint.

Genera &  
delineatio

Duo itaque sunt eius fastigia, à suæ scilicet propagationis loco nuncupata. Inferior siquidem Hispanica: Altera Indica seu Orientalis nuncupatur. Vtraq; tamen consimili, crassa & minimè perspicua substantia. Porro Hispanica colore vtcunq; virente, subobscuro adeoq; ingrato conspicitur: ideoq; respuitur ceu vilissima. Indica autem ex herbaceo, cyaneo quodam lactescente nitore gratiam in it nō vulgarem.

garem. Colorem igitur præbet ceu in  
 cœruleum ex viridi, lacteum quiddā  
 perfusum imageris: Rarò citra rimā  
 venulā muerèperta. Probatissima ta- Probatiss  
 men est quæ simplicissima, & persimi-  
 li substantia, purissimoq; & citra om-  
 nem labem colore suam commendat  
 iucunditatem. Mirum quid de diui-  
 nis eius virtutibus caussantur. Noui  
 reuera virum quendam insulanū, mi-  
 hi quidē multa necessitudine deuin-  
 ctum, qui dum viueret Torcoiden in  
 delicijs habebat annuloq; aureo per-  
 petuò gestabat. Is cum fortè, ex læua  
 ægritudine in fata concederet eundē  
 quoq; retinuerat. Tumq; naturę quod-  
 dam veluti miraculo contigit, vt Tor-  
 cois illa, quę superstite etiamnum suo  
 domino cum numerosis sui generis  
 myriadibus de pulchritudine ac inte-  
 gra puritate certare potuisset, tanquā  
 heri sui necem lugens, longè tum ob-  
 scurior adpareret, adeoq; continuo  
 rimam per medium porraceam effer-



ret, vt & hinc tum maximam suæ maiestatis partem deposuisse videretur. Proinde de ea mihi aliquando cōparanda auiditatem abegi. Ego nanque cum ob periucūdas lapilli illecebras, tum ob ingentes vires quibus idem vir, facto periculo, Gemmā eam polere constanter asseuerare solebat: eā si quando liceret, quauis etiam ratione comparare cōstitueram. Sedenim meus me fefellerit error, nam dum in auctione venui expositam, eandem illam litura & vicijs conspersam contempto, hanc alter ciuis vili coēptā è vestigio mihi ostendit. At cum illam ego pristina, ceu postliminio rediuiua synceritate & maiestate (renouato domino) perspicio, occœpi mecū vehementer mirari, inopinatum naturæ ac admiratione dignissimum portentum, deinde & è re nata, meam damnare infelicitatem. Vel hoc euentu coram edoctus diuina quadam lapillū illum facultate donatum esse. Porro  
osten-



ostendendis prodigijs illustris plurimum est Torcois, vt & vix credibili virtute ferentem ab imminente periculo (tanquam videlicet innato contra aduersa quæq; quodam amuleto medicamētoq;) fortiter vindicare celebretur. Adde quòd cor & oculos recreare, & hilaritatē prosperitatēq; adsciscere creditur.

*De Corallio. Cap. XIX.*

**C**Orallium & Lithodendrum ap-  
pellari inuenio, quòd arboreus lapis adpareat. In mari mollius primū crescit, inde verò duratur. Cumq; sub aqua quidem vireat, statim atq; hanc superârit, rubescit. Adstruunt candidas illud intra aquam proferre bac-  
cas, quæ extra eam in sanguineas de-  
generent: easq; & forma & magnitu-  
dine ad hęc & colore corna satiuā re-  
præsentare. Mirum quòd tactum lapi-  
descit si viuit, proinde restibus primū  
reuellunt, aut ferramento acri præci-  
dunt: qua de re Curallium Theophra

stus, à radendo, Græcæ voci alludēs,  
 illud appellauit. Porro arboreum esse  
 Corallium vel ipsius rami palàm ostē-  
 derint. Diuersam præterea à ferro igni  
 to naturam Corallium exhibet: illud  
 nanq; vt aqua, ita & hoc molliore aë-  
 re illico duratur. **Probatio** Commendatissi-  
 mum est quod rubicundissimum, vel  
 albißimum, æquabili vsque quaque  
 concremēto, forma fruticis, ac teren-  
 ti facillè cedens. Quod autem in lapi-  
 dis exactam duriciem coijt, scrupulo-  
 sum, inane, lacunosumq; est, damna-  
 tur. In magna antiquitùs, apud Indos  
 præsertim, fuisse autoritate Coralliū  
 in literis comperio. Hi nanq; pro eo  
 suos olim consueuisse Vniones per-  
 mutare tradūtur. Nunc autem quòd  
 crebrius est, in magno adeò non est  
 precio. **Vires.** Dæmonas infensos arcere  
 perhibetur. Vt & hinc suspicandum  
 sit prudentem vetustatem, Corallio p  
 diuersas formas (non sine licet fastu  
 quodam aut illecebra nunc vsurpe-  
 tur)

tur) effigiato, & ex ordine infilato, preces Marianas docuisse numerare. Magnus illius in medicina usus percrebuit. Quandoquidem refrigerat siccatq; mediocriter: Ideoq; sanguinis reiectionibus & eruptionibus prodest. Album verò corallium à collo suspensum ut stomachum vel pectus contingat, è naribus consuetum fluere sanguinem non rarò compescuisse vidimus. Cor præterea & ventriculū, vel ingestum, vel extra, ut adhæreat ad motum, roborat. Surculos eius pro amuletis infantulorum collis appendunt: fulminibus & marinis æstibus tempestatibusq; resistere æstimatur. Proinde Ioui Phœboq; sacrum putatum est. Religiosum præterea gestamen esse amolendis periculis cōperio, ut decore ac religione gaudeat. Ad hæc & contra vesicæ tormina & calculi mala, in puluerem vstos furculos & ex aqua potos auxiliari fertur: item & lienem absumi, si id medica-



mentum sapius potetur: Oculis dein de prodesse, vlcerum caua explere, cicatrices tenuare, denique & surculos ex vino potos vel ex aqua (si febris urgeat) somnum conciliare Plinius auctor est. Nec desunt qui affirmēt illius pollinem erosio dentibus infarctum, agros dentes radicitus eruere, demū & gingiuas firmare. Commentitium omnino puto quòd Coralli puluere fruges euadant vberiores. Quanquā & Coralli puluerem inueniā amaras aquas dulces efficere.

## De Corneolo. Cap. XX.

**Delineatio** **C**orneolus Gemma est vulgaris minij colore, sublāguido tamē, ceu videlicet in humanam carnē perspicuitas perfusa sit. Rheno frequentissima est. **Probatio.** Probatur quæ purissima iuxta ac nitidissima consistit substantia, colore carneo translucido. **Vires.** sanguinem propalā cōhibet, liuentes dentes suo polline emendat omnem  
ab



ab eis detergens sordem. Iracundum  
animum placare creditur.

*De Cyaneo Græcis, Cœruleo Latinis, vul-  
garibus autem Lazuli vocato  
lapide. Cap. XXI.*

**M**Agnam profectò autoribus pe-  
perit obscuritatem, legentibus  
verò perplexionem, cœrulei seu cya-  
nei nominis diuersa significatio: alijs  
scilicet sub hac voce cœruleam hare-  
nam cum cyanea Gemma cōfunden-  
tibus: alijs autem solam eadem dictio  
ne metallicam arenam complectenti-  
bus. Plinius nanq; naturalis Historiæ  
lib. 33. capite vltimo ita inquit: Cœruleū  
arena est, huius tria genera fuere anti-  
quitus: Aegyptium quod maximè p-  
batur: Scythicum, hoc diluitur facilè,  
cumq; teritur in quatuor colores mu-  
tatur, candidiorem, nigriorem, cras-  
siorem, tenuiorem ve. Præfertur huic  
etiamnum Cyprium. Accessit his Pu-

„teolanū & Hispaniense, arena ibi cō-  
 „fici cœpta. Dioscorides item libro 5  
 „cap. 97. sic habet ad verbum: Coerule  
 „origo ex ærarijs metallis est. In Cypro  
 „copiosus ex arena litorali, secundum  
 „quosdam sub cauatos specus maris  
 „inuenitur, quod & magis probatur.

Galenus verò Simplicium pharmaco-  
 rum libro nono, inter metalla Coeru-  
 leum reponit. Deinde Paulus Aegine-  
 ta de coeruleo, Dioscoridis sententiā  
 penè ad verbum refert: quam etiam  
 Plinius, eo quo diximus capite, imita-  
 tus palàm ostendit nō de Gemma ser-  
 monem se facere, sed de metallico coe-  
tarrosaruleo: quod tarrosa quadam substan-  
 tia, non tamen lapidea, consistere ad  
 oculū videre est: vt vel hinc in cōfesso  
 esse debeat, ijs locis autores illos Dio-  
 scoridem, Galenum, Paulumq; (dico)  
 nō de Coeruleo lapide Cyaneāue Gē-  
 ma differuisse, verū de metallico il-  
 lo Coeruleo quo ad generosas imagi-  
 nes pictores vti cōsuevere, Galli azu-  
 rum

rum vocant. Sedenim Plinius idem ille libro 37. quem Gemmis dicauit ita habet: Reddetur & p̄ se Cyanos ac cōmodato paulo antè laspidis nomine colore cœruleo. Optima Scythica, dein Cypria, postremò Aegyptia. Adulteratur maximè tinctura, idq̃ in gloria regis Aegypti ascribit̃, qui primus eam tinxit. Diuiditur autē hęc in mares foeminasq̃. Inest aliquando & aureus puluis, non qualis in Sapphirinis: Sapphirus enim & aureis punctis collucet, Cœruleæ & Sapphiri raroq̃ cum purpura. Optimæ apud Medos, nusquam tamen pellucidæ. Quibus verbis statim ab ipso limine videtur Plinius utrūq̃ confundere, Cœruleū scilicet metallicū Gemma cœrulea. Primū quidē vel hoc maximè, q̃ Scythicæ, Cypriæ & Aegyptiæ rationē habuerit, quemadmodū etiā superiore libro 33. de arenoso Cyaneo singulariter agens Cyanei Aegyptij, Scythici & Cyprij meminit. Hinc reuera non



mediocrem hos locos video imposuisse difficultatem viris etiam doctissimis, alijs videlicet de vtriusque confuso Plinium intelligentibus, alijs de solo arenoso cœruleo hos torquentibus sermones, autorem insimulantibusque, tanquam hanc inter Gemmas arenam malè collocarit. Inter quos Hermolaus ille Barbarus, vir alioqui peritissimus ac de re medica & Plinio optimè meritis (pace tanti viri, pro veritate tamen, dixerim) nescio qua iudicij adumbratione percussus, non veretur Plinium negligentiae calumniari. Mihi verò (absit omnis arrogantia) Pliniana lectio rectius consultiusque hoc loco, id est libro 37. cap. 9. castiganda videtur, & in hunc modum suo auctori reponenda. Red-

detur & per se Cyanos nomine, accōmodato paulo antè laspidi colore cœruleo. Vt his scilicet verbis & laspidis & Cyaneæ Gemmæ substantias convenire quidem, sed colore alterum ab

al-

Castigatur  
Pliniana le  
ctio lib. 37.  
cap. 9.



altero discriminari declaret ostēdāt-  
 que, vt & quis ex Iaspide Cyaneum la-  
 pillum ementiri posse intelligat si illi  
 colorem cæruleum addat. Cui & id  
 optimè adstipulatur quod mox sub-  
 nexuit: Adulteratur (inquit) maximè  
 tinctura. Quòd demum hoc loci Pli-  
 nius non de cærulea harena differat,  
 manifestant hæc eius subiecta verba:  
 Inest aliquando & aureus pulvis, cum  
 ijs quæ sequuntur quæq; suprà retuli-  
 mus. Nam & ea non arrosæ illi hare-  
 næ, sed Cyaneæ (vulgato nomine La-  
 zuli vocatæ) Gemmæ ita adamussim  
 consentanea esse cōstat, vt nemini du-  
 bium (meo tamē iudicio) esse debeat  
 Plinium hoc loci de sola Cyanea gem-  
 ma agere: neque etiam facilè creden-  
 dum fuerit tam celebrem autorem,  
 ac rerum naturalium tam indefessum  
 acrem ac peritum indagatorem scri-  
 ptoremq; vulgarissimā hanc gēmam  
 latuisse. Neque etiam vel leuiter suspi-  
 candum puto quòd agnitæ nusquam

meminerit, quum præsertim diligentissimum sese naturæ mirabilium perscrutatorem, præconem, promulgatoremque semper exhibuerit. Sed neque huic nostræ opinioni refragatur quæ citatis locis Aegyptij, Scythici, Cyprijque Coerulei meminerit. Quid namque impedit utramque coeruleam arenam dico ac Gemmam Cyaneam, tribus iam indigetatis locis oriri? Sedenim libri 33. cap. ultimo Aegyptiū maximè probari scribit, secūdo loco Cypriū, nouissimo verò Scythicū reponit: quibus accessisse adnotauit & Puteolanum & Hispaniense. Vbi verò de Cyanea gēma (quæ ei Cyanos per se vocatur) hoc est libri 37. cap. 9. scribit, omnibus Scythicam præferri dicit. Dein Cypriam cōmendat, nouissimam autem Aegyptiam æstimat. Ecce quam hīc ultimam facit, illic primam effert: Vt & hinc non de iisdem Plinium diuersis his locis scribētem intelligere debeas. Quinimò Sapphi

run

rum hoc capite cum Cyaneo lapillo  
 postea complexus, ita inquit: Cœruleæ  
 & Sapphiri rarò (vbi etiam coniun-  
 ctionem quæ semouendam puto) cū  
 purpura, &c. His ego certè rationi-  
 bus eò sum adductus, vt Plinium illis  
 locis non de arena Cyanea aut Gem-  
 ma tantum, sed libro trigesimo tertio  
 de arenoso Cœruleo, libro autem tri-  
 gesimo septimo de Cyanea Géma ca-  
 piendum existimem. Quis enim (ob-  
 secro) tam inertis, aut in Plinium alio-  
 qui grauissimum autorem tam infen-  
 so ingenio fuerit, vt ea quæ Cyaneæ  
 Gemmæ (emendata licet lectione) Pli-  
 nius propalàm tribuit, arrosæ illi a-  
 renæ quadrare inaudiat: quam ne-  
 mo lapidea substantia vel puluere au-  
 reo gloriari rectè quidem dixerit? Po-  
 tiùs itaque Lazuli vulgò nuncupa-  
 tæ Gemmæ consentire hæc profe-  
 ctò videbuntur: cū ea substantia sit  
 lapidea, laspldi scilicet germana, au-  
 reūque puluerem coram ostentet.



Qua dere subinde vehementer mirari subiit, hoc loco Plinij sensum tot tamq̃ celeberrimos authores Plinianæ lectionis etiam studiosissimos hætenus (quod legerim) ita fugisse, ut vtrumq̃ confuderint, magno humanæ conditionis detrimento: dum nempe apud omnes ferè seplasiarios harena pro Gemma in medicandis corporibus quàm ineptissimè vsurpatur. Sed

Eò nempe hæc quorsum† Nancq̃ ut melioris doctrinæ gratia omnem de medio tollemus implicationem, & aliquam Pliniano sensui adferremus restituere-

Descriptio mûsue lucem. Est itaq̃ Cyanos, Cæruleæue Gemma lapillus substantia quidem Iaspidi haud absimilis, colore Cæruleo. Probatur aureo pulvere cósperfa. Vnde & stella tum lapidem

Probatio. dici inuenio, quòd stellis similiter luminis expositus aureo pulvere scintillet. Præfertur quæ Cæruleum sui nominis præstantissimum (quem nostrum Azurum vocāt) colorem assequitur

con



consimili vnde quaque substantia & concremento. Lapis est sculpturæ nō vsque adeò contumax. Vidi ego ex eo Cantharidem tam affabrè tamq̃ graphicè conflata, vt eminus veram iudicarem: puluere nimirum aureo tam appositè, quod in animante fuluum natura fecit, imitante, vt eum lapillū ad id muneris procreatum quiuis sanæ mentis non immeritò iudicasset.

Porro quòd ad vires attinet. Aduersus melancholicos affectus eius <sup>Proprietates.</sup> pollen toties ablutus, dum eius dilutum peregrinum nullum præ se ferat saporem, efficacissimè ingeri, literis & experientia confirmatur. Melancholicum enim humorem per inferna deponit, non lotus verò, cum infernis superiora, nō citra magnum laborem, commouet. Nec desunt qui pueris à collo gestatum nocturnos arce-re pauores testentur. Oculorum aciem reficit atque demulcet. Collo appensus prægnantes ab abortu adserere p-

FRANCISCI RVEI

hibetur. Volunt autem appetente partu femoueri.

*De Chelidonio. Cap. XXII.*

**C**Helidonius vel Chelidonia (utroque enim genere dicitur) lapillus est parvus, perspicuus minimè: è iuencularum Hirundinũ ventre exëctus. Mense Augusto, Luna crescente, reperiuntur optimi, magnaq; ex parte bini, aliquando autem singuli, in earum scilicet ventriculis aut iecusculis. Dicũtur nanq; (autore Plinio) matres exclusis pullis hũc dare lapillum deuorandum. Inuenio & hĩc quoque solertissimæ naturæ non supprimendum miraculum: nempe quòd illarũ pulli per coniuncta rostra in sese recõditas has gemmas prodant. Dicunt etiam & has debere erui priusquã primigenius pullus terram contingat. Quanquam ne hoc quidem sua vanitate carere putem. Hanc bifariam discriminari tradit Plinius: aut enim est ruffa, aut nigra, vel potius ex pullo nigri-

Generatio  
nis locus.

Naturæ ad  
mirandum  
miraculũ.

Differetię.

nigricās, hirundinum vel pauonum colore, minimeq; pellucet, sed aspectu ingrata visitur. sunt & earum aliquæ, parte quidem vna nigricantes, altera verò purpurascences, nigris intercurrentibus maculis. Probatissimas esse <sup>Probatio</sup> comperio quæ substantia purissima ac simplicissima, & aureis guttis insigniuntur. Porro singulæ tametsi in- <sup>Vires.</sup> iucundæ sint & pusillæ magnis tamē virtutibus præditæ adstruuntur, vt & de ipsis rectè id occini possit:

*Regnat in exiguo præcellens corpore virtus.*

Ruffam siquidē sub ala sinistra gestatam lunaticos, hoc est, comitiales, insanos, & languidos sanare perhibent. Præterea & facundiam, & apud homines gratiam, promouere confirmant. Nigricantem verò similiter portatam testantur reges & principes conciliare, & coepta negocia pro animi sententia absoluere, omniumque gratiam inuitare. Eius verò ex aqua

dilutum, oculorum aciem reficere dicunt. Neq̃ superstitione vacare puté quòd ruffam in panno lineo mundo, nigram autem in croceo tantum inuolutas suis præstare potestatibus nungantur, cui & id accedit quòd parentibus præsentibus erutis vires effluât.

Cōtra Am-  
stelreda-  
mum.

Hic magna mihi profectò incescit admiratio de viri cuiusdam de literis alioqui bene meriti, non leui oscitantia qui in scholijs suis in Marbodeum vbi agit de Chelidonia, autorem citaturus quò Chelidoniam Gemmā oculis ostendere proficeret, Plinium adduxit libri 8. cap. 27. & libri 25. cap. 8. & 12. quibus in locis non de Gemma, sed de eius nominis herba palàm est Plinium differuisse. Siquidem, vt rem per capita ex ordine recenseamus, ita habet dicti iā capitis 27. titulus: Quæ animantia quas herbas ostenderint cerui, lacerti, &c. Demum in contextu de Chelidonia agēs ita infit: Chelidoniam vsui saluberrimam hirundines



nes monſtrauere, vexatis pullorū ocu-  
lis illa medentes. Deinde libro 25. vbi  
cōſtat Plinium de herbarum viribus  
diſceptationem ex profeſſo inſtituiſ-  
ſe, capite octauo ſi habet: Anima-  
lia quoq; inuenere herbas, in primis  
Chelidonium: hac enim hirūdines o-  
culis pullorum in nido reſtituunt vi-  
ſum, vt quidam volunt erutiſ etiam  
oculis. Capite deniq; eiufdem lib. 12.  
poſteaquam Centaurium vtranque,  
maiorē ſcilicet & minorem oculos  
iuiuare tradidit, ita ſubneſcit: Iam Che-  
lidonia ſupradictis omnibus mirē p-  
deſt. Ex quibus luce meridiana clari-  
uſe eſſe cōſtat Plinij locos hos. ab Am-  
ſtelredamo noſtro citatos non poſſe  
ad Chelidonium Gēmmam torqueri,  
verū de ſimilis nomenclaturæ her-  
ba tantum debere intelligi. Quæ ideo  
annotauimus ne quis eius auto-  
ritate falſus, in ſimilem  
errorem impin-  
gat.

FRANCISCI RV EI

De Aetite. Cap. XXIII.

**A** Etitæ quatuor genera refert Pli-  
nius, vulgato tamen nomine sin-  
guli, Aquilæ lapides vocâtur. Vidi e-  
go cinereo colore Aëtiten, alterû al-  
bo, tertium pullo. Sonitu dignoscun-  
tur si quatiantur: tum enim in sese cõ-  
ceptum lapillum manifestè produnt.

Genera.  
Probatio.

**D**elineatio Lapis est cortice duro, scabro & mini-  
mè leui. Sunt qui aquilam in nido ma-  
rem & foeminam habere adstruunt, ne-  
gantq; illam sine eis oua parere: ideò-  
que solis ijs quæ è nidis eius alitis eru-  
tæ fuerint vim medicam concedunt.  
Nihil igne hic lapis deperdere credit.

Virtutes.

**P**orrò Aëtites grauidis, quæ ob vteri  
imbecillitatem foetû ægrè continet,  
brachio sinistro alligatur magno ea-  
rum vsui, parturientibus autem bra-  
chio amoueri debet: foeminibus item  
alligata citra dolorẽ (notatu dignû)  
foetum dicitur extrahere. Nec desunt  
qui hanc velint statim à partu auferri,  
ne vterus sequax partum vitiet. Mirû  
quòd

quòd furem prodere fertur si quis in pane conditum offerat: neque enim mansum, vel etiam cum ea decoctum quicquam, furem deuorare posse cōfirmant. Tritum & cerato exceptum comitiales strenuè iuuare comperio. Mitto quæ de hoc lapide præstigiōsi illi ac toto cœlo aberrantes magi nugantur: neque enim vxorum furta deprehendere, vel futura præſagire hūc citra incantamēta posse crediderim. Quòd ego quæ de furis proditione prænotauī, referrem, si non autorum t̄grauitas & fides reclamaret.

† Ridicula  
& non digna fide  
grauitas.

*De Magnete. Cap. XXIIII.*

**N**atura, vt saxi vocē homini obloquentem, immò & Echo resonantem dedisse videri potest: ita & Magneti sensum manúsque tribuisse quodammodo non ineptè existimetur. Ferri nanque indomita prope modum pugnacissimaq; natura trahēti illi extemplo cedit, vtq; propius accessit ab eo continetur & quodam

Nomina. veluti cōplexu cohæret. Sunt qui ab inuentore, ita vocato in India pastore, nomenclaturæ illius rationem adferant: quibusdam autem Siderites, alijs Herculeus nominat. Hic tametsi in Ida primùm repertus sit, passim tamen apud Hispanos & in alijs quoq; locis nascitur. Qui verò à Troade petitur, quī & albus pumici haud absimilis comparet, foemineus est, & non vsque adeò efficacis potentia, ideoq; respuitur. Aethiopicis laus & præcipua commendatio, ijs præsertim qui ad cœruleum magis inclinant, quales maximè in Aethiopia Zimiri regione arenosa reperiri inuenio. Aethiopici argumentū est, quòd Magnetē quoq; aliū trahit. In metallis ferreis oritur. Hunc Germani atq; Itali habent, ferrugineo tamen seu pullo magis colorati: † quod qua parte cœruleum propinquiùs refert, acriùs trahit. Autor est tamen Diogenianus, probatissimū Magnetem argenteo deò similem esse

vt



ut incautos facilè fallat, quem & ad maleficia præstantiorem esse testat. Porro omnibus præfertur qui maxi-  
 mè trahit, & qui vltus Hæmatiten fer-  
 rere præsentat. Quod autem ad vires Probatio.  
 attinet; Potus triobolorum pondere Virtutes.  
 ex succo foeniculi hydropicis aquam detrahit: ferro item intoxicato vulne-  
 ratis præsentis remedio subuenit, ocu-  
 lorum medicamentis imponitur, præ-  
 terea & ad epiphoras: adusta verò cre-  
 matus tritusq; sanat. Commentitiū  
 puto quod de Magnete quidam nu-  
 gantur: Nempe quod in somnis igno-  
 rantis foeminæ capiti subditus, adul-  
 teram lecto deturbat: fidelē verò p-  
 bamq; vxorem ad mariti amplexus,  
 etiam dormientem, proleçtet. Va-  
 num insuper nec ère publica esse iu-  
 dico, quod quidam Magnetem furi-  
 bus suo fumo atq; nidore vsui esse nar-  
 rant: quasi scilicet ad furta lapis natus  
 sit. Hic subit vehementer mirari, ad-  
 miratione non vulgari dignam huius

FRANCISCI RVEI

lapidis tractricem virtutem, qua videlicet ferrum non solum quod contingit coram trahere, verumetiam & <sup>tcontactu</sup> suo <sup>t</sup>collisu similes in id transferre vires trahentes, vnde & aliud quodcunque congenium ferrum conuelliere possit, vt viderim non rarò plures acus hac ratione sese suspendere, tanquã scilicet mutuis sese manibus inuicem comprehendissent. Quinimò nō desunt qui facto periculo affirmare audeāt, ferrum à Magnete in libra posito tractum nihil Magneti ponderis adijcere, ceu nempe ferri grauitas vi lapidis absorbeatur. Porrò tractricē hanc virtutem ab vrsa coelesti Magnetem mutuatum esse coniectant, <sup>taffricta</sup> argumento quòd acus hoc <sup>t</sup>affricta liberè in solaribus horologijs pendens ad Vrsam saltem minorem ferè moueāt, Magnetis potentijs acum sequacē trahentibus: vrsa verò vtrūq; acum & lapilli in ea virtutem, ceu sibi affiné congeneamve, conuellente atq; alliciente,

te, eadēmq; visus hoc appetente. Quod si ita est, facultas illa Magnetica ab initio perfusa est, tum perpetuo Vrsæ radijs & influxu vegetatur. Proinde si quis eorum quæ de lapilli huius trahente potestate diximus, rationem expetat; non in scitè responderi possit virtutis eius causam esse cum lapilli specificam formam, tum eius germanitatem cum ferri natura, & eorum quidem vtriusq; cōsensum cum Vrsæ illa cœlesti, cui & obnoxior sit lapillus ipso ferro. Quibus & id ad stipulari video, quòd solum ferrū Magnetis viribus patere palàm conspiciatur, easq; contumaciùs retinere perpendatur: Ad hæc, quòd (auctore Plinio) vulnera asperiora sũt ferro Magnete cōtactō. Porro huic lapidi contrariā inuenio Theamedē Gēmā, omne à se ferrū respuentē profligantēq;. Est & Plinio genus aliquod Magnetis, vitri liquorē alliciens. Lapillo itē illi cum allio discordia est nō

Theamedes lapis.

Discordia.

†traſtricē obſcura:is ſiquidem alio illituſt con-  
 uultricem omnem facultatē perdere  
 fertur. Diſſidet etiam cum Adaman-  
 te, qui & iuxta poſitus illum trahere  
 non ſinit, quinimò cōuulſum iam fer-  
 rum admotus ilico reuellit. An au-  
 tem vires hæ occultæ mirificæq; Ca-  
 codæmonum impoſturis adſcribi de-  
 beant:an potiùs inde auidiùs admirā-  
 dus atq; laudandus Dominus omniū  
 creator Deus, ac per ea quæ in hoc la-  
 pide facta ſunt, ſempiterna eius virtus  
 & diuinitas magis cognoscenda, & in-  
 mirabilibus ſuis operibus benedicen-  
 da, tuum eſto iudicium Lector.

*De Hæmatite. Cap. XXV.*

**Q**Vando ſuperiore capite Hæma-  
 titis meminimus, nō ab re quæ-  
 dam & hīc de eo recensere operæpre-  
 cium videtur. Duo itaque Hæmatitis  
 genera Plinius facit: Alterū à Magne-  
 te cognominatum, ſanguineo exteri-  
 us colore, ideoq; trituſis ſanguinē re-  
 fert



fert, ferrum tamen Magnetis modo minimè trahit. Hunc pro vero Magne-  
te à non paucis pharmacopolis dam-  
noso errore venundari vidimus. Alte-  
rum autem Hæmatiten dicit, idem Pli-  
nius venis rubentibus discerni, hoc  
est ab optimo descivisse iudicari: ita  
enim Plinium intelligo. Hic siquidem  
Dioscoridi probatissimus est, nō qui  
intermistas habet venas rubentes, sed Probatio.  
qui puro colore (vt eius verbis vtar)  
niger est, durus, in se æqualis, & nulla  
infectus sorde nulloq; zonarū excur-  
su. Itaq; duæ nobis præcipuæ hæmati-  
tis species relinquuntur: Altera exte-  
rius rubens, interius autem nigricās,  
vt Magnetis colorē quadantenus imi-  
tari videatur: altera verò omni ex par-  
te nigra. Quanquam nec me fugiat a-  
lia etiam à Plinio numerari illius fasti-  
gia, verum duo hæc nostro instituto  
suffecerint. Neq; enim de singulis Gé-  
mis, sed de selectissimis vulgatissimis-  
que differendum suscepimus. Porro

# FRANCISCI RVEI

**Virtutes.** quod ad vires attinet: oculis cruore suffusis mirè prodest, muliebri profluuium sistit, & cum mali punici succo ijs qui sanguinem reijciunt confert. Vesicæ præterea utilis est, & serpentium ictibus. Ex lacte oculos à lachrymis vindicat. Imò & ipsos procidentes ingenta vi continet cohibetque. Calfaëtorix & extenuatorix est facultatis.

*De Succino. Cap. X XVI.*

**V**ariæ multùm de Succini ortu autorum sententiæ sunt. Prætermisissis tamen de eius origine & natura opinionibus diuersis, sed & de eo ridiculis Poëtarum fabulis, in India atq; Germania Plinius tradit nasci de fluente tmedulla arboris è pinearum genere: quemadmodum è Ceraso, gūmi, & ex Picea, resina redditur. Erumpere nanq; humoris abundantia, succumq; primum esse, dein verò vel rigore vel tepore autumnii densari atq; durari confirmant, & intumescenti-

bus

**Genesis.**

Plinius lib.  
37. ca. 3. p.  
medulla  
mâlim lachryma  
uel resina.

bus tandem marinis æstibus rapi, ac in littora nonnunquam transportari aduersa. Indeque succino nomen, quod pini arboris succus esse credatur, argumento quod attritum pineum refert odorem, accensumque tedæ modo nidore flagret. At liquidum primo stillare indicio quidem sunt quædam intus translucientia. Porro succinorum Genera tria esse præcipua genera literis proditum est. Primum, quod melleo colore conspicitur: secundum, quod Phalerum vinum: tertium, quod candidum refert, quod & odore præstantissimum est. Probatio. Præferunt quidam Phalerum, fuluum scilicet ac translucens consimili vnde quaque substantia & cōcremento, ea tamen lege ut nō nimio ardore flagret, sed leuem tantum ignis ostendet anhelationem, non autem igneum fulgorem adsequatur. Apud multos autem album odoris illecebra commēdat. Rude quidem primum & austerum legitur, tandem verò adipe

lactentis suis incoquitur, deinde ex-  
 politur. Porrò quod ad succini vir-  
 Vires. tutes spectat, infantibus pro amuleto  
 ligari, lymphationibus pdesse, ac lo-  
 tij difficultatibus, inuenio. Præterea  
 in polline exhibitum albos menses,  
 stomachi fluxiones, ventusq; proflu-  
 uia sistere, crebro didicimus experi-  
 mento. Cor & cerebrum vel odoris  
 præstantia propalàm recreat. Ex mel-  
 le teritur ad oculorum finiendas hu-  
 miditates. Attritum & calfactum fe-  
 stucas, quisquillas & leuissima quæq;  
 allicit & attrahit, præter Ocimi tamé  
 furculos, quos autore Plutarcho, re-  
 ijcit repellitq;, vnà etiam cum ijs quæ  
 cunq; oleo perfusa fuerint. Succinū  
 seplasiariorum officinis charabe bar-  
 bara Arabum voce dicitur. Hoc gene-  
 Lyngurius re & Lyngurium vel (vt alijs placet)  
 Lyncurium contineri, coloris, substā-  
 tiæ & proprietatum congenæ germa-  
 nitas, multis persuasit: forsitan enim  
 fuerit secundi generis, hoc est, Pha-  
 lerni



lèrni ruborem referentis species quædam ardentior. Fabulosum omnino esse suspicio est, quod plerisq; Gemmarû perscrutatoribus videtur, Lyncurium ex Lyncis animalibus vrinâ harenâ mox à deiectu contactâ, Solis deinde ardore concretâ ac duratâ, consistere.

*De fictitiarum à veris Gemmis differentia,  
& dignoscendi ratione. Cap. XXVII.  
& ultimum.*

**N**on mediocrem fidei ac maiestatis partē Gemmis ademit de republica pessimè meritorum hominû pertinax avaritia & luxus. Quandoquidem inde factum est, vt tam subtili dolo ferè omnis generis Gëmæ adulterentur, vt à fictis veras dignoscere vix sit aliquis modus. Sunt quippè qui ex veris, at vilioribus, alterius generis lapillos ementiuntur: vti iam vus percrebuit multo contumacique

igne Sapphiro Adamãtem fingere, & tanta arte imitari, vt multis hic fucus non rarò imposturam faciat: vocatq; albam Sapphirum. Quibus longè perniciosiores sunt, qui nitro, vitro, ac alijs vilissimis materijs, adiecto coloris mendacio, optimas ita æmulant, vt sua nequitia naturæ opus, sagacissimamq; & inuincibilem artē, tantum non assequantur, qui vtinam à republica amandarentur: suis nanq; id genus fallacijs tam huic quàm auctoribus qui solerti studio & diligentia de verarum Gemmarum natura & viribus doctissimè differuerunt, ita quidem imponunt, vt dum qui ementitas decepti, pro Germanis emerunt, easque ijs non esse præditas facultatibus deprehendunt, quibus philosophi naturales donatas esse confirmarunt, & Gemmas & de ipsis definientes autores vel vilitatis vel mendacij atq; temeritatis damnent, vel etiã ple runq; malè audiant qui certissimas

ab-

absolutissimasq; commendant. Vt itaq; impostorum vitari queant scelotissimi fuci, paucis Gemmarum probandarum rationem persequi libet, Gemmas tandē senescere: Hora probāsis Gemmis opposituna. ubi primum te monuerimus & has multo æuo senescere, proindeque & gratiam & vires sensim multis seculis deponere. Pelluentes igitur lapilli sereno ac matutino cœlo: omnino autem in horam quartam probari debent. Re namq; compertum est ijs horis ac aëris constitutione penitus longè introspecti posse quicquid vicij habeāt. Porro & pondere internosci cō Pondus. perio, quanq̃ & hîc diuersas multum authorum esse sententias animaduertam. nonnullis enim placet generosas grauiores esse: alijs contrā sentientibus, eas scilicet leuissimas minimiq; ponderis esse, quod & factō periculo deprehēdi. nec id citra rationē fuerit. vel hoc præsertim nomine quòd fictitias cum ab ignobiliori adeoq; & minus efficaci agente, tū ex longè obscu

Generosæ  
minoris  
ponderis.



riori ac magis terrestri substantia fieri palàm sit, quibus etiam Plinius ad-  
 stipulatur lib.37.cap.vlt. Experimenta (inquit) pluribus modis constant. Primum pondere grauiores sentiunt. Post hæc corpore: ficticijs pustulæ in profundo apparent, scabritia in cute & capillamento, fulgoris inconstantia, &c. Quibus coràm ostendere videt, quòd à falsis intelligat veras pondere superari. Cui & id suffragatur, q̃ Margaritas præfert, quæ minus graues sunt. Examinantur deniq; & corpore: Ementitis quippe bullæ in profundo comparent, quas & scabra cute & capillamentis, staminum tenuissimorū instar intercurrentibus, cōspicias: fulgore item inconstante atq; iniucūdo, nitore videlicet priusquam aciem cōplectatur elanguido. Certissimarū siquidem splendor colōre non in facie tantum (vt in adulterinis) sed & p̃ omne corpus, quibusuis etiam forma & situ gratissimæ iucundissimæq; viu-

Bullæ emētitas ostendunt.  
 Fulgoris inconstantia.



suntur, ceu scilicet ad sui decoris spectaculum blanda quadam oculos alligant comitate. quò nanq; diutius inspiciuntur, hoc magis delectât, ac gratia non inefficaci illicio obtutus expleant. Laudatæ item limam non capiunt: vt vel hoc solo veras à falsis discernere mangonum magna pars norit. Sunt tamen qui Smaragdum & Topazium excipiant. Deinde & ignibus propinquæ non spurix, illæ sæ euadunt: excepto tamen Chrysolectro ignium rapacissimo. Ad hæc duriores maxime commendantur, nimirum quòd lapidi propria sit durities. Quòd autem ad optimarum delectum pertinet, æqualibus cauas vel extuberantes postponunt. Oblongas quadratis prætulit antiquitas: verum nunc anteponunt quadratas, vt quibus angulosis minima olim fuerit autoritas, nunc versa vice clarior sit gratia. Illas sequuntur quæ lenticulæ formâ, deinde quæ triangulæ. Omniū verò nouissimæ æsti-

Argumentum à lima

Experimentum ab igne

Laudatorum electio.

## *FRANCISCI RVEI*

mantur rotundę, quamuis forsitan omnibus præferri deberent si figuræ rationem spectes.

*Epilogus.*    Nostriſ verò his lucubratiunculis ad vmbilicum tandem perductis, poſtremò te quoq; beneuole lector, admonere viſum eſt, nil tibi mirum eſſe debere, quòd Gemmas quandoque maſculino, aliquando autem fœmini no genere ſcripſerim, nimirum cùm vtroq; genere ac promiſcuè illas collocari apud claſſicos autores crebrò legere ſit. Cuius quidem rei vel vnicus mihi teſtis & autor eſt idoneus Galenus ille Medicorum ab Hippocrate abundè princeps, libro 9. ſimpliciũ pharmacorum.

*F I N I S.*

## AD LECTOREM.

**H**Orum librorum author Rueus, præmiserat bene longam Purgationem siue Apologiam, qua Anonymi cuiusdam censuris in hos libros respondet, & in hoc plurimus est. Figuris certis lapidum seu Gemmarum certo tempore insculptis, peculiare quasdam vires coelestes influere. Eam nos propter prolixitatem simul, & quod synceriori religioni non consentanea, sed Magica potius videretur, omisimus. Excerptimus tamen pauca quedam, quæ nec superuacanea nec indigna cognitu videbantur, Theologorum præsertim quorundam testimonia: quæ hîc subiecimus.

Quæ de auro Leonis effigie consculpto narraueram, Censor meus (in prima æditione) oblitterauit: tametsi ego me narratorem præbueram solû sententiæ quorundam philosophorum nõ vulgariû, de viribus auro leonis effigie

## AD LECTOREM

ritè insignito à cœlo transfusis: corū  
verò opinionem probaueram minimè. Et multis interpositis, Bonauenture verba recitat, ex libro 2. Distinct.  
„ 12. Quæst. 2. Art. vlt. Dicunt philoso-  
„ phi, quòd corpus cœleste mediante  
„ suo lumine influit vsq; ad profundū  
„ terræ, vbi mineralia corpora generari  
„ habent: & quantum ad hoc verum di-  
cunt. Hoc testimonio Rueus putat  
inferri posse, stellarum radios simili-  
ter in metallo lapillosq; varijs figuris  
consculpta, cum allatis secum pote-  
statibus, posse transfundi: quas vires  
diuinitus (inquit) à prima constitui-  
one, totam speciem consequentes, il-  
lis insitas esse cœlicis corporibus vul-  
tibusq; idem Bonauentura dicit libro  
eodem, distinctione 14. quæstione 2.  
ad finem. Sic Rueus. Sed à cœlo &  
astris vim corporibus inferioribus in-  
fluere tum rebus alijs omnibus, tum  
subterraneis quoq; non opus erat eū  
multis probare, cum id nemo fortas-  
sis



lis neget, veluti naturæ consentaneū. In figuras verò certas, ab homine factas, coelestem vim aliam atq; aliam, prout figuræ differunt, & alijs atq; alijs temporibus, inq; conueniente materia sculptæ sunt, influere, homines pij & Christiani vix concefferint.

Et mox: Singulis stellis (inqt Rueus) suæ insunt facultates totam speciem consequentes: (quas essentielles ac específicas nominaueris) per quas proprijs funguntur munijs. Cui & id eiusdem Bonauéturæ distinct. 4. Art. vlt. quæst. 2. in hunc modum dicentis adstipulatur. Ratio verò qua diuersa imprimunt (subaudi luminaria cœlica) non est, vt putant aliqui, propter diuersitatem qualitatū: sed ex parte diuersitatis virtutum. Quia enim conditor mundi corpora cœlestia incorruptilia posuit ad regulandum & regendum corruptibilia, quæ sunt diuersa & multiformia, dedit eis virtutes consequentes suas species, secun-

## AD LECTOREM

dum quas diuersa luminaria aspectū habent ad diuersa elementa, & ad diuersa corpora mineralia: hætenus Bonauentura. Sed hoc etiam concessio non sequitur, ad figuras & res artificiosas quoq; stellis ita suum esse respectum, vt ad naturales. Minimè etiā firmum est ad hoc quod intendit probandum, argumētum à speculo: vnicum (inquit) nec rarum aut incóperatum exemplum his annectere consilij est, speculum scilicet rotundū, leue, cauum nitidissimumq; (solis orbē vel hac ratione referens) quod ob talem figuram & concinnam præparationē, arte tamen hominis sollicitatā Phœbi in se radios tam ampliter efficaciterq; comprehendere palàm est, vt non tantum abundè incaleat, verū suam vsque adeò in propinquum corpus caliditatem transfundat vt id etiā adurere queat.

Et mox: Philosophorū illorū sententiæ Thomas Aquinas doctor sanctus

voca-

vocatus, lib. de fato suffragari videt, vbi dicit, vestes, ædificia & quæcunq; artis opera certam à syderibus suscipere vim qualitatem ve. Quamuis non eam illis admiserim efficaciam, quam legere est non paucos superstitiosos impostores (magiæ id est veræ philosophiæ nomine indignissimos Sophistas) eis tribuere. Sed illas ex arte figuratas rem cum eodem Thoma lib. cōtra Gentiles non negārim, ijs perfundi posse facultatibus, quas euidēs est cœlum herbis rebusq; alijsq; infundere. At apud nos non tanta est Aquinatis autoritas, vt tantum tribuamus imaginibus, vt veluti idololatriā quandā magicā in eis committamus.

Et rursus: Si nanq; (inquit) vel Aquinate autore, per effigurationē vis quædam cœlica similis ei quæ à cœlo herbis impartitur hauriri potest, multas autem herbas calculo tū præuertendo tū deturbādo ac sanādo efficaces esse apud omnes receptū est medi

## AD LECTOREM

cos, adde & longo usu firmatum exploratumq̃, nōne sequitur aurum leonis figura ritè insignitū, arteq̃ conflatum, contra calculum remedio esse posse. Proinde Petrus ille Aponensis conciliator dictus, adstruit medicū morbos figuris pellere posse. Denique Albertus ille multa eruditione magni nomen meritus, Theologiæ philosophiæq̃ professor spectatissimus in libro quem Speculum vocat, ubi à licitis illicita se discreturum pollicetur, adfirmat, figurationes ab astrorū peritis constructas, cælica virtute efficaces fieri, quinimò figuras, dictiones, literas, imaginibus insculpi permittit, ad hoc duntaxat, vt ætherea quædam in eis hauriatur: tametsi pro suo officio abusum damnet: magis autem orationes, suffitus, carmina & id genus superstitiosas ac vanissimas imposturas quibus non pauci eorum qui se magorum nomine, maxima virorum sapientium illustrium nomi-



nis iactura, venditāt, dæmonibus prauis figuris adhibendis vti consueueret. Hæc Rueus. Nos inter Aquinatis, Aponensis & Alberti auctoritatem non magnum discrimen facimus: & ad sacrarum literarum testimonia, piorumq; hominum iudicia prouocamus.

Post hæc: His (inquit) imposituro coronidem subiit his quoq; annectere, Philostratum referre, Hyarchā primum inter Indorum sapientes, septē construxisse annulos, septem planetarum nominibus insignitos & sculptos: eosdemq; Apollonio Tyaneo dedisse, singulis scilicet proprijs statisque diebus (pro dierū & per eos dominantium planetarum discrimine) partiendos deferendosq;. deinde & affirmasse ipsum Hyarcham Apollonio, auum suum philosophum, centū atq; triginta annos simili fretum cœlesti beneficio vixisse. Indeq; Apolloniū ijs annulis magna vtilitate vsum,

AD LECTOREM

centesimo etiamnum anno iuuenem retulisse. Nos Apollonium Tyaneū hominem magum fuisse, & his in rebus autoritate eius cōtrapriū Ecclesiæ cōsensum vti, nefas existimamus.

Deinde Hermetem Trismegistum quoq; suæ sententię authorem facere videtur. Ad quod respondeo: in ijs quæ extant Trismegisti, Græcis, nihil tale reperiri: referri autem ad illum authore spuria quædā & *ἡ δὲ πρὸς τὸν*.

Et inferiùs: Quid ergo (inquit) cuncta quæ humana ratio non complectitur, aut sacra eloquia non confirmāt, dæmonum imposturis dicanda relegantur, vt ne ipsi quidem perspicuæ coram experientiæ credendum ille (meus Cēsor) audeat affirmare? Nōne Pæoniæ radix singulari proprietate comitiales arcet accessiones? huius tamen facultatis ne sapiētissimus quidem philosophus (puto) rationē reddiderit exactam. An propterea vitio dandū fuerit medico, illi affectui sanan-

sanando, Pæonia vti? Ex duobus his  
argumentis, prius diluitur, si reprobe  
mus omnia quæ vel sacris literis pro-  
hibentur apertè, vel quæ optimi & sa-  
pientissimi siue pijsissimi plurimi re-  
probarint, vt omnē in amuletis, ima-  
ginibus & huiusmodi rebus curiosis  
superstitionem, ne dicam, impietate  
& εἰδωλατείας speciem. Pæonia si iu-  
uat, naturali quadam vi, aut si libet e-  
tiam coelesti, iuuerit: sed hoc  
nihil ad imagines certas  
& curiosas.

F I N I S.

CLARISSIMO AC ERV-  
DITISSIMO VIRO FRANCI-  
sco Rueo Medico, Insulis artem Apollineam pro-  
fitenti, frater Paschasius Balduinus ca-  
nonicus Phalempinensis  
S. P. D.

*Hac Epistola super his duobus. Ruei libris  
iudicium continetur primum: deinde de He-  
braicis Gemmarum nominibus, deque ea-  
rum admiratione, usu, abusu, & viribus  
tractatur.*

**P**erlecto libello quem de viribus  
ac natura Gemmarum nuper ela-  
borasti, non potui tibi non gratulari,  
optime Francisce, hoc à te argumen-  
ti genus esse tractatum ac illustratū:  
tum quòd tuam professionem nō de-  
deceret eiusmodi studiorum inquisi-  
tio, tum quòd nos quibus potissimū  
sacris oper nauare opus est, permole-  
sta animi anxietudine atq; labore le-  
uaueris. Ea enim nō nihil ad sacra per-  
tinere nullus, reor, inficias ibit, quum  
tam sedulò ac seriò illis interseratur,  
ac or-



ac ordine disponantur. Atqui penitus ista exquirere, quia per varia prophanorum scripta disperguntur, atque ea mente ab eis explanantur ut ad temporale commodum proficiant, per otium nobis non conceditur. Sed & pontificijs decretis plus nimio eisdem incumbere vetamur, cogimur quoque præscriptis diuinis sacras euoluere literas. Scrutamini scripturas, inquit ipse sacrosanctorum oraculorum conditor, quia vos putatis in ipsis vitam æternam habere, &c. Quod verò Ioannis *Ἀποκάλυψις* locum tibi potissimum delegeris, ibique traditum ordinem tenueris, ac deinceps cæterarum Gemmarum quæ celebriores habentur, non omiseris elucidationem, maximè probo. Certissimum enim ac solidissimum locum qui in diuinis literis habetur, & qui tuo congrueret instituto selegisti, utpote cuius interpretes & auctores idem esset de quo ambigere nepharium sit. Illa autem nomē

Hebraica  
nomina  
Gemmarū

elatio quę in Exodi libro digeritur ca-  
pite 28. incertior ob variam interpre-  
tum translationē, & diuerſas ſcripto-  
rum opiniones habetur. Si voces He-  
braicę perinde compertę eſſent atq;  
Gręcę nulla fuiſſet eligendi ratio, ni-  
ſi fortè quia hæ ad ſacerdotalium or-  
namētorum ſplendorem, illę autem  
ad ciuitatis diuinę cultum & ornatū  
pertinet. Nunc quia Hebraicus ſermo  
pauciſſimis fuit agnitus qui externa-  
rum linguarum habuere peritiā, tū  
ob vetuſtatem, tum ob ſolitariā He-  
bræorum vitam qui ab alijs gentibus  
ſegregati, earum commercijs rariùs  
vterentur. Gręcus autem tam nobis  
familiaris vt in quotidianū vſum no-  
ſtrum tranſierit, meritò quod ſic vſi-  
tatum habetur, præ altero tibi in ex-  
planationis materiā ſumpſiſti, ne am-  
biguis fundamētis iactis totum quod  
ſuperſtrueretur, vacillaret. Hebræi ſi-  
quidem, maximè huius ætatis, tanta  
caligine in horum notitia cęcutiunt,

ut plusquàm talpas exoculatos crede-  
re fas sit: nisi fortè quorundam lapil-  
lorum Hebraica vox in externam lin-  
guam deriuata antiquæ veritatis vesti-  
gia etiam cæteris nationibus relique-  
rit, ac inde à primis auis ad nos vsq;  
permanarit illorū incolumis nomen-  
clatura. Quorum præter Sapphirum <sup>Sapphirus</sup>  
qui ipsis vniuocè quoq; dicitur, & la-  
spidem iaspeh nominatum, nullum <sup>Iaspis.</sup>  
crediderim hac ratione cognitū: tam-  
etsi etiam in Iaspide aliud interpretes  
nonnulli sentiant, eundem in Beryllū  
vertentes, cæterorum nomina ad lin-  
guam nostram translata variant, alijs  
alia suspicantibus. Vnde non satis cō-  
pertum habetur an idem diuus Ioan-  
nes sacris illis gemmis antiquitus per  
Mosen proditis alludere vel conueni-  
re voluerit, quando quidem in nomi-  
num descriptione cum interpretibus  
antiquis non plurimum dissentit, hoc  
est tantum in carbunculo, achate, Li-  
gurio & Onychino, quarū vice Chal-

cedonium siue Carchedonium, Sardonychen, Hyacinthum & Chrysoprasum constituit, vt non satis liquidum sit de interpretum fide, quū iam omnis illorum versio in dubiū à nonnullis vocata sit. Arbitror tamen illū non eosdem lapillos adijcere voluisse, quum onychis, qui apud Mosen inter duodecim Gemmas memoratur nullam mentionem fecerit, quem pleriq; omnes eo nomine ab Hebraica voce scoham tralatum vocitant: nisi fortè Sardonychem idem Ioannes p illo statuerit, quod Iosephus facere videtur. Cuius onychini lapilli in tuo opusculo vix recordatus es, quum tamen præ cæteris in veteri instrumento eius mentio frequētius repetatur. Arbitror id consultò tibi accidisse, q̃ malignioris sit naturæ, nec inter celebriores Gemmas supputetur, neque tantæ sit dignitatis & vsus, vt curæ tibi fuerit illum enucleatiùs explicare. Quod idem in Lyncurio, quem nostra-

stra-



strates theologi aut physiologi Ligu-  
 rium appellitant efficere visus es, nisi Probatio.  
 quodd succini naturam demonstrans  
 eius aliquantulum memineras. Porro  
 cæterorum qui sacris libris continen-  
 tur, quos tamen Apocalypsis non ha-  
 bet, gaudeo te non fuisse oblitum, qua-  
 tenus non minus è re theologica fue-  
 rit, hos noscere quàm illos. Carbun-  
 culum & Achaten Exodus liber cap.  
 28. atq; Ezechiel nobis exhibent, ada-  
 mas quoq; ab eodem Ezechiele cap.  
 3. & à Zacharia vsurpat, quamvis hoc  
 potius interpreti Latino quàm verita-  
 ti tribuerim. Neque enim Hebraicus  
 sermo ibi permittit Gemmam omniũ  
 nobilissimam intelligi: quum duriti-  
 es indidem tantum, non præ signis e- Virtutes.  
 minentia petatur, vt etiam fit è filice il-  
 lic memorato. Intellexerim itaq; pro  
 illo aliquod saxi genus: quod etiam-  
 num Græcus interpret ostendit, in pe-  
 tram eam vocem vertendo. Sunt qui  
 in Exodo ac Ezechiele loco laspidis

adamantem collocent, tanta est Hebræorū oculis offusa caligo. Nec non sunt alij qui pro vitro, quod Iob cap. 28. ab interprete positum est, vocem Hebraicam Zecucith in adamantem vertendam autument. Id ipsum penè in omnibus Gemmis reliquis vsue- nit Hebræis, vt subinde nouam vela- liam pro alia excogitent: sic sunt cæci errorum magistri, quibus illæ diræ à sacro Psalte profusæ imputantur. Ob- scurentur, inquit, oculi eorum ne vi- deant. Est quoq; eodem cap. Iob vo- cabulū, quod in Coralliū trahūt quū nusquam in sacris habeatur: id autem est pro quo, excelsa, traduxit inter- pres Latinus, minus consideratè vocē Hebraicam pro altera sumens. Inueni- mus quoq; alterā vocē, in eminentia, in eodem capite versam, quam etiam volunt esse cuiusdā Gemmæ symbo- lum, Gabis ea dictio scribit. Hæc au- tem dixerim vt tuū consiliū approbē, qui diuī Ioannis Gēmis explanandis,

reli-

reliquas etiam usu & dignitate celebriores non omittendas censueris, in quibus eas quæ sparsim in diuinis literis leguntur, tametsi clarum non sit quæ sint, verisimile fuerit contineri. Non abnuerim tamen illud primum seculum, quo sacræ cõditæ sunt scripturæ, hoc est Mosis ætate, non usque adeò fuisse edoctum ut omnium Gemmarum perno-  
uerit naturas & vires, quum inficiari nõ queamus illud tunc primum omnẽ ruditatem exuisse, & perspicuum sit, ab ætate Plinij non parum immutatam esse earum Gemmarum æstimationem, Gemmarum  
precium. & quibusdam non parum precij accessisse, quum eo tempore primum vel secundum dignitatis locum obtinerent uniones, nunc autem vix quartum fortiantur, Hic, id est sestertium centies una Cleopatrarum Aegypti reginarum Margarita: quæ summa nõ minus estimatur ducentis & triginta quatuor milibus, trecentis quoque & septuaginta quinque ducatis. Potuerunt itaque eo rudi seculo Adamant-

*PASCHASII BALD.*

tes & nonnulli alij lapilli primæ nūc  
indicaturæ fuisse ignoti: & qui maxi-  
mè tunc dignitatis fuere, temporis ac-  
cessione, nobilioribus cedere cœpe-  
runt. Ecce quò me protraxit tuus de  
Gemmarū admiratio. Gemmis & lapillis operosus labor.  
Cernis quis tandem Epistolæ finis e-  
rit, si cuncta examussatim pergam edi-  
cere quæ fœcundum hoc tuum argu-  
mentū parere possit, si mysticas à sin-  
gulis Gemmis significationes eruere  
parem: si duodecim fundamenta his  
lapillis ornata, portasq; singulis Mar-  
garitis extructas, theologorum mo-  
re, ad morum fabricam & sacramen-  
torum expressiōem trahere velim.  
Quem hæc contemplatio, atq; tā de-  
cori habitaculi adumbratio, ad vitæ  
purioris splendorem non pertrahat?  
quis prauos mores ad rectitudinis li-  
neam huius ciuitatis tam speciosæ de-  
siderio non corrigat? quis tam obefæ  
mentis & hebetis ingenij, qui non ex  
his perpendat, quanta mundicie præ-  
pol-



pollere debeant ciuitatem tantis ornatam miraculis ingredi cupientes, quum nihil coinquinatum, vt palàm diuus ipse Ioannes asserit, in illam recipiendum sit. Iam paulisper nō pigebit animū attendere in eos qui horum lapillorum gestaminibus gaudēt onerari, vel vt se ad exercitia spiritalia inde promoueant, quod in illis mirificis vestibis quas sacerdoti magno apparatus legimus, factū credimus: vel vt eorum fulgoribus sese venditent apud vulgus ignobile gloriolam quāpiam ex his captantes, & quiddam diuinum sibi arrogantes, quod Tyrio regi impingit propheta Ezechiel, quē in medio ignitorum lapidum ambulasse suggillat: de quo paulo antè dixerat, Eò quòd eleuatum cor tuum quasi cor Dei. Et pòst, Omnis lapis preciosus operimentum tuum. Eiusmodi homines quis non fateatur degeneris esse animi, qui proprijs ornatus priuati, hoc est virtutibus denu

Cōtra luxū in gemmis gestantibus.

dati, exóticos & externos cultus asciscunt, tiaras, digitalia, cingulos, & qđ non, frequētissimis lapillis infarciūt? perinde ac si in illos vertendi essent, animi natiua ornamenta fastidientes. His hominibus si vel mentis mica inesset, cura diuersa, ea nimirū quæ omne facticium & commentitium aspernatur, in primis appeteretur, quæ honestos mores illis ipsis lapillis designatos induere satagerent. Excellens quidem naturæ opus & nō exiguum miraculum est Gemmarū natura & vis, si spectetur materiæ temperamentum & quædam lucis cū elementari crassitie copulatio, & eo præcellētius quodurabilius: & tam est mirabile, vt ipsa naturam suam totam vim in earū opificium collegisse ac effudisse videat. Quamobrē has gestaturis, quia summo opere intuentium oculos alliciunt, expedit, vt in cuiusdam insignioris operis symbolum aut signum adsumātur, quo mens haud in paucis naturæ gradi-

Admiratio  
earum rur-  
sus, & gesta-  
tio licita  
quæ.

gradibus illas antecellens vegetior,  
& ad suæ operationis promptitudi-  
nem accommodatior reddatur: & ad  
æternam beatitatem, ad quam beni-  
gnus conditor illam destinavit, com-  
pendiosius perueniat. Hoc præcipu-  
um horum lapillorum munus credi-  
derim, quod si defuerit, indignum  
prorsus celsitudini humanæ gestamē  
poterit iudicari, ne vnde corpus qđ  
corrumpitur ornatum aucupatur, in-  
de maius dispendium animus cœle-  
stibus natus incurrat, & ne nimio la-  
pillorum fulgetris addictus, lapideus  
etiam ipse animus euadat, ac proin-  
de à sua conditione decidat: nec ab  
ijs honoris subsidium quærat, qui-  
bus ipse opinionem honoris elargi-  
tur. Hac ratione agnoscant reges &  
pontifices, & quicunque horum ge-  
stiunt adiacenti luce gloriosiores ap-  
parere, eorundē vires, illasq; ad animi  
vegetationē transferant, vt in Sapphi-  
ro sit castitas & cœlestium amor, in

Vires natu-  
rales.

Carbunculo ardens charitas, in Adamante iustitiæ constantia, in Smaragdo facilis humanitas, & in cæteris simile aliquid quod menti virtutem tribuat: ne quiddam simiaticum referât, hoc est, ne sicut simia in purpura fastû quendâ ostendent & se ridendos præbeant. Nolim tamen salubres Gemmarum vires attenuare, corporibus humanis oppidò quàm profuturas, si commodè illis applicentur. Quas vires & proprietates vt reliquarum rerum, corpori humano conducibiles, fuerit physicorum vestigare: illa verò signa quæ mentem moueant, theologorum: vt in eadem re tractent medica physici, & diuina theologi, atq; sic vnumquodq; membrum in mystico Christi corpore, suo munere dignè p-fungatur. Vides optime Francisce, tui libelli lectione me non parum fuisse delectatum, qui tot verbis gaudiû restatum reliquerim, & affectus hos velut œstro percitus vel potius numi-  
ne



ne afflatus ediderim, ne prorsus perditum laborem tuum autumes. Nam si eiusmodi fructus neutiquam sequantur, frustra fuerat à sacris tuum argumentum petisse. quandoquidem luce clarius est in his Gemmas esse memoratas non vt corpori decorando seruirent, sed animi virtutibus vel cōquirendis vel conseruandis proficerent. sed neq; alioqui plurimum de-  
cuiisset eundem libellum cuius ἱσχυρ-  
γὰντων dicare, quibus sacra tractare  
semper incumbit: sed neq; me censo-  
rem statui oportuisset, cuius vires tan-  
tæ rei expediendæ impares sunt. Non  
pauca etenim è philosophorum ady-  
tis, nonnulla è theologorum placitis  
in medium deduxisti, de quibus cer-  
tum ferre iudiciū difficile fuerit, quē-  
do nec summus philosophus possit  
omnibus his sufficere, & theologus  
interdum conuiuebit, nonnunquam  
dissimulabit, modò nihil sit oraculis  
coelestibus ac ecclesiasticis dogmati-

EPISTOLA

bus repugnans. Eiusmodi sentimen-  
torum nonnunquam narratorem nō  
assertorem suspicio, quòd habeas nō  
infimos autores quibus acceptum fe-  
ras quod expromis & quibus te tuea-  
ris, quum liberum sit in plerisq; vtran-  
que partem fouere. De quibus nunc  
esset longius quicquam disserere, prę-  
sertim quū probè calleas quid intus  
habeam. Relinquo sua astrologis apo-  
telesmata, theologorum turbam non  
modò refragentem, sed manibus pe-  
dibusq; illò adrepentem interim dis-  
simulo, de quib⁹ nihil mihi libet nūc  
scribere, quādo prolixior ipse fuerim  
quàm putaueram, præsertim tibi oc-  
cupatissimo, cuius seria inter-  
pellare, piaculi quid-  
dam refert. Va-  
le.

ALARDVS RVEVS ETIAM-  
 num puer, Patris obseruandissi-  
 mili bellum, Lectori com-  
 mendat hoc Ele-  
 giaco.

*Qui legis inuisi conuiuia cruda Thyestæ,  
 Discerptumq; vagis curribus Hippolytum,  
 Oedipodemq; oculis captum: structamq; venenis  
 Medeam, regum bellaq; ficta legis:  
 Qui legis Harpyias, Centauros, Gorgonas, Hydram,  
 Quid nisi monstra, precor, prodigiosa vides?  
 Talia quæ cruciant animum male sana faceffant,  
 Quæq; virum sapiant perlege scripta Patris:  
 Hic vim gemmarum tractat, quæ cognita longè  
 Illarum vincit commoditate decus.*

Eiusdem ad patrem integerri-  
 mum, Epigramma.

*Ecce pater volitant totum tua scripta per orbem,  
 Docta per aternos scripta legenda dies:  
 Nempe tuo exemplo me nostrum nomen in auras  
 Spargere vis: tutum nunc mihi pandis iter.*





CC 12  
12/10/10  
J. W. Lee

SMITHSONIAN INSTITUTION LIBRARIES



3 9088 01169 8495

000

